

# КОМИ ЧЕЛЯДЬЛЫ АНТОЛОГИЯ

---



Коймөд небөг



СЫКТЫВКАР  
2010

84 (2Рос-Коми)  
К63

*Книга издана при финансовой поддержке  
Агентства Республики Коми по печати и  
массовым коммуникациям*

**Лӧсьӧдіс Е.В. Козлова**  
**Серпасалис В.А. Клейман**

*Антология дасьтыны отсалісны: З.А. Прошева (кон-  
сультант), З.В. Остапова, О.И. Рочева, В.А. Лимерова,  
В.В. Тимин, П.И. Симпелев, В.И. Трошева*

**К63 Коми челядьлы антология: Коймӧд небӧг. —**  
**Сыктывкар: ООО «Анбур», 2010. — 336 л.б.**  
**ISBN 978-5-91669-037-8**

«Коми челядьлы антология» коймӧд (бӧръя) небӧгӧ пыртӧма кывбуръяс, висътъяс да мойдъяс челядьлы лыддьӧм вылӧ.

Антология позьӧ лыддыны гортын да школаын урокъяс вылын.

84 (2Рос-Коми)

ISBN 978-5-91669-037-8

© Козлова Е.В., составление, 2010  
© Клейман В.А., оформление, 2010  
© ООО «Анбур», 2010



## ЫЛІ ВОЙВЫВСА ДІЯС ВЫЛЫН

Том дырйи меным вичмыліс уджавны да овны Арктикаын. Сэтчөс уна ді вылын эмөсь станцияяс, көні уджалөны полярникъяс: төдмалөны поводдя да мөдөдөны юөрсө Москваө. Арктикаын олөм-вылөм йылысь көсья висьталыштны тиянлы, челядь.

Белый ді вылын полярникъяслөн вөлі вит керка. Олім сәні кызь вит морт. Ме пуси аслам ёртъяслы... Төлыс сәні нюжалө дас төлысьөдз, шонді оз и мыччысьлы. А мартсянь июльөдз, мөдарө, оз и саймовтчыв.

Тулыссө Арктикаө вайө полярнөй пышкай, кодөс нөшта шуөны пуночкаөн. Лэбачыс ичөтик да варов, морт дорө сибалысь. Петан кильчө вылө и пельпом вылад пырысь-пыр пуксяс, вашнитас:

– Видза олан! А мый сетан меным?

Шыбитан рок коляс, а пышкай өтнас оз кокась: жбыркнитлас-лэбас ёртъяссө корны.

Сэсся воасны ді вылө дзодзөгъяс да уткаяс, ме-дым поздысьны да быдтысьны чужан муын.

Гожөмнас тані муыс прамөя оз и шонавлы. Но быдмөны тані оз сөмын нитш, но и яръюгыд мича дзоридзяс. Уединения ді вылын изъяс пөвстысь

позьö казавны ичöтик, нэриник, чöскыд көра дзоридзьяс – камнеломка. Сійö öд изьяс жугöдö, медым мыччöдны юрсö шонділань. Ми вöлі лов шы кутöмөн мунам сы дінті.

Полярнöй ді вылын олігөн ми синмöс моз видзим ставсö, мый сэнi быдмö да кодi олö.

### УМКА – ЕДЖЫД ОШ

Тшöкыда волывліс миян керка дінö еджыд ош – Умка. Зонъяс ракетницаысь лыйыштöмөн вöтлывлісны сійöс. Укшальöн кажитчысь зверыд кыз тай чепöсьяс пышйыны! Тонна джынйöдз овлö ошлөн сьöктаыс, а котралö зэв кокниа да чожа. Но быдтор тöдны көсйöмыс бара на вайöдö сійöс керкалань.

Öтчыд турöба лунö, буретш октябрьскöй празник дырйи, петкöдi ме сёян коляс шыбитны. Море дорöдзыс мунны полi. Ладнö, мися, лолөн-юрөн ог пудьясь да кильчö весьтас и койыштi коляссö. Друг кылi лёкысь равöстөм да дзик ас водзысь казали ошлысь мыгöрсö! Ог и тöд, кызди йиа туйöдыс исковті öдзöсöдз да пыри. Буретш метеоплощадка вылын ёртным сәки вöлі. Мед эськö эз паныдась сійö скöрмöм ошкöд, морт көкъямыс петісны карабинъясөн повзёдны зверсö, но Умка налы син улö абу сюрöма. Сöмын кок туйяссö кольöма быд öшинь улö, видзöдöма югыд бияс да сьылысь-йöктысь йöз вылö. Гашкö, бурөн локтіс кильчö дорö – чайтіс, мый и сылы чöскыдтор вичмас. Пышйöма тай, тöдöмысь, меысь на ёнджыка повзис.

## РУЧИЛЬ

Висар дед төвбыд вердіс Ручильёс. Кызди пелалас ю вылө ветель видзөдлыны, сідзи и шыбла-лыштас ас гөгөрыс посниджык черисө. Мөд асыв воас сэтчө – Ручильлөн кок туйыс тыр, а чериыс абу. Висар дед долыда нюмъялө. Гортас локтас, а гөтырыс, Григорьевна, броткө: «Дзик тай кага кодь лоин. Картупель кор ягө көчьяслы новлан, өні сэсса ручёс вердан. Эновтөм каньпиянөс да кычиясөс аскөдыд гортө ваян. Керкаад зоосад вөчин!»

Казялөма Висар дедлысь Ручилькөд ёртасьөмсө суседыс, да-й пуктөма йөрдан дорас нальк. Локтас Ручильыд чериөн чөсмасьны, асья выть сөйны, да и шедас налькъяд. Колө чайтны, кутшөм забеднө лои сылы, и кок доймөмсьыс, и мортлөн ылөдчөмсьыс. Чотіктө Ручиль вөрлань, сьөкыд көрт нальксө өдва кыскө – он мынтөдчы. Синваөн бөрдө. Гашкө, и мөвпалө на: мый пө вөчсьө му вылас, некодлы тай оз позь эскыны... Эз өд төд Ручильыс, мый Висар дед эз чайтлы сійөс өбидитны, а көсйис сьөлөмсянь кокнөдыштны сылысь олөмсө да радліс вөр-ваын олысь быд ловъя ловлы.

А суседыс, нальксө пуктысьыс, өшинь пырыс аддзис чотіктысь Ручильтө, кватитіс пищальсө да котөртіс сылань. Со өд, сьөм мынтытөг руч ку, гөтыр пельпом вылас павкнитантор, киас и шедө!

Быдөнлы тай мыйкө дона да колана тайө олөмас. Кодлыкө руч ку, а кодлыкө – и ловъя вөрваыс.





### **АР ДА ТӨВ КОСТЫН**

Сёр рытын овлө сэтшөм здук, кор луныс быттьö кусöма нин, оз нин шыав-сьыв вөр-ваыс разнöй горөн. И сиктыс быттьö чөлöма жö, некод некөн прöйдитысь абу. Вöрса звер-пöткаыс и йöз-ыс узьны водöмаöсь, сöмын абу на унмовсьöмны, кывзысьöны сёр рытъя чöv-лөняс, виччысьöны быдөн аслас шебрас улын, мый бара водзö лоас-а. Нинöм сэтшöмыс оз ло, мый сöмын съод войыс личкас ставнысö шойччан унмö.

Тадзи жö овлө сёр арын, октябр помын нин. Бур тöлыс эз на во, но вөр-васö шуны арсяөн он жö нин вермы. Вөр-ваыс узьны лөсьöдчöма. Кьыддза рас пөрччис тöv кезлö ассьыс мича платтьöсö, кок улас шыбитис, мед локтан тулысö выльысь пасьтасьны-вöччыны. Лым нин мукöд войнас усшьшт-лö, а луннас бөр сылö – муыс шоныдсö видзö на. Ниа лыскыс кö лым вылö киссяс, висьталöны пöрысь йöз, лымйыс бара на сывлас.

Сиктын эмöсь тайö кадыслы моздысь приме-таяс. Генялөн да Васялөн бабыс тшöктис турбыльт-ны керка пытшкын шоммöм капуста латшсö пöд-валö. Орчча керкаын олысь Дöмöй баб пыртис ам-барсьыс дöра кыан стансö, тövбыд пондас кок ув дöра кыны йöзлы и аслыс. Максим Öдöй эз кут

восьтавны өшинь занавесъяссö – төв кежлö мунö-  
ма нылыс дорö да тулыснас сöмын локтас гортас,  
скворечьяскöд тшöтш. Михайлö дед лэччöма карö  
капрон шöртла: кулöм панöма, а шöртыс пö оз  
тырмы. Штатнöй вöралысь Семö Ёгор сельпоысь  
уна прöдукта ньöбис – арся вöрö мöдöдчö. Па-  
вел дядь мездис стенъяс бердö кольöм тулысö на  
зэвтлöм додь сьювъяс, пырталис сараяс. Турун кыс-  
калан туйяс пуксъытöдз совхозлы пондас додьяс  
вöчны. Öкуль тьöt ветлöма сельпо правленньöö  
юавны турипувлысь тавося примитан донсö.

Некымынысь шондöдлöм бöрын кöдзыдыс  
сэсся крута босьтчис, чизыр асыв төв петис да öти  
кöдзыд войö и кöлалис юсö. Воис кад налы, кодъяс  
октымön налим кыйны радейтöны. Вокъяс тöрыт  
на чöвталисны гырысь вугыра октымъяс. Налимыд  
öни горш, кöть мый вылö шыбитчас – шоналöм яй  
тор самав кöть, треска ли, селёдка юр кöть, ставыс  
туйö. Водз чеччисны Геня да Вася, мед урокъясöдз  
вевйöдчыны, босьтисны чер да пыридз, мöдöдчис-  
ны тавося йи кузя катчös. Лымйыс эз на вевъяв  
палькнитны выль йи вылас. Мунны вильыд, кань  
моз кöть гыжъястö лэдз. Кок улын сьöд ваис ты-  
далö, а кор мунысьяс улын рутшнитлас йиис,  
шуштöм лолö сьölöм выланис.

Первой октымас некодi эз вöv, весиг самсö  
абу видлöмаöсь.

– Нинöм, – шуис Вася, – водзын на дас нель.

Мöдас да коймöдас некодi жö абу пырöма,  
но нельöд октымис öтнас вештис челядьлысь став  
ноксьöмсö. Бедь гөгöрыс йисö жугöдöм бöрын Вася  
кутчысис беддяс да пыр казялис – кодикö эм. Кор

тыдовтчис юкмөсас налимлөн уска да съод юрыс, Геня быдсөн бөрынтьчис.

– Васасө ли мый кыскан?

– Энлы. Оз на төр юрыс, юкмөссө ыдждөдны ковмас.

Налимыс эз нин ёна пессы да кокниа шедіс кыскыны. Сійө збылысь ыджыд вөлөма. Геняысь, мерайтісны да, быдса весьтөн на кузьджык.

– Куш сөмын юрсө пуан да, семьялы лун овмөн, – артыштіс Вася.

Мукөдласыс вокъяс нөшта куим налим пер-йисны, но найө эз нин вөвны татшөмөсь.

Со кутшөмөсь миян войвылын арся төлысь-ясыс. Мыйөн найө омөльджыкөсь мукөдысь? Нинөмөн абу. Налы, кодъяс оз аддзыны вөр-валысь мичлунсө арын да төлын, веськодъ и тувсовъя, и гожся вөр-валөн туөмыс-ямөмыс.

## НО И КӨЧ КЫЙЫСЬЯС

Кык друг көч вылө капканъяс пукталісны. Поводяыс первойсө шоньд вөлі, да көчьясыд эз ёна котравны, но регыд көдздөдіс, и ылі ыбъяс гөгөр кузь пеляяс серпасалісны лымъя эрдсө кузяла и пасьтала.

– Ветлам талун, Миша, урокъяс бөрын. Гашкө, мыйкө шедас! – шөпнитіс Вова парта сайын пукалысь ёртыслы. – Физкультура урок вывсьыс кызкө юасям, мед огө пемдөй...

Сьөкыд вөлі пукавны ёртъяслы урок вылын. Пельныс нинөм эз кыв, а син водзаньыс – ыбъяс

гөгөрмоз сулалысь гыөртөм кыдзьяс, на костті кытшлалысь көч кывтъяс, капканъясаныс шедөм көчьясөн.

Физкультура – бөръя урок. Ёртъяс висьталісны велөдысьлы, мый көсйөны талун 15 километраа трасса видзөдлыны, сөталыштны черөн лым улысь мыччасялөм росьяссө, ошөдчөм коз лапьяссө, кодъяс сорөны котралысьяслы. Владимир Иванович гөгөрвотөг эз ов, мый көсйөны челядь, но медся зіль спортсменъяслы эз вермы өткажитны, шуис сөмын:

– Трассасө локтан ордйысьөмъяс кежлө мед вөлі писькөдөма!

Көдзыдыс көть и швичкис ныр-вомө, өдйө мунысь челядь эз кынмыны, сөмын өддзисны таысь. Тювгысисны-исковтісны сэсся джуджыд ыб вывсаянь веськыда логө, медводдза капкан дорөдзныс воисны.

– Тані абу и котравлөма да... дерт, некоді абу шедөма. Мунам водзө, – жугыльмис Миша. Нөшта на и сыысь, мый капканыс вөлі сылөн.

Мөд капканыс тыртөм жө вөліс, а коймөдас шедөма. А радлөмыс челядьлөн! Нөшта кө пө өти – кыкнаннымлы лоас.

И збыльысь өд шедөма... Көчыс капканас ловъя на вөліс. Аддзис кыйсьысьястө, да ёна и чирөстіс.

– Кучкыны колө юрас, – вөзйис Вова.

– Оз ков, – Миша быттө ставсө төдө. – Батьө висьталіс, кыдзи колө винысө, кор ловъя на көчыс. Колө сьөлөмсө жмитны. Вай тувчы капкан пружинаас, а ме босьта сэтысь көчсө да... Вообще, ачыд аддзан.

Миша босьтіс көчсө кузь пельясөдыс да корсис, көні тіпкө сылөн повзьём сьёлөмыс, кутіс надзөникөн жмитны. Доймөмсыйс көч лёкногөн туркнитчис, мынтөдчис Мишалөн киысь да өдйөджык вөрө... Кыкысь чеччыштлөмөн и саяліс кыддза раскө.

– Тадзи тэнө велөдіс батыд, да?– пычиктіс Вова.

– Эз эськө тадзи велөд да... – век на эз эскыссы, ки вылас видзөдөмөн шуыштіс Миша.– Овнысө тай... ёна көсйө...

Рөмдігас нин ёртъяс воисны гортаныс.

Мынөм көч йылысь некодлы эз висьтавыны, а аслыныс век жө долыд вөлі...



## МИШАЛӨН КАНИКУЛ

Мишалөн вежайыс, Иван Михайлович, оліс орчча сиктын. Көть и орчча, а туй кузя кө, лоо километр кызь. Ю кузя нөшта на ылын. Сідзсө Миш Ваньыс Мишалы дядь лоо, батыслөн вок да, но чужом бөрас вежапи выло видзөма. И вежайыс, и вежай гөтырыс ёна радейтісны Мишаөс, асланыс некоді эз вөв да.

Төвся каникул дырйи батыс шуис Мишалы:

– Вежайыд звөнитліс, корис гөститыштны. Юн пө кыйөма – пөттөдзыд вердас. Сылөн и мукөд чериыс на эм, төвбыд тшуптасьө-гымгаасьө да. Миянлы тэкөд көсйис мөдөдыштны и. Сідзкө, ветлан?

– Ветла, дерт. Наысь аслам гажөй бырис. Гожөмсянь нин эг вөв.

Выль во бөрас зэв көдзыд поводдя пуксис, мукөддырйи лэччывліс нелямын вит градусөдз. Татшөм көдзыд рытө и мөдөдісны Мишаөс гөститны вежайыс дорө. Пасьтөдісны шоныдджыка, гөснеч пыдди мыйсюрө пуктісны сумкаө. Буретш веськаліс сельпо машина, коді груз вайөма да өні мунө тыртөг. Мый сөмын тыртөм мешөкъяс сөвтөмаось, да Педь Сандыр лөсйөм чер пуяс мөдөма хозмагө сдایتны. Кабинаас Мишаөс шөрас пуксьөдісны, а веськыдвылас Сандыр дядьыс пуксис, дыркодь ладмөдіс кабинаас пу кок пөвсө.

Кабинаыс шоналөма нин – увсянь пөсьөн өвтө, но өшинь стеклөяссьыс гыөрыс абу на сылөма. Миша весиг оз аддзы бать-мамсө, кодъяс колльөдчөны да век на танось, машина дорас. Но со и вөрзисны. Шофөрыс вөлөма сёрниа морт. Первой Ми-

шалысь быдтор юасис: кутшөм классын велөдчан да кутшөм отметкаясыд, кытчө мунан да. Сэсся Сандыр дядь дорө шыөдчис:

– Уна-ө кульыштан чер пусьыд?

– Мый сетасны, сійө и ладнө. Меным, ачыд төдан, прөстө оз шед.

– Но, дерт, ме нинөм ог шу. Пенсия дорад сод-төдыс оз сорлась.

Шоныд кабинаас Мишаөс вугыр босьтис, сэсся унмовсис. Дыр-ө узис, оз төд, садьмис, а найө сулалөны. Кабинаыс көдзалөма. Шофёрыс капотсө восьтөма да моторас ноксьө. Сандыр дядь водзынджык туй вылас бөрө-водзө ветлө, сөмын пу кок улас дзуртө лымйыс.

– Мый нө лоөма эськө?– матыстчис Миша шофёрыс дорө.

– Лоөма абу лоөма, сулалам тай-а.

Детинка сэсся нинөм эз кут юасьны, мунис Сандыр дядь дорө. Сійө и висьталис, мый кынмөма бензопроводыс, бензиныс оз лок.

– Нөшта кө неуна, васө ковмас лэдзны. Сэсся мый лоө, ог төд. Көдзыдыс пыр жмитө.

– Гашкө, бипур өзтыны, сы дорын век нин гажаджык?– юалис Миша.

– А пескыс кытысь?

– Часлы, кежала вöрас, оз-ө сись мыръяс весь-кавны.

Миша лэдзалис гач кокъяссө да веськөдчис вөрлань лым улысь пес корсьны, да ещө вайны... Көдзыдыс чеплялис детинкалысь нырсө, гегдисны чуньясыс. Мыйтакө шоналыштис джуджыд лымйөд келалөмысь. Аддзис кымынкө вöсньыдик потш,

но вермис чегны сөмын куимөс. Мукөдыс вөліны ёнөсь на. «Весиг черыс абу машинаас, – лөга думыштис шофёр йылысь. – Но көть тайөс колө нуны».

Шофёрыс васө лэдзөма нин да өні кекөначасьö машина дорас. Аддзис Мишаөс:

– Хе! Көсьян висьтавны, мый тайө пес? Тайө кыв өсык. Пескыс кузолас, кайлы сөмын да шыблав.

– Ме тайөс некор ог вөч... и тэ он лысьт. Неуна көть сөвесьтыд колө жө... Инвалидлысь...

– Дугды, пацан! Он-ө нин көсьы менө велөдны? Ачым төда, мый вөчны.

– Он на төд. А чер пуяссө эн вөрзьөд, – друг көнкө пемыдас кывлысис Сандыр дядь. Вензьысьяс эз и төдлыны, кызд матыстчөма.

– Тэ, – индіс шофёрыс вылө, – пырав вөрас песла. Кокыд тай кузь лымйөдыс келавны. Ми көть бипур дорө колям, а Мишалы медся сьөкыд пуд усьө. Сиктөдзыс колис өкмыс километр. Котөрт, пиук, тайө абу нин ылын. Ныр-вомтө видз кынтөмысь. Воан да, вежайыд мед вөв доддялас и өд-йөджык татчө, мила. Со, истөг куд босьт, вермас ковмыны. Мун.

Миша первойсө эськө котөрөн зырөдліс, но дыр-ө котөртан, кор вылысад ватной гач, пась, а ныртө вевттьөма шарпөн. «Бурджык мунны воськолөн», – думыштис зонка. Сы бөрся веськыд-вылас вөтчис төлысь, мед югзьөдны мунысьлысь туйсө, эз көсьы кольччыны.

Көть и төлыся вөлі, но век жө гажтөм мунны войся вөрөдыс. Туйыс петкөдіс нюр вылө, эрд вы-

лө. Но кутшөмкө шыяс Миша век жө кылө. Тайө төвся вөрлөн войся чөв-лөнъыс ворсөдчис пеляс разной шыясөн. Төлысьыс югзьөдіс нюрсө аслыс-пөлөс рөмөн, быттьө йөлөн пызйөма нюрсө и сынөдсө.

«Тайө нюрсө вуджа да нөшта кык ёль, а сэсся туйыс бергөдчас юланъыс», – думайтө зонка. Водзысь, туй вывсьыс, Миша аддзис кутшөмкө съөдтор, коді өдйө матыстчис сылань. «Көин кө?» – вөрзис сьөлөмыс детинкалөн. Сійө перйис зепсьыс истөг кудсө, кыкысь өзтыліс. «Збыльысь али мый көин?» Миша воськовтіс водзө, бара өзтысьліс. «Бөрө косөмсьыс пөльзаыс абу, лёкджык на. Кызджык бедь кө эськө вөлі. А, гашкө, пон да?» Сэсся горөдіс: «Айсы, Айсы!» Пон и вөлөма. Сійө чеччалігтыр матыстчис Миша дорө, исаліс коксө, чеччыштіс морөс вылас. Недыр муныштөм бөрын и вөлаыс паныдасис. Понйыслөн көзяиныс нуөдө больничаө висьысьөс. Сёрнитчисны.

– Сандырөс ме төда, – шуө ямщик. – Вөлі кө өтнам, бөр бергөдчылі-а... Шурин тай со коксө чегөма – быть нуөд. Коді, шуан, вежайыд?

– Миш Вань.

– А-а! Но сійө өдйө справитас делөсө. Вароладжык мун да-й. Но жө! – горөдіс вөлыслы.

Миша водзө мөдөдчис. Сёрнитігкостыс ньылөмвыввьыс кынмыліс да өні бөр колө перйыны шоныдсө. Регыдөн и кык ёльсө вуджис, кайис пожөма ягө. Долюдджык лой сьөлөм вылас, матысмис сиктыс да. Но Мишалы ковмис повзъывны нөшта на. Сиктыс ю мөдлапөлын, а татысянь ю вылас лэччигөн, джуджыд чой йылын, сиктса клад-

бищеыс. Миша төдіс тайös да водзвыв дасьтіс асьсө, туй боксьыс кыліс зэв гораа крапөдчөм, а сәсся: «швач-швач-швач». Мишаөс повзьöмысла быттьö кодикö пуксьөдіс юж вылас. Сәсся пуля моз лэбыштіс увлань, юланьыс. Кьыдзи юсö вуджис, омöля и помнитö. Сöмын сиктас кайигөн нин шыбитчис туй вылас, мед тырөм ловсö лэдзыштны. Пуксис усьпаньвыв, да сöмын сәки вартіс юрас – тайö жö чукчи лэбзис репассьыс.

Сиктыс узьö. Шы ни төв гөгөр. Сöмын көнкө тьяльскышталіс сарайö йөртөм кычипи. Понъяс садьмалісны да пондісны увтны төдтөм мортөс. Иван Михайловичлөн кык понйыс, мөдарө, төдісны да увтöны. Гажаа увтöны.

– Ваня, садьмы, понъясыд кодөскö сөйöны.

Миш Вань кывзыштіс понъяслысь увтчөмсö:

– Мыйла сөйöны? Кодикö тай ас морт, төдөмны. Гашкө, и Миша локтö. Ачыс воас өдзөсас. Но ковмас чеччыны, биасьны.

Миша и вөлөма. Миш Вань топөдліс ас бердас йизьөм-куржөвитөм паськөма вежаписö. Пөрчөдісны өдйөджык. Вежайыс сетіс асьыс шоньд планель пара да паччөр вылысь гын сапөг. Пуксьөдісны пөсь чай дорө.

– Но, висьтав, – корис Иван Михайлович, – Мыйла тадзисö ветлан. Аддза өд, мый подөн локтөмыд.

– Часлы, часлы, – тэрмасьöмысла джөмдалышталіс Миша. – Вөв додьяв өдйөджык да скачит, көні машинаыс сулалө. Сэні Педь Сандыр... Мед көть оз кынмыны.



### **ШОЙЧЧЫ-ШОНТЫСЬ**

Вöрын бипур öзтны кöсьян?  
Сирöd пуысь чагсö лöсьы,  
Тэч рой тош вылö кос ув –  
Кыдз нö сійöс би оз нюв?

Сэсса конда кражсö кыскы,  
Сöмын медым эз вöв лыска.  
И мöd краж на сюрас тась –  
Со и бипур лоö дась.

Пукты юква, пузьöd тшай,  
Шойччы-шонтысь ассьыд пай!

### **ЧЕРИ КЕРЫСЬ**

Батьö бара вайис чери:  
Ёкыш, кельчи, сир да мык.  
Лунтыр сійöс мырси-кери,  
Öнi, майбыр, оз нин тшык.

Черитö ме керны кужа,  
Сöмын кыйнысö ог куж,

Ю вылысь век локта кушён,  
Бөрд көть серав – мудз да руш.

Батьлы мыйлакө тай шедө  
Ёкыш, кельчи, мык и сир.  
Гашкө, сы вöсна, мый метөг  
Öтнас видлалө быд йир.

– Тэысь чериыс тшук полö, –  
Шуö нюмъялөмөн бать. –  
Кыйсьынытö мунтөдз колö  
Кисьыд мыськыны сьöm-гадь.

## ПЫЖ

Озын дорын ме да чож  
Ветки дзоньталім: дзиж-дзож.  
Сывдөм сирсö кисьталім,  
Сэтчö, кыті письтöма.

Потасъяссö – сюялім,  
Упругъяссö – тувъялім.  
Öні, майбыр, ва оз пыр,  
Ветлы пыжнас көть лунтыр.

Зіля чожкөд уджалім –  
Войколавны вуджалам.





### **МЫНЫСЬ ЧЕРИЫД ЫДЖЫД**

Семö Öльöксан совхозын трактористалö. Гöра-кöдза помасис, а көрым заптыны водз на. Кык лун кежлö шойччыны лэдзисны. Со и шуисны ая-пия вуграсьны ветлыны. Югыз войö, кья петтöдз на.

Семö Öльöксан комын арöса. Латшкöсiник тушаа, зэв сөнöд дядьö. Чужöмыс и сойясыс печенча кодьöдз гожъялöмаöсь.

Муса пиыс, дас öтикöд арöса Витьöыс, беринöсь чужöма, вижоват юрсиа зонка, лун-лун вуграсьö, но Мурка каньыслы сöмын вайывлö. А талун батыскöд восьлалö. Ыджыд чери вылö надеяөн. Батыс ведраа да кузь шатина. Киняулас – сак, мышкас – ноп. Витьöлөн шатиныс швичкун кодь дай кокни. Нидзув дозйыс сы ордын жö. Самъясыс стеклö банкаын жуйвидзöны.

Керös горув лэччисны. Вадор грездöд мунöм бöрын арай заводитчö. Войыс югыз, да эжөр-пöвстса ордымыс бура тыдалö. Сиктас ставныс на узьöны, а найö быттьö сюзьяс.

– Ммм-е-е-е!– пидöстöм енэжсянь зэв ясыда да нораа кылис бакöстöм шы. Недыр мысти – бара.

– Пап, кодлөнкö гидсьыс ыжыс пышйöма! Кöинъяс кө кутасны и...

Семö Öльöксанлөн гылыда кодь и серамыс петіс:

– Тайö, пиукöй, абу ыж, а енмеж... Кылан, кыдзи радлö да тшапитчö?.. Ноко, Витьö, енэжланьыс видзöдлы, енэжланьыс!..

Сувтовкерисны ая-пия, чатöртчисны-гоньгöдчисны. А шыла кодь ёсь ныра кулик и вöлöма. Чаль чунь кызта голясö нюжöдöма, тэрыбысь-тэрыба шенасьö сөнöд бордъяснас. Ачыс сьöдкай ыджада и эм, а сэтшöм востер да збой: енэж шöрöдзыс кавшасяс, да муланьыс из моз сунгысьö-уськöдчö. Дзик нин чайтан пасьмуніг, но, мусяньыс метра кымын кольö, да мегыр сямäс вöчö – бöр енэжланьыс тьювö-кайö. Буретш «мегырсö» вöчигөн и енмежыс семдöм бордъяснас шыасьö: «Ммме-е-е-е-е!»

Чудеса!.. Паськыд Му вылад мыйыс сöмын абу. Витя дыр на чатрасис енэжланьыс да вомсö калькнитöмөн шензис баксысь лэбач вылö: «Жбырган кодь тэрыб! Ок, эськö верма кö тшапкыны папалөн сакөн, садökö жö йöрта да!.. Но он тай, буракö, босьт!..»

Витьö нускö чангыля ныр пырыс да шляпиктöвöтчö батыс бöрся. Оз-оз дай чатöртчылас, оз-оз дай бара на чöд тусь кодь синмыс енэжсьыс «межсö» корсьö.

Тіньгöны ем кодь ныра номъяс, нем яндысьтöг сатшкысьöны Витьöлы кымöсас да сьыліас, весиг калькнитöм вомас суйсьöны, быттьökö сәні медся чöскыдіныс.

Ая-пия собисны чурскакылана мöрсьöрöд да коркö петісны жö эрд вылö. Со и Сыктыв юыс. Ваыс

лөз нисьö рудöн пöртмасьö. Юыс неважөн на ямöма, но пырей турун чуткöдчöма жö нин шактарасьöм берегас.

Воис виям дор – чериа места. Визув коськыс тані помасьö – вочасөн джудждаммö да слабиник бергач артмöдö.

Недыр мысти асья кыа öмидз ваөн кизьöртис енэжтассö. Мöдлапöлас кудриа бадьяс сургöны-узьöны. Еджыд дзоридзьяса пелысь пу вылын быттö кодкö балалайкаөн ворсö: «Чолк-чолк! Чолк-чолк!.. Тир-тир-тир-тир, си-си-си-си, тю-у-ур-р-р!» Соловей тайö. Коми муö шоча волысь гөсьт. Век кöть кывзы дзользьöмсö, некор он мудз. Но чолк-йöдлö сöмын кыа петигөн.

Но со кыськö кизьöриник ру гөвкнитис ва веркöсас. Небыдик лун төв эськö и пöльыштитис, но зонкаöс йирмöгалис на. Шатинсö да нидзув банкасö Витьö сетис батыслы, сэсся уськöдчис бипур пестыны.

– Лысваа тай эжöрыс-а, – нимкодъмис Витьö-лөн батыс. – Вый войталан лун пуксяс. Лөнъ, да чериыс, гашкö, шедыштас. – И бергöдчылис грезд шöрын зымвидзысь вичколаны да шмонитана шуис: – Петыр Павел, сет чери!.. Миянлы уна оз ков: ведраным кö тырас и.

Вуграсян места лöсьöдöма. Семö Öльöксан чöв-тис вугыръяссö асьыс и пиыслысь. Сэсся нопсьыс перйис китыр öтруб, сявкнитис-койыштитис визувланысь. Витьöлөн сямöдыс öзйöма нин, кос лөп тэчöма да пöлясьö со, мед зильджыка ломзяс. А батыс кöйгырвидзö эжа шмак вылын, вугыр шатиннас ворсöдчö – чериясöс ылöдлö.

А Витьёлы дыш на вадорас ноксыны, Витьёлы шоныд бипурыс любёдзык. Мыйён шондiыс мыччас зарни кымөссө, сэки и вуграсьны мөдас. А öни позьö на кияссö мыччöдавны би кывъяс костын, апавны син курöдан шоныдсö да видзöдны лыа бöжлань. Сэни со тэрыб кока истан тюръялö. Тiр-тiр-тiр котöртас, кокыштас кутшöмкö номырöс да водзö тюрöдö лыа кöсалань.

Ыргö бипур, мöдлапöлын соловей чолкйöдлö-сьылö, эжөр пытшкын квайтпалич герчкö, ва катша дзумгысьлö-сунлö ыркыд ваас. Лöсьыд!

– Витьö, ноко, лок-лок-лок!– горöдiс зонкалөн батыс.– Шатинтö кодкö нюкльöдлö!..

Витьö ырнитiс бипур дорысь. Куимысь и чеччыштiс кыркötш йывсянь, а шатиныс киас нин.



Вугыр көвйыс зэлалөма – триньгө весигтө. Батыс уськөдчис отсасыны шөйөвошөм пиыслы – кватитис шатинсө. Булснитис пес чурка кодь чери. Сир вөлөма. Черыс вына, а Ольөксан дядь эбөсаджык. Көсйис эськө берегланьыс вайөдны да сакыштны, но сирыс песовтчис и... жилкаыс – триньк!– ори.

– Ок-ма-а!– шемөсмыліс Ольөксан дядь да шляпкысис нюйта берегө.– Жилкасө тай варснитис-курччис... Дзонь черинянь, зонмө, йирө суныштис!..

– Менам шатинысь!– саось кикарнас синсө тільыштис Витьө.– Сыв кузьта вөлі, а мынтөдін!.. Ачым кө кыски, сирыс бипур дорын шнөчвидзис-а... Ыхы-хы-ы!..

– Öвсы шлюпкыныд!.. Мынысь чериыд век ыджыд кажитчө. Сирсө вед гидын эгө быдтөй, чериыд ассыс няньсө сөйө...

Вичкодор грездын кодлөнкө петукуыс чалөстис-горөдіс. Фермаын лысьтысян движок жуныгыны мөдіс, Вадор грездасяслөн пач трубаясысь тшын чепөсйис. Ясыд, кыпыд асыв кватитис вөжжисө.

– Каям, пиукө, гортө,– Семө Ольөксан кватитис тыртөм ведрасө да шатинсө.– Сирыд кө вөтлысьсө, еджыд черитө кыйтөм нин лоө.





## БУСКО

Батьёлөн война вылө мунөм бөрын колим ми Иван вок, Толя вок, ме да мам. Да ещө лайка пон, Буско нима. Мунігас батьө шуис: «Понтө видзөй! Зэв төлка кыйсян пон, ёна на отсаяс тіянылы». Но отсасыны вөлі некодлы: медся ыджыдыслы, Иванлы, тырис дас куим арөс, жебиник сёяннад өдва пищальсө вермис киас кутны, непөштө лыйсьыны. Көть эськө эз этша пөтка лэбав вөрад, пызан вылө миянылы нинөм эз лишавлы.

Керка миян сулаліс мир туй бокрын.

Ветлысь-мунысьыд корсюрө войколөн сувтлісны миянө. Мам вөлі ышловзяс: көть пажыннас юксясны челядькөд и то слабог. Өтчыд войколалысь төдтөм дядь дыр видзөдіс Буско вылө да шуис:

– Вай вузалөй понтө кык тупөсь няньысь?

Мам бөрддзис. Нормисны и Иван да Толя. Некод на өд эз вунөд батьлысь шуөмсө. Сэсся и батьсянь мөд во нин некутшөм юөр абу, пон пөрысьмө, а кык тупөсь няньыд... Ок, төдлінныд кө ті, челядь, мый дон сулалісны кык тупөсь няньыд? Эз вөв няньыдлы доныс. Артмис сідз, мый төдтөм морт дженьыдик дом йылын нуөдіс Бускоос кытчөкө карлань. И лоис миян керкаын гажтөмсьыс гажтөм. Няньыд бырис: здук-мөдөн и вур-вар вөчим.

Некымын лун мысти, коркө сьод пемыд войын, кылам никсөм да ывла өдзөсө парсасьом. Каститчө кө-а? Өд никсөмыс дзик Бусколөн! Иван ывлаө уськөдчис, горөдіс нимкодя:

– Мамө! Бускоыд локтөма! Бускоыд!

Керкаө лыйыштіс-пырис Буско, уськөдчис миянөс нювны да исавны. А сьыліас сьлөн домьс өшалө. Буракө, абу вермөма йөзад овны, нетшыштчөма дом йывсьыд. Аддзөма тай горттө.

Колис кад, и мөд морт миянө узьмөдчис. Иван вок ачыс нин вөзйис сылы Бусконымөс кык тупөсь няньысь. Ёна эськө скөрмылім сы вылө, но ыджыд вок сералө сөмын: локтас пө, виччысьөй... Нуис дядьөыд понтө, бара ми кутім гажтөмавны. Но и та пөръя Бускоыд бөр локтіс горттө.

Куимысь вузавлім Бускоөс. Квайт тупөсь няньөн вердіс миянөс. А сэсса коркө-некоркө локтіс медводдзаыс, лун шөр лунө локтіс, шуис: «Мудеританныд тай, пөръясянныд...» Чепталіс мортыд Бускоөс, скөрысь мыйкө нузнитіс и петіс мир туй вылө... Бускоөс колльөдны петім тшөтш и ми. Видзөдіс миян вылө миян вердысьным шог синъясөн, быттө шуаліс: «...Прөщайтлөй, сэсса огө нин адзысьлөй...» И збыль, сэсса Бусконым эз нин воы.

Эз лок война вылысь и бать. Коркө дыр мысти нин воис юөр: «Пропал без вести...»

Колисны вояс. Вокъяс верстяммим, пөрысьмыс мам. И ставөн шогпырысь казьтывлам: миян семьяысь кыкөн вошисны пеж война вылас.





### КОЛЮК

Колюк нырнас өшинь стеклөө сатшкысьөмөн видзөдіс ывлаө, вадор веретянь кайысь туй ыло. Виччысис батьсө, коді водз асывнас вуджис мөд-лапөлө. Гөгрөс тыысь ёкышъясөс да кельчиясөс вугравны. Колюклы синва петмөн окота вөлі батыскөд тшөтш ветлыны.

– Ылын восьлавнысө. Сөмын кокыд мудзас, геб-ном сёяс,– шуис воча кыв пыдди батыс да такөдігмоз содтіс: – Во-мөд мысти өтвылысь ветлам.

И со өні Колюк син доймытөдзыс нин дзоргис туй ыло, но сідзи некод эз и тыдовтчы. Сэссия и август төлысса водз пемдысь рытыс вочасөн шымыртіс ывласө. Нинөм эз кут тыдавны.

– Эн виччысь. Локны кө, важөн нин локтіс,– шуыштіс пачводз дорын ноксысь мамыс.– Тыдалө, эз веськав турун пуктысьяскөд пыжас да мөд-лапөв чомйө узьмөдчис.

Мамыслөн кывъяс бөрас Колюкөс быттё йирмөг босьтіс. Код төдас, мый батыскөд. Гашкө, доймис. Гашкө, мөдлапөв берегын пукалө да виччысьө, оз-ө кутшөмкө кывтысь-катысь вуджөд. Сьөлөмыс Колюклөн кутіс чеччыны-нөйтчыны морөс кудъяс, чуксалө ывлаө, бать дінас.

Эз и дыр мөвпав. Кватитіс өдзөс дор лабичысь кепкасө, суйис носкиа кокас резинөвөй сапөгсө да сөмын вирдыштис өдзөсө. Здук мысти вөлі нин завор сайын.

Сөмын и удитіс горөдны мамыс керка өдзөс дзуркнитөм кылөм бөрын:

– Кытчө тэнө нуө вой улас!

А Колюк төвзис нин совхозлөн му бокті төдса туйөд вадорлань. Туй өтарас муыс водзынджык пыксис пипуа раскө. А туй мөдарас дзик орччөн гажаа дзольгысь шор сайын кыпаліс пожөма яг.

Кутшөм төдса вөвлі туйыс лунъяугыднас. Кымынысь Колюк өртъясыскөд лэччывліс таті вадорө купайтчыны, вадор веретяысь уръясөс дэльөдыштны да намыр сөйны. А өні, пемыдас, быттө ставыс төдтөм. Пипуа рас, кытысь кольөм гождөмын на сиктсаяс ошкөс аддзылөмаөсь, лунъяугыднас сэтшөм гажаөн кажитчө, а өні быттө зумыштчөма. Шорсайса ягын пожөмъяслөн пемыд туганъясыс өта-мөдсьыс джуджыдджыкөн кажитчөны, быттө мойдывса багатыръяс, дзик ловъяөсь кодь. Сөмын енэжын дзирдалысь кодзувъяс век өтылнаөнөсь да читкырасьөны, быттө көсйөны шуны: «Мун водзө. Эн пов. Ставыс лоас бур».

Луннад лөсьыд. Гөгөр ылөдз тыдалө. Быдтор гөгөрвоана. Да и өртъясыдкөд орччөн повны некодысь. А өні шуштөмкодь лои Колюклы сьөлөм вылас. Код төдас, гашкө, кольөм вося ошкыс на тані. Виччысьө сійөс рас помас. Гашкө, и көинъяс эмөсь шорсайса ягас. Кывліс Колюк, мый гождөмнас найө оз матыстчыны йөз дорө. Но өд код төдас горш зверъястө. Тайө мөвпъяссьыс Колюклөн кокъясныс асьныс чожджыка восьлалөны. Сьөлөмыс тіпкө.

Друг кодкө шорсайса ягас лёкысь гораа вак-вакөн серөктіс да сы бөрын быттьө ичөтик төв ныр кыпөдчыліс. Колюк быдөн чур-чермуні. Лигышмуні кокыс. Аттө дивө. Коді нө тайө? Сувтовкерыштлөм бөрын нөшта тэрыбджыка кутіс котөртны водзө.

Медбөрын лолыс эз кут тырмыны. Сувтыштліс. Мудзөмпырысь ышлолалыштіс. Эбөс быртөдзыс лои котөртөма. И друг гөгөрвоис, коді вөлөма повзөдчысьыс. Өд тайө сюзь. Войся лэбач. Прөмыс вылө петөма. Батыс на сылы коркө висьтавліс та йылысь. Өні со войся шышыд Колюклөн ышкөм-пошкөмсө кылөм бөрын ачыс повзис да пыдөджык ягас лэбис. Кокниджык быдөн лоис Колюклы та бөрын.

Со туйыс кутіс лэччыны увлань. Сэтчань, көні тыдаліс косьмөм нин ты бокын важ мельничалөн мыгөрыс. Эновтөмаөсь нин сійөс. Плөтина киссьөм бөрын тыыс косьмис. Мельнича стенъясыс нитшкөн вевттьысисны. Мича гоҗся лунъясө Колюклөн ёртъясыскөд тані медбур ворсаніныс. Дзик быд пельөс төдса. А өні кутшөмкө төдтөм стрөйба сы водзын. Ачыс эськө сьөд нин. Но стеклөтөм рамаа өшиньясыс нөшта на сьөдджыкөсь да пемыдджыкөсь. И кажитчө нин Колюклы, быттьө кодкө вуджрасьө сэні. Сувтовкерліс быдөн. Сюсьджыка видзөдліс лов шысө кутөмөн. Вөлөмкө, өшинь весьтас сарай дорсянныс важ нитшсялөм тьөс өшөдчөма.

Шуис ас кежысь Колюк дасөдз лыддыны. Нинөм кө оз ло, котөртны водзө.

– Өтик, кык, куим... – восьлалігмозыс нин шөпкөдіс вомгорулас. Ачыс оз-оз да бергөдчылас мельничалань. Но мельнича пыр ылыстчис и

вочасөн сійӧс вевтгис видз вивсянь кыпӧдчысь ру-  
ыс. Ӧні Колюк смелджыка нин осьлаліс видз вивті.  
Нӧшта пожӧм-козья веретя колӧ вуджны, а сы бӧ-  
рын нин вадор лыа заводитчӧ.

...Но мый нӧ тайӧ бара тыдовтчис водзын? Тӧ-  
рыт на виддзыс шылъыд-шылъыд быттӧ вӧлі-а?  
А ӧні со мыйкӧ чурвидзӧ-сулалӧ. Ру сайсяньыс оз  
мичаа тыдав. Абу керка ни, абу звер ни. Оз вӧрззы  
места вивсьыс. И быттӧ кодкӧ кучкис Колюклы  
юрас. Да ӧд мамысьяслӧн бригадаыс тані куртіс да  
чӧвтис. Вӧлӧмкӧ, турун зорӧд сулалӧ.

Видыштис быдӧн асьӧ Колюк. Да эз нин сӧс-  
ся котӧрт. Збыль ӧмӧй сӧтшӧм полысьӧн быдмӧ.  
Быттӧ и абу кузь горт дорсянь вадорӧдз туй-  
ыс, а быдтор йывсьыс думыштчыліс, быдторйыс  
кажитчыліс.

– Оз позь полысьӧн лоны!– шуаліс аслыс вом-  
горулас вадор лыа вивті осьлалігӧн нин. Чайтсис:  
лоас сӧтшӧм жӧ, кутшӧм повтӧм да вына батыс  
либӧ дедыс, коді сымьнда медаль война вылысь  
вайӧма.

Тадзи мӧвпалігӧн эз и тӧдлы, кыдзи вуджис  
паськыд лыа вомӧн, кӧть эськӧ и эз вӧв кокни сӧті  
осьлавнысӧ. Видзӧдліс водзлань. И пыр жӧ рад-  
пырысь горӧдсис: мӧдлапӧлын дзик берег дорас  
ӧзйис бипур. Батыс! Коді нӧ сӧсся вермас лоны.

– Батӧ-ӧ-ӧ!– мый вынсьыс горӧдіс Колюк.

Здук-мӧд мысти кыліс и воча шы. Збыльысь  
батыс шыасис. Ва вылад тай ылӧдз кылӧ гӧлӧс-  
ыд. Эз дыр мӧвпав Колюк. Пыр жӧ пуксис вуджӧд-  
чан пыжӧ, кодӧс вӧлі домалӧма берег вылӧ тувъя-  
лӧм майӧгӧ да йӧткыштчис пелысӧн. Ачыс таӧдз

өтнәсөн эз на пуксыывлы пыжө. Сөмын гырысыяс-көд некымынысь вуджавліс юсө. На вылө видзөдө-мөн кокни кажитчыліс вуджөмыс. Пыжыс быттө пуртөн моз вундіс васө. Пелысыяс сідзи и пөртмасисны син водзын: муртса кыпөдчыштласны ваысь, югыыштасны ва войтыясөн и бара нин сунөмаось.

А өні дзик мөдарө. Пыж бөжас нин эськө пуксис. Кыкнан пелыснас эз вермы сынны да. Сьөкыд, вөлөмкө, ыджыд пыжнад веськөдлыны. Таладор берег дорас кызкө-мыйкө шенасис на. А мыйөн веськаліс визувинө, пыж нырсө бергөдны мөдіс.

А мөдлапөлын биыс быттө ва воча катө. Пиньсө мурч курччөмөн Колюк венласис визулыскөд.



Нбылөмыс сёйис синкымъяссө, көтөдiс мышкусө.  
А сiйө нинөм эз кыв, вунөдiс весиг кад йывсьыс.

– Нөшта өтчыдысь, нөшта өтчыдысь... – сөмын долис аслыс.

Эз и төдлы, кыдзи пыж нырыс зурасис буждалөм берегө. Сөмын өнi аддзис, кутшөм ёна кыла-лөма пыжыс. Эз вөв окота весиг вөрзёдчыны, сэтшөма мудзис. Но пукавны некор. Кылөдас водзө. Ньөжйөник чеччис берегө, медым домавны пыжсө. И сэк жө кыр йылын кылисны верстьө мортлөн воськов шыяс. Кодкө, лыасө лэдзигмоз, исков-төмөн лэччис кыр йывсянныс да зэв төдса гөлөсөн юалис:

– Эй! Кодi нө танi вөр-васө садьмөдө?

– Батьө, ме тайө, – сөмын и шуыштіс Колюк. А гөлөсыс эз тырмы. Горшыс гөрддзассыны кутіс.

Батьыс эз эскы аслас синъясыслы.

– Збыллысь тай тэ вөлөмыд! Кытысь нө усин, пиукөй? Мамыд али мый мөдөдiс мела?

– Эз. Ачым котөртi тэнө корсьны, – шөпнитіс Колюк. И топөдчис батьыс бердас.

А мөдыс сөмын мелiа кутыштліс писө да малыштiс юрөдыс.

...Кутшөм кокни вөлі Эжва вомөн бөрсө вуджны. Колюк видзөдiс, кыдзи сынөны пелысьяс-нас батьыслөн вына сойясыс. Гөгөр ваыс сөмын вабергачөн гартчө. Эз и төдлыны, кыдзи ас берегө воисны. А сэсся ая-пия кинаныс кутчысьөмөн вуджисны паськыд лыа. Повны нинөмысь. Öд тайө туйсө прөйдитөма нин. Да и орччөн восьлаліс ыджыд морт, батьыс, кодкөд нинөмысь абу страшнө. Корсюрө батьыскөд орччөн восьлалігөн Ко-

люк видзёдлывліс войся енэжө. Сэсянь важ моз пөртмасисны-куньтырасисны кодзувъяс, быттё көйсисны шуны: «Молодеч, Колюк. Эн повзы ни-нөмысь. Кыкысь молодеч, мый батыдлы отсөг вылө локтін».

Чөла кайисны гортлань батя-пия. Мудзыс да войся чөвлунис личкисны сёрнисө. Сөмын горт до-рас матыстчигөн нин Колюк юалис батыслысь:

– Бать, а мөдысь менө мөдлапөлад босьтлан?

– Босьтла, пиук. Быть нин босьтла, – вочави-дзис батыс.

Кок шыяссө кылөм бөрын кильчө вылас паны-даліс ая-пияөс мамыс. Кыкнаннысө өтлаын аддзөм бөрын эз төд: то ли бөрддзыны, то ли видиштны найөс.

Но водзджык сійөс торкис Колюклөн батыс:

– Радлы, мамным, пиукным збыльысь нин му-жиччөйөн лоөма. Не кө сійө, ковмис эськө мөдла-пөлын узыны.

Чөв олыштөм бөрын содтыштіс:

– Мый вөчан. Турун пуктысьяс водзджык вуджөмаөсь. Ковмис узмөдчыны берег вылас, осьса енэж улын, бипур дорын.

Гортас пырөм бөрын Колюк эз весиг пуксьыв ужнайтны. Личкис мудзыс. Порогдорса лабич вы-лын пөрччисигөн и куньсисны синъясыс. Эз төдлы, кызди батыс меліа босьтіс мездорас да водтөдіс крөватё. Сэсса дыр на видзөдіс узысь пи вылас.

А Колюк вөтасис, кызди найө батыскөд мөд-лапөвса Гөгрөс тыын вугралөны ёкышъясөс да кельчиясөс.

## ЭЖВА ВАЫД БУРДӨДӨ

Дзоля Ёльёш сэтшөм вильыш, мый Вильыш Ёльёон и нимтісны сійёс ас коддьомъясыс. Видзөдан да бара нин кодөскө өбөдитөма. То няйтөн резыштас снитки выль дөрөмө. То пельёс сайсянь изйён юрад лыяс, да синмыд весиг пемдылө. То кывсө мыччалөмөн нерсьө да мисьтөм кывъясөн шуасьө. Уна жө и синва кисьтлісны сы вөсна Дзоля Ивө, Шурө да Васьө. Норасьласны эськө батьмамыслы. На найө сөмын кинас өвтыштасны, асьныд пө нин кызкө-мыйкө ладмөдчөй. Медбөрын дөзмисны жө Дзоля Ивө, Шурө да Васьө, шуисны велөдыштны Вильыш Ёльёос. Кыйөдісны сійёс рыныш сайсянь, кор Вильыш Ёльө көмтөм кокнас бедь вылө верзьөмөн пуксьөмөн вадорысь вөлі кайө, да уськөдчисны сы вылө.

Но Вильыш Ёльөыд вильыш и эм. Он на куш кинад судзөд сійёс. Дурпоп моз бергөдчис ас гөгөрыс да мый вынсьыс уськөдчис котөртны гортланьыс. Сөмын бусыс бөрсяньыс гартчө. Вомсө паськөдөмөн видзөдөны сы вылө Дзоля Ивө, Шурө да Васьө. Паймисны. Оз төдны, мый вөчны. То ли вөтөдны, то ли бөр заводитны партизанысь ворсны.

Но друг Вильыш Ёльөыд тімбыльтчис буса туй вылас да лёкгоршөн горөдіс:

– Ой, мамукөй дай мамукөй!

Ыркмунісны сьөлөмъясыс Дзоля Ивөлөн, Шурөлөн да Васьөлөн. Некор на эз аддзывны, медым Вильыш Ёльөыд бөрддзыліс. Котөрөн матыстчисны куим ёрт Вильыш Ёльө дінө. А сійө пластнитчөма буса туй вылас. Гач кокыс орөма. Беринось чужөм кузяыс синваыс шорөн лэччө. А варччөм шуйга кок пыдөссьыс сьөд вир петө.

Повзисны быдөн Дзоля Ивö, Шурö да Васьö. Сідзкö нö збыльысь ёна доймöма Вильыш Öльöйд, татшöма кö нин сьöд вирусы петö да кыз синваён бёрдö сійö. Со тай нö, весиг юрсö оз лэптыв. Мед, вильыш кö. Но öд, бур али лёк, ёрт жö. Öтлаын быдмöны. Оз этшаысь öтлаын бурпöт ворслыны. Жальыс быдсөн петіс куим ёртлөн. Тайö пöрйö найö вунöдісны Вильыш Öльöлысь став вильшасьöмсö.

Медбöрын медся смелыс, Дзоля Ивö, матыстчис да копыртчис Вильыш Öльöлань.

– Мый нö, ёна доймис?– жаляддза юалис сійö.

– Да-а-а,– нораа шуис сыркъялысь гөлөснас Вильыш Öльö да нöшта ырöбөн бёрддзис.

Сэки куим ёрт пельпомъясöдыс босьтісны Вильыш Öльöос да ышкиг-пошкигмоз мөдöдчисны сылөн гортлань.

Мамыс Вильыш Öльöлөн шай-паймуніс быдсөн писö аддзöм бöрын:

– Мый нö нин лоин, бласлö Крестос?.. Коді нин тэнö татшöмасö дойдіс?

А сэся сяся видзöдліс Вильыш Öльöлөн ёртъяс вылö. Быттö юавны кöсйис налысь, эз-ö пö нин водзöс босьтны Вильыш Öльöлысь на водзын сылөн дыр вежмасьöмысь.

Но Вильыш Öльö недыр чöv олыштіс да бёрдан гөлөсөн мыкталігмоз шуис:

– Ачым... Ачым сконъяси да уси... Ачым мыжа таысь...

– Но, енмыс, сідзкö, ёрис тэнö вильшасьöмсьыд,– шуис мамыс воча кыв пыдди да недыр чöv олыштöм бöрын содтіс:

– Аттьö кöть висьтав ёртъясыдлы, мый вайöдісны тэнö гортöдзид.

Нинөм эз шуны та вылө Дзоля Ивө, Шура да Васьö. Сöмын кыскыштисны ныръяснаныс да лэччисны сикт кыр горувса раскө пöлян гум вундавыны.

А сэккості Вильыш Öльöлөн мамыс дэбыд ваөн ас кежысь броткигтырйи мыськис пиыслысь няйтöсь да вирöсь коксö, мавтис йодөн да көрталіс марляөн. Рытланьыс нöшта лэччыліс Эжва дорö, бидонөн катис сэтысь васö, кисьтіс тазйö да тшöктіс Вильыш Öльöлы кутыштны сәні доймөм коксö.

Юалис сәки Вильыш Öльö:

– Мамук, мыйла нö эськө Эжва ванас коктö пожъявны колö?

– А бурдөдö сійö сө öти висьöмысь. Тэ öд он на тöд сöмын-а, – вочавидзис сылы мамыс.

Шензбыштис та вылө Вильыш Öльö. Вомыс быдсөн калькавліс. Висьтавыны кө та йылысь ёртъясыслы, оз, дерт, кутны эскыны.

А мамыс быд лун некымынысь тшöктö Вильыш Öльöлы мыськыны коксö Эжва ваөн да та бöрын марляөн да чышъянөн тубралö ранасö. Око-та ывлаö котöртлыны, но доя кокнад он небось чепöсйы. Ёртъясыс эськө раз-мөдысь волісны жö. Но сöмын чөв олөмөн, ныръяснысö кыскигмоз, жаляддза видзөдісны Вильыш Öльöлөн доя кок вылө да тэрмасьöмөн котöртлісны ывла вылө. Некор вөлі налы Вильыш Öльö дорын сулавыны. Ворсны колö. И кутшөм завидь вөлі сәки Вильыш Öльöлы ёртъясыс вылө. Сійö со лун-лун гортын олө, а найö көнкө вадорын либö сиктсайса джуджыд нöрыс вылын «индеечьясысь» либö нö «инопланетянаысь» ворсöны. Сідзи эськө и котöртіс на бöрся. Но он тай босьт. Доя кокыс оз сет.

Сэк жö и кутшöмкö аслыспöлöс шоньдлун шымыртлис Вильыш Öльöлысь сьöлöмсö, мый эз вунöдны сийöс ёртъясыс. Сидзкö нö абу нин сийö сэтшöм шыбитана зонка. И бара регьд öтлаын удайтчас ворсны накöд. Сöмын Вильыш Öльö сэки оз нин сэтшöма кут вильшасьны да вышитчыны ёртъяс водзас. Видзöдтö! Эз öд найö эновтны сийöс. Сидзкö, пыдди на пуктöны.

Лун дас мысти кымын мамыс разис доя кок-сьыс көртöдсö, сюся видзöдлис ранасö да дөвöльпырысь шуис пыислы:

– Но, тупкыссис медбöрын ранаыд. Бара верман сэсся келавны пöттöдзыд. Сöмын коктö видзны колö.

А сэсся чöv олыштöм бöрын содтис:

– Лун-мöд-коймöдсö Эжва дорö на лэччывлы. Коктö шоньд гожся ваас пожъялышт...

Эз и дыр ковмы тшöктыны Вильыш Öльöлы. Сандалиасис. Эз нин лысьт тайö пöрйö көмтöг петны гортсьыс. Сэсся ньöжйöник мөдöдчис Эжва юлань, кодi неылын кыр горулас и визувтис. Эз на лысьт котöртны. Дойыс на кокас кылис. Тэрмасьтöг вöсьлалö Вильыш Öльö вадорлань нуöдысь ордымöд. Бергöдлис юрсö да аддзис, мый сы бөрся чöv олигтырйи вöсьлалöны Дзоля Ивö, Шурö да Васьö. Нинöм оз шуны, сöмын ныръяснаныс нускöны. А синъясыс зэв норöсь. Жалитöны ёртнысö. Ыркмунис быдсөн сэки Вильыш Öльöлөн долыдысла сьöлöмыс. Ёртъясыс со орччөнöсь. Сидзкö, ставыс на бур. И öдйöджык мөдöдчис сийö вадорлань. А ёртъясыс сы бөрся.

Берег дорас Вильыш Öльö тэрмасьтöг пöрччис сандалисö, пуксис кер помö да суйис кокъяссö

лыа пыдöса, турунвиж рöма, неуна сялькъялысь ваö. Пукалö Вильыш Öльö кер помын. Мыш саяс чöв сулалöны ёртъясыс. А сылы нимкодъ, мый найö орччөнöсь, мый бурдысь коксö гильдö юса небыд ваыс, мый посни арпиян тшукласьöны сылön кок пыдöсö, мый со кутшöм шоныд да лöсьыд тайö луныс да мый ставыс на сылön водзын. И оз кöть и чеччыв Вильыш Öльö кер помысь. А ачыс сюся видзöдлывлö ёртъяс вылас.

Медбöрын Дзоля Ивö эз вермы терпитны да юалис Вильыш Öльöлысь:

– Öльö, мый нö тэ вöчан? Мыйла доя коктö ваас пожъялан?

– А тi онö на тöдöй?– бергöдчылис сэки Öльö налань.– Менö мамöй тадзи велöдис. Сийö шуö, мый Эжва ваыд пö сё öти висьöмысь бурдöдö. Мый сийön мыссьöм да сийöс юöm бöрын сöмын ёнджык да збодержык лоан. Сийön и öдйö менам дөйöй бурдис.

Чуймöмөн кывзисны Вильыш Öльöлысь висьтсö ёртъясыс. Шензьöмпырысь видзöдисны найö Вильыш Öльö вылö, быттö мойдысь петöм кöлдун вылö да эз тöдны, мый воча шуны. И эскисны, и эз. Но со тай нö ёртныс бөр дзоньвидза. Сидзкö нö, збыльысь бурдöдö Эжва ваыд.

А сэсся найö öтлаын тэрмасьтöг кайисны Эжва нöрыс вылö, мед сэсся Вильыш Öльöкөд нин öтлаын водзö ворсны асланыс челядь ворсöмъясөн.





### **АСЫВВОДЗЫН**

Асывводзын, асывводзын  
Медся гырысь чери шедё.  
Асывводзын, асывводзын  
Вёрын медбур тшакыс петё.  
Коді чеччас водзысь-водз,  
Сылён чулькйён тырас доз.  
Но, а коді шкоргё-узьё  
Асывводзын вывті кузя,  
Сійё тшактөг локтас вёрсьыс,  
Сылён табйыс оз и вёрзьыв.  
Ставлы тёдса бура: дышысь  
Ставыс дзедьсяс,  
Ставыс пышьяс.

### **ЧЕРИ КЫЙӨМ**

Талун чеччим  
Водзсьыс-водз,  
Чери кыйим  
Ме да вок.  
Уна чери шедіс,  
Видзёд:  
Ыджыд мык  
И нёшта ичёт,

Сэсся ёкыш,  
Сэсся ёді,  
Пёшти килограмма коді,  
Сир на содты,  
Оз кө мын,  
Куим кельчи,  
Өти сын...  
Ок, и уна чери кыйим  
Миян керкадорса тыысь!  
Нёшта унджык  
Эськё вермим,  
Сёмын другысь  
Ёна зэрмис.  
Сэки кымим  
Тысё... тазсьыс –  
Таз горулё  
Дзебсим асьным.

## ӨШКАМӨШКА

Өшкамөшка  
Енэж вылө  
Өшйис зэрөм бөрас.  
Дасысь лыддылі нин,  
Сылөн  
Сизим рөм век сьөрас.  
Өшалыштіс,  
Мудзис,  
Лэбзис  
Юдорса видз вылө,  
Сэні дзоридзьясё дзебсис.

Аддзылі...  
Он ылөд.  
Дзоридзьяссө нетшка уна,  
Киö оз төр нөшта.  
Быдөн казялас:  
Кор муна –  
Нуа öшкамөшка.

### ОЗ

Ме да Зина  
Вотім оз.  
Кыкнаннимлөн  
Öткодь доз.

Вотіс Зина  
Быдса тасьті.  
Сэки видзөдлі  
Ме ассьым...

Муртса кийсь  
Эз усь доз.  
Көні, көні  
Менам оз?

Мыйла пыдөсас  
Дзик сөмын?

Гашкө, дозлөн  
Уси дөмас?

Гашкө, көнкө  
Ыджыд розь,  
Кыті киссис  
Менам оз?

Сэки шуис  
Зина чойөй:  
«Гежөда кө  
Вомад коян,  
Öдйө тырас  
Тэнад доз».

Мыйла вомө  
Чеччө оз?

## 0-СЯНЬ 10-ӨДЗ

- 0** Тайö лыдпас. Абу руль.  
Но а нимыс сылөн «нуль».
- 1** Нырыс кузь. Но некор «öти»  
Ныр понда оз дözмы ньöти.
- 2** Чукля кокыс, чукля нырыс...  
Но эн повзьöй тайö шырысь,  
И эн лэптöй шум да зык.  
Тайö лыдпас. Шусьö – «кык».
- 3** Мегыр вылö чеччис мöд –  
Лои «куим». Сідз и тöд.
- 4** Тайö «нель». Но быдөн шулö:  
Быттö вылö кока улöс.
- 5** Нимкодясьö лыдпас «вит».  
Бергöдыштан – лоö кит.
- 6** «Нульыдлы» содтам чальтор вай,  
Татшöм «нульыд» шусьö «квайт».
- 7** Лыдпас «сизим» быттö кобув,  
Кöни бордсö косьтö бобув.
- 8** Зурасисны «куим-куим» –  
И «кöкъямыс» артмис, шумим.

**9** «Квайт» кө сувтас увлань юрөн,  
«Өкмыс» лоо – төдам бура.

**10** «Öтикөд» кор нульыд ас –  
Татшөм лыдпас шусьö «дас».

### ВЕЛÖДЧЫСЬ ДА «ДВА»

Сюрис велөдчысьлы «два».  
Чукыль нырыс, чукля кокыс.  
Шуис велөдчысь:  
«Тшаква!  
Пятьлөн тайö ичöt вокыс».

### ЛЭБАЧ СЕЯНИН

Ачым садьма,  
Важъя моз  
Меным узыны  
Дыр оз позь.

Пета гортысь  
Пырысь-пыр,  
Босьта киö  
Ыджыд зыр.

Лымсö весала  
И сёян  
Лэбач сёянінö  
Коя.

Коді сёйны көсьö?  
Локтöй!  
Ставлы тырмас  
Чöскыд рокöй.

Воаласны  
Недыр мысти  
Пышкай, жонь,  
А сэсся пыста.

Но, а бырас рокыс,  
Сэк  
Вая содтöд  
Нянь тор век.





### **ЁЛКА ГӨГӨР**

Миша да Маша,  
Коля да Ваня  
Выль вося ёлка  
Вөчисны тані.  
Коз пулөн лыскыс  
Мича да тшем,  
На пиысь быдөн –  
Чуткасьысь ем.  
Витпома кодзув  
Туганас öйö,  
Выль воын челядьлы  
Выль шудъяс вöйö.  
Тивкъялö Мишук:  
– Ворсны ми дасьöсь, –  
Джодж кузя ветлö  
Гугöдöм пася.  
– Примит тэ менö,  
Ичöтик коз,  
Тэ дінö локтö  
Дедко-мороз.  
Ичöтик коз улö  
«Дед-мороз» пырис, –  
Öгыр моз югъялö

Маскаа нырыс.  
– Выль воён, челядь!–  
Дедушко шуө.–  
Мед тiян шудныйд  
Ытва моз туө.–  
Сылы сэк воча  
Юръялан горөн  
Челядьыс ставныс  
Шуисны хорөн:  
– Миянлы шудлун  
Сиин кө, дед,  
Зэв ыджыд аттьө  
Миянсянь тэд!  
Ворсöны ставөн,  
Котралö Ваня,–  
Пасьтасис сiйö  
Ичöтик каньö.  
Сэни жö Машук  
Чеччалö «кöчөн».  
Сы бöрся «кыйсьысь»  
Ветлöдлö-жöдзö.  
Ворсiсны ставөн:  
Коля и Ваня.  
Зэв вöли гажа  
Ёлкаыс тани.





### **ЖОНЬ**

Кумач морёса жонь, ичөт жонь,  
Көдзыд дырйиыс кызди тэ олан?  
Ог нин юась ме, кынмывлан он?  
Тэ өд миян моз пасьяс он новлы.

Төв көть гожом, көть тулыс, көть ар,  
Гумла дорьясын бергалан-гартчан.  
И көть көдзыд, көть шонид, көть жар –  
Аскөд орччөн ме пыр тэнө аддза.

Муса жонь, тэ эн быдөнлы доль,  
Сьökыд вуджны пö турөба кадтö.  
А мый войвывтö ассьыд он коль,  
Тэныд аттö сэсь, зэв ыджыд аттö.

### **ТУЛЫС**

Шондi быд лун кутiс качны  
Вылö-вылö.  
Пышйис сылөн төвся унмыс  
Ылö-ылö.

Визувтöны-вильшасьöны  
Вөрса шорьяс,

Нырсö мыччöмаöсь талун  
Кыдз пу коръяс.

Гөн да вольöс шоныд позйö  
Чикыш вайö.  
Талун медводдзаысь кывлім  
Колипкайöс.

Öшкамöшка визя кисö  
Мыччис юлы.  
Войвыв муö, чужан сиктö  
Воис тулыс!

### ВО ГÖГÖР

Жургöны кö шоръяс,  
Öдйö сылö лым.  
Ыбъяс весьтын гора  
Сяркөдчö кö гым,—  
Сідзкö, войвыв мулы  
Чолөм ыстö тулыс.

Шонді качö вылö,  
Енэж лöзысь-лöз,  
Лунтыр видзьяс вылын  
Турун пунктö йöз,—  
Сідзкö, Эжва вожö  
Бара воис гожөм.

Вөр-ва быттö узьö,  
Ыбын ставыс куш,

Асъя кадö усьö  
Лысва пыдди пуж.  
Кыдзлөн корйыс зарни,–  
Сідзкө, воис ар нин.

Лымъя ягын-сёнын  
Унзіль пожөм-коз.  
Тыяс-юяс вомөн  
Водіс йиа пос.  
Вуджам мөдлапөлө...  
Видза олан, төлөй!

### **ТӨЛӨЙ, ТӨЛӨЙ**

Төлөй, шаньён ло тэ,  
Бушколөн эн лэб,  
Чорыд, көдзыд ловтö  
Пыдö-пыдö дзеб.

Төлөй, төлөй, төлөй,  
Пөльышт небыд ру.  
Төлөй, төлөй, төлөй,  
Шонты чужан му.

Ло тэ, төлөй, бурөн,  
Скөравны эн мөд,  
Эн тэ гартлы турөб  
И эн гудрав слöt.

Төлөй, төлөй, төлөй,  
Пөльышт небыд ру.

Төлөй, төлөй, төлөй,  
Шонты чужан му.

Гожомнас ло мелі,  
Шонты лэбач поз.  
Вотчисны мед челядь,  
Быдты өмидз-оз.

Төлөй, төлөй, төлөй,  
Пөльышт небыд ру.  
Төлөй, төлөй, төлөй,  
Шонты чужан му.

### **КОЛИП, КОЛИП**

Муса ичөт колипкайöй,  
Лунвывланыö лэбзян кор,  
Ылі муын, саридз сайын  
Чужанінтö тэ эн ёр.

Чужан мулөн,  
Дона мулөн  
Шоньд сьөлөм,  
Мелі сыв.

Колип, колип,  
Тöлыс коляс –  
Сылам тувсов  
Сыланкыв.

Кор тэ, колип, гортысь мунін,  
Вежсис ывлавывлөн сер:  
Пемдіс войыс, дженьдіс луныс,  
Бөрдіс енэж, кисьтіс зэр.

Кор тэ, колип, гортö воин,  
Турун-цветөн эжсис му.  
Сэки, югыд тувсов войын,  
Кывтіс нюмъялігтыр ю.

Чужан мулөн,  
Дона мулөн  
Шоныд сьөлөм,  
Мелі сыв.

Колип, колип,  
Тöлыс коляс –  
Сьылам тувсов  
Сьыланкыв.

### **МЕНАМ ЛЫЗЬÖЙ**

Медводдзаысь школа  
Öдзöс восьтöм мысьт  
Козин пыдди меным  
Батьöй ньöбис лызь.

Нырыс ёсь да чатör,  
Тэрыб, бытьö ньöв.  
Ыджыд праздник моз жö  
Виччыся ме тöv.

Кор нин бара, кор нин  
Муыс лоас кын?  
Кор нин бара, кор нин  
Усяс небыд лым?

Кыр йывсянь сэк тövзя, –  
Долыд, кыпыд лов.

Таысь ыджыд шудыс  
Быттьö оз и ков.

Исласигад шоньд:  
Оз ков, майбыр, пась.  
Сэссия вöрса туйöд  
Котöртны ме дась.

«Дась öд лызьнас узыны,  
Пиным воштис сям», –  
Тадзи мукöддырйи  
Элясьлывлö мам.  
Бать жö менö дорйö:  
«Пинявны оз ков –  
Гашкö, быдмас Рочев  
Либö Бажуков».

### ГОЖСЯ СЕРПАС

Гожöмыд кöть миян  
Чаль чунь кузьта-й эм,  
Челядьдырсянь сийö  
Медся муса мем.

Дзоридзьяслөн кöрыс  
Чöскыд овлö век,  
Морöстырнас вөр-ва  
Лолавлывлö сэк.

Ставыс сэтшöм муса –  
Вөр-ваыслысь нюм

Гожомнад оз кусод  
Весиг зэра лун.

Тэнө, пожом лыскöй,  
Тэнө, коръя вөр,  
Кодзыд зэр кө мыськас,  
Шондi косьтас бөр.

### ГОЖОМ

Зарни шондi, югыд шондi  
Шоръяс косьтiс.  
Берегдорса пöрысь козйöс  
Унзиль босьтiс.

Вежсис мöдлапöвлөн паськөм –  
Быдмис турун.  
Войтыр кийн пелька ворсö  
Коса-курун.

Миян бать-мам уджалöны  
Быд лун сёрöдз.  
Аддзан, берег пöлөн сувтiс  
Кымын зорöд!





## ПОЖӨМ КОЛЬ

### Кыдзи чужис Пожөм Коль

Мөдлапөлын, парма шөрын,  
Шувгө гожөмын и төлын  
Пашкыр пожөм.  
Чаль да ув  
Вевттьө пулысь выв да ув.  
Өтчид ыджыд бушков бөрын,  
Медся гажа гожөм шөрын,  
Пожөм пуысь гиль да голь  
Муө усис коль.  
«Ой! Ой!» – доймис сылөн бок,  
Но эз чегъясьны ки-кок.  
Гыжйыштіс да малыштіс,  
Думайтчис-пукалыштіс,  
Дивуйтчис лөз ывла ылө,  
(Ачыс дзоля на, а сюсь),  
Синсө чөвтліс коз пу йылө –  
Көть пө татысь на эг усь.  
«Вөлі эськө кузь да вөсни,  
А со – гөгрөс, быттьө мач,  
Татшөмөн и лоны көсьи  
Нач.  
Сэсся нинөмтор ог доль», –  
Тадзи шуис Пожөм Коль.

## Пожём Коль паныдасьё Кодзувкоткөд

Мунё-сьылё Пожём Коль:  
«Ол-ля-лэль! Ол-ля-лэль!»  
Ті пö тöданныд-ö, он,  
Ме тан Ягас медся ён!  
Кыліс тайёс Кодзувкот:  
«Вот, вот, вот!  
Коді ён –  
Бур удждон.  
Со тэд чер –  
Пөрөд кер.  
Первой сортөн  
Кыскы гортö,  
Отсав стрöитны мен кар –  
Локтö ар».

Пожём Кольлөн серам петö:  
«Ка-ка-ка да о-ко-ко!  
Онö вермöй овны метög,  
Метög тiян кар оз ло!»  
Черөн ниа пуö сötіс  
Öтчыд, мöдысь... да и пötіс.  
Доймö кос, доймö мыш,  
Пельпом вылö личкö дыш.  
Киссьö ньылöм, гөгөр дой:  
«Ой! Ой!! Ой!!!»

Öні шуö Кодзувкот:  
«Вот, вот, вот!  
Кыз да ён тэ,  
А со ёнтö

Лы и сөн.  
Выныд,  
Ошйысин-а, кён?»  
Пожом Коллыд асьсө дорйö,  
Синва чышкө кыдз пу корйөн:  
«Ме эськө эг мудз,  
Да со пулөн вужйыс нюдз».

Кодзувкотлөн жалыс петис,  
Пожом Кольлы прöща сетис,  
Шуис: «Муса Пожом пи,  
Эн нин жугöд асьсөд ки.  
Мыжа тані абу вуж –  
Мыжыс сыын, мый он куж.  
Колö тöдны томысь-томөн:  
Уджалöны оз öд вомөн».  
От тöд, гөгөрвоис эз-ö  
Кодзувкотöс Пожом Коль,  
Аддза, пышйö, няйтсö резö:  
– Ол-ля-лель!

### **Пожом Кольöс велöдö Биа бöжа Ур**

Сылигтырйи чеччалö,  
Чеччалигтыр сылö,  
Бобув бöрся вöтчылö,  
Нюжöдлывлö сыли.  
Позьö-ö, оз позь-ö,  
Сюйсылö быд розьö,  
Чеччö чаллысь увйö,  
Лыйсьö чöдйөн-пувйөн,  
Сьодасьöма вом,  
Быттьö сёйис шом.

«Пожом Кольлы би-пось чолөм!–  
Кыськө локтис гур  
Биа бөжа Ур. –  
Сиа тэныд озыр олөм!  
Вотчөм – вөрын медся буртор,  
Вотчөмөн он вошты юртө.

Сөмын, другө, сідзи вөч,  
Вомад ставсө эн жө тэч,  
Косьты вотос, косьты тшак,  
Косьты сідз, мед эз ло брак.  
Оз кө нинөм тшык,  
Төвбыд он ло тшыг.  
Тшк-тшк-тшк,  
Тшк-тшк-тшк».

«Коньөр Урөй,  
Кольмөм юрөй! –  
Вочавидзө Пожөм Коль.–  
Мөдлы кос тшак йывсьыд доль.  
Аддзан, кутшөм долыд,  
Радуйтчө кор лолыд!

Метөг гажтөм Яглы, Ольлы,  
А тэ – тшак, мен,  
Пожөм Кольлы!  
Лөда вомө пув и чөд,  
Нинөм төв йылысь ог төд.  
А кыз овны, дона Ур,  
Менам эм на аслам юр».

Урлы мый. Оз ков – оз шогсьы...  
Ачыс асьсө тӧдӧ – ноксьӧ.  
Бытьӧ ӧгыр визь  
Пуысь пуӧ – гизь.

Сәні чулан, тані кум,  
Заптӧ вотӧс, тшак и гум.  
Ләччӧ-кайӧ:  
«Тшк-тшк-тшк»,  
Нуӧ-вайӧ –  
Оз ло тшыг.

### **Пожӧм Коль оз кывзы Колипкайӧс**

Гажа шондіа бур лунӧ  
Водзӧ чеччалігтыр мунӧ  
Пожӧм Коль.  
«Ол-ля-лель!»

Ме пӧ медся бура сыла,  
Меным радлӧ ставнас ывла,  
Мед пӧ тырӧ Урлӧн зеп,  
Озырлунӧс ме ог дзеб.  
Менам гӧлӧс! Менам кыв!  
Ов да выв.

Кыдз пу вывсянь Колипкай  
Пожӧм Кольӧс кылӧ:  
«Ноко, ордйысьыштам вай,  
Коді кыдзи сылӧ».  
Вомсӧ восьтіс асья Колип –  
Весиг Ёльыс оз нин сӧльӧд.

Кывзö Сьöла, кывзö Тар,  
Кывзö ачыс вöрса царь –  
Ош,  
Пельыс пош.  
Кывзö сьылысьöс став Яг –  
Гуг и гаг.

Сöмын Пожöм Колльыд сідз  
Кадсö та вылö оз видз,  
Кöнкö шутьялялö нин ылын,  
Абу дивö сылы сьылöм.  
Тöдö сійö Пожöм шувгöм,  
Зэра бушковъяслысь увгöм,  
Чалльö чалльöс зургöм,  
Лыслысь лыскö дзуртöм.

Гöгыльтчигтыр, быттö мач,  
Пуяс костті пышйö скач:  
«Ол-ля-лель! Ол-ля-лель!»  
Ачым пö ме Пожöм Коль.  
Менö нинöмтор оз кут,  
Колипкай ни лöдз, ни гут.  
Кöсья – ошкös верма зырны,  
Кöсья – пуö верма пырны,  
Кöсья – лэба, кöсья – ог.  
Ас ног овны – менам мог.

### **Мый вöчис Пожöм Колькöд Сера Сизь**

Мунö-сьылö Пожöм Коль,  
Чеччö-вуджö ю и ёль.  
Кокъяс улас ритш да ротш,  
Вывсянь кыліс тітш да тотш.

Видзөдө-а: зэв кузь ныра  
Кодкө ловъя пусö кырö.

«Эй, мый сэні коді вöчö?  
Али Енлы кевмö пöчö?» –  
Босьтис изтор, вывлань – дизь!  
Пуысь лэбзис Сера Сизь.

«Он мöй аддзы: пуыс висьö.  
Пучöй сёйö сылысь лысьöм.  
Операция ме вöча,  
А тэ меным нырам стöча.  
Кытысь татшöмыс тэ усин?  
Чужтис тэнö кутшöм мусин?»  
«Ол-ля-лель! Ол-ля-лель!  
Пожöм Коль ме, Пожöм Коль.  
Бушковъяскöд тöv и гожöм  
Сьылö менам мамö – Пожöм.  
Уси ме сы туган йылысь,  
Сы вöсна и сэтшöм сьылысь».

«Аддза, кутшöм тэ маэстро,  
Сьывны аддзöмыд бур места.  
Но, а сэсся мый тэ кужан?  
Помалін тэ кутшöм школа?»

«Ме ог тöд ни шог, ни нужа,  
Сідз со свет вылас и ола.  
Школаыс тан, Ыджыд Ягын,  
Дзик быд шагын.  
Дыр ог сёрнит тэкöд, пöчкöд,  
Тэнсьыд жульöда ме öчки...»

Көсйис öлыштчыны кинас –  
Повзьöдны, а Сизь нин дiнас.  
Чайтiс Коль, мый окыштiс...  
Сизьыд, вöлöм, кокыштiс.

Сэссия лэбзис да (кыдз позьö?)  
Йөршитiс кос пулөн розьö,  
Пуксис орчöн, шуис кыв:  
«Танi со и ов да выв.  
Сэки аслад гортö воан,  
Кодыр менö гөгөрвоан.  
А он гөгөрво –  
Ов көть тан сё во».

Сэссия коньөр Пожöм Кольöс  
Вой пу тöщö розьö-й колис,  
(Лыдды – пробка пыдди).  
Сэн и олö Пожöм Коль.  
Ол-ля-лель!





### **ЧОЛӨМ, АСЫВ!**

Ю дорас өд, исергаа расас  
Төвся шонді узыё войнас – сэн!  
Со тай качё. Чолөм, гажа асыв!  
Сөстөмлунтё козынав тшөтш и мен.

Кайё шонді енэж шөрас рама...  
Шойчынысё сувтлас али оз?  
Лым чирьясыс эзысь серпиянөн  
Бергалёны, дзирдъяс койигмоз.

Лызыяс вылын өддза вой төв паныд!  
...Нюмъялө мен кыдзыяс весьтас, тан,  
Шондіыслөн көдзыдысла банйөм  
Дзик жө ме кодь алөй чужөмбан.

### **БЕРБА**

Тулыс тешкодья садьмөдө пусё –  
Гөна дзоридзыяс петёны гарсьыс.  
Быттьё ошпиян узисны арсянь,  
А өні со – петёны гусьыс.

## АСЪЯ ЗЭР

Регыдик и зэрис асъя зэрыс...  
Ньоти жö нин ыкшаон эз вöв!  
Вевтъяс вылын, быттьö кага серам,  
Сералыштис войтъяснас – и чöv.

Регыдик – а сиктöй быдсөн вöччис...  
Сöстөмджык и сынöд, ывла – шань!  
...Чеччалöны вильыш шондi кöчьяс  
Асъя зэрөн мыссьöм öшиньянь.

\* \* \*

Ывлаыс лымъялö-шötö,  
Оласнас абу сёшайт.  
Бара со туй вылас мöдiс  
Лым сорөн гудравны няйт.

Ыръялö вой тöv, оз падмы,  
Йиркöдчö öдзöсö, скөр.  
Быттьökö ышмис да кадыс  
Тöвланьö бергöдчис бөр.

Сöмын öд аддзыли нин ме,  
Вой тöv оз весьöпöрт, оз –  
Восьöны кыз пу гар синьяс,  
Потöны, каньпилөн моз.

\* \* \*

Вөр сайсянь вой төлөн кылөдчис татчө  
Му весьтти Выхь воя вой!  
Өшөдліс Войпель коз вөччөдан чачаяс,  
Мичмөдіс енвевтлысь ной.

Войпельлөн тош кодь жө небыдик лымйын  
Узьоны парма и му –  
Водз тэ эн вод тавой, петав лөнь ывлаас,  
Выль волы пөсь «Чолөм!» шу.

Выль во!  
Выль лачаөн аскиө воськовтам –  
Олөмө, кодөс он төд,  
Быттьө выль небөг ми лыддыны восьтам,  
Мед сыысь лолыд оз пөт!

## ОКТЯБР

Зэрө, зэрө... Коставлытөг, сідз...  
Зэрө, нөшта содтысьө – оз раммы.  
Зэр улас и му, и вөр, и видз,  
Ыбъяс пасьта – быгъя ва гуранъяс.

И он вермы төдны өні, он –  
Ывлаыслөн вежсьөм лоө кутшөм?  
Гашкө, кобас... Енэж воссяс дон.  
Гашкө, зэрыс шлякаө нин вуджас...

\* \* \*

Веж рөмъяс арыс көть и нуліс,  
Но вежөн бара эжө тат.  
Зіль ичмонь – лун төв бордъя тулыс,  
Код тані сылы абу рад?

Эн узь, эн вуграв, тувсов зэрөй!  
Лэдз вадор эрдъяс вылысь бус,  
Мед Эжва дорын гаж да серам  
Сёр рытөдз, шонді моз, эз кус.

Мед парма чөвлуннас эз повзьөд,  
А сетіс зеп тыр коляоз.  
Мед тувсов гажөн садъмис-ловзис  
Веж тополь вылын ябыр поз!





### ГӨРД СИКӨТШ

Коля ёна дөзмөдліс Эльмираөс, кодкөд таво пуксьөдісны өти парта сайө. Таөдз кык во пукаліс ас кодыс жө вильыш, визув зонкакөд. Эльмираыс – татарка. Гырысь сьөд синма да сэтшөм жө сьөд, вывлань читкыльтчөм пушыд синлысьяса. А көсаясыс быттьө сы вылө и быдмөмаось та кузьтасө, медым Коля деркйис найөс. Тадзи вөчигөн нывкалөн скөра югнитліс мича синмыс да гөрдөдлісны мугов бандзибъясыс. Өтчыд Коля сконйыштис нывкатө ывлаын да сійө весиг нюжөдчис няйтө. Чеччис да пальтосө пыркнитөм бөрын видзөдліс обидитысь вылө. Забеднөысла синваыс вөлі чукйөн: вот-вот ыльөбтас. А Коля йөй моз сулаліс сы водзын да вак-вакөн сераліс. Сөмын кор Эльмира бергөдчис да сыркъялігтыр ылыстчис, зонка тшөкмуніс да ланьтіс.

– Сідз тэныд и колө! Ныртө лэпталан!– эз көсйы, но горөдіс бөрвылас.

Котөртісны лунъяс, Колялөн ставыс вөлі вунөма нин, кор Эльмира корис пасйыны чужан лунсө. Мамө пө пөжасяс, видео видзөдам. Урокъяс бөрын Коля тэрыба лэбыштис гортас. Мыйкө коліс ньөбны, а мамыс кор на удж вывсьыс локтас.

«Гашкө, фломастерөс козьнавны?» – мөвпыштис зонка. Но Эльмиралөн вөлі нин фломастерыс. Коля адзыліс: дзик на виль, уна рөма, а аслас важиник, рөмыс быгалыштөма и. Оз туй.

Колялы син улас усис пызан вылысь мича се-ра куд. Сэні мамыс гөрд сикөтш видзө, кодөс пась-тавлө сөмын праздникъяс дырйи. «А мый нө, кознала кө сикөтшсө, ог ставсө, а джынсө?» – мөв-пыштис Коля да восьтіс кудсө. Збыльысь, сикөтш-ыс вөлі зэв кузь, кыкыд артмас зэв бура. Зонка вундіс суниссө. Босьтчис көртавны сунис помъяс-сө, но өтиыс мыніс, сикөтш мольяс кын турипув моз гылалісны пызан вылө, а сэсся чеччалісны джоджө, тюрисны разі-пели. Шай-паймунөм зонка уськөдчис корсявны да өктыны найөс. Чукөртис, буракө, ставсө, но сикөтшсө вөчөмыс эз ло, эз куж сюявнысө. Сідзи и пукталіс мольяссө кудъяс. Эз и мун чужан лун вылө.

Мөд луннас Коля неокотапырысь руныгис школаө. Эльмира вөлі классын нин.

– Эн тай төрыт волы, – шуис сійө.

– Ёна тай – чужан лун! – лэптыштліс пель-помъяссө Коля, көсйис бара нетшыштны Эльмираөс көсаөдыс, но ... киясыс эз кыптыны.

## ЛАПЪЯПЕЛЬ

Ванюша мамыскөд ветліс карө. Сэтысь сикта-ныс вайисны зонкалы ичөт ёрт пыдди лапъя пеля ичөтик кычипиөс. Ванюша сылы Лапъяпель ним и пуктіс. Татшөм гөна да ыджыд пеля понйыс сик-таныс эз на вөв.

Зонка босътчис сійӧс велӧдны, мед быдторсӧ кутіс вӧчны, кӧзяиныслысь кывзысьны. Кӧть батыс эз тшӧкты, но гусьӧникӧн пыртліс понпиӧс сарайысь, кӧні сійӧ оліс дом йылын. Ӧтчыд буретш вӧлі велӧдӧ Лапъяпельӧс, пырис батыс. Первойсӧ Ванюш быттӧ повзис, но гӧгӧрвоис петкӧдлыны батыслы, мый понпиыс кужӧ, горӧдіс нель кока ёртыслы:

– Лапъяпель, сет гӧлӧс!

И кычипи сетіс гӧлӧс.

– Лапъяпель, вод!

И кычипи водіс.

– Лапъяпель, места!

И кычипи пуксис ӧдзӧсдорса гӧгрӧс джодждӧра вылӧ. Батыс небзыштіс:



– Ичөт, а кывзысьö. Мед, инось, олö.

Öтитор падмöдi: понпи, кор кольлиc öтнас, ёна тязвiс сарайын, а пыр аскöдыс кыскавны Ванюшлы деливö жö вöли. Лапъяпель либö ылö сыысь пышйылиc, либö мудзлиc да ковмылиc ю дорысь ли вöрысь ки вылас гортöдз вайны. Дженъыд кокнас сямыс котравнысö эз вöv.

А зонпоснили Ванюш ошйысис, мый понпыс сылөн овчарка. Абу на аддзылöмаось татшöм пемöстö да эскисны. Но эскöмныс быри, кор öтчыд сылы öти зонка кампет пыдди шыбитiс куйöдтор, и Лапъяпель тшапнитiс дука ёкмыльсö вомас. Ок и вакисны ёртъясыс. Сiт сёйысьөн Лапъяпельöс нимтiсны.

Ванюш скöрмис понпи ылö, босьтiс бедь да лыйис сылы. Лапъяпель лёкногөн тязвöстiс да вешйис бокö. Чуймöмөн видзöдiс кöзяин вылас. Но Ванюш котöртiс гортас. Мед понйыс эз вöтчы, пыр лыйлиc изйён.

Мамыс казялиc öтнасыслысь локтöмсö. Ванюш висьталiс, мыйын делöыс. Мамыс скöрмис:

– Со тэ кутшöм вөлöмыд. Лапъяпельыд öд ичөт на, унатор оз гөгөрво, а тэ пырысь-пыр төлксялöм виччысян. Мун да öнi жö вайöд гортö.

Но корсьöм пыдди Ванюш дзевбсис керка сайö, а сэсса шуис, мый понйыс эз сюр.

Аддзисны Лапъяпельöс сöмын коймöд луннас кильчö пос улысь. Öдва нин лолалиc. Нуисны ветеринар дорö.

– Абу нин олысь,– шуис сйö.– Лун кык сайын, тыдалö, мыйкö сёйöма да пагалöма.

Сюйисны Лапгьяпельлы укол, но понпи нинөм нин эз кыв. Регыд и лолавнысö дугдіс. Мама-пиа тубрыштисны понпиөс рузумö, пуктісны ичöt ящикö да нуисны вөрö. Дзебисны пожом вужля улö. Сэки Ванюш гөгөрвоис: Лапгьяпель некор нин оз нюлышт сылысь нырсö. И сэтшөм заведнö лои, мый вөр пасьталаыс бөрддзис.

## ВАНЮШАЛЫ ЙÖВ

Машаөс мамыс садьмөдö водз, фермаас му-нигөн:

– Чеччы, нылук, школаад эн сёрмы. Ме Лидия Ивановнаыдлы йöv бидон дасьті нин, эн вунöд. Сюрукыд, майбыр, куканясьом бöрас уна лысьтö.

Кор Маша чеччас, мамыс муно удж вылö. Нывкалы эськö окота видзöдлыны, ёна-ö нин быд-мис ичöt кукыс, но некор: колö школаö тэрмась-ны. Сійö олö ичötик гажа грездын, көні сөмын начальнöй школа эм, сэсся лоö котравны орчча вөр лэдзан посёлокö, кык километр сайö. Велалис öтнас асывъяснас кольччыны да ичöt көзаяка моз вердас каньсö, мыськас тасьті-пань, көртыштас еджгов юрсисö лöz ленточкаөн и дась петны туйö. Дерт, шоньд сапөгасяс: тулысыс бурпöt вермасис тө-лыскöд да вермис жö – туйыс ёна тшыксис.

Маша пырالیс орчча керкаö ньöжмыд Таня-ла, кодкөд öтлаын котравліс школаö да пукаліс öти парта сайын. Таня пыр и казяліс нывка кийсь гөрд дзоридза бидонсö.

– Лидия Ивановналөн Ванюшыс рад лоо. Ок сійө йөвтө ёна радейтө,– шуис сійө. – Тіян ещө йөв-ныд нөгыль на.

– Эн вомдзав,– мамыс моз вомалис Маша да кутіс тэрмөдлыны пөдругасө.

Регыд нывкаяс петісны нин сиктсайса муяс вылө, көні восьсаинас туйыс вөлі ёна гөптөсь. Вөр туй вылө воисны да дивъя: тані быттьө Төв-батюшкоыс на олө, туйыс чорыд, сөмын лымйыс пемдөма да ропмунөма. Асылыс эськө шондіа да югыд вөлі, но Таня кутіс повзьөдчыны:

– Машук, а сюзь кө букөстас, повзян он?

– Мед ачыд водздзык эн повзьи-а,– эз сетчы сылы нывъёртыс.

– А көинъяс кө уськөдчасны?

– Кутшөм көин тані? Нөшта дас воськов – и вөрыс помасяс,– збояліс Маша.

Но век жө деливө лои татшөм сёрнияссыс да өддзөдіс воськовъяссө. Таня сыысь эз кольччы. Око-та лои, мед өдйөджык помасяс вөрыс да керөс улысь тыдовтчас посёлокыс. Но друг мыйкө рутшка-ратшкакыліс пуйс саяс, да неылын вирдыштіс сьөд вуджөр. Таняыс повзьөмысла уськөдчис Маша-лань да нем виччысьтөг и тойыштіс сійөс. Бидон-ыс... тювгысис бокө да транмуніс йизьөм туяс! И йөлыс ылькнитіс ортсө! Нывкаяслы эськө котөртны-пышйыны сьөд вуджөрсьыс, да Машалы йөлыс жаль. Лидия Ивановналөн Ванюшыс сійөс сэтшө-ма виччысис... Мый өні шуас велөдысьыслы? Шай-паймунөм нывкаыд весиг эз казав, кыдзи сьөд вуджөрыс уськөдчис сылань да кутіс радпырысь

чеччавны да тјавзыны. Тайö, вöлөм, Машалөн сьöd лайка понйыс вöтчöма на бöрся.

– Ак, тэ тадзи?!– скөрмис нывка да портфельнас кучкис понсö.– Тэ мыжа, тэ! Мун гортö син водзсы!

Нöшта на ырыштчис, но Лыскоыс забеднöйсла никсiгтыр руньöдiс нин бöр муяслань. А Машалөн некодарö эз мунсы. Гортас кө йöвла – школаас сёрмас, школаас – мый шуас Лидия Ивановнаыслы? Но Таняыс мездiс сiйöс:

– Нинөм оз ло, аски нуан.

– Мамö талун көсйысьöма да.

– А тэ шу: «Абу йöлыс, куканьöс вердам на».

Но? Мунiм?

– Мунiм!

Школаын Маша дзедис куш бидонсö партаас да кутiс виччысьны, кор бöръя урок вылас локтас Лидия Ивановнаыс. Майшасис, мый и шуны – пöръявны? Нывкалөн быдөн пöсьыс чепöсйис, кор бöръя урок вылö триньöбтiс звöнок. Но Лидия Ивановналөн урокыс эз ло: кагаыс пö висьмöма. Машалөн лолыс личалис: оз нин ков пöръясьны.

И Таняыс радлiс:

– Аддзан? И бур, мый эз лок Лидия Ивановнаыс. Да öд?

И нывкаяс котöртiсны гортаныс. Мунiганыс Машалөн и вунiс шогыс. Но мамыс вöли гортас да пыр и юалис:

– Йöвтö нуин?

Нылыс муртса эз тшöкмун, но докнитiс юрнас.

– Сідзкө, аскомысь бара нуан. Сьökыд кө, ачым нуа.

– Абу сьökыд, ме нин ачым... – нурбыльтіс нывка да муніс мөд жырьö, водіс диван вылас да бергөдчис стенлань. Сылы вöлі яндзим.

– Висьмин али мый, нылук? – жалитана юаліс мамыс. – Горшыд, көнкө, бара висьмис? Часлы йөвсө пузьöда да юктöда. Йöлыд став висьöмсö бурдöдö.

А Машалы дум вылас уси ичöt Ванюш. Гашкө, сылөн горшыс висьö?

– Дэбалыштас да юышт, а мен колö фермаö ветлыны.

Мамыс шебрöдыштіс Машаöс да муніс. А нывкалы и збыльысь окота лои висьмыны, медым сійöс ставныс жалитісны. А кыз нö Ванюшыс? Ичöt зонкаыс öд висьö и сылы быть колö йöлыс!

И Маша звирк чеччис да матыстчис пачлань, көні көструль тыр пöжсис кыз кеня чöскыд йөв. Нывка тöдіс, мый öні вöчас! Сійö кисьтас тайö йөвсö гөрд дзоридза бидонас да нуас орчча посёлкө, ичöt Ванюшлы. А мед оз ло гажтöм рытьявылыс, босьтас аскöдыс Лыскоöс. Сійö öд тшötш мыйтакö мыжа. А бөр локтас да ставсö висьталас мамыслы. «Видас эськө, но и мед!» – шуис аслыс Маша да босьтіс киас бидонсö.





## **КОДІ ЛОАС ЧЕМПИОНӨН?**

Оз тай весьшөрө овсы ошлы, пыр думайтө, кызди гажөдны вөрүн олысь зверъясөс, пөткаясөс, лэбачьясөс. Гашкө, кык час пукаліс пөрөм конда вылын да мөвпаліс, мый эськө сэтшөмторсө вөчны?

Нем виччысьтөг ошсянь зэв матын чеччыштіс көч, аддзис вөрса көзьяинөс да повзёмысла муртса садьыс эз быр.

– А тэ, кузь пель, пелька чеччалан, – ошкыштіс сійөс Михайлө Иванөвич.

– Чеччавны кужа, кокъяс вылө ог элясь. Быд понйысь верма пышйыны, – сайкалыштіс руд көч.

– Но менам парма-ягын эмөсь и тэысь пелькджык зверъяс.

– Ог төд, Михайлө-батюшко. Эг аддзыв сэтшөм зверъяссө, медем меысь ылөджык вермисны чеччыштны.

Ош ёсь гыжъяснас гыжйыштіс балябөжсө, недыр чөв оліс, сэсся вөлисти торкис пуксьылөм чөвлунсө.

– Вот мый, көсөй... Висьтав став звер-пөткаыслы, медем аски өбед кежлө чукөртчасны Чов ю бокө, көні тай куим пожөм быдмөны. Төдан сійө местасө?

– Төда, батюшко, төда... Кольём во сэн ме муртса кӱин вомӱ эг веськав. Тэрыб кокъясӱй отсалісны.

– Нинӱм абусӱ эн больгы, кывзы да кузь пельяс гӱгӱрыд сюркняв менсьым быд кыв.

– Сюркняла, батюшко, сюркняла.

Вӱрса кӱзьяин чукыльтіс воддза веськыд лапасьыс ӱти чунь, корис кӱчӱс матӱджык локны.

– Аски кутам нуӱдны ордйысьӱмъяс. Кутшӱм звер медся ылӱдз чеччыштас, сійӱ и лоӱ чемпионӱн. Гӱгӱрвоин?

– Кыдзи нӱ, дерт, гӱгӱрвои. Ещӱ кутшӱм индӱдъяс лоасны, пармаса кӱзьяин?

– Лэбачьясӱс, кодъяслӱн медся мича да гора гӱлӱсъясныс, тшӱтш кор.

– Найӱ ӱд оз кужны чеччавныс, мешайтчыны сӱмын кутасны.

Ош кабыртліс кулаксӱ, скӱра видзӱдліс кӱч вылӱ.

– Лэбачьяс музыкантъяс пыдди лоасны. Пуксяласны пожӱмъяс вылӱ да зверъяслы быд чеччыштӱм бӱрын мӱдасны сывны. Гӱгӱрвоин?

Кӱч улӱдз копыртліс юрсӱ, унаысь ӱвтыштіс тугья бӱжнас.

Гажа и лун пуксис мӱд асывсянныс. Ош омӱля эскис кӱчлы, дзугны пӱ вермас менсьым индӱдъясӱс, но кузь пель ставсӱ вӱчӱма сідз, кыдзи велӱдіс Михайлӱ Иванӱвич.

Кор сійӱ воис индӱм местаас, Чов ю бокса эрд вылӱ вӱлі чукӱртчӱмаӱсь нин йӱра, вӱрса кань, кӱин, руч, сьӱдбӱж, сан, тулан, ур, ласича да мукӱд пӱлӱс вӱрса олысьяс.



Куим пожом вылын, кодъяс кыпөдчөмаось туганөдзыс, пукалісны гырысь и посни лэбачьяс.

Көч котөртис ошлы паныд, сувтис бөр кокъяс вылас да вөрса көзяинлы сетис чесьт:

– Тэнсьыд индөдъястө пөртөма олөмө!..

– Молодеч, кузь пель, – ошкыштис сійө көчөс, сэсся гырысь воськовъясөн мөдөдчис гөсьтъяслы паныд, чолөмаліс найөс.

Эрд вылө чукөртчөм зверьяс сэтшөм гораа вочавидзисны ошлы, мый пожом вылын пукалысь пыста повзьөмысла муртса эз усь муас.

Сьөдбөжөс ош индис судьяөн, а ласичаөс ги-жысьөн. Чеччалөм водзвылын судья быд зверлысь мерайтис тушаыслысь кузьтасө, а ласича пасьяліс лыдпасьяссө сямөд лист вылө.

Медводз чеччыштис йөра. Зверьяс пөвстысь унаөн чуймисны, кутшөм пельк сійө, а пожомьяс вылын пукалысь лэбачьяс дыр сьылісны йөралы мыла сьыланкыв.

Эз лёка чеччыштни и вөркань да көин. Судья юөртис, мый кыкнанныс найө петкөдлісны бур вер-мөм, и, гашкө, лоасны чемпионө кандидатъясөн.

И шыльыд эрдсө бара шызьөдисны зверьяс, лэбачьяс. Вөркань да көин радысла нюмъялісны, улөдз копрасисны ордйысьөмьяс вылө чукөртчөм зверьяслы, ошлы копыртчылісны куимысь да сэтшөм улөдз, мый көин зурасис плешнас мырйө, колөкө, йөг кайис.

Көч ас кежсьыс мөвпалө: «Часлы, петкөдла ме тиянлы пуж, медся ылөдз чеччышта, өтнам чемпионөн лоа». Көч вель ылысянь котөртис веж турунөн вевттысьөм эрд вивти, сэсся өддзөдчис

да чеччыштіс сы ылнаөдз, мый кузь кока йөралы весиг завидь лои.

Көч бөрын старт вылө петісны ур да тулан. Первой чеччыштіс өтиыс, сэсся мөдыс. Зверьяс, кодьяс видзөдісны ордйысьөмьяс бөрся, весиг эз мөдны горзыны налы «ура». Муртса кывмөн сьылыштісны и пожөмьяс вылын пукалысь музыкантьяс.

Тулан да ур зэв бура гөгөрвоисны, мый му вылын найө ылөдз чеччыштны оз сяммыны, пу вывсянь кө – мөд делө. Сэки эськө медся первой местаө петісны.

Та бөрын чеччалісны унаөн на, но йөраөс да көчөс пановтны некод эз вермы.

Ош да судья көсйисны нин юөртны, коді лои чемпионөн, но буретш сэки турун пөвстысь петіс чирк да мөдіс кевмысьны:

– Лэдзөй и меным чеччыштны...

– Тайө ордйысьөмьясыс зверьяслөн, а тэ... абу звер ни абу лэбач. Лэдзам огө чиркыслы чеччыштнысө?

– Лэдзөй, лэдзөй! Медся бөрья местаыс сылы вичмас, – ас костаныс сералісны зверьяс.

Чирк зэвтіс став вынъяссө, тойыштчис кокъяснас и матө вит метра сайө чеччыштіс. Лэбач-музыкантьяс медся гораа да мичаа сьылісны пельк чирклы, зверьяс сулалісны юрнысө өшөдөмөн. Көчлөн муртса синваыс оз пет, төдө, мый чирк ставнысө пановтіс.

Ставөн виччысисны, мый висьталас ордйысьөмьяссө котыртысь. Ош петіс эрд шөрө да гораа юөртіс:

– Ордйысьёмъясын медся бур места босьтис чаль кузя чирк. Сійö чеччыштис медся ылөдз. Сідзкө, Чирк Иванөвич и лоö чемпионөн. Музыкантъяс, сылөй да ворсөй гажаджыка!

– Качайтны чирксö! Качайтны!– горзисны сан да руч. Но чирк чеччыштис бокö, воши кузь турун пөвстö. Эз радейт сійö вывтіджык ошкөмсö.

## СУЛАЛÖНЫ МИЧА ПУЯС

Во дас сайын нин öти вöралысь, кор узим ми сыкөд вөр керкаын, висьтавліс меным мойд, коді йитчöма вөр-вакөд, сэні быдмысь пуяскөд. Тайö мойдыс пыр на эз вушйы паметъысь, көть ачым нин лои пöльөн. Та йылысь ме и көсъя висьтавны тiянлы, дона челядь.

Öти вöрса луд вылын орччөн быдмисны нель пу: пушкыра Ниа, еджыд кока Кыдз, веськыд Коз да сыысь на веськыд Пожөм. На вылө тшöкыда пуксьылісны лэбачьяс, узьмөдчылісны посни зверьяс. Пуяс некодöс эз öтдортлыны, быдөнлы сетлісны шойччанін да узянін, видзлісны звер-пөткаөс вильыш зэръясысь, төвъясысь да көдзыдысь.

Тулыснас Коз пу ас вылас öшөдліс вотөсъяс, кодлөн нимыс коляоз. Сійö збыльысь луд вылын быдмысь оз кодь, и чöскыдлуныс абу этшаджык. Арнас Коз вылын öшалöны гырысь кольяс, кодъяс-öс ёна радейтöны уръяс, уркайяс.

Мыйөн шондöдас, воас гажа тулыс. Кыдз вöч-час мича паськөмөн, гөгөр асьсö вевттяс небыд да вильөн петөм коръясөн. Первойысь кө аддзан сійöс татшөм гажа каднас, вель дыр любуйтчан.

Тулсынас и Ниа пу кажитчө мичаджыкөн, лоо ещө на пашкыра. Төдөмысь, кузь төвся кадө шыбитіс ас вывсьыс пөрысьмөм да косьмөм емгъяс-сө, на пыдди быдтіс выльясөс.

Тадзи эськө олісны-вылісны тайө пуясыс, гажөдісны вөрө волысьясөс, но орччөн сулалігөн налы воысь-во лои дзескыдджык, өта-мөдныслы кутісны мешайтны. Ку пиас эз кут төрны джуджыд Коз, ассьыс став лөглунсө сійө висьталіс еджыд кока Кыдзлы:

– Мед көть өдйөджык пөрысьмин да пөрин. Мый тэысь төлкыс, сөмын өти мичлуныд и эм.

Ок, кутшөма скөрмис тайө виччысьтөм кывъяс бөрас Кыдз. Вермис кө эськө, печиктіс плешкас Козлы.

– Тэ, дзор Коз, шуин, мый меысь абу некутшөм төлк! Чошкөд пельтө да кывзы,– и Кыдз тэрыба мөдіс лыддьөдлыны, кутшөм колана пу сійө му вылас.– Төдан-ө тэ, мый меысь вөчөны медся бур улөсьяс, шкапгъяс, крөватгъяс, пызангъяс.

– И меысь вөчөны,– вомаліс сійөс Коз.

– Кымын морт нимкодгъясөны меөн,– ыдждөдіс гөлөссө Кыдз.– Ме йөзлы вая радлун. Менам гаргъясөн да пакулаөн лечитөны висьысьясөс, а вожгъясысь чеггъялөм корөсьөн пывсьөны да вөтлөны мудз уна войтыр. Кор ме пөрысьма да пилитасны пес вылө, медся көдзыд лунгъясас керкаас лоө жар. Тшакла кө либө вотөсла мөдөдчас морт, бара босьтө пестер либө наберушка. А төдан он, мыйысь найөс вөчөны?

– Вывті нин ёна ошйысьны кутін,– чырыштіс сійөс Коз.

– Меысь вöчöны лыжияс, машинаяслы под-  
шипникъяс, – водзö висьталіс Кыздз. – А видлін кө  
öтчид менсьым чöскыд зараваöс тулыснас, кывйыд  
эськö эз бергöдчы менö вöйпныд.

Ниа пу, кодi öнöдз чери моз чöv оліс, тшöтш  
суйсис сёрниас:

– Кыздз веськыда висьталіс, сы кодь колана  
пуыс оз туплясь. Сылөн и нэм помыс кузь, олö матö  
кыксё во. Тані сійö эз висьтав ещö фанера йылысь.  
Мича фанера листъяс артмöны кыддзысь, рубеж  
сайö сійöс весиг нуöны, зарни вылö вузалöны.

– Сідзкö, ачид мун татысь, лёка вожъясыд  
сукöсь, шондi югöрсö весиг тупкан! – мöдiс ыж-  
давы Ниа вылö Коз.

– Ме тэысь коланаджык, баквал Коз. Сідз öд,  
Пожöм? Стрöитасны кө меысь баржа либö керка  
улö столб сувтöдасны, уна дас во ог сісьмы ни ваын,  
ни муын. И олан кадöй менам мукöд пуяс серти  
кузьджык, верма сулавны кыксё ветымын во либö  
дырджык, а быдма матö нелямын метр судта, – во-  
чавидзис Ниа пу.

Варовмис и чöv олысь Пожöм, ассъыс бурторъ-  
яссö мöдiс лыддьöдлыны:

– Ме верма быдмыны кызди лунвылын, сідзи  
и войвылын, көні овлöны öш сюр кусыньтан кө-  
дзыдъяс. Йöзыс менö радейтöны да донъялöны,  
меысь унатор вöчöны: лэптöны керкаяс, школаяс,  
быдсикас стрöйба, вийöдöны сир. Ме медся бура  
весала сынöд, вая йöзлы дзоньвидзалун.

Яндзим лои Козлы тайö сёрнисö панöмысь.  
Ачыс көть йöзлы уна буртор вöчö: козйысь артмöны

бумага, музыкальной инструментъяс, тьös-плакаяс да мукöдтор, но эз кут ошйысьны, а сöмын шуис:

– Прöща кора, чойяс да вокъяс. Важ моз кутам быдмыны öтлаын, некодöс ог кедзөвтöй, некор огö кутöй зычитны öта-мöд костын.

Та вылын и помасис сёрниыс. Помасис и менам мойдöй.

## МЕЖ ДА ЧАВКАНЪЯС

Сикт шöрын сулалис важиник пу вичко.

Кор воис тулыс, вичкоын олысь лэбачьяс неуна ланьтыштисны. Лэбзыласны кытчöкö, сэссия недыр мысти бөр нин локтöны, воманыс быдөн мыйкö вайöны. Здук кежлö вошласны көлököльня пытшкын и выльысь лэбзясны муяс да лудъяс вылö.

Öти тувсов лунö Ларисалөн мамыс, кор мöдöдчис уджавны совхозö, шыасис нылыс динö:

– Урокъястö вöчан да Акробаттö петкöдлы гуляйтны. Тövбыд коньөр гидйын йөршитчис, мед лолыштас сöстём сынöднас, и котралыштны, тöдöмысь, окота. Сöмын сюся видзöд, медым некытчö эз пышйы. И мед челядьöс оз повзöдлы.

– Мед оз дözмöдны дай... Сэки сийö некодöс оз люкав ни повзöд.

Мамыс мунöм бöрын Лариса босьтис нянь шöрöм, восьтис гид öдзöссö да мöдис чуксавны Акробатöс. Öдзöсын мыччысис кудриа гöна, съод пася ыджыд меж, крукыля сюра, плешас еджыд пас.

«Ме-е-е...» – долыда шыасис гидйысь петысь да мöдис нювны нывкалысь кисö, корис чöсмöдны няньнас.

– Гуляйтны ветлам. Сөмын кывзысь. Вильшасьны кө кутан, бөр гидө йөрта. На, сөй сола няньсө.

Акробат радысла весиг чеччыштліс вывлань, босьтіс няньсө нывка кийсь да места вылас йөктыны кутіс.

Мөдөдчисны вичкодorsa йөрө, сәні пөттөдз позьө гуляйтны и ворсны. Акробатөс казялісны понъяс, мөдісны вөтчыны меж бөрся, но некод матыстчыны сы дінө эз лысьт. Сійө пыркнитас юрнас, кучкас муас водз кокнас и дзик пыр вөтлас эргысь понъясөс. Аддзис ас кодьыс жө сьөд каньөс, уськөдчис сы вылө. Кор паныдасис шор, меж эз пос кузяыс вудж, а өддзөдчөмөн чеччыштіс ызгысь шор вомөныс. Чеччалө, дурө вильыш детинка моз.

Йөрө пырөм бөрын Акробат чатөртчыліс, сәсся тэрыба матыстчис вичкоө пыран пос дорө да кокъяснас тотшкөдчигтыр пелька кайис сәті. Бөрсө эз лэччы, а чеччыштіс веськыда муас. Ларисалөн ыркмуни весиг сьөлөмыс.

– Йөймин, кокъястө чеган! Төді кө тайөс, эг и вай гуляйтныд.

«Ме-е-е...» – вочавидзис крукыля сюра меж, сәсся сувтіс бөр кок йылас кыз тополь дорө да мөдіс ниртны сюръяснас пуө. Буретш сәки көлөкөльна вывсянь Акробат вылө уськөдчисны кык чавкан, кавалеристъяс моз пуксисны мыш вылас и зіля мөдісны нетшкыны вурунсө. Лариса уськөдчис мездыны Акробатөс. Чавканъяс эновтісны межөс, лэбөдісны воманыс вель ыджыд вурун прать. Меж скөра видзөдіс повтөм лэбачьяс вылө.

Та бөрын, мыйён нывка вешйыліс меж дінысь, чавканъяс, гашкө, дасысь на уськөдчылісны Акробат вылө и быд пөрийө сы мыш вылысь нулісны вурун көмөк. Өні эз нин кыкөн, а нельён мөдісны вөтлысьны сы бөрся. Дзикөдз раммис Акробат, эз нин котрав ни дур, гартчис нывка кок дорын, быттьө отсөг сысянь виччысьө.

– Доймө, көнкө, мышкыд? Мунам гортө, а то дзикөдз куштасны тәнө. – Нывка кутчысис Акробатлы шуйга сюрас, сэсся петкөдіс сійөс туй вылө.

Гортас воём бөрын пөлыс юаліс шогө усьөм нывкалысь:

– Регыд тай нө гуляйтід?

– Акробаттө чавканъяс муртса кувтөдзыс эз кокавны. Сідзи и усьласьөны, меысь весиг оз повны.

– Чавканъяслы татшөм ён меж оз жө сетчы. Понъяс да канъяс сыысь полөны, челядь оз лысьтны матыстчыны.

– А вот эсійө чавкан рөдсьыс повзис.

– Төдан он тэ, кутшөма отсасьөны чавканъясыс сиктса йөзлы. Муяс да градъяс вылысь найө бырөдөны быдсикас лельөөс, гагөс.

– Мед оз лёкавны Акробат вылө дай.

– Нинөм сыкөд оз ло. Вурун лэзьяссө нешпыштисны да позьясас нуисны, медым пияныслы шоныдджык вөлі. Тэ со гөн вольпась вылын узылан, а налы өд небыдыс да шоныдыс колө жө.

Лариса та бөрын эз нин вид чавканъясөс.





### МЕЗД-БЕДЬ

Танялөн батыс мамыслы ичөтик бедь лөсав-  
ліс. Воропсө мичаа серөдлөма.

– На,– шуө,– отсасысьөс вөчи тэныд. Рокыд  
либө картофелыд кө латкаад сибдас, зэв кокни лоө  
тайөн вуштыштнытө. И дозмуксө оз тшыкөд.

Мамыс видлаліс бедьторсө да нюммуніс.

– А збыль өд отсасысь, кыздз тэн тайө юрад  
воис?– шензгыштис сійө.

– Мезд-бедь тайө лоө,– нимтіс батыс.

– А мыйла «мезд»?– сёрниө суйсис Таня.

– А сы вөсна, мый тайө беддыс йөзлы отса-  
сьысь, пикө воөмаясөс мездысь.

– А быдөнлы сійө отсаяс?– бара юасьө Таня.

– Быдөнлы,– серамыс петіс батыслөн.– Көді  
шуас: «Мезд-бедь, мезд-бедь, отсав», сылы и отса-  
лас.

Узыны водөм бөрын Таня дыр эз вермы ун-  
мовсьны. Сэтшөма сійө мөвпаліс мезд-бедь йылысь.  
Аски ковмас босьтлыны сійөс школаө. Отсасысь-  
ыс Танялы зэв ёна колө. Öти-кө, математика урок  
вылын мөдасны юасьны босьталан таблица, а Таня  
оз на бура төд. Босьтас мезд-бедьсө киас и корас от-  
сөг. А мөд-кө, сійө вермас дорйыны Клөпаысь. Та-

дзи шуисны Танялысь суседсö, кодi вöли кык арöс-  
өн ыджыдджык да велöдчис витöд классын. Збыль  
вылас эськö сылөн нимыс Валерий, но нывкаяс ас  
костаныс Клёпаөн нимтисны. Сийö велöдчис воддза  
сменаын, а Таня – мöдын. И быд лун вочаавлис  
нывкаöс, а бөръя лунъясö весиг лым мачөн кол-  
льöдлис.

Сидзи Таня мöд луннас и вöчис, босьтис школаö  
мезд-бедьсö. Математика урок вылын чабыртис киас  
да шуис: «Мезд-бедь, мезд-бедь, отсав». А сэсся урок  
чöж чожа уджалис, вочавидзис быд юалöм вылö. И  
Танялы пуктисны урокысь «пять».

Нимкодъ нывкалы: со öд кутшöм бур отсасьысь  
өнi сылөн.

А школаысь петигөн бара киас бедьсö чабыртис  
да шуис: «Мезд-бедь, мезд-бедь, отсав». И мöдöдчис.  
Гортас сылы позьö мунны куимлатi. Гөгöртны са-  
дик да выльöн лэптöм керка дортi, көнi некод на эз  
ов. Но сэтi ветлöдлыны Танялы мамыс оз тшöкты:  
стрöйтчанiнтiыс пö нинöм келавнысö. Мöд туйыс  
гөгöра жö лоö, шуйгаладортiыс куим судтаа керка  
дiнтi. Но сэнi олiс Варс нима ыджыд сьöд пон, да  
Таня сэт эз лысьт муннысö. А медся дженьыд туй-  
ыс куим судтаа керка веськыдладортiыс да садик  
костiыс. Сэтi медсясö йöзыс и ветлöдлöны. Но не-  
кымын лун сайын, мыйөн лымйыс небзьыштiс туй  
дорас, керка стен бердас Клёпа вöчис ыджыд лым  
глызаясысь крепосьт сямаöс. И сэтiсянь Танялысь  
локтöмсö быд лун кыйöдö да лым мачөн лыйлö.

Талун нывка эз пов. Сылөн вöли отсасьысь. Ма-  
тыстчис сийö местаöдзыс, кытысянь сэсся векджык  
котöртлывлiс, да сувтыштiс. Сьылисö нюжöдöмөн

кыйӧдчыштіс, но лым глызаяс сайын некод эз тыдав. «Абу талун локтӧма, – чайтіс сійӧ. – И тани мезд-беддыд отсасьӧ».

Сӧмын тадзи мӧвпыштіс, крепосьтын кодкӧ вуджӧртчис. И Танялань лӧбис лым мач. Нывка чур-чермуніс повзӧмсьыс, усъкӧдчис котӧртны, джӧмдіс да уси веськыда туй вылас, кийс разьсис, и мезд-беддыс уйыштіс лым пиас.

Таня весиг кок йылас эз сувт, чабуӧн и нюжӧдчис лым толаас: мӧдіс корсьны мезд-бедьсӧ. Гудраліс небыд на лымсӧ, некымын шоньд луннад абу на удитӧма чорзъыны да топавны. Сӧмын юрсӧ бергӧдыштіс, видзис чужӧмсӧ лым мачьясысь. А найӧ лӧбисны и лӧбисны: мышкас, пельпомас, юрас. Таня чайтіс, мый лым мачыс помтӧм. Мезд-бедь эз сюр. Нывка пӧрччис кепысьсӧ да куш кинас мӧдіс чабравны лымсӧ, но ставыс весьшӧрӧ: беддыс быттӧ сылӧма. Таня пуксис туй юж вылас да гораа бӧрддзис. Ёна доймис син дорыс, кытчӧ веськаліс лым мачыс. Ӗбиднӧ вӧлі мезд-бедьсӧ воштӧмысь. Да и кийс вӧлі курӧг лапа кодь гӧрд да сотчис кынмӧмысла. Таня кӧсйис кепысясьны, но ва кийс кепысяс эз тӧр, и ковмис разьны пальто кизьяссӧ да суйны кияссӧ питшӧгас. Ачыс гораа бӧрдіс.

Клӧпа мыччис юрсӧ лым стена сайысь да видзӧдіс сы вылӧ, сӧсся петіс да воськовтіс нывкалань.

– Мый воштін? – юаліс Клӧпа. Но Таня лимзаліс да эз вермы нинӧм висьтавны. Да и эз кӧсйи Клӧпалы, код радиысь воштіс мезд-бедьсӧ. Оз, оз, Таня оз висьтав.

Синваыс гӧгыльӧн визувтіс сы чужӧм вьвті.

И друг... Клёпа нюжөдчис Танялань да инмөдчис шоньд кинас сылы бан бокас, чышкыштіс нывкалысь синвасө.

Таня другөн ланьтіс, сөмын коръясөкө сыркунліс ёна бөрдөмсьыс. А Клёпа, мирас медся лёк детинкаыс, чышкаліс сылысь синвасө да шуаліс:

– Эн бөрд. Кылан? Ме сэсся некор тэнө ог өбидит. Кылан? И некод сэсся тэ вылө кинас оз лысыт воны. Некор и некод. Кылан?

И тайөс шуаліс Клёпа. Медся скөр да лёк зонкаыс. Тайө, дерт, мезд-беддьыс мездіс. Ачыс воши, а Танялы отсаліс. Дерт жө, эз ачыс бурөн ло Клёпаныс. Мезд-беддьыс тадзи вөчис.

## ВАРЫШПИ

Петя лөсьөдіс ситеч торйысь парус да ладмөдіс пуысь вөчөм пыжө. Маша, ичөт чойыс, гажтөмтчис мам-батьсьыс, кодьяс талун, шойччан лунө, мунісны кытшовтны пес чипасьяс. Сійө босьтөма акань, тубралөма рузумөн да, өшиньө дзоргиг, качайтө, «өввө» сьылө.

– Петя, Петя, мамыд локтө, – радпырысь горөдіс сійө да содтіс: – Көч гөснеч вайө.

Петя видзөдліс өшиньө. Дзирьяөд пырис мамыс, чышъянтөм, небыд төв вөрөдіс сылысь руд юрсисө. Киас вөлі тубрас, кодөс сійө кутіс видзчысьөмөн.

– Видзөдлөй, мый ме вайи, – пырөмөн тшөтш шуис мамыс.

Челядь уськөдчисны көтшасө. Мамыс видзчысьөмөн мездіс чышъянысь лэбачпиөс.

– Мама, кытысь нө кутін?– детинкалөн пельки-ник киясыс то тадз, то этадз мөдлісны босьтны сійёс мам кисьыс.– Кутшөм тайё лэбач?– юасис Петя.

А Маша кекөначасис да чеччаліс:

– Ура! Мамук! Ми асьным быдтам ичөтиксө.

– Энлөй, энлөй, дзикөдз повзёдінныд коньёр-ос, со кызди тіралө. Энө вөрзёдө кинаныд. Лэчча ме вөрысь, кок улө видзөда, а тайё ичөтикыс туй вылас. Муртса эг тальччы. Гашкө, усьөма позсьыс, либө төв уськөдөма. Ме чайта, варышпи тайё.

Челядь шензигтыр видзөдісны варышпи вы-лө. А лэбач педзис кузиник кокъяс вылас, өдйө лолаліс.

– А батьө нө кор воас?– вөлисти слөймисны юавны челядь.

– Киссьөм чипас кольччис тэчны, сэсса көс-йис Марья ичиньыдлысь пессө видзөдлыны. Воас.

Мамыс муніс картаө куканьясөс дөзёоритны, челядь колины өтнаныс. Нөшта здук лөня видзө-дісны лэбач вылө, а сэсса кыкнанныс матыстчис-ны сы дорө. Варышпи мөдіс уськөдчыны боклань, но Петя тэрыба кватитіс сійёс. Чоя-вока каньөс моз раз-мөд малыштісны юрсянныс векньыдик сылі кузяыс.

– Эн пов, эн пов,– шуалісны найё.

– Петя, вай сылы чом вөчам,– зіля шыасис Маша.

– Лэбачьясыс оз чомйын овны, а позйын,– велөдіс Петя ичөтджык чойсө, коді ветлөдліс на садйө, көть и медбөръя во. А детинка асьсө ыджыдө, дерт, пуктіс, коймөд классө нин вуджис да.

– Сідзкө, поз вөчам?– Маша котөрөн пырис пыді вежөсө.

А Петялы колө вөлі гөгөрбок видзөдлыны лэбачөс. Веськыд кинас кутіс варышөс морөсөдыс, и ки пыдөснас кыліс, кыдзи тіпкис сылөн сьөлөмыс. А сэсся мөдіс небыдика новлөдлыны чуньнас юрсянныс сера сьылі кузяыс, видліс паськөдны ичөтик вынтөм бордьяссө. Петя матысянь адззывліс сөмын пышкайөс, и өні шензьөмөн видзөдіс, мый тайө лэбачлөн кокьясыс кузьджыкөсь, сьөд нырыс өшөдчыштөма увлань, бокыс да сьылыс гөр-



дов да рудов чутъяса. Варышпи корсюрö чатöрт-  
лывліс-гонькнитлывліс юрсö да восьтлывліс вомсö,  
тыдалö, корис сёйны.

Маша петкöдіс моздорас куд, ситеч торъяс,  
вата да мöдіс вöчны поз.

– Энлы тэ познад,– öлöдіс Петя.– Со сёйны  
корö.

– Час, ме нянь да шыд вая,– бара мöдіс петны  
Маша.

– Сёяс тэнсьыд шыдтö, дерт нин. Найö медсясö  
шыръясös радейтöны.

– А кысь ми шырсö босьтам? Гашкö, миян гö-  
böчад эмöсь да?– юалö Маша.

– Миянтö абуöсь. Мый вылö нö Мур кань-  
ным.

– А кодлөн эмöсь?

– Лок, Марья ичинь ордö ветлам. Сылөн каньыс  
абу, карад быд во тöвйö да. Сылөн вермас шырыд  
лоны,– нуöдчыны мöдіс Петя.

– А кыз нö ми найös кутам?– серöктіс  
Маша.

– А ог и ми кутö, а миян Мурным.

Челядь петісны ывлаö каньла. Но корсьны сійös  
эз и ковмы. Мур нюжöдчöма веськыда кильчö вылö,  
шонді югөр улö, сöмын дышеника восьтывлö то  
öти синсö, то мöдсö.

Марья ичинь паныдасис челядьлы дзиръя до-  
рын, мöдöдчöма пошта вылö. Сійö кывзіс челядьös  
да сёлöмсянныс серöктіс. Но керкаö пырны лэ-  
дзис, мед пö инö Мурыд кань дуксö вöчö гöböчас, а

то шыръяс пö матö воштисны. А бөр кө пö мунан-  
ныд, кильчöсö тасалöй.

Петя зэв збоя кутис суйны каньöс гөбöч öдзöс сайö, но Мурлы тайö эз кажитчы: нявзис да сарпасис. Медбöрын кызкö чоя-вока вермисны жö йöткыштны сийöс öдзöс саяс. Но кыйсьöм йылысь Мур, буракö, эз думайт, авзис, вöзйысис бөр петны. Петя каличалис öдзöссö да пуксис лабичö. Маша ладмöдчис сыкөд орчөн. Вочасөн кань ланьтис. Пуксис чöv-лөнъ.

– Петя, Мурыд, буракö, лэччис гөбöчад, гашкö, кыйсьö нин, – вашкөдис детинкалы чойыс.

– Дерт, кыйсьö, көнкö. Найö öд шыр дуктö кылöны.

– А кутас кө шыртö да сёяс? Варышyd бара тшыг кольö.

– Оз сёй. Век тай гортö вайö петкөдлыны. Мед кодкö ошкыштас.

Челядь пукалыштисны недыр и, шöпкөдчыштöм бöрын, восьтыштисны öдзöссö, көсйисны видзöдлыны, гашкö пö каньyd пиняс нин кутö шыр-тö да оз вермы нявöстнысö. Но восьтöм бöрас шай-паймунисны... Каньyd абу и пыралöма гөбöчас, век öдзöс саяс пукалöма.

– Полö йöз гөбöчад, – гөгөрвоис Петя. – Ковмас миян тшöтш пырны.

– Ме ог, тэ öтнад пырав, – бöрыньтчис Маша. – Гашкö, сэни бубыляяс олöны.

– Кутшöм бубыляяс? Наөн öд сöмын челядьöс повзёдлöны! Лок, – бара корис Петя.

– Ме ог.

– Лок, мися, а то полысь көчөн нимтыны понда.

– Тэ ачылды полан, сійөн өтнадөн он и пыр, – водзсасис нывка.

Дерт, Петялы шуштём жө вөлі пырны өтнаслы йөз гөбөчө, но ичөтджык чойыслы тайөс нинөмысь эз көйы петкөдлыны.

– Тэ сөмын ас йывсыды думайтан, а варышпи йывсыды он. Тшыглы кө кулас? Гашкө, и шыр кутігас отсасыны ковмас.

Маша полөмпырысь воськовтіс Петя бөрся. Но кор лэччис содъяс кузя, да синъясыс велалыштисны пемыдас, то аддзис, мый гажтөмыс тані нинөм абу: ичөтик өшиньяссө номйысь тупкөма марляөн, но югыдыс сы пыр усьө. Стен дор мозыс путкыльтөма некымын пельса, тэчөма тыртөм кудъяс, неылын тыдаліс картупель чукөр. Вөлі ыркыды. Челядь пуксисны куд вылө. Кань исасигтыр муніс ылыс пельөсө.

– Вот аддзан, корсысыө нин, регыды кутас, – шөпкөдө Маша.

Но Мур, гөбөчсө кытшовтөм бөрын, бөр воис челядь дінө да водіс кок уланыс. Маша кинас йөт-каліс каньөс, шөпкис:

– Мун, корсь өти шырөс, тэ дышөдчөм ради варышпиыс кулас.

– Эн вөрөд сійөс, лөня пукав, мед Мурыды шырсө кылас.

Пукалісны дыр. Маша вөлі өти платтьө кежысь да мөдіс кынмыны. А каньлы веськодь, куткырт-

чөмөн вугралө, сөмын, кор челядь вөрзыласны, дышпырысь восътлас виж синсө.

– Петя, ме кынма, вай петам татысь, – корис Маша.

– Петам. Мам вөлі шуө, миян пө Мур морт кодь жө төлка, а некутшөм төлк абу вөлөма.

– А, гашкө, шырыс абу тані да, – кань вөсна өбиднө лои Машалы.

– Гашкө, и абу, – кывйө сетчис Петя.

Челядь радейтісны ассыныс каньсө да дзик төлктөмө эз жө көсйыны пуктыны сійөс.

Шонді нөрөвтчис рытлань. Гөбөч бөрын ывла вылыс вөлі югыд да шоныд, но челядь вөліны шогынөсь. Мурөс лэдзисны Марья ичинь йөрас, оз кө пө кывзысь, мед ачыс туйсө гортас коряс. Тасалісны кильчө өдзөс и петсны йөрысь. Друг кыліс шутөвтөм. Тайө вөлөма Коля, суседныс. Сійө велөдчис өти классын Петякөд.

– Кытчө мөдінныд? – юаліс сійө.

Петя да Маша висьталісны ассыныс шогсө Колялы.

– Аддзөмныд, мыйысь шогсыны. Буйөс кута да мунам муяс вылө шыртө кыйны. Сэсь көть пуд шыр кый, позьө сө варышөс быдтыны.

Коля петкөдіс гез пом, домис понсө и ставөн мөдөдчисны сикт сайө кыйсыны. Буй усьласис өтарө-мөдарө. То өтилаын бергалас, челядь мөдасны сэтысь корсьны шыр поз, а пон нин мөдлаө уськөдчө; то мөдлас картупель поз костын сарпасьны, челядь котөртасны сэтчө, а сэн нинөм абу.

Тадзи воисны вөр дорөдз. Котралісны пон бөрся козъяс да пожөмъяс дінті, пыравлісны кустъяс улө.

Буй котравныс мудзис, дышмис, некымынысь нин пондыліс мездөдчыны көртөдысь, но кор гө-гөрвоис, мый оз мын, пуксис туй бокө. Мудзөм челядь пуксялісны сы дорө.

Шыр кыйөм бара помасис.

– Кутшөм тайө тэнад пон. Весиг шыртө эз вермы корсьны,– увтыртана шуис Петя.

– Но и мый, эз кө. Шыръясыс, гашкө, сөмын войнас петөны.

– Некутшөм кыйсьысь пон таысь оз артмы,– бара шусис Петялөн.

– Буйыс өд том на. Вот быдмас и лоас бур вөралысь понйөн.

– Кыськө нин, лосьөма,– венө пырис Петя.

– А тіян... тіян варышyd быдмас да мөдас чипанъясөс сиктысь новлыны,– аслас пон вөсна лөгасьөмла крапнитіс-шуис Коля.

Тайө кывъясыс вөліны сэтшөм видзчысьтөм-өн, мый Петя эз куж пыр жө вочавидзны.

– Оз, ми бур варышөс быдтам,– ёсь гөлөсөн чилөстіс Маша.

– Ха-ха, бур варыш быдтысьяс,– дэльөдана серөктіс Коля.– Шышөс быдтанныд! Мөдім, Буй, гортө. Мед, колөк, войбыд шырсө куталөны,– и детинка понйыскөд мөдөдчисны сиктлань.

Чоя-вока колины кыкөн. Петя пукаліс юрсө өшөдөмөн. Обидаысла тіралісны вом доръясыс. Ставыс артмис мөдарө, эз сідз, кызди колө... Варыш

коли тшыг. Мурсö колисны Марья ичинь керка дорö. Аддзис-ö Мурыс гортö туйсö? Колякөд зыкө воисны. А збыль öд овлö, мый ыджыд варышгьяс чипангьяссö гусявлöны. И налөн кутас новлыны?..

– А ті нö мый танöсь?– друг кылісны челядь батыслысь гөлөссö.

– Батьö, батьö!– уськөдчисны челядь сы дінö.

Вöрысь лэччигөн челядь öта-мөдсö торкаліг висьтавлісны батыслы ассьыныс кыйсьөмсö. Сöмын Колякөд вензьөм йылысь чöv олісны. Батыс пөттöдзыс сераліс да шмонитіс:

– Но, öні, көнкө, Марья ичинь гөбөчсьыд став шырыс юртөг-садьтөг пышйис.– А сэсся сьөлөм сетіс: – Эн майшасьöй, вердам варышпитö.

Гортас воём бöрын челядь корсялісны нидзувьяс, сэсся пешкыльтісны кырсь да öктісны пучöйясöс. Варыш лои пөт. А батыс көрталіс сылы öти кокас кыз сунис да домис лабич дорö.

– Батьö, мыйла нö варышписö домин?– юалö Маша, буракö, жаль лоöма лэбачыс.

– Мед оз ветлөдлы кытсюрö да быдлаті оз лякөсьт.

– А сэсся нö мый, дом йылын и мөдас овны?– оз миритчы нывка.

– Оз жö öд. Аски асыв петкөдö сайникö да пуксьөдö курөг позйö. Сэні и лоö оланіныс. И кань-ыд сэсь оз судзöд.

– Коластьясыс паськыдöсь да петас,– суйсис сёрниö Петя.

– А ті нин асьныд мөвпыштлөй, мый позяс вöчны, мед оз пет.

– А костъяссö кö нъöрйöн кыны?– юалан синъясöн видзöдлiс детинка батыс вылö.

– Позьö. Лоö нин тiян асыв уджыд,– серöк-тыштiс батыс.

Та вылö и сувтiсны.

Водöм водзвылын нин петiсны ая-пия кильчö вылö лолалыштны сöстöм сынöднас. Мур тшöтш вöли танi, куткырвидзис-пукалiс кильчö сод вылын. Сэки сöмын Петя збоймöдчис юавны:

– Батьö, а сэсся варышпиыд быдмас да, гашкö, чипанъястö сиктсьыд новлыны мöдас?

Батыс дыркодъ чöв олiс. Петялы нин кажитчис, мый сiйö эз кыв юалöмсö.

– Вот мый, Петя,– медбöрын шыасис жö сэсся.– Быд ловъя лов чужöма му вылас овны. А варышпиыс öнi ичöтик, жебиник. Ми кö огö отсалöй, кулас. А быдмыштас, ёнмыштас и – лэдзам. Верман кö мортыд, быд ловъя ловлы колö отсыштны...

Колякöд зыксöмсянь вöлись личалiс Петялөн сьöлöмыс. Сiйö ыджыда ышловзис.

## МЕДСЯ ЫДЖЫД

Гришалөн таво аслас град йöр. Тулыснас ставөн пуктысьöны, да вежыс петiс. Корис ыджыд мамыслысь му. Мöдыс шензьяштiс детинка вылö, но мусö юкис, ылыс град пельöсысь.

Гришалы нимкодъ: аслас му вылын ачыс кöзьяин. Гөрнысö батыс отсалiс, а сэсся кöть мый вöч. Пуктiс Гриша ведра джын картофель, а рöсадала ковмис бара ыджыд мам дорö шыасьны: аслас öд

нем абу. Сетіс, эз жалит. Пемыдгөрд заа веж корьяса нэриник быдмөгъяс, тайö пö свеклö да дас вит капуста кок.

Пуктіс ставсö Гриша. Быд асыв локтö му вылö, видзöдö, ыджыда-ö нин быдмисны. Вежон кымынсö быттö вежсьöмыс ёнасö эз тöдчы, да öти рытö Гриша киськаліс быдмөгъяссö куйöда ваён, мөд луннас – чеччыштöма.

Зэв нимкодпырысь Гриша дözьöритіс пуктасъяссö.

А сэсся воис гожöм – купайтчан да гожйöдчан кад: ылöдлöны Гришаос вөр дор да вадор. Кежавліс жö эськö эонка гожöм шөрнас öтчыд град йöрас, нетшкис ёг турунсö: нявда да йөн уна петöма вöлі, муртса и аддзалис быдтасъяссö ёг турун пиысь. Мудйис картофель.

А сэсся бара ставыс вуні.

Воис ар, град выв пуктасъяс идралан кад. Кежис и Гриша град йөрö, видзöдалö: картофельыс бура быдмöма, веж корьяса пемыдгөрд заа нэр турунсьыс мичаник гöгрöсіник свеклö артмöма. А вот капустаыс, капустаыс... абу и тупыльтчöма, куш кор. Идралис бара Гриша ёг турунсьыс градсö, да мисьтöм капустаыс ёна мöдіс тыдавны, ёг пиас озджык вöлі синмад шыбитчы.

Муніс Гриша ыджыд мам град йöрас видзöдлыны, кутшöмджык сылөн капустаыс. Бергаліс да дивуйтчис: чажвидзöны му вылас еджыд топыд махьяс. Гришалөн весиг вомыс калькмуніс, аддзис татшöм чуймöданаторсö да.

Керис Гриша картупель, пыртліс гөбөчө свеклө.  
А капустаыс майшөдлө, здук кежлө эз вунлы, ёнтис-  
ывксёдіс, быттё чунё сатшкөм жель ыёдөма.

Өтчыд, кор ыджыд мамыс лавкаө петіс, Гриша  
капустасө кодйис да и вежис. Ассьыс корйө кайөм-  
сө ыджыд мам град вылас нуис, а сылысь медся  
мича көчанъяссө бөрйис да ас му вылас пуктіс.  
Ёнакодь няйтөссис и муөссис, но град вылас ви-  
дзөдлыны нимкодь лои.

Мөд луннас узигкостіыс на кыліс өшинь улысь  
ыджыд мамыслысь гора гөлөссө:

– Видзөдлы, видзөдлы, менам внукуд кутшөм!  
Эта ыджда капуста быдтөма.

Детинка уськөдчис өшинь дорө, занавес костті-  
ыс кыйөдө, кодлы тайө ыджыд мамыс ошйысьсө.  
Вөлөмкө, суседка Егоровналы, пөрысиник нин ныв-  
бабалы. Вундөма медся ыджыд көчансө да петкөд-  
лө.

– Со өд, со өд, кутшөм киподтуя, – шензьө мөд-  
ыс.

Рытнас мам-батыс удж вылысь воисны, бара  
шензьөны да ошкөны пиуксө. Гриша сөмын шпын-  
нялө да чөв олө.

Ыджыд мамыс и шуө:

– Гриша, колө учительницаыдлы петкөдлыны,  
кутшөм град йөр тэ вөдитін, кутшөм мича капуста  
быдтін. Мед ставөн нимкодьясьөны микөд тшөтш.

Детинка сэтшөма тайө кывъясьыс повзис, мый  
чужөм вылас кельдөдіс.

– Ог, ог петкөдлөй, – сөмын и вермис вашнит-  
ны.

– Мыйла нө ог? Тiян классайдлөн, дерт, та-  
тшөмыс некодлөн абу. Колө нулыны. Сэссия став  
челядыслы висьталан, кыдзи тэ дөзьөритiн-быдтiн  
сийөс. Тэ кö родан, ме ачым асыв нуа.

Гриша сувтöдiс син водзас асьыс классö: со  
сийö ошйысьö капустаөн, ылöдлö ставнысьö, весиг  
учительницасьö. И сэтшөм сылы яндзим лои, весиг  
ачыс аслыс зывök.

– Ыджыд мам, эн ну школаад. Тайö тэ татшөм  
мича капустасьö быдтiн. А ме... ме вежи.

Сэтшөм сьökыда сетчисны Гришалы тайö  
кывъясыс. Сийö чайтiс, мый öнi и ыджыд мамыс,  
и бать-мамыс уськөдчасны сы вылö да бон-бус пи-  
няласны. Сийö увлань лэдзис юрсö да виччысис.  
А пинялөм пыдди ыджыд мамыс шылькнитiс сы-  
лысь юрсö да топöдiс ас бердас:

– Бур, мый висьтасин.

– Ыджыд мам, а тэ гөгөрвоин, мый ме вежи?

– Казявтөг эг ов.

– А мыйла нө ошкин, а эн пиняв? Мөд во, сiдзкö,  
мутö меным он нин сет?

– Мыйла нө ог? Пуктысь да быдтысь.

– Ме, ыджыд мам, локтан во тәнсьыд велөдча  
капустатö быдтыны.

И кокни лои сьөлөм вылас Гришалы тайö сёр-  
ни бöрас.





## **АС ВӨЧӨМ ЛЫЖИ**

Генялы бара шог. Көть школаын, көні быдторсыыс челядь ворсоны, көть гортын: век өти дум – лыжи колө. Дед-бабыслысь пу дадьсө нин кисьтіс да найө сэсса оз сетны. Дай дышөдіс дадьнад иславны, абу ичөт. Лыжи вылад позьө ньөв моз утыштны увлань, кежлавны, кызди көсьян, дай дзопканти чеччавны. Геня дадьнас тшөтш чеччыштіс өтчюд. Бур, мый некоді зонъяс пиысь эз адзыв. Сы бөрын и кисис даддьыс.

Но ладнө. Ыджыдджык вокыслы неважөн виль лыжи ньөбисны – ёсь ныра, югыдлөз рөмөн мавтөма, дай ёсь ныр вылас кутшөмкө пас на шлөпкөма. Мича!

Шурик вокыс пыр и көмаліс лыжисө да котөртис кыр йылө, өртъясылы горзө:

– Эй, менам виль лыжи!

А зонъяс босьтісны Шурикөс кытшө, өтвыв радлөны. Ставныс лыжиаөсь... Геня эськө матыстчыліс тшөтш, да сы вылө эз и видзөдлыны – тэ пө лыжитөм да ми тэкөд ог ворсөй...

Забеднө лои Генялы, бать-мамыслысь быд лун мөдіс лыжи дзайгыны. Но мый вөчан, лавкаас кө абу.

Коркө өтчүд папыс удж вивсьыс локтигөн ва-  
йис кыз пу, паччорас лэптис сийөс.

– Мый вылө тайө, папа?– юалис Геня.

– Косьтам да видзөдлам, мый артмас, – нюмдіс папыс.

Сэсся ньөжйөникөн мөдіс лөсавны-вөлавны пусө, стружитны-мольөдны. Ачыс видзөдалө гөгөр-бок пусө, быттьө сы пыр мыйкө көсйө аддзыны...

Өти асылө Геня кайис паччорас чөрөсысла да чуймис быдсөн: – Лыжи!

Да, тайө вөлі збыльысь лыжи. Сөмын мавтөм на, лым кодь еджыд, но ёна жө мича. Генялы лои сэтшөм нимкодь, мый сийө сөрмис школаас...

Но вот. Лыжиыс регыд лои дась: ёсь ныра, сук турунвиж краскаа, тасмаысь вөчөм көвъя – мед коксыд оз пышйы исковтигад. Сөмын нырас пасыс эз вөв. Но и мед, зато лыжиыс эм!

Геня воис кыр йылас да горөдіс:

– Эй, менам выль лыжи!

И төвзис чой горув.

– Хе, ас вөчөм, – чиктылісны зонъяс.

Геня бара шогө уси. Гортас муніс да папыслы ставсө висьталіс.

– Нинөм, пиук, – шуис папыс, – эн видзөд быдөн вылө. Ислав, а лыжиыд тэнад налөн серти ёнджык да бурджык на.

И збыль – Геня регыд велалис медся бура иславны, дзопканти чеччавны. Ёртъясыс весиг вежавны мөдісны.





**ГАЖА ЛУН**

Шонді муртса бансö мыччис,  
Уджыд, майбыр, ставлы вичмис.  
Ворсö кийн коса, куран,  
Лёддзö водö тшöкыд турун.  
Удж оз личав.  
Пуö сёрөдз.  
Уна мича  
Кыптö зорөд.  
Сиктса войтырыд видз вылын  
Кад оз лыдды, кисьтö ньылөм.  
Быдөн кутö сьөлөм бердын:  
Гожся луныд төвбыд вердö.  
Тыр-бур пөтмөн  
Кöрым быдмис.  
Сидзкö, скöтным  
Содас-лыдмас.  
Шонді вöртас сайö сунис.  
Рытиввылын – гөрд шöвк сунис.  
Шонді шойччыны кор пырис,  
Сöмын сэки гажыс бырис.  
Уджын кывтис  
Гажа лун.



Ыбъяс вывтi  
Ветлö ун.  
Асывылын кыа öзйис,  
Локтысь асыв выль тöжд вöзйис.  
Регыд видзъяс вылын бара  
Пузяс уджыс важсьыс яра.  
Пуяс сайысь  
Петны пондiс  
Выль лун вайысь  
Би гöрд шондi.





**КОМИ КЫВ**

Коми кыв, ме төда,  
Ыджыдтор оз шу на,  
Төда ме и сійӧ –  
Оз и сӧр на уна.

Тайӧ кыв мем дона,  
Небыд, мича, гора –  
Вунӧдас ен мыжӧс,  
Кодыр сійӧн кора!

Тайӧ муса кылӧн  
Чой-вок сёрнитӧны,  
Тайӧ кылӧн меным  
Ай-мам бур сиӧны.

Тайӧ кыв ме кывлі  
Аслам люлю дінын,  
Сійӧ менам вунас  
Сӧмын дзебанінын!

Тайӧ кывлысь мичсӧ  
Сьӧлӧмӧн ме кылі –  
И ме медводз сыӧн  
Ньӧжйӧника сьылі...

Тайö кылөн мукöд  
Гораджыка сьылас –  
Сё кызь сюрс пель сәки  
Уна буртор кылас!

### **РАКА**

«Быдся лэбач-пöткаысь  
Кодлөн мичаджыкöсь пиян?» –  
Юаласны Ракалысь.  
– Рака гозъялөн пö миян!

### **ШЫР ДА ГАДЬ**

*(Коми мойджыв)*

Ветлиг-муніг Шыр да Гадь  
Ю дорö со воисны.  
Ва дінöдзыс лойисны  
Няйтсö, сэсся-й сулав, дадь!  
Вуджны васö колö,  
А Шыр оз лысьт, Гаддьысь полö.  
Бергöдчыны медся шань,  
Мукöд Шыръяс, Гадьяссиянь  
Абу лөсьыд, яндзим зэв!  
Мукöд Шыръяс багатыръяс,  
Кодйивлöны кыръяс;  
Мукöд Гаддьöс оз син пев,  
Сідзи пöльтöм ёна!  
Нималöм көть кодлы дона.  
Гаддьыс шуö: «Шырöй, кев!»  
Тэ пö водзджык, – Шырыс шуö.  
Тэ пö, – Гаддьыс: – ме пö суа.

Да эм-ө пö тэнад садь?  
«Аслад мывкыд абу нинöм!»  
Шырыс: – Кок пö дженъыд!– Гадь:  
«Коктöм ме да-й паськыд кынöм!»  
– Мый пö меям кокысь?– Шырыс.  
«Да пö кокыд тэнад тырыс!»  
Вензисны сідз найö дыр.  
Лөгасис Шыр – лөгнас Шыр  
Ваö буз-баз чöвтчис пыр,  
Кокшөнъяснас сынiс-мунiс  
Быдса сыв – да-й сунiс!  
Шырлысь нöйтчöм аддзö Гадь,  
Сералö и воштö садь...  
Синванас со синмыс пемдöм,  
Öддзöм, öзийöм, пöльтчöм, семдöм...  
Сералис да сералис,  
Да и потiс кынöмыс.

### ГУТ

Мудзöм тут,  
Вöв тай локтö гортас гөрөн.  
Мегыр вылас сылөн сьöрын  
Пуксьöм Гут.  
Мöд Гут лэбзиг налы паныд  
Мегырвывсаыслысь сэн  
Юалö: «Кысь бергöдчанныд?»  
– Синъястö тэ босьтiн эн?–  
Чатöртöм мысьт нырсö вылö  
Мегырвывса шуö сылы:  
– Аддзан, кыскам гөр?  
Тöд жö, йöйнöш, гөрим!

Шань, мый вайөдө ен бөр,  
Этша кө, ми мудзысь пөрим!

Кывлінныд-ө, лыддысьяс  
Инвалид кыз ошйысьлас?

### МИКУЛ

*(Важ мойджык)*

Мун тэ сёрнит сыкөд,  
Өньө Микулкөд!  
Эн пө менө тшыкөд,  
Эн пө велөд рөд!  
Быдса гожом мортыс  
Оз и пырав гортас,  
Вөрын вөралө,  
Тшак сик корсявлө...  
Коді-й ай-мам сылөн?  
Көнъя-й сылөн горт?  
Төдан, тайө морт  
Чужом ластва вылын  
Ачыс тшакыс ног!  
Сійөс оз босьт шог.  
Уджалам ми керам,  
Сылы тайө серам!  
Менө пө тэ он,  
Он, буракө, ылөд  
Петны кыз удж вылад!  
Сідз пө долыд, зон,  
Оз увт пөрысь пон  
Тыртөм пуыд вылө!  
Өньө Микул сьылө...

Мый нө? Лёка шань,  
Сөмын эз вөв нянь.  
Ош моз синтө кунь  
Да и нёнйав чунь!  
«Шаньнас эськө шань,  
Сөмын кыз нө колөм?  
Сьөкыд висьөмланы  
Мунө тай нө олөм...  
Эк-ма! Быдтор шань!  
Зэр моз енвевтсаянь  
Шудөй киама воас!  
Енмыс кытчө лоас,  
Дасьтысяма на, час!»  
Тшаксө вотигас  
Өтпыр аддзө сая –  
Гуын узьө коч.  
«Ме пө кочсө кыя –  
Кусьыс дас ур стөч,  
Яйсьыс мөд ме кыин...  
Лоас бара, зон!  
Сы бөр кызы ур дон  
Ньоба кык порсьпаян.  
Пиялас порсь гоз  
Кызы нель порсьпи. Лыдды!  
Муса паян пыдди  
Еджыд аныкытш моз  
Джодж тыр разөдчасны,  
Менө долөдасны!  
Сулав – джоджысла  
Найөс вузала,  
Зептын казяла  
Дас шайт! Сы бөр – шензышт!–

Мөд дас ая-эньсьыс!  
Воас бара, зон!  
Өні ачыл артав –  
Сійө кызы шайт дон  
Пукта керка-карта!  
Жырөй еждөдчас,  
Рочось өшиньяс,  
Джоджөй волялас,  
Джекъяс би кодь гөрдось!  
Мед оз лякны пос,  
Ротальяслы рос  
Тшөкта вайны сьордысь.  
Слуга да казак  
Вотасны сэк тшак;  
Ачым узы да... Гөгөр  
Сэки лоас рай!  
Гөтыртө мем вай,  
Өзьялө мед өгыр  
Сылөн чужөмас!  
Кольк кодь еджыдось,  
Кольк кодь гөгрөсөсь  
Сылөн пельпомъяс!  
Сы дырйи, зон, пөсь  
Кызья босьтө ставтө,  
Сыкөд воштан автө!  
Өмидз ва кодь вирыс,  
Шондї яй-лы пырыс  
Тыдалө – эн пов,  
Тыдалө, зон, бара!  
Грездыд мем оз ков,  
Грездысь муна карө!  
Сэки сьыв да ов!

Сэк ме, зонмөй, лоа  
Ачым ыджыд перт.  
Сэк ме гөгөрвоа  
Роч кыв ёна, дерт.  
Гөлөваөс-йөйөс  
Сэки серала,  
Төдны станөвөйөс  
Сідз жө нинөмла!  
Суддяөс да попөс...  
Ог, ог! Прөтөпопөс  
Сэки кора гортө:  
«Оз-ө позь ме ордө...» –  
Шуа найөлы.  
Йөйми, видзөдлы!  
Рочөн понда корны:  
«Прошу ме покорнө...»  
Кыдз нө сэсся. Час!  
Сэки аддзыяс!  
Да ме мыйла сэтшөм?  
Корөм, копрасьөм  
Колө-ө, кор сьөм  
Зептад тырыс тэчөм?  
Ачым верда-уда  
Ог өд йөз моз, кор  
Сөй сэн пипу кор!  
Нянь-сов пызан суда  
Пызан вылын. Сөй;  
Көть и ортсө кой!  
Миян көдзтөг-гөртөг  
Няньөй петалас!  
Миян нюртөг-вөртөг  
Пөтка пөжасяс!

Сэки ме – лешак!–  
Ог жö видлы тшак!  
Ог кув тшакшöн кузя!  
Сэки умтöдз узь;  
Кор öбедня кузь,  
И öбедня узь.  
Мый тэ босьтан? Узя!  
Мед эськö оз вун:  
Кыдзи – югыдлун!–  
Сэки ми пасьтасямö!  
Кымын кизь азамö  
Сэки аслым вура!  
Паськөмлы дон тэч  
Милльон этша-этш!  
Вöччыны кө, бура!  
Ме ог тöд на дзик  
Миллионсö; оз тырмы,  
Сэтчö миллион кык  
Содтам бара пыр ми!  
Дөрөмöй – господь!–  
Адса öгыр кодь  
Сэки лоас гөрд!  
Оз и гöтыр бөрд:  
Поп ризи кодь пиö,  
Коньөр, вöяс сийö!  
Дзугсяс кө, вач-вач.  
Вöлись серökта ме!»  
«Олам, олам тадз,  
Сэссия-й содтысямö,  
Чужасны тай миян  
Аканьяс кодь пиян,  
Вильышаöсь, ёсьöсь!

Мед сэн найö косясь  
Мукöд пьянкöд!  
Сэтшöмъяссö мöд  
Чужты таладорын!  
Ми тай гöтыркöд  
Асьным öшинь дорын.  
Ачым öшиньöд  
Равöста лёк горөн,  
Петмысьт коскöй выйön:  
«Ай жö, муса пьян!  
Ай жö, Вась, ай, Педь!  
Босьт тэ из, босьт бедь!  
Кодыр сылань мöдiс,  
Тiянöс мед тöдiс!»  
Сöмын горöктас  
Öньö Микул сiдз  
(Горшсö эз жö-й видз!),  
Кöчыс чепöстяс  
Кыдзи весьöпөрöм...  
Мича гöтырсö,  
Вильыш пьянсö,  
Керка, кар и дөрöм,  
Код эз вöv на-й көрöм –  
Быдсö пышйöдас  
Кöчыс мыш вылас!

### **ТУРИ ДА РАКА**

Олас-вылас Кузь-Кок Тури,  
Сийöс суас сэтшöм лёк:  
Рака сылы паныд сюри,  
Ракатög оз унмыс лок!

Тюп-тяп нюрöd Тури мунö  
Рака ордö корасьны:  
«Еджыд Рака, югыдлунöй,  
Эз кут тэтöг овсьыны!  
Верöс сайö Тури сайö  
Пет тэ, сьölöм косьтöдысь!»  
– Кузь гурдейöс куль пö вайö!  
Мун пö меям син водзысь!  
Тюп-тяп нюрöd Кузь-Кок Тури  
Вöялö да локтö бөр.  
Эз вöv шогыс, со и сюри!  
Сьölöм ас пиас оз төр!

---

Олас-вылас Сьöd-Гөн Рака,  
Сийöс Тури коралас.  
Бур ань сийöс видас-лякас,  
Тодмышкöдыс бергöдас.  
Асьсö войнас шогыс босьтас:  
«Кыз пö овсяс Туритöг?  
Ой, ой, ой пö, шогöй косьтас!  
Тури муса, Тури лөг!»  
Тюп-ляп Рака нюрöd мунö  
Тури ордö кевмысьны:  
«Верöс саяд, югыдлунö,  
Босьт, босьт, понда кывзысьны!»  
«Мун сэсь! Öнi он нин бурöd!  
Сьöd дявöллөн чужтöмтор!»  
Тюп-тяп Рака мунö нюрöd,  
Раксöм сылөн шог и нор!

---

Олас-вылас Кузь-Кок Тури,  
Бара сійӧс суас лёк.  
Рака сылы паньд сюри,  
Ракатӧг... (кыдзи водзын).

---

Олас-вылас Съӧд-Гӧн Рака,  
Тури сійӧс коралас.  
Бур ань зонмӧс видас-лякас,  
Тодмышкӧдыс... (кыдзи водзын).

---

Лун-вой сёйӧны сідз найӧ  
Ӧнӧдз, а оз пусьы рок.  
Нывъяс, зонъяс! Мед жӧ тайӧ  
Гӧгӧрвоас тiян вок!

---

Шог, код оз босьт кевмӧм сьӧрти,  
Нарт, код вылӧ кевмысьӧм  
Рака – Тури моз, а бӧрти  
Нэмныс ӧтка майшасьӧм!





### **ГРАД ЙÖРЫН**

Миян муным пом ни дор,  
Быдтам сәні помидор,  
Салат, свеклө да капуста,  
Кушман, анькытш да петрушка,  
Сёркни, редис да укроп,  
Сельдерей да лук-чеснөк.

Эм и оз, и өмидз,  
Сэтөр, пелысь, льём,  
Нөшта уна дзоридз,  
Налөн уна рөм.

Локтам школа йөрө,  
Сьөлөм вылын рад,  
Быдтімө өд асьным  
Татшөм мича сад!

### **ИСЛАСЬЫСЬ**

Югыд төлысь, сёркни чөлөс,  
Код нө тәнө йирис?  
Кодкөлун на быдса чөлөс,  
Талун со нин джынйыс!

Гөра йывсянь лыжи вылын,  
Шурк искофта увлань!  
Югьд төлысь, сёркни чөлөс,  
Кымөр пөвстас сунлас.

Небыд лымъяс, пушyd лымъяс,  
Пурскысьла ог өтчyd,  
Вой төланöй, шондiбанöй,  
Ме бөрся эн вöтчы!

Чуксалö нин, кылö, мамö,  
Кильчö вывсянь горзö,  
«Малышок» вылад пö сёрман,  
Öдйö котöрт гортö!

Ок и лöсьyd ывла вылас!  
Чужöмбанöй ломзö.  
Сöмын чуксалö тай мамö,  
Кывзысьтөг мöй поззö?

### ОТСАСЬЫСЬЯС

Карта сайын паськыд му,  
Коркö быдмылöма сю,  
Öнi сэнi кыптö школа,  
Отсасьнысö тшöтш ме вола.

Тöрыт кыскалiмö лыа,  
Уджалiмö ывла вылас,  
Талун батö босьтлiс дiнас,  
Öтув тэчим джуджыд стена.

Кыдз нӧ отсасьныс он ветлы,  
Бать кӧ черсӧ на тшӧтш сетлӧ?

### ТӖВСЯ РЫТ

Паччӧр вылын ружтӧ пӧльӧ,  
Пӧсялӧма брӧд,  
Ӧшинь сайын лӧвтӧ турӧб,  
Сайкалӧм оз тӧд.

Мам и чой-вок вольпасьынӧсь,  
Вӧталӧны вӧт,  
Сӧмын Толя лыддысьӧмысь  
Некыдзи оз пӧт.

Паськыд саридз шӧрын дӧтор,  
Кащей пӧльлӧн горт,  
Пемыд гуын ойзӧ-лӧвтӧ  
Чепӧн дорӧм морт.

Багатырӧс, удал зонмӧс,  
Корсьӧ мича ныв,  
Кащей пӧльлы, мустӧм пӧльлы,  
Корсьӧ ёран кыв.

Сьӧлӧм лыддысьысьлӧн тӧпкӧ,  
Мый нӧ водзӧ, мый?  
Кодкӧ мелӧ синсӧ тупкӧ,  
Он тай сӧйӧс кый.

Ӧшинь сайын век на турӧб,  
Сьылӧ сьыланкыв,

Пызан саяс нускө Толя,  
Нинөм дзик оз кыв.

Со и очсалө нин батыс,  
Пилы шуө: – Вод!  
Сэтшөм уна лыддысьсөмсьыд  
Юрыд мед оз пот.

### ПӨРЪЯСЯН ЛУН

Мишук велөдчө первой классын. Быд асыв  
школаө мунігөн сійө зэв лабутнөя шуліс:

– Но, ме мөді, бабө!– и петалис өдзөс саяс.

Тайө лунас бабыс манитыштіс зонкаөс, төдан  
он пө, Мишуня, первой апрель талун, пөръясян  
лун.

Миша серөктіс:

– Ха, мыйла ог төд? Төда. Сөмын абу пөръясян  
лун, а сералан лун.

– Ёызд көть шу, мед сөмын тэнө, пиукөс, эз  
пөръявлыны,– кайтыштіс бабыс, но Мишук сылы  
вочасө өдйө и крапкис:

– Менө бөбйөдласны?! Ачым на ме кодөс колө  
пөрйөдла!

И петіс. Бабыс сөмын лапкерыштіс кинас.

Воис школьник пажын бөрын, шлапкис лабич-  
ас портпельсө да первөй делө и ошйысьыштіс:

– Захаров Юраөс пөрйөдлі, Панюкова Елена-  
беленаөс да девятойысь куритчысь Шурикөс! Ой,  
бабө, адзылін кө, ёна и серамыд петіс! Шурик, мися,  
школадорса киоскын талун донтөм папирос вуза-

лөны дай поснияслы няклялан резинка. Со, ме ньöби кыкöс.

– Збыль папироссö вузалöны?– букöстис Шурикыс да уськöдчис ывлаö. Поссö лэччигөн сконйыштчис да жмот-уси. А ме тэрмöдла, бырö öд, мися, папиросыд, мун öдйö!

– Вильышпоз тэ. Музгильтис кö коксö, Шурикыс?– кайтыштис бабыс.

– А-а, мед оз куритчы дай.

Бабыс воча кыв пыдди шуис:

– Кодъяс мян эмöсь, тэ кö тöдан! Вай пыралам чуланад!

Чуланын джодж пасьтаыс сильгисны-сьылисны вижоват ловъя комокъяс.



– Сильөпиян! Кытысь нө?– шензбыштіс Мишук.

– Батъыд вайис. Ньөбөма Зеленечса фабрика-ысь. Мишуня пө мед быдтас-дөзьөритас, радейтө кө кольк сёйны.

– И мый? И быдта! Кута ёна дөзьөритны! Оль-оль-оль, кутшөм мусаёсь? Позьё өтиёс киё босьтлыны?

Бабыс гогнитыштіс юрнас, позьё пө. Но сөмын на көсйис Мишук кутны өтикөс, сы коста бабыс зэв чорыда несйис. Сильөпияныд ставөн ляскысисны джодж бердас, лөнисны, куліны быттьө.

Повзис Мишук, чирөстіс:

– Ой, бабө, бабө, куліны! Ставөн!

– Кыдзи куліны? Зэв визулөсь өні на вөліны да,– ымөстіс бабыс да босьтіс өтиёс, вайөдіс вом дорас, аслас шоныдөн, думсьыс, көсйис ловзьөдны. И мый ті чайтанныд? Сильөпиыд друг восьтіс синсө да жбыр-жбыркерыштіс бордъяснас. Лэдзис сильөтө джоджас. А сәні и мукөдыс пондісны вөрны.

А Мишук гажаа серөктіс:

– Пөрйөдлісны! Миянөс тэкөд пөрйөдлісны! Кулөм улө со сетчылісны. Тшөтш төдөны пөръясян лунтө!

– Колөкө, и төдөны... – нюммуніс бабыс да бурздук сәсся баба-внука нюмъялісны да нимкодясисны быдтасъяснас.





**КОМИ МУ**

Коми му кузя ме муна.  
Гөгөр сулалө съод вөр.  
Вөрыс вывті-вывті уна,  
Сыысь унаыс оз төр.  
Аддза: сәні шыльыд пожөм  
Вылө ләптө ассьыс юр.  
Сылы өткодь, төв көть гожөм.  
Сэтшөм пуыс тайө бур.  
Сәні, быттё пөрысь пөчө,  
Дзормөм кыпөдчөма коз.  
Сійө увъяс костын вөчө  
Вөрса пөтка шоньд поз.  
Сәні вашкөдчөны гора  
Пипу чойкөд еджыд кызд,  
Мыйкө сёрнитөны нора,  
Корнас шенасьөны сідз.  
Сәні сус пу гөгрөс бока,  
Сәні пелысь, сәні льөм.  
Тані бадьяс, вөсни кока,  
Вадор пөлөн уна эм.  
Вөрыс помтөм. Туйыс көні?  
Зонмө, яг пиад эн вош.  
Аддза тані, аддза сәні  
Ыджыд тапикасьө ош.

Ветлө кӱин, пиньсӱ йирӱ,  
Корсьӱ аслыс кынӱмпӱт.  
Наян ручыс гуӱ пырӱ,  
Бурӱн некодлы оз шед.  
Кӱчыс дзедьсӱ лӱпгьяс сайӱ,  
Видзӱ асьыс дона юр.  
ӱдийӱ-ӱдийӱ пуӱ кайӱ  
Паськыд бӱжа ичӱт ур.  
Дозмӱр пувсӱ зӱля сӱйӱ,  
Гӱгӱр жуӱ сьӱла, тар.  
Тури кокнас нюрсӱ лойӱ:  
Абу муса сылы ар.  
Аддза: пищальӱн со муӱнӱ  
Сьӱла кыйны коми морт,  
Гортса олӱм сылӱн вунӱ,  
Ылӱ кольӱма нин горт.  
Туйтӱг ӱтнас ветлӱ сӱйӱ,  
Вӱрын нинӱмысь оз пов.  
Уна вӱрса пӱтка кыйӱ,  
Уна зверлысь босьтӱ лов...  
Муна водзӱ, муна ылӱ,  
Оз и помась пемыд вӱр.  
Кӱнкӱ гора сӱрни кылӱ,  
Бриньгӱ пила, клӱнгӱ чер.  
Аддза: сортовка кер лӱдзӱ  
Том и пӱрысь коми йӱз,  
Мича шпалсӱ зӱля вӱчӱ,  
Тӱчӱ юяс дорӱ пес.  
Вӱла войтыр сӱни жуӱ,  
Трактор муркӱдчӱ лунтыр:  
Кыксӱ керйӱн ӱтпыр нуӱ  
Гора шыӱн ветлӱгтыр.

Оз кыв сәні видчөм, мургөм,  
Лёкысь горөдлөм оз кыв,  
Сөмын уджалысьлөн юргө  
Кыпыд, гажа сьыланкыв...  
Паськыд туй выlö ме пета,  
Аддза: вежсис туйлөн сер,  
Көть и важ моз шувгө сэтөн  
Кыкнан бокас пемыд вөр!  
Бөр и водз пыр ветлө сәні  
Уна сё автомобиль,  
Вөлөк мунысьясос венө,  
Быд лун локтө выльысь-выль.  
Муна водзө... Тулыс воө.  
Лымйыс сылө, киссьө зэр.  
Көдзыд йисө шонді сөйө.  
Ойдө уналаті вөр.  
Ваын сулалөны пуяс,  
Ваыс рөмпөштан кодь лөнь.  
Эжва, Сыктыв, коми юяс –  
Бытьтө паськыд эзысь вөнь.  
Аддза: трактор мусө гөрө.  
Коми войтыр көдзө нянь.  
Тувсов уджсө быдөн керө.  
Жургөм тракторлөн оз ланьт.  
Тайө трактор – абу дивө,  
Абу дивө – паськыд йөр:  
Йөзыс олө коллективөн,  
Лөк пу гөрйөн оз нин гөр...  
Бара водзө, водзө муна.  
Гөгөр сулалө сьөд вөр.  
Вөрыс вывті-вывті уна,  
Сыысь унаыс оз төр.

# ВОГӨГӨРСЯ ОЛӨМ

## 1. Тулыс

Заводитіс шонді  
Төвлысь вежны лад,  
Яра сотны пондіс,  
Воис тувсов кад.  
Көдзыд лун-вой быри,  
Сыліс еджыд лым,  
Юыс ваөн тыри,  
Гымалө нин гым.  
Надзөникөн киссьө  
Муяс вылө зэр.  
Сулалө да мыссьө  
Зэрнас пемыд вөр.  
Нимкодяссьө сэтөн  
Небыд коръя кыз.  
Мича турун петө,  
Вежөдөма видз.  
Мөдлапөлын кылө  
Утка, дзодзөг, юсь.  
Колипкай нин сьылө,  
Колипкай оз узь.  
Зіля гөрө, көдзө  
Муяссө колхоз.  
Трактор вылө пөчө  
Дзоргө шензигмоз.  
Челядь котыр ворсө,  
Котралө лунтыр.  
Тувсов гажа горсө  
Кылан сәні дыр.

## 2. Гожом

Вылө шонді кайө,  
Ёрө йөзлысь син.  
Жарыс сылөн вайө  
Мулы ыджыд вын.  
    Быдмө, йывмө йөрын  
Картупель да лук.  
Няньыс зэрөм бөрын  
Ләптысьома сук.  
    Вөччөмаось пуяс,  
Паськөм налөн веж.  
Ляпкалоны юяс,  
Содө лыа бөж.  
    Видзьяс вылын пуө  
Уджыс лун и вой.  
Ытшкысь, куртысь жуө,  
Вына налөн сой.  
    Мича турун вөчө  
Отувтчөм бур йөз,  
Зорөдъясө тэчө –  
Пөтас вөв да мөс.  
    Вөрын уна вотос:  
Мырпом, пув да чөд.  
Шонді найөс сотө,  
Кисьмыштасны мед.  
    Няньыс быдмө, кайө,  
Сьөктө сылөн юр.  
Гожом мортлы вайө  
Уна пөлөс бур.

### 3. Ар

Шонді мыйкө дышмис,  
Чинтис ассыс өд.

Гожся моз оз ышмы,

Ыджыд жар оз сет.

Рудов кымөр чукөр

Панлө сьökыд вен.

Шонділөн гөрд югөр

Вошлывлө нин сән.

Мукөддырйи зэрө,

Мукөддырйи – пуж,

Видзөдлан кө йөрө,

Градъясыд нин куш.

Колхозса бур войтыр

Идралө выль нянь.

Төждысян кө вайдөр,

Олөм лоас шань.

Рыныш дорын кылө

Гора вартан шы.

Лэптысьома вылө

Арся уджлөн гы.

Вартөм бөрын позьө

Кыйны сьөла-ур,

Зверкөд пырны косьө,

Пищальыс кө бур.

Луныс көть и чинө,

Няйтыс көть оз быр,

Жугыльтчыныд нинөм,

Йөртөдыд кө тыр.

#### 4. Төв

Югыд шонді төдө:  
Эштіс арся удж.  
Зэв нин сёрөн петө,  
Ветлө өти сутш.  
    Лэптысьö и лэччö,  
Кусö пырысь-пыр,  
Аски дыша чеччö,  
Узьö вывті дыр.  
    Луныс быри, воши,  
Помтöм лои вой.  
Локтіс еджыд тоша  
Кöдзыд, би кодъ збой.  
    Дорис юяс, шоръяс,  
Вöчис йиа пос,  
Чирсіс пулысь коръяс,  
Лои гөгөр кос.  
    Потшöс пöлөн тола  
Пукталö төв ныр.  
Шоньд сиктса школа  
Велöдчысьөн тыр.  
    Кöдзыдысь оз повзьи  
Ыж ку пася морт.  
Керкаын оз овсьы,  
Дзескыд сылы горт.  
    Вөрö сійö муно  
Лэдзны шпал да кер.  
Төвся уджыс уна,  
Сöмын зіля вөр.

## ТУВСОВ ЛУНӢ

Тувсов лун лои кузь.  
Локтӧ дзодзӧг да юсь.  
Абу му вылын лым.  
Кӧнкӧ гымыштіс гым...  
Мунам ветлыштам ми  
Пемыд вӧрын, бур пи.  
Ӧні югдӧма вӧр,  
Сійӧс мыссьӧдіс зэр.  
Сэсся кывзыштам вай,  
Кыдзи сьылӧ быд кай:  
Сьылысь кайяслӧн дыр  
Гажа сьылӧм оз быр...  
Мунам водзӧ, бур пи.  
Воам видз вылӧ ми.  
Сэні турун оз узь,  
Быдмӧ, лэптысьӧ кузь.  
Вежмӧ пасьтала видз,  
Быттьӧ сералӧ сідз,  
Мича дзоридзӧн тыр  
Турун копрасьӧ пыр...  
Дыр на гуляйтам ми  
Тувсов лунӧ, бур пи.  
Тайӧ гуляйтан лун  
Во чӧж миян оз вун!

## ВЕЛӢДЧӢЙ, ЧЕЛЯДЬ

Велӧдчӧй, челядь,  
Югдӧдӧй юр.  
Велӧдчӧм вайӧ  
Тіянлы бур.

Понданныд төдны  
Быдсяматор:  
Шондйыс, муыс  
Лоома кор;  
    Гожомын мыйла  
Гымалө гым;  
Ар бөрын кытысь  
Локталө лым;  
    Көдзтөгыс кызди  
Лэптысьö вөр;  
Кысь сәни лоө  
Пөтка да звер;  
    Му вылын кутшөм  
Дивөяс эм;  
Мый вөсна йөзыс  
Уджалө нэм.  
    Понданныд төдны  
Омоль и бур.  
Велөдчөй, челядь,  
Югдөдөй юр!

### **ЗАРНИ ЧУКӨР**

Өти сиктын, өти грездын  
Бура олісны кык вок.  
Налөн некор зык эз вөвлы,  
Некоднанныс эз вөв лёк.  
    Өтчыл модөдчисны найө  
Өтув кыйны сьөла-ур.  
Асьныс думайтөны сідзи:  
«Ещё ручыс оз-ө сюр».

Öдйö вoсьлалöны вoкъяс.  
Блö кoли нaлөн гoрт.  
Ягын пaныдaсис нaкöд  
Еджыд тoшкa пöрысь мoрт.  
«Кывзöй, энö мунö вoдзö, –  
Шуис нaлы тoшкa дeд. –  
Тайö туйöд, мусa пиян,  
Нинöм тiянлы oз шeд».  
«Гашкö, шeдaс, мыйöн тöдaн, –  
Вoчaвидзис öти вoк. –  
Миян видзöдöмөн ягыс  
Тaни aбу вывтi лeк».  
Пöрысь дeд кык вoклы бaрa  
Шуис: «Кывзöй мeнö тi.  
Тaни aбу ур ни сьöлa,  
Абу руч ни кöинпи.  
Бур кö кoлö, энö мунö.  
Мaтын куйлö ыджыд змeй.  
Кывзöй мeнö, пöрысь мoртöс.  
Пöрысь мoртыд aбу йöй.  
Мунад вoдзö – змeйыд сeяс,  
Кыдзи мöскöс сeйлö oш.  
Гoртö бeргöдчöй, бур пиян,  
Кытчöдз лoв тiян эз вoш».  
Старик пуяс сайö пырис.  
Вoкъяс сулaлисны дыр.  
Сэсся сeрни бöрын нaлөн  
Пузис сьöлöмъясын вир.  
«Мунам вoдзö, нинöм пoвны.  
Кывзы, Вaнью, мунам лoк!»  
Сидзи ыджыдыслы шуис  
Öнью нимa ичöt вoк.

Ыджыд вокыс пищаль лэптис:  
«Змейлы со мый миян эм!  
Тэнад чер да менам пищаль  
Сылы дженьдодасны нэм!»

Водзö уськөдчисны вокъяс.  
Өньö кутö кияс чер.  
Мöдыс лөсьөдчöма лыйны.  
Кияныс некодлөн оз дзөр.

Недыр котөртисны найö.  
Воссис пуяс костын луд.  
Мича дзоридз сэни быдмö,  
Турун лэптысьöма сук.

Гөгөр видзөдöны вокъяс,  
Оз-ö мыччысь змейлөн юр,  
Оз-ö войдөр сийö ачыс  
Налы лыйöм улö сюр.

Змей оз мыччысь, змей оз тыдав.  
Кышакылö луд выв эрд.  
Өньö аддзис ыджыд чукөр  
Би кодъ югыд, би кодъ гөрд.

«Мый нö тайö синмөс ёрö?  
Кодкө пестис өмөй би? –  
Шуис сийö.– Ветлам, Ваньö,  
Тайö дивö динад ми».

Би кодъ югыд чукөр динö  
Вокъяс воисны дзик пыр.  
Кияс шевгөдисны найö  
Шензигтыр да горзигтыр:

«Зарни деньга! Зарни чукөр!  
Лыдтöм, помтöм озырлун!  
Деньга та мында он аддзы,  
Көть тэ море сайö мун!

Тайö озырлунөн быдмас  
Миян пельпом сайын борд.  
Тайö деньгаөн ми олам,  
Кыдзи олö купеч морт.

Вичко ыджда керка лэптам,  
Пондам сёйны еджыд нянь.  
Ньöбам эзысь самöваръяс,  
Эзысь тасьті, эзысь пань.

Базар вылö ковмас мунны:  
– Кучер, доддяв тройка вöв!  
Барскöй олөм сэки лоас:  
Кокньыд, лөсьыд, гажа зэв!»

Тадзи сёрнитісны вокъяс,  
Татшөм вöлі налөн кыв.  
Зарни чукöрыслөн ыджда  
Лои гөгөр öти сыв.

«Со и кывзы пöрысь дедöс,–  
Кайтіс Ваньö радлігтыр.–  
Татчö эгö кө ми локтöй,  
Гöля олім эськө дыр».

«Тайö деньга,– мöдыс шуис,–  
Пөттөдз вердас уна вом.  
Миян челядьнымлөн челядь  
Оз на аддзы сылы пом».

Асьныс мөвпалöны гусьөн:  
«Делö сійөн абу бур,  
Мыйла тайö озырлуныс  
Меным öтнамлы эз сюр».

Дыркодь сулалісны найö.  
Зарни ёрис налысь син.  
Юрын öти дум и вöлі:  
«Этша лоас чукөр джын!»

Ваньё ичөт воклы шуис:  
«Нопйё зарниыс оз төр.  
Ставсё ас вылад он кыскы,  
Вөвтөг нинөмтор он кер.  
Ветлы, Öньё, гортё вөвла.  
Тэнад томджык меысь кок:  
Тані зарнисё ме видза,  
Кытчөдз вөлөн тэ он лок».

Öньё пыксыны эз понды:  
Мем пö мунны абу дыр.  
Черсё киняулас босьтис,  
Гортё мөдис пырысь-пыр.  
Регыд Öньё гортас воис,  
Асьсё радысла оз чайт.  
«Баба, баба, мый ми аддзим!  
Деньга уна-уна шайт!

Ягын куйлө зарни чукөр,  
Лыдтөм, помтөм озырлун.  
Деньга та мында он аддзы,  
Көть тэ море сайё мун!

Бдждыд вокöй зарни видзö,  
Кытчөдз вөлөс ме ог вай.  
Сийё көсийё сэтысь босьтны  
Чукөр джынсö, асьыс пай.  
Кывзы, баба, огö сетö  
Воклы зарни чукөр джын.  
Тайё чукөрысь мед мян  
Öти куим ур оз чин.  
Öдйö, öдйö, баба, пöжав,  
Кулан зелля вылын нянь.  
Тайё няньөн вокöс верда,  
Ставыс лоас сэки шань».

Баба мужикыслы шуис:  
«Дзик пыр пöжала, эн пов.  
Зарни чукөр миян лоас,  
Воккөд юксыны оз ков».

Корсис сійö кулан зелля.  
Пуктіс няньö чепöль кык.  
Сэтысь пöжаліс дас көвдум  
Выйөн мавтіс ставсö дзик.

Öньö көвдумъяссö босьтіс,  
Шуис: «Бур жö вöчин тэ!  
Вок кө кулас, зарни чукөр  
Дзоньнас аслым кыска ме!»

Вөвсö доддяліс да мөдіс  
Сійö тэрмасигтыр бөр.  
Вөтлө Рыжкоос да горзö:  
«Ноко, өддзөд, сёлөмшөр!..»

Сійö ветлігкості Ваньö,  
Зарни видзысь ыджыд вок,  
Дзик жö сэтшөм горшлун кузя  
Думсö думайтöма лөк:

«Регыд, регыд Öньö локтас,  
Сыысь некыдзи он мын.  
Ковмас зарни чукөр юкны,  
Ковмас сетны чукөр джын.

Ог ме сыкөд бурөн юксы,  
Öти куим ур ог сет!  
Сійös пицальысь ме лыя,  
Ставыс меным коляс мед».

Водіс Ваньö чукөр сайö,  
Төдö, керны колö мый:  
Пицаль пельпом дінö пуктіс,  
Курөк лэптіс, сөмын лый.

Из кодъ лои сълөн сьолөм,  
Мустөм лои сылы вок.  
Сөмын өти зарни муса,  
Сөмын зарниысь и шог.

Дыр-ө, недыр сійө куйліс, –  
Кылө: матын рөдтө вөв.  
Аддзө: телегаөн локтө  
Ичөт вокыс өдйө зэв.

Киыс Ваньөлөн оз тірав,  
Лыйсьысь сійө вөлі бур.  
Плешас воклы пуля лэдзис,  
Мед пө потас сълөн юр.

Пуля асьыс туйсө аддзис,  
Пуля мөдлаө эз мун.



Өньө усис, Өньө кулі.

Эз ло сылы озырлун.

Ваньө өдйө муысь чеччис

Гөгрөс лои сылөн син.

«Өні, – шуө, – оз ков сетны

Ичөт воклы чукөр джын.

Өні зарни менам лоас,

Арся нянь моз, йөртөд тыр.

Өні менам барскөй олөм

Оз и помась, оз и быр.

Озыр купеч пөвстө петны

Өні воссис меным туй.

Өні весиг старшинаыд

Менө арестө оз суй!»

Сэки доддысь сійө аддзис

Мича көвдум, небыд нянь.

«Часлы, сөйышта пө войдөр.

Тшыгйөн овны абу шань».

Сөйис сійө өти көвдум,

Сөйис куим, сөйис нель.

Сөйис ставсө, мыйта вөлі,

Өти көвдум джын эз коль.

Берді, пемдіс сылөн синмыс,

Смертьыс босьтіс сылысь лов.

Кулан зелля сійөс виис,

Зарни нуны эз и ков.

Олөм помасис кык воклөн.

Пөрысь мортыс эз вөв йөй:

Сійө шуөм кузя, сәні

Збыльысь куйліс ыджыд змей.

## ЯГ МОРТ

Уна төдліс коми войтыр  
Шудтөм лун да гажтөм кад.  
Коркө важөн сылы вөлі  
Парма пытшкын веськыд мат.

Ветліс сәні, пашкыр ош моз,  
Гундыр сяма гөна морт.  
Гашкө, вакуль пөвстысь петысь,  
Гашкө, вөрсяяслөн ёрт.

Туша вөлі сылөн ыджыд –  
Быттьö увтөм пожөм пу.  
Паськөм пыдди сійö новліс  
Куим вуртөм йөра ку.

Вой шөр войын быдтор аддзис  
Сылөн мисьтөм гөрдов син.  
Көнкө шуштөм пемыд вöрын  
Вөлі сылөн оланін.

Мукөддырйи öти киөн  
Сійö шыбитліс кыз кер.  
Татшөм вөлі Яг Морт нима  
Вөрса гундыр нисьö зверь.

Йöзыс садьтөг сыысь полис,  
Дзоргис гөгөр лун и вой:  
Оз-ö кыськө пуяс костысь  
Мыччысь сылөн гөна сой?

Уна вöралысьлысь сійö  
Кыйсянінас босьтіс лов.  
Шоч нин вөлі сэтшөм мортыс,  
Коді гундырысь эз пов.

Изьва дорын, Кыпыд сиктын,  
Оліс сәки пöрысь пöль.

Бура сёйис, бура юис,  
Эз вөв озыр, эз вөв гөль.

Сылөн вөлі шань да мича  
Райда нима өтка ныв.

Өтка нылөс шог эз босьтлы –  
Быд лун сыліс сыланкыв.

Асывводзсянь рөмыд рытөдз  
Сійө пуксьылөм эз төд,  
Лэбач моз пыр чеччаліс да  
Сьывтөг ывлаө эз пет.

«Мый пө жугыльтчөмөн овны.  
Яг Морт татчө эз на лок!  
Коркө пөрысьма да сэки,  
Гашкө, надзмас менам кок».

Мамыс нимкодясис нывнас,  
Ошкис сійөс пөрысь ай:  
«Со пө мян донаторйыд  
Сьылө, быттьө колипкай!»

Томджык войтыръяслөн сьөлөм  
Висис Райда вөсна пыр:  
«Мый пө верөсөс оз бөрйы  
Сійө мян костысь дыр?»

Райда шмонитөмөн шуліс:  
«Оз ков верөсьясыд мем.  
Натөг лөсьыда на позьө  
Меным колльөдлыны нэм!»

Татшөм сёрни өтка нывлөн  
Водзө, төдөмысь, эз мун,  
Регыд сылы удал зонкөд  
Воис чунькытшасян лун.

Зонлөн нимыс вөлі Туган.  
Кыйліс сійө уна ош.

Вөралігөн сійө вөлі  
Медся повтөм, медся чоҗ.  
Свадьба лунлы паныд Райда  
Мунис вотны чөскыд оз.  
Сьöрас босьтис вугъя чуман –  
Вотанторлы ичөт доз.

Енэж вылын шонді ворсө,  
Пөльтө лунвыв шоныд төв.  
Небыд турун пөвстын дзоридз  
Быдмө уна-уна зэв.

Ветлө Райда, озсө өктө,  
Зіля вөрө сылөн ки.  
Ачыс сьылө: «Муса зонкөд  
Аски өтлаасям ми!»

Мый нө тайө вадор ягас  
Лыбис пөткаяслөн зык?  
Мыйла көрыс сэтысь лэбзьө,  
Вомсьыс лэччө весиг быг?

Повзис сьөлөм өтка нывлөн:  
«Оз-ө Яг Морт татчө лок?»  
Кылө: зымөдө нин матын  
Чорыд муөд сьөкыд кок.

Руч-рачмуні өти пожөм,  
Чегис-усис сылөн йыв,  
Вывлань качис шөркодь сус пу...  
Весьөпөри коньөр ныв.

Вөрсьыс петіс ыджыд шыөн,  
Быттьө төв ныр, гөна морт.  
Ош кодь мисьтөм... гашкө, збыльысь  
Вөрса мутияслөн ёрт.

Сылөн тушаыс кык сывйысь,  
Дерт жө, ляпкыдджык эз вөв.

Сылысь юрсисö да тошсö,  
Идзас нöб моз, летис тöv.

Пельпом вылас вöли паськöм –  
Куим вуртöм йöра ку.  
Веськыд киас сийö кутис  
Шöри чегöм пожöм пу.

Кöни Райда озсö вотис,  
Вöли паськыд вöртöмин.  
Вотчысь нылös ылысь аддзис  
Гöна мортлөн югыд син.

Мича сюрöмторнас сийö  
Мунис чеччалигтыр бөр.  
Дзебис, тупкис сылысь туйсö  
Тшöкыд корнас пемыд вөр...

Воши Райда Кыпыд сиктысь.  
Висьмис шогла сылөн ай.  
Мамлөн шор моз синва киссьö.  
Кöни налөн колипкай?

Арся кымөръяс кодъ жугыль  
Лои Туган, удал зон,  
Сöмын некодлы эз норась,  
Важ моз вöли збой да ён.

«Тöда, тöда, – сийö шуис: –  
Коді вöчис татшöм шог.  
Муса нылös Яг Морт нуис.  
Сийös корсьны – менам мог!»

Матигөгöрса том йöзöс  
Сийö чукöртис дзик пыр:  
«Локтöй татчö, дона ёртъяс,  
Локтöй, кодлөн пуö вир!»

Кывзöй вокъяс, Коми муын  
Олöм вывті лои лёк.

Быд лун пельным миян кылö  
Нора горзöм: ок да ок!

Тöрыт вошис миян Райда,  
Аски вошас кодкö мöд.  
Коньöр нылöс Яг Морт нуис.  
Код нö та йылысь оз тöд.

Петам повтöг, дона ёртъяс,  
Корсьны сылысь оланін!  
Лэбзям варышъяс моз ставöн,  
Кодлөн сьölöм абу кын!

Көнкö ылын, тöдтöм ягын  
Сылөн лөсьöдöма чом.  
Сэтчö суöдам кö сійöс,  
Гашкö, вöчам сылы пом.

Гашкö, Райдаöс ми аддзам,  
Сійöс Яг Морт эз кö сей.  
Гашкö, оз на сылөн туплясь  
Гундыр керка дорын шой».

Би моз ыпнитіс том войтыр.  
Быдөн лэптіс веськыд ки:  
«Дасьöсь мунны тэкöд, Туган,  
Мисьтöм гундыр вылö ми!

Дыр нин кöчъяс моз ми олім,  
Дыр нин сьölöм вöлі рам.  
Öні бура гөгөрвоим:  
Вывті омоль татшöм сям.

Муса вокöй, тэныд паныд  
Некод кыв ни джын оз шу.  
Кытысь гöна морттö чайтан,  
Сэтчö миянöс и ну!»

Ловзис Туган, эз ло жугыль,  
Асьсö радысла оз чайт.

Мунысь войтыръяссö лыддис:  
Буретш лои комын квайт.

Öдйö босьталісны зонъяс  
Гортсьыс зверöс виантор:  
Черъяс, шыяс, ньöввуж, көлуй,  
Вöлі весиг ёсьтöм зор.

Петіс сиктысь том зон котыр:  
Туган юралысьöн сэн.  
Көн нин бара Яг Морт шöйтö?  
Сылөн кок туйясыс көн?

Зіля кытшлалісны найö  
Вöрас уна гожся лун.  
Туган шойччыны эз пуксьыв,  
Сылөн Райдаыс эз вун.

«Шойчча сәки, – сійö шуліс, –  
Тайö понсö виа кор!»  
Öтчыд налы парма пытшкын  
Сюри джуджыд гудыр шор.

Шоркөд орччөн, паськыд вор моз,  
Яг Морт талялöма туй.  
Эз тай, майбыр, коксö көтöд,  
Гудыр ва питі эз уй.

«Аддзад, вокъяс, – Туган шуис, –  
Кодлөн ветліс таті кок.  
Сійöс кыйöдны да вины –  
Öні миян öти мог!

Смертьысь, ёртъяс, энö полöй,  
Кыкысь кулöмыд оз ло.  
Вайö тшöкыдінас дзевсям,  
Кытчöдз гундыр эз на во».

Муö водалісны зонъяс.  
Гөгөр лои шы ни төв.

Из моз чорзис налөн сьөлөм,  
Полөм некодлөн эз вөв.

Вөрыс надзөникөн шувгис,  
Быттьө небыд саридз гы.  
Недыр мысти кыськө кывсис  
Сьökыд коклөн локтан шы.

Вылө качис рака чукөр,  
Нора равзö: крав да крав!  
Шызис-гызис тар да сьöла,  
Гажтөм лои налы дав.

Водөм зонгъяс пөвстөд төвзис  
Садьтөг повзьом еджыд көр.  
Ошгъяс бузгысисны шорас,  
Сэсся уськөдчисны бөр.

Вөрсьыс мыччысис лөк гундыр,  
Вылас куим йөра ку.  
Аслас туйөд сийө мунис,  
Киас нинөмтор эз ну.

Зэлыд ньөввужгъяс том йөзлөн  
Водзö чургөдöма дась:  
«Көть пö ставным татчö усям,  
Огö бөрынтьчöй ми тась!»

«Лыйлөй морөсас да юрас!» –  
Тшөктис налы Туган ёрт.  
Сувтис, бугжылясьны кутис  
Гөрдов синнас гөна морт.

Мый нө тайö лэбзьö-тиньгö,  
Сьылö вöсньыдика зэв?  
Өтпыр сатшкысис Яг Мортлы  
Бокас комын кымын ньөв.

Сылы юрас, гашкө, воис:  
«Со пö кутшөм гырысь ном!»

Весиг шензьёмысла воссис  
Сылён кёинлөн кодъ вом.

Сэссия гөгөрвоис сійё,  
Кытысь киссьё чушкан зэр.  
Кутшөм повтөм йёзёс дзебё  
Аслас коръяс улын вөр.

Кокнас зымнитіс лёк гундыр:  
Муас лои джуджыд гу.  
Вужнас нетшыштіс да босьтіс  
Киас увъя конда пу.

Коми зонъяс вылө вёрас  
Сійё уськөдчис дзик пыр.  
Увъя пунас гөгөр өвтө.

Сөмын кылө: жбыр да жбыр!  
Водө гундыр водзын понөль,  
Чегө, усьё вёсни коз,  
Пөрө муас шөркодъ пожөм,  
Быттё чышкө найёс рос.

Кызджык пуяс сайё ставныс  
Өдйё саймовтчисны сэк.  
Кытчө вешйыны, мый керны –  
Туган индө налы век.

Вөтчө найё бөрся гундыр,  
Куас лёкысла оз төр.  
Вёрыс кызмө, вёрыс сукмө,  
Оз нин Яг Морт водзын пөр.

Тшөкыд пуяс костын сылы  
Кернас өвтчыны оз позь.  
Сійёс гөгөртисны зонъяс.  
Пансис, лыбис ыджыд кось.

Равзө, эргө мисьтөм гундыр,  
Кучкө, вачкө: кув да ков!

Көсйö вины, көсйö босътны  
Коми войтырыслысь лов.

Сылы воча, чорыд щöть моз,  
Уна чургöдчöма шы,  
Бöрсянь, водзянь сййöс сутшкö, –  
Доймö гöна мортлөн лы.

Туган куимысь нин слöймис  
Черөн сötны сылысь кок:  
«Со пö тэныд мясянь козин,  
Сюра мутияслөн вок!»

Тэрыб зонъяслы оз инмы  
Гöна мортлөн увъя кер.  
Видзö найöс дзескыдiныс,  
Видзö найöс тшöкыд вөр.

Рытöдз косясисны найö.  
Воис шондi лэччандор.  
Веськыд бугыляс Яг Мортлы  
Пырис ёсьтöм кыз пу зор.

Юрсянь кокöдз сылөн киссис  
Туша кузялаыс вир.  
Эз нин вермась сэсся гундыр  
Коми войтырыскöд дыр.

Шыөн сутшкöм, черөн сötöм  
Эз вöv чöскыд, эз вöv бур.  
Петi сы пытшкысь став выныс,  
Кутiс бергöдчыны юр.

Эбöс быри, эбöс абу.  
Кокыс водзö эз нин ну.  
Коръяс костö сййö усис,  
Быттö ыджыд пожöм пу.

Куйлö вокъяс водзын гундыр,  
Дугдiс лoлавы, оз вөр.

Юрсö керыштисны сылысь,  
Мед оз чеччы сэтысь бөр.  
Шойсö гуалисны муö,  
Вылас пукталісны из.  
Мукöд изйыс сэні вöлі  
Гöна мортсыыс, гашкö, кыз.  
«Тэкöд артасим ми, гундыр!–  
Шуис Туган чорыд кыв.–  
Öні тöдны меным колö,  
Кöні Райда, вошöм ныв?»  
Водзö мөдöдчисны зонъяс.  
Быдөн тэрыб, быдөн сюсь.  
Вөрöд-ягöд ветлөм-корсьöм  
Эз ло войтырыслөн кузь.  
Сюри налы мича Райда.  
Яг Морт сійöс эз на сей.  
Вевта гуын сійö оліс  
Сизим лун да сизим вой.  
Аддзис Туган вошöмторсö.  
Воссис сылы долыдлун.  
Лэбзис невестанас гортö,  
Эз нин надзöникөн мун.  
Гажа свадьба сылөн пансис.  
Ставыс лои сэсса шань.  
Удал зонлөн гöтыр лои  
Медся мича коми ань.





**ВАНЬ ДА КАНЬ**

Олө-вылө ичөт Вань,  
Сылөн ёртыс – ичөт кань.  
Вуграсьны кө Ваньё мунё,  
Каньыс бөрсянныс жө сунё,  
Чери берег вылө шляп –  
Каньыд сійөс пыр и тшап!  
Кыкөн ветлөны и вөрө,  
Тшакныс дозйё одва төрө.  
Кыкөн котрөдлөны мач,  
Ваньё скач, и каньыс скач.  
Мультик кыкнанныслы муса,  
Оз и водны, он кө кусөд.  
Чөскыд кыкнанныслөн ун,  
Узясны көть куим лун.  
Ваньёс видыштөны көть и,  
Весиг пөдушканыс өти.

Олө-вылө ичөт Вань,  
Сылөн ёртыс – ичөт кань.

### «КРОКОДИЛ»

Эжва юыд – абу Нил,  
Но сэн эм жö «крокодил».  
Пиньыс – азылас, синмыс – кöш,  
Мыйöн аддзан – босьтö дрöж.  
Но эн лöвтöй «Ой!» да «Ой!» –  
Сийö челядьöс оз сей.  
Тайö – пöрысь, ыджыд сир,  
Олö, кöнi джуджыд йир.

### КОМИ ЧЕЛЯДЬ

Коми челядь сюсьöсь, зильöсь,  
Дасысь тшöктыны оз ков.  
Быдöн мыйкö томсянь тильö,  
Ачыс перйö нянь да сов.

Зонка дасянь кыйсьö вöрын,  
Вайö гортö сьöла-ур.  
Öтнас узьö парма шöрын,  
Ошлөн гыж улö оз сюр.

Сийö лэчтасьö и ытшкö,  
Потшсьö, содтö видз да му.  
Тшупсьö, вöчö керка пытшкöс,  
«От пö вермы»-тö оз шу.

Нывка тшак да вотöс вайö,  
Öтчыд – ельдöг, мöдысь – чöд.  
Юсянь ведра гозйөн кайö,  
Чышкö-мыськö, мудз оз тöд.

Сійö вурсьö, кысьö, пусьö,  
Кага видзö, олö горт.  
Мамлы отсасьысьöн шусьö,  
Зэв жö ёна колан морт.

Коми челядь шаньöсь, бурöсь,  
Налөн вомысь из оз пет.  
Мöвпалöны мывкыд юрөн,  
Бура овны водзö мед.

Коми челядь – бордъя ловьяс,  
Кыпыд налөн сьыланкыв.  
Оласны на татчöс овьяс,  
Тадз кө юргö улич выв.

### **ЕДЖЫД ЗООПАРК**

Бытьöкөнöсь тöрыт  
Тшакла котралім.  
Öнi мян вöрын  
Морöспаньöдз лым.

Небыд еджыд пася  
Пожöм, ньыв и коз.  
Шондi читкырасьö,  
Шонтö нисьö оз.

Лымйыс увьяс вылын –  
Бытьö еджыд тар.  
Сёянтöрйыс сылөн –  
Курыд кыдз пу гар.

Понöль бокын шмакыс –  
Дзик тай еджыд көч.  
Ручыс, көнкө, матын,  
Сійөн и оз жөдз.

Тонö, пелысь дорын,  
Сувтса еджыд ош.  
Быттё сёйны корö,  
Нюгыльтöма вож.

Йи куд улысь татчö  
Локтöма и мой.  
Тола вывті варччö,  
Пипусö оз сёй.

Видзöдан кө сюся,  
Казялан кө сер,  
Синъяс улö усьö  
Зэв на уна звер.

Лыдтöм-тшöттöм лолыс  
Парма-вöрыслөн.  
Африкаысь олö  
Весиг еджыд слөн.

Ветлы, ветлы вөрö,  
Кор оз турöб гарт.  
Сувтас синъяс шөрö  
Еджыд зоопарк.

## САМОЛЁТ

Абу лэбач, но өд лэбө,  
Жургө-мунө самолёт.  
Тырмө вуджны туйсө эбөс,  
Радлө енэжын пилот.

Йозөс нуө, почта вайө,  
Локтө, кодыр висьмө морт.  
Көртысь лэбачыс өд тайө –  
Ставлы отсасьысь да ёрт.

Сійө первойөн жө мунө,  
Лоис вöрын кө пöжар.  
Самолётлөн уджыс уна  
Тулыс-гожөм, төв и ар.

Көсья лётчикөн ме лоны,  
Таысь менө ошкө бать.  
Кута велөдчыны ёна,  
Медым ставыс вöлі «пять».

## ПЫЖ

Абу уджавны мен дыш,  
Дедкөд вöчам талун пыж.  
Эштөм бöрас мавтам сирөн,  
Косьмөм бöрас петам йирө,  
Кыйны кутам сын и мык,  
Кывзам лэбачьяслысь зык.  
Бипур вылын юква пуам,  
Гортө черисө на нуам.

Мамö шуас: «Вот и шань!»  
Весиг радлас сэки кань.  
Ок и мича артмө пыж,  
Абу уджавны кө дыш.

### ЧУЖАН МУ

Ме ола сэн, көн визув ю  
Друг ыджыд чукыль вөчө.  
Тан менам дона Чужан му,  
Тан бать и мам, и пөчө.

Тан быдмө менам ичөт вок,  
Век гажөй сыысь бырө.  
Тан корө школаө звөнок,  
Сэн ёртыд менам тырыс.

И нөшта ёрт эм – Буско пон,  
Оз пурсьы, быдмө шаньөн.  
И Рыжко вөв эм – сюсь да ён,  
Ме вердла сійөс няньөн.

Көть овлө, шондiыс оз пет,  
Зэв гажа овны гортын.  
Кыдз батьö шуö, лоа мед  
Тан йөзлы колан мортөн.

## АСЫВ

Кодыр асыв, чери шедö бура,  
Асылын жö тшакыд ёна сюрö,  
Медся ёна лэбач сэки сылö,  
Мöдлапöвсянь гөлос сылөн кылö.  
Медся сөстөм сэки енэж лöзыс,  
Медся зильöсь сэки сиктын йöзыс.  
Быдөн мыйкö сьөлөмсянныс вöчö –  
Бать и мам, и ме, и пöль, и пöчö.  
Чолөм, ставлы олөм сетысь асыв,  
Чолөм, йөзсö шонтысь шондi асык.

## ТÖВ ПУКСИГÖН

Рытъя кыалы бана  
Сырмö пелысьлөн роз.  
Шоньд тövъяслы паньд  
Лэбис юсьяслөн гоз.

Оз нин енэжын гартчы  
Тури кельöблөн визь.  
Сөнiк Эжваöd варчö,  
Быттö вöйталөм сись.

Дзикöдз ыркалiс луныс,  
Усис лым да эз сыв.  
Коми парманым-муным  
Сизим тöлысь оз сыв.

## АРХЕОЛОГ ВАНЯ

Ваняяслөн керкаыс сулаліс сикт помын ю кыр йылын моз. Пöшти орччөн вöлі вөр, сөмын сэтчө вотöдз коліс вуджны бура ыджыд эжмөм му, көні лун-лун ротъялісны ыжъяс да көзаяс. Татчө жö сиктсаяс пийсь кодсюрö вайліс тракторөн керьяс да тшупліс прөст местаас пывсян ли гид, мед нуны сэсся öшинь улö да лэптыны нитш вылö. Тайö му помсьыс, дзик нин вөр дорсьыс, и аддзис öтчыд Ваня, кильчө вылö петіс да, палаткаяс, кутшөмъясöс тай зэвтлөны кинояс вылын вөрöд-ваөд ветлысьяс.

Аддзөмсянныс мыйлакö Ваняөс кутіс кысыны тайö палаткаяс дінас. Окота мунны – и ставыс. Но эз лысыт пырысь-пырсö му помас котöртны. Первой луннас му шöрын сулалысь ляпкыдик пес чипас дінöдз сөмын воліс да разведчик моз öтведайтіс, мый палаткаас олысьясыс вöчöны.

Найö вöліны куимөн. Кык мужичöй да öти нывбаба. Нывбабаыс бергаліс надзöникөн тшынасьысь бипур дорын, а мужичöйяс, зэв видзчысьöмөн, быттьö весиг полөмпырысь, бертісны зырьөн эжаысь восьтөм нин мусö да зэв жö видзчысьöмөн чабралісны тайö мусö кинаныс. Тадз жö Ваня корсьлö нидзув, но оз татшөм ньöжйö. Тадз кө нюжмасьны кутан, лун джынсö ковмас корсьны. Кор сэсся черисö кыян? Вуграсьны кө карысь ли кысь ли локтісны, коліс сиктысь вылөджык кайны. Сэні бур йирьяс эмöсь, мича чери ваас путкылясьö.

А, гашкö, зарни корсьöны? Ульянаса манастырлысь зарнисö да быдсяма пөлös озырлунсö, шуöны, коркö дзеблөмаöсь да, гашкö, татчө саймовтлісны?

Зэв на-й вермас лоны. Со тай сімөм көрт флага көлөкөльняыс манастырлөн орччөн моз тыдалө, верст вит көть сэтчөдз лоо-а.

А мыйла татчө локтісны да ю кыр йылас, эрд вылас дзебисны, эз мөй бурджык места сюр? Медся на бур вөрө дзебны, мед ачyd төдін дай. Да и, зарни кө корсисны, эз эськө йөз син водзын лукйысьны. Пиратгьяс тай киноад войнас корсьоны.

Быдсяма пөлөс мөвпыс бергаліс лунтырнад Ванялөн юрын. Вунөдіс весиг вуграсьомсө, көть эськө рытсьяньыс нидзув корсьяліс да Өльөш тыө ветлыны лөсьөдчыліс. Дзик быд лун жаритмөнтө вайлө да мамыс удж вылысь локтөм бөрын весиг шензис. Ковмис шуны, мый юрыс висис да эз ветлы. Абу эськө бур пөрьясьнытө, да мый вөчан?

Вольпасьө водөм бөрын дыр на бергаліс, некыдз эз куньсьыны сингьясыс. Сөмын вой шөр бөрас нин, кор кадсө стөчмөдіс орчча керкасалөн петукыс, медбөрти босьтіс жө унмыс.

Сөрөнтө водөмнад эськө, төдөмысь, дыр узис, но аслас вөтыс сизим часын на садьмөдіс. Быттьөкө сійө муніс корсьны зарни да веськаліс джунглиө. Гөгөр быдсяма пөлөс зверыс, тигрыс да леопардыс, гиенаыс да крокодилыс, но сійөс некод эз вөрзьөд. Өти шимпанзе весиг зарни корсьянінөдзыс вайөдіс. Зэв ыджыд пу быдмө, а сысянь воськов дас сайын крест сулалө. Дыр олөмсьыс сьөдасьөма нин. Некод, тыдалө, сувтөдөмсьяньыс абу матыстчылөма. Босьтіс Ваня көрт зыр да кутіс шыблавны мусө крест гөгөрсьыс. Бура джуджыда нин пырис муас, кызди кодкө сійөс тшапнитіс киөдыс. Видзөдліс да мурт-

са гатшён эз усь: гу дорышас сулаліс индеец. Чу-  
жёмсё краситёма, пиньяссё жергёдома.

– Мыйла нё,– шуис Ванялы,– гусясян, миян-  
лысь зарнисё пышйодны көсьян? Юрсьыд кучиктё  
кулям.

Ваня весьёпёрис да та вёсна, тыдалё, и садьмис.  
Сьёлёмыс чеччө – тайкё морёссьыс петас.

Палаткаяс дінас көсьис нуёдлыны Витяёс, но  
сійё батыскөд войколөн чери кыйны мунёма. Та  
вёсна төрытъя моз жё му лукйысьяс дінө мөдөдчис  
өтнас. Но талун эз нин джёмды туй шёрас, матыст-  
чис надзёникөн да сувтіс зыръя войтырсянь вось-  
ков дас сайё кымын. Ачыс шыёдчыны эз лысьт.  
Надейтчис, мый корсьысьысьяс пөвстсьыс кодкө  
мыйкө шуас ли, корас ли. Сідзи и лоис. Тошкаыс  
да медся кузьыс юаліс:

– Мый нё зонкаыслы колө? Тшөтш жө клад  
көсьян корсьны? Лок, лок, пиё. Гашкө, и сюрас. Ми  
тай корсям-а.

«Збыль мөй манастырыслысь дзебёмсё кор-  
сьёны?» – синъясыс югзисны Ванялөн. Сійё нөш-  
та матыстчыштис верстьё йёзлань, но эз сэтшөма,  
мед позис судзны киён.

– Лок, лок, эн пов,– корис водзё тошкаыс. И  
кор Ваня матыстчис дзикөдз, юаліс: – Кыдз нё, пиё,  
тэнö шуёны?

– Ваняён,– вочавидзис Ваня.

– Кымынөд классын нө тэ, Ваня, велөдчан?

– Нельөдө вуджи.

– Сідзкө, тэ тай ыджыд нин, буретш клад кор-  
сьысь и эм. Көсьян он корсьны кладсө?

Кыдз нө оз? Колөкө, кутшөм донатор сюрас. Сымында деньга сетасны. Велосипед позяс ньобны... Оз, велосипед вылө лякөссыны оз кут, ньобас мопед, мед дуллыс Витялөн петас, зэв тай жалитө велосипедсө. Дзайган лунтыр, а сетлас сөмын кык керка кост гөгыльтчыны.

Юалөм вылас эз вочавидз, а видзөдліс сөмын тошка морт вылас. «Ог» кө шуис, эськө пөръяліс, а окотитөмсө эз петкөдлы. Ещө горшөн шуасны дай. Ваня абу сэтшөм, мед көть мый му пытшкас куйлө.

– Аддза, аддза, көсьян, да он лысьт висьтавнытө, зэв вежавидзысь кутшөмкө,– пыр на өтнас сёрнитіс Ванякөд тошка кузь мортыс.– Миянлы төрыт уна нин зарниыс сюрис. Часлы, ме тэныд петкөдла, виччысьыштлы.

И мортыс воськовтіс ортсыө ляпкыдик на гу кодьысь да муніс кодйысянінсьыс палатка дінас. Воис мыйөн, босьтіс мыйкө ывлавывса лабич вылысь да бөр матыстчис Ваня дінө.

– Со миян зарниыс,– восьтіс сійө шахматөн ворсан көрөб кодьөс, кытысь Ваня аддзис посныдик гырнич торъяс, сімөм пуртъяс да нөшта кутшөмкө торпыригъяс.

Ванялөн муртса эз пөлөстчы чужөмыс. Чайтіс аддзыны сэтшөмтор, мыйысь синъясыд шонді вылө видзөдөмысь моз пемдөны, а сылы петкөдлөны кутшөмкө лөп. Дзоридз доз улысь таысь на мичаджык гырнич торйыд быд өшинь улысь сюрас, сімөм пуртыд да.

– Чайтін, мешөк тыр зарни деньга петкөдла?– нюмъяліс кузь тошкаыд.– Öдвакө сійө тани

эм. А вот мый сюрис да, төдөмысь, сюрас на, миянлы збылысь зарни кодь дона. Найо кольомаоьсь важ коми йөзсянь, кодъяс овломаоьсь тані зэв-зэв важон, муртса на вөлөм кужоны вочны ичотик пуртъяс да мый да. Эмось Коми муын и тиян районын местаяс, коні йөзыс таысь на важонджык овломаоьсь, ньөвийон на звер-пөткатө кыйломаоьсь. Ми быд во корсям татшөм местаяссө. Таво со татчө локтім. Тиян Ульяна манастыр гөгөрад вель уна сэтшөмыс. Миянос шуны археологъясон. Сюрөмторъяс сертиыс төдмалам, кызди-мый коркө овломаоьсь. Важ олөмсө, Ваня, бура колө төдны. Школаад, көнкө, та йылысь висътавлісны нин. Эн на кө велөдөй, велөдны кутанныд.

Висътавнытө эськө висътавлісны, но мед Ульяна дорын звер куө на пасътасьом йөз коркө овлісны – татшөмтортө Ваня первойысь на кыліс. Первойысь аддзис и ловъя археологъясос, кодъяс пиысь өти сыкөд сэтшөм мелі.

Зонка кывзис верстьө мортлысь висъталөмсө, и синъяс водзас сувтіс серпас: пожөма яг шөрын, паськыд эрд вылын югыда ломтысьө бипур. Сы весьтын жаритчө потш вылө өшөдөм йөра зад. Би өтар-мөдарас сулалөны кыкөн да бергөдлөны надзөникөн потшөс, мед яйыс жаритчис гөгөрбок. Бипур дорын бергалөны челядь. Ок и чөскыда сёясны талун, верстьөяслы йөраос уськөдны удайтчөма да. Найо, быдмасны да, смелось да винелось жө лоасны. Мужичөйяс пукалөны пөрөм пу вылын бипурсьыс ылыстчыштөмөн, гораа варовитөны. Нывбабаяслөн асланыс жө котыр. Юрсиньсө сыналөны да мый да. Гөгөр сөмын пуяс. Некутшөм

керка ни карта, му пытшкө вöчөм гуясын олöны да. Сöмын юр весьтаныс енэж да кыр горулын ю, кодöс шуöны Эжваөн.

И быттö мыйкö вөрзис Ванялөн сёлöмын. Окота лои видлыны сюрөмторъяссö. Босьтлис кияс öтикöс, мөдöс... Найö шонтисны ки пыдöссö шондi водзын куйлөм плавкöс галя из моз, кöть эськö таöдз куйлисны көрöб пытшкын да шондi югөръяс улö эз веськавлыны. Гашкö, Ванялөн пöсь вöли аслас кияс, а гашкö, шоныдыс локтис сийö бипурсянныс, кодöс öзтисны йöра яй жаритысь важ коми йöзыс.

– Мыйкö дыр варовитанныд, Владимир Борисович, – кодйысянiнсянь не то горöдис, не то шуис



турунвиж курткаа да сэтшөм жө гача косньөдіник мужичөй.

– Ме, Иван Васильевич, зонкаыслы чужан му йывсьыс висьтала, кутшөм сійө сылөн гажа да озыр.

– Ёна өнія челядыдлы чужан муыд колө да. Пакөститны да рөзөритны сөмын видзөдөны...

– Эн шу, Иван Васильевич. Абу на быдөн сэтшөм. Кодкө и видзны да дорйыны кутас. Миян моз лукйысьны-и. Сідз өд, Ваня?

Батьыс ног жө дзик, ыджыд морткөд моз, сөрнитіс сыкөд кузь тошкаыс, сылы позис эскыны, и Ваня, вочавидзөм пыдди, гогнитіс юрнас.

Тайө лунсянныс сійө лун-лун вошласис археологъяс дорын.

Вуграсьөмыс и ставыс вуніс. Челядь сылы весиг Археолог ним пуктісны. Но и мед, зэв на лөсьыд кывйыс, сөмын тай сьөкыда шусьө-а. Гашкө, збыльыс и лоас археологнас, уна-унатор чужан му йывсьыс төдмалас да мукөдлы, мед төдісны жө, висьталас.





\* \* \*

Мусö вевттис еджыд эжöd.  
Лымтöминыс зэв нин гежöd.  
Сöмын йизьöм турун сiяс  
Вывлань нюжödöны кияс.  
– Мый нö тайö, мый нö тайö?–  
Лымлы чуймалöны найö.

\* \* \*

Кокни лымйыс небыдика, гусьöн  
öшинь улö, эрдъяс вылö усис.  
Луныс мунiс. Муыс-ваыс узьö.  
Кольквиж тöлысь тюрö мылькъяс кузя.  
Мылькъяс кузя тюрас, сэссия ачыс  
киысь лэдзöм шар моз вывлань качас.

### **КЫДЗИ ВÖЧНЫ СКВОРЕЧНИК**

Колö вöчны ябыр поз!  
Да вот артмас али оз?  
Да вот кужам али огö  
Вöчны сiйöс колан ногөн,  
Медым мортөн вöчöм позйö  
Овмöдчасны ябыр гозъя?

Колө вöчны ябыр поз!  
Да вот артмас али оз?  
Сюся серпас вылө видзöд!  
Муса ёртöй, вöчам сідзи,  
Кыдзи петкöдлöма сэн!  
Аддзан?  
Гөгөрвоин?  
Эн?

Колө вöчны ябыр поз!  
Пөвйыс сюрас?  
Али оз?  
Кöрт тувъясыс кутшöм?  
Татшöм?  
Абу гырысь?  
Бура сатшö?

Колө вöчны ябыр поз!  
Да вот артмас али оз?  
Вöчам!  
Гашкö, артмас миян!  
Гашкö, коркö ябыр пиян  
Сэні чужасны да, сэсся  
Атьö шуасны на весиг!

### **ЛЫДДЫ ДА АРТАВ**

Вöлі кампет.  
Вöлі нель.  
Ставсö сөйи.  
Коли «ноль».  
Зептöй нюжöдöма чуш  
сы вöсна, мый лои куш.



\* \* \*

Мича чужом,  
веськыд стать.  
Висьталёны,  
тайё – «пять».  
Сійёс босьтан –  
абу шог.  
Кыдзи лоё  
коми ног?

5

\* \* \*

Абу «өкмыс»,  
көть и сюра.  
Видзод, сійё –  
увлань юра.  
Асьсё медся  
сюсьён чайтё:  
вөлі «өкмыс»,  
лои «квйтён».

6

7

\* \* \*

«Сизим» – пёлынтьчыштём кока.  
Нырыс дзоргё шуйга бокё.  
Тадзи мукөддырйи тури  
Келё кок пөв вылас нюрё.

**РУЧ**

Сьёд вөр шёрын олө-вылө.  
Абу сюзь, но кыйё шыр.  
Пашкыр бөжыс дона сылөн,  
Налькйё оз суй асьыс ныр.

Мойдын сійö медся наян –  
Блödчыны кужысь ань.  
Ставлы сэні шогсö ваяс,  
Кольö бурөн сöмын кань.

Пöльлысь ректас додь тыр чери,  
Кöин воштас ассьыс бöж.  
Кöчöс вöтлас гортсьыс нериг –  
Тадзи сюсялас нэм чöж.

Пыр на олö сьöd вөр шöрын  
Пашкыр бöжа мудер руч.  
Гусясяс на пöчлөн йöрысь,  
Оз тай юрыс сылөн усь.

## УР

Тöлысьыс – урасьöм.  
Скөрмывлö да бурасьö.  
Локтö ыджыд турöбөн,  
кыссьöмөн и тюрöбөн.  
Еджыд лымсö нöбөдö  
ньюжйöник и öдöбөн.  
Ставыс лымйөн тырöма,  
дзессьöма да бырöма.  
Кытөнöсь нö урьясыс,  
шанюкьясыс-бурьясыс?





## ПИПИЛЫСТЫ СӨКӨЛ

### I

Коркө важөн сөдз ю бердын,  
Гажа яг нөрысса эрдын,  
Ог төд ылын али матын,  
Гашкө-й Коми муын татөн,  
Аслас ичөтик голь позъяс  
Оліс-выліс кыйсьысь гозъя.  
Налөн быдмис куим зон –  
Сюсьысь-сюсь да ёнысь-ён.

Ыджыд воклөн нимыс Ныркаб.  
Зумыд сійө – багатыр кодь.  
Йиркаб нима шөркост вокыс,  
Ур кодь тэрыб сылөн кокыс.  
Мизя нима медічөтыс  
Ладсө зар пөлянлысь төдіс:  
Сыкөд оз босьт гажтөм нэм,  
Сьорас зар пөлян кө эм.

Вой и лун кыйсьөмныс муно,  
Чөжсис прөмыс вель нин уна.  
Прөмыс нуны өти арө  
Батьыс мөдөдчис со карө.  
Сійө пияныслы шуө:  
«Сьөрсьым вузөс уна нуа;

Карад быдторйыс өд эм,  
Кутшөм заказ вөчад мем?»

«Ачыс сутшкысь шы мем вай тэ!» –  
Ыдждыд вокыс батылы кайтө.

«Вай мем лампа – ачыс тюлысь,  
Мулысь-валысь веркөс нюлысь!» –  
Шөркост воклөн заказ тайө.

Мизя шуө: «Вай тэ, айө,  
Пипилысты сөкөл мем –  
Сэтшөм кай пө көнкө эм!»

Мунө старик, рөдтө вөлөн...  
Көч со тривкнитіс туй пөлөн.  
Старик кутіс көчөс эрдысь,  
Выя няньөн сійөс вердіс.  
Дзор ош пармаысь друг петіс,  
Старик сылы ид нянь сетіс.  
«Атьё тэныд, пөрысь морт!  
Өні миянлы тэ ёрт!»

Воис карө өти рытө,  
Ньобис ачыс сутшкысь шытө,  
Ачыс тюлысь лампа сюри...  
Корсис сөкөлтө бать бура:  
Гөгөр кытшлаліс став карсө,  
Коллис сэтөні джын арсө,  
Мудзис кокыс, висьмис юр –  
Сөкөл некытысь эз сюр.

Старик муніс төдысь дорө –  
Ылө карсянь пемыд шөрө,  
Көні сө арөса вөрыс  
Мурзө-равзө ош моз скөра.  
Петук чаль йылын сэн керка –  
Мыйкө сюра-пеля звер кодь,

Кильчө помас дзөрө пөч.  
Нырыс конда ув кодь стөч.

Старик юасьö со, кылö,  
Пипилысты сөкөл йылысь.  
Пөчө шуö: «Кывлі-кывлі,  
Сөкөл коркө овліс-вывліс  
Войвыв муын парма весьтын,  
Со-со вылын-вылын эстөн  
Сылөн вөлі оланін.  
(Пөчө лэптіс вылө син).

Лэбзис сөкөл сэсса со өд  
Саридз сайö кодкө воö.  
Лэбзьөм ме аддзылі сөмын:  
Зарни бордсö шевгөдөмөн,  
Шлывгис сійö лунладорö,  
Эзысь морөс синтö ёрö:  
Кадыс вөлі арся вой...  
Кутшөм югыз вөлі, ой!

Төвпоз<sup>1</sup> вывті лэбис эсті.  
Кодыр шлывгис гөра весьтті,  
Бордсьыс тыв сэк чукті, тюлі,  
Биа ньөвйөн уси улö;  
Лои усьөм-тюлөм сылөн  
Буретш Төвпоз гөра вылө.  
Югыз лои гөра йыв,  
Кодыр уси сэтчө тыв.

Көчөс вердін – бур тэ вөчин:  
Менам пи өд сійö көчыз,  
А дзор ошкыс менам дедö.  
Вөньөс сы пыдди тэд сета:

---

<sup>1</sup> *Төвпоз либө Төвпоз из* — Войвыв Урал гөралөн мед-  
ыджыд изйыс.

Усян ваё көть тэ биё,  
Мездас быд лёкторйысь сійё.  
Төвпоз вылө, көні тыв,  
Овмөдчөма Ёма ныв.

Пыдө гуалөма тывсө...  
Мунöй, виöй Ёма нывсö!  
Дзирыд тывборд босьтöй ордад,  
Вежавидзиг<sup>1</sup> нуöй гортад,  
Бура дөзьöритöй сійöс...  
Нылыс дорö сөкөл мян  
Коркө локтас, водз ли сёр...  
Сэссия ог шу нинөмтор...»

Другысь пöчö пöри көчö,  
Тривк-тривк öшинь розьöд вöчис.  
Сэссия ставыс воши, быри...  
Гортад старикыд бырс пырис:  
Тюлысь лампа öти киас,  
Мөднас шыбедь кутö сійö,  
Сэссия нинөм абу скöнь<sup>2</sup>,  
Коскас сылөн паськыд вöнь.

## II

Ныркаб радлө, шыөн лыйö,  
Йиркаб лызьөн лун-лун кыйсьö,  
Öтнас Мизя шогсьö, кылö,  
Гора пöлян оз ворс сылөн.  
Батьыс сэки налы шуис:  
«Ноко, зонъяс, петöй туйö!  
Корсьöй сөкөлыслысь тыв,  
Видлöй Төвпоз излысь йыв!

---

<sup>1</sup> *Вежавидзны* — бурö пуктыны.

<sup>2</sup> *Скöнь* — дзик.

Эм өд морөсаныд выныд,  
Выим лямпа, емдон<sup>1</sup> шыныд,  
Шемөс вөньюс нөшта сета.  
Сьökыд туйö повтөг петöй!  
Мунöй сэтчö асыввылö  
Джуджыд Төвпоз гөра йылö!  
Ветлöй тывла куим вок...  
Сийö ачыс өд оз лок!»

Туйö петисны со вокъяс,  
Смела тувчалöны кокъяс.  
Бөрö коли сизим керөс,  
Уна виисны нин зверөс,  
Вөрö пырисны нин пыдö...  
Некөн Төвпоз из оз тыдав.  
Гөгөр сөмын парма вөр,  
Зверлөн равзөм кылö скөр.

Ёма быд ног мунөм торкө,  
Орччөн накөд лэбө-шпоргө,  
Туйсö тупкыны пыр зильö.  
Со тай пыртис тшем сук тилльö.  
Вөнью сэк Мизя кыскис зептысь,  
Муртса кисö сийö лэптис –  
Тилльыд воши, быри друг;  
Воссис водзаныс веж луг.

Паськыд туй сэн веж видз вомөн,  
Некытөн оз тыдав помыс.  
Видзөдöны – керка сэтөн,  
Мича нывка паныд петö.  
«Локтöй шойччöй!» – шуö нылыд. –  
Зэв ми радось туй йөз вылад!»

---

<sup>1</sup> *Емдон* — сталь, стальной.

Вокъяс узъмөдчисны сән.  
Ужын вөлі – рушку дзен!  
Асыв воис. Петө шонді.  
Кокъяс көдзыдысла ёнтө.  
Вокъяс восьталісны синсө,  
Видзөдөны узянінсө:  
Нинөм абу – өтка пипу,  
Пипу бердын ваймөм бипур.  
Чистө поле гөгөр скөнъ,  
Кватитчисны – абу вөнъ.

### III

Вокъяс, водзө шогсигтырйи,  
Мөдөдчисны яг выв кырйөд.  
Вөлі гожөм шөр на кадыс.  
Другысь гөгөр воши ладыс:  
Лэдзис Ёма төв да пурга,  
Лымйыс гартчө, лёкысь жургө.  
Лои сажень судта лым:  
Муртса тыдыштө синкым.

Паськыд вөня эстөн ылын  
Ёма йөктө тола вылын.  
«Мед оз чиктив, – Ныркаб шуис, –  
Шемөс вөнънымөс кө гуис.  
Вай ми тюлысь лампа видлам,  
Сійөс асывланьө витлам!»  
И вот сәки куим вок  
Лямпа вылө пуктіс кок.

Шуньгис-лэбис төв ныр этшөн  
Шемөс лампа (дивө сэтшөм!),  
Нуис өтарө пыр өддзиг  
Төвпоз гөра улөдз дзик.

Сэтөн лымйыс другысь сылі.  
Джуджыд Төвпоз гөра вылө  
Нимкодясьö куим вок.  
Тувччö тэрыбджыка кок.

Кайны сэтчö абу кокныд,  
Көть и зумыд налөн кокныс,  
Изйысь изйö, вутшкысь вутшкö  
Кавшасигөн коктö сутшкö,  
Чашйö паськөм, коктö пурö –  
Разной шашара<sup>1</sup> сэн дурö...  
Войтыр вунөдöма ун:  
Водзö кайö вой и лун.

Ёма тшөктö вөнълы скöра  
Зырны кайысь йөзсö бөрö.  
Вөнъ оз кывзы, Ёма ёрсьö,  
Быгыль багатырöс корсьö,  
Коді оліс гөра вылын.  
Юрыс керка ыджа сылөн,  
Абу туша, кок ни ки,  
Синсьыс сявкйö чард кодъ би.

Вомсьыс пызйö биа öгыр,  
Несъяс – тшынөн тырö гөгөр.  
Юрыс ставнас биа изйысь.  
Кодыр мунö – грымгö-ризйö.  
Сэки Быгыльöс чой ньылыд  
Ыстіс Ёма вокъяс вылө.  
Лэччö gryмакылö скач –  
Вокъяс вылө локтö нач.

Ныркаб лыйис кымöс лыас –  
Сылөн сявк-пазаліс шыыс.

---

<sup>1</sup> *Шашара* — чуткасьысь кос пуяс, кодъяслөн увъясыс паськалөмаёсь.

Быгыль лэччө грымакылө,  
Веськөдчөма вокъяс вылө.  
И вот лязөдіс кык вокөс.  
Мизя вөлі этша боқын –  
Улас Быгыльлы эз сюр,  
Ловйөн коли сылөн юр.

#### IV

Пышйис Мизя, ог төд, дыр-ө.  
Қорсьө Пера багатырөс.  
Оз төд, көні сійө олө,  
Мунны кодарланьө колө.  
Шога пуксис нөрыс йылө  
(Қытөн мелі лун төв сьыліс,  
Асья шонді мойдіс мойд.)  
Мудзөм кок шойччөдны войт.

Збодер Мизя питшөг восьтіс,  
Заргум пөлян киас босьтіс,  
Муртса инмөдіс вом дорас –  
Пөлян тутөстіс сө горөн.  
Қолипқай моз сійө сьыліс,  
Мыла ворсөм ылө кыліс.  
Ворсөм шыад локтіс көч,  
Сувтіс Мизя дорө стөч.

Тривкъялө, оз өшйы инас:  
«Мунам мекөд Пера дінад!»  
Ог төд, регьдөн-ө дырөн  
Сюри Пера багатырыд:  
Буретш сійө локтіс гортас,  
Вайө пысалөмөн ордас  
Шыыс йылын сизим ош.  
Шыыс – быттьөкө ён потш.

Мизя копыртчыліс улө –  
Быттьө помөль ниа пулы,  
Ассьыс висьталіс сәк шогсө:  
Виисны пө кыкнан воксө.  
Быгыль багатыр пө сәні...  
Сійө миянөс пө веніс...  
Пера эз думайт зэв дыр:  
«Инды, көні багатыр!»

Лэдзис пельпом вылысь прөмыс:  
Сизим ош өд вөлі сөмын!  
Орччөн мунөны веж ягөд:  
Мизя быттьө ичөт кага.  
Коркө сәсся рытын сёрөн  
Воис Төвпоз излөн горув,  
Сэтөн Быгыль багатыр  
Шкоргө – чургөдөма ныр.

Пестер ыжда пежлөн сылөн  
Йөг кайөма кымөс вылас:  
Тюлысь шы инмөма сәтчө.  
Вомсьыс дуллысь шорөн ләччө.  
Узьө тош вылас ён йөра,  
Юр чук йылас көин дзөрө.  
Пеляс поздысьөма ур,  
Муртса тыдыштө руд юр.

Аддзис Быгыльтө кор Пера,  
Вак-вак петіс сылөн серам.  
Быгыль садьмис, несйис скөра –  
Зверьяс скач пышйисны вөрө.  
Синсьыс би сявкнитіс гөгөр,  
Вомсьыс пызйис биа өгыр,  
Нырсьыс лэдзис еджыд тшын,  
Гөгөр сулаліс лөк зын<sup>1</sup>.

---

<sup>1</sup> *Зын* — дук.

Кодыр Быгыль ымзис-лөвтіс,  
Пера сылань шысö чөвтіс.  
Шыыс Пераыдлөн инмас  
Буретш Быгыльыдлы синмас:  
Дугдіс сявкйыны бикиньыд.  
Пера кыз паличнас пиняс  
Кучкис Быгыльыдлы сэк –  
Пиньыс разьсяс быттё шег.

Биа öгыр Быгыль вомысь  
Гуль-голь киссяс ставыс помөдз.  
Быгыль век на косьö пырö,  
Грымгö-локтö, ставсö нырö.  
Пера тувчис Быгыль дінö,  
Зургас сылы шуйга кинас –  
Тутас Быгыль багатыр  
Гөра паныд быттё шыр.

Быгыль бара лэччö-нырö.  
Чужьяс Пера сылы нырас –  
Сэки Быгыль гөра джынйөдз  
Грыма-йиркакыліг тшынъяс.  
Сэссия Пера вылö бара  
Быгыль уськөдчас зэв яра.  
Муö палич Пера жбут,  
Вөлі паличлы вит пуд.

Пырис сыв судтаö муö  
Палич сылөн быттё гүö.  
Кыкнан кинас сэк шымыртö  
Сійö Быгыль багатыртö,  
Сэссия кыз тай чөвтас вылö  
Джуджыд Төвпоз изйыд йылö –  
Быгыль жугалö пуз-паз,  
Сөмын бикинь сявкнитлас.

Шөри потө Төвпоз изйыс,  
Ёма петө сэтысь, ризйө.  
Мизя чап кватитіс сійөс,  
Юрси пратьсө босьтас киас,  
Вөнсьө пөрччас Ёма вылысь,  
Мырддяс нөйтігтырйи сылысь...  
Кыкнан воклөн сюри шой,  
Сійөс корсисны дзонь вой.

## V

Шогсьө Мизя шойяс дорын:  
Кодлысь сэсся отсөг коран?  
Со тай ош варгыльтө-локтө –  
Сылысь казялөма шогтө:  
«Мунам лов зелляля! Кылан?  
Туис босьт да пуксы вылам!»  
Мөдөдчисны. Воис кыр,  
А кыр улас ыджыд мыр.

Мырйыд ошлы вужнас шедіс,  
Дзулькйөн мыр увсьыс ва петіс...  
Мизя туисө ва лөдіс,  
Сэсся ош вылын бөр мөдіс.  
Вот и найө вокъяс бердын  
Джуджыд из гөра ув эрдын,  
Көні Пера коллис вой,  
Видзис кык вокыдлысь шой.

Мизя босьтіс зелля туис,  
Пызйис: «Чеччөй, вокъяс!» – шуис.  
Вокъяс звирк чеччисны сылөн,  
Горөдісны: «Олан-вылан!»  
Накөд орччөн лампа сэтөн,  
Дзик выль шыбедь кыськө петөм.

Ассьыс синсө тілигтыр  
Шуө Ныркаб: «Узьсис дыр!»  
Ыджыд аттё шемөс мортлы  
Висьталісны Пера ёртлы.  
Сэки ньөжйөникөн гортас  
Муніс Пера ай-мам ордас:  
Вужнас пөрласис вөр-пуыс,  
Кок улас лайкъяліс муыс.  
Куим вокыд шензигтыр  
Пера вылө дзоргис дыр!

А сэккості Мизя кийсь  
Ёма-д мынтысьома: сійө  
Лэбө-пышйөдө со туис...  
Сійөс Ныркаблөн шы суис...  
Уси Ёма, лолыс петө...  
Пежыд медбөръя шы сетө:  
«Мед жө лоас, мед жө... ой...  
Став му пасьтаыс сьод вой!»

Лун шөр лунө артмис шемөс:  
Лои му вылын сап пемыд,  
Кусі шонді, воши төлысь.  
Гөбөч гуын кодъ дзык вөлі!  
Сөмын муртса-муртса тывсянь  
Югөр локтіс гөра вывсянь.  
Пурга кыптіс: син ни пель,  
Көться<sup>1</sup> синмад сутшкы жель.

## VI

Кыдзкө-мыйкө куим вокыд  
Кималасөн бау кокөн

---

<sup>1</sup> *Көться* — көть сэсся.

Кавшасисны гөра йылөдз,  
Көні куйліс дзирыд тылыд.  
Кодыр тывборд налы сюри,  
Сэки вежавидзиг, бура  
Вөнһөн төбис ыджыд вок:  
Эз ло дзирыд сылөн бок.

Көть и пемыд вөлі войыс,  
Сьөлөм вылас долыд лоис!  
Вокъяс сувтісны лызь вылө,  
Гортлань мөдөдчисны ылө,  
Ачыс тюлысь лямба вына –  
Шуньгө-вундө пемыд сынөд,  
Аддзө лэбны шылъыдін,  
Көть и абу сылөн син.

Лямба шуньгө – швичкө-сьылө –  
Гөра йывсянь керөс йылө,  
Кымөр увсянь кунөр улө  
Рытиввылө кутш моз тюлө,  
Куим вокөс вайө гортас  
Важөн кольөм бать-мам ордас.  
Со и налөн чужан сикт  
Матын тыдалө нин дзик.

Сиктыс эськө со тай тані...  
Эз пет некод сиктын паныд.  
Видзөдоны: өти пөчө  
Мыйкө сартас биён вөчө.  
Сэсся ставыс сэтөн узьö –  
Джоджө нюжөдчөма кузя.  
Некөн оз кыв кань ни пон,  
Ставсө личкөма кыз он.

Шуис сэки пөрысь пөчө  
(Киыс дзөрө, ачыс жөдзө):

«Ті нө, бур йөз, кытысь локтад?  
Кодъяс асьныд, ме тай ог төд?  
Тан со куим во нин пемыд...  
Лоо тадз, тыдалө, нэмыс.  
Ставнас онмовсис нин сикт.  
Эг на онмовсь өтнам дзик».

Босьтіс Мизя зелля туис,  
Пызйис ставсө, «Садьмөй!» шуис:  
Ставыс садьмис, ставыс чеччис,  
Пөлать-паччөръясысь лэччис.  
Батьыс радлө, мамыс кутлө...  
Помыс-дорыс абу шудлы!  
Эз на шылясь дзикөдз дой:  
Сиктын век на пемыд вой.

Сэсся керка вылө айыс  
Ачыс ньөжйөникөн кайис,  
Вөчис пызан мича козйысь,  
Эзысь кудйө, зарни дозйө  
Пызан вылө тывборд пунктис,  
Алөй шөвкөн вевттис-тупкис,  
Куйлө сәні дзирыд борд:  
Гажайнын сылөн горт.

Со тай өтчыд пемыд войыс  
Этша югыдджык друг лоис:  
Паськыд сьөд небеса вывті  
Пипилысты сөкөл кывтіс –  
Бордйыс зарни, морөс эзысь,  
Дзирыд югыд кисьтө-резө.  
Асья кыа ломзьө дон.  
Ловъя ловлөн воши он.

Вына борд шы ылі гым моз  
Сөкөлдөн шургө-зымгө,  
Сиктын шензё чуймөм йөзыс.  
Сөкөл чилис енэж лөзын:  
Вылын кытшлаліс со сәні,  
Кыа пемыдөс көн веніс,  
Сөмын муланьё эз лок  
И эз бырөд йөзлысь шог.

Йөзыс му пасьтала шызис:  
Лача<sup>1</sup> морт сьөлөмын гызис!  
Сувтіс войтыр чөла-шаня,  
Синсө ләптіс енэжланьё,  
Кевмө, сьөлөмсяньыс корө:  
«Лэччы, сөкөл, миян дорө!»  
Шензян пөтка, шемөс ань  
Оз сибөдчы муывлань.

Век на енъюгыдыс рөмыд,  
Муртса кыа петө сөмын.  
Кевмө войтыр лун-мөд-коймөд,  
Быд сөн мудзөмысла доймө.  
Сөкөл век на мусянь ылын,  
Оз пет шонді асиввылын,  
Көть и енэж ставнас сэзь.  
Йөзлөн кевмөм лои весь.

Кайис войтыр сикт шөр эрдө,  
Нөрыс йылө потшөс бердө.  
Войтыр пөвстын вокъяс сэтөн.  
Мизя йөз коластысь петө,  
Коз мыр вылө, войтыр пиө,  
Пуксьё ньөжйөникөн сійө

---

<sup>1</sup> *Лача* — надея.

(Пөлян эм питшөгас бур)  
Вывлань лэптö сійö юр.

Питшөг ассьыс Мизя восьтіс,  
Заргум пөлян киас босьтіс.  
И вот юрөбтіс сэк шыыс  
Саридзвывса гулыд гыөн –  
Шлывгис морт сьөлөмө юсьөн...  
Кывзис муыс-ваыс гусьөн  
Гора мойдлысь мыла гор,  
Мыла горлысь эзысь шор.

Мича горөн ворсö Мизя,  
Чуньыс йөктö пөлян кизьöd.  
Муыс ланьтіс, ваыс чөліс:  
Ворсөм сэтшөм лөсьыд вөлі!  
Дыр на ворсіс сійö сідзи...  
Кайлы сьөлөмөдзыс сидзис:  
Лои (аддзис кевмысь йөз)  
Сөдздзык енэжыслөн лөз.

Гора юрөбтіс друг сьылөм  
Пипилысты сөкөл йылысь:  
«Югыд шонді сөкөл миян,  
Тэныд сьөлөмнымөс сиам!  
Йөзлысь он мөй аддзы шогсö?  
Вешты му вылысь тэ лөксö!  
Синтö чөвтлы миянлань!  
Лэччы татчö, мелі ань!»

Дыр на юргис йөзлөн сьылөм,  
Горыс му пасьтала кыліс.  
Сөкөл ныр веськөдіс улö,  
Кутіс матыстчыны мулань.  
Сэсся лэччис пөшти дзыкөдз  
Да и пуксис керка сигö,

Дзирыд морөс восьтіс жан –  
Сиктлөн вежсис чужөмбан.

## VII

Другысь шог да пемыд кулі:  
Сиктө воис гажа тулыс,  
Везйыс жугыльлунлөн ори,  
Эжа вылын нюмдіс дзоридз.  
Муыс-ваыс ставнас ловзис,  
Олөм пемыдлунлөн овсис,  
Пуксис сиктө тувсов лун,  
Вешйис бокө сьөкыд ун.

Ворсө му выв. Шензьө войтыр,  
Сьөлөм нимкодълунөн ойдіс,  
Долыда лолыштіс морөс,  
Сыланкывлөн вежсис горыс,  
Гажмис зар пөлянлөн гласыс:  
Югыд сиктын, гулыд расын  
Юргис кыпыд сыланкыв,  
Ловзис-шызис нөрыс йыв.

Войтыр юргис, войтыр сьыліс,  
Син эз лэдзлы сөкөл вылысь,  
Коді керка сигын пукис  
Тувсов шондісьыс на югыд.  
Сэсся... другысь йөз юр вомөн  
Жбыркнитіс кызд кильчө помө,  
Да и пуксис сэтчө шлыв –  
Лои мича-мича ныв.

Сэсся локтіс шемөс аныд  
Ньөжйөникөн Мизяланьө,  
Меліа видзөдліс вылас,  
Еджыд кисө сетіс сылы.

Мизя первой шай-паймуні,  
Сэсса чуймөм сылөн вуні,  
Өзйис сьөлөм шөрас би,  
Нывлысь топөдыштліс ки.

Пырысь-пыр жө лои көлысь<sup>1</sup>.  
Ставнас пируйтис сэн вөлөсьт.  
Ягын нюмъяліс вөр-пуыс,  
Гөгөр нимкодясис муыс,  
Сыліс колип парма вөрын,  
Радліс шонді енэж шөрын.  
Мортлөн дзулькйөн пуис вир.  
Татшөм гажа вөлі пир!



---

<sup>1</sup> *Көлысь* — свадьба.



### СЬӨД ЧАРДБИ

Жар гожомын челядь васьыд көть оз и петавны, найос ю дорсьыд весиг преникөн ни көлачөн он ылөд. Ичөт Ёльоксан радейтис жө пөттөдзыс ворсны лыа вылын да больтікасьны шоньд ваын. Торйөн нин кыкис ю дорө вөрын вотчөм бөрын: сэн оз пөльышт төвру, а жарыс ыпгялө веськыда ломтысьысь пачысь моз. Пөсялөм яй бердад лемасьө-ляскысьө дөрөмыд, синмад пырө быдсяма ном-гебйис. А гырысь лөдзьяс, дзик мазі ыдждаөсь, вермөны вирөдз варснитны-курччыны куш сойтө либө коктө. Ок, эськө, өні больтікасьыштны вөрсьыд воөм бөрын.

Но Ёльоксан эз лысьт весиг мөвпыштлыны та йылысь. Вадорө ордымыс лэччөдіс Егор Матренлөн өтка керка дорті. А сэт муннысө Ёльоксан эз лысьт, неважөн ёна повзыліс да. Тірөдө-котөртө Ёльоксан шлювскыны-усьны век лөсьөдчысь гачсө кутышталиг. Кымынысь көсйыліс корны бабсө вурьштны волыс да век вунөдчө. И сэки Матренград йөрысь син улас уси уна-уна виж вата ёкмыль кодь чипанпи да налөн пашкыр бөжа руд сера мамыс – ыджыд курөг, коді клутсигтыр нуөдіс челядьсө быдөнысь спаситысь сук картофель корьяс улө. А чипанпиян вильшасисны, сявъялісны өтарө-

мөдарө кушинын, эз тэрмасьны төждысьысь мамыс бөрся. Со и ылаліс Ӧльӧксан...

И друг сылы юрас кучкис съод чардби, гора гымӧн швачӧдчиг кутіс сизьдыны юрас. Весӧ-пӧрӧм Ӧльӧксан горзігтыр уськӧдчис бокӧ, кияснас зілис тупкыны чужӧмсӧ, юрсӧ. Бур, мый удитіс беддӧн отсӧг вылӧ воны ачыс Егор Матреныс. Кыдз нӧ сэсся он пов татшӧм звер кодъ ён, косясьны радейтысь съод петуксьыс? Тасянь колис некымын лун. Повзьӧмыс да дойыс неуна вуныштіс нин. Дай сэтшӧм окота купайтчыны. Мый лоаныс ло. Гачсӧ, мед эз усь, зэлӧдіс вӧсныдик гез помӧн, киас босьтіс ён палич. Ӧні мед видлас петукыд уськӧдчыны.

Но кымын матыстчис Матренлӧн керкаыс, сымын чиніс Ӧльӧксанлӧн котӧртан ӧдыс, быттӧ



кодкө вочасөн нёняліс кокъяссьыс вын-эбөссө. Ичө-тик сьөлөмыс кутіс нөйтчыны пыр гораджыка да чорыдджыка, сылысь уджалөм шысө зонка кыліс весиг пельнас.

А со и град йөр, код бокті котөртө ордым. Позис эськө кежны бокө, но сәні быдмө джуджыд сю, кежан сәтчө – и вошан... Мый лоаныс – ло, Өльөксан чорыдджыка чабыртіс палич помсө да тувчис водзө. Важ местаасось чипанпян, налөн клуксысь мамыс. Друг сійө лёкысь горөдіс, виж вата ёкмыльясөс быттё төлөн нөбөдіс картофель коръяс улө, а мамыс эз удит вөчны тайөс: сы вылө небесаянныс руд изйөн усис чипан варыш. И сәки жө керкаладорсянь кыліс грозноя горөдөм, хищник эз на удит весиг өтчид забнитны-кокыштны жертва юрас, кызди сылы кучкис гөрд юра да сорсьяса, зарни биа кодь бөжъяса сьөд чардби. И пансис кось, ләбисны руд, сьөд да гөрд рөма бордъяс, пуркйис гөн, кыліс вына бордъяслөн гораа швачөдчөм, клопөдчөм, ставыс гартчис өти ёкмыльө... Курөг мам удитіс дзебсьыны картофель коръяс пөвстө. Сәки тышкө пөрөм ёкмыльысь торйөдчис варыш да, бордъяснас сьөкыда өвтчиг, мөдіс кыпөдчыны. А збоймөм петук век на чеччаліс вывлань, кытчө вошис сылөн лёк вөрөгыс. И Өльөксанлы вөвлөм врагыс кутіс кажитчыны ещө на ёнджыкөн, збойджыкөн да мичаджыкөн, көть эськө и бөжыс косясигас ёна чирйыссьөма, а джуджыд сорссьыс войталіс вир. Сьөд чардби эз сет кедзвотны ассьыс семьясө некодлы – Өльөксанлы ни чипан варышлы. И зонка морөсысь вөвлөм өбидаыс, полөмыс да водзөс босьтны көсйөмыс дзикөдз быри.



**ЗАРНИЙӦЙ МЕНАМ**

ЗарнийӦй менам,  
ДонаӦй менам,  
Меным тэ помасьтӦм бур.  
Муна кӦть ылӦ,  
СьӦлӦмӦй кылӦ,  
Бурджыкыс тэысь оз сюр.

Этшаысь шаньӦн  
Овлан кӦть, аньӦй,  
ЛӦкӦн ме некор ог шу.  
МичаӦй менам,  
СьӦлӦмшӦр менам,  
Муса тэ мен, Коми му.

\* \* \*

ЛӦддза-номъя тӦлысь  
Ода-кора, майӦс,  
МӦд во кежлӦдз вӦтліс,  
ЕнӦж шӦрас кайис.

СійӦ – югыд шонді,  
Шоныд гыма зэрыс.  
Троица лун коръяс,  
ВежӦдӦм видз, керӦс.

Вижъюр дзоридзыс нин  
Шонді мозыс öзйö.  
Школа помалысьлөн –  
Туйö петны кöсйöм.

Медся ыджыд радлун  
Велöдчысьлы вичмис.  
Мыніс парта сайысь,  
Весиг чужöм мичмис.

Шонді берин чутъяс  
Зонкаяслы кöдзис.  
Гожся чиркъяс кодъөн  
Нывкаясöс вöчис.

Классысь классö вуджöм –  
Ыджыд тшупöд кайöм.  
Таысь дзоридз – козин  
Гожöмыс и вайö.

\* \* \*

Ловзьöд, тулыс, шоръяссö,  
Ловзьöд парма-вөр.  
Ловзьöд сöстöм коръяссö,  
Ловзьöд енэж шөр.

Ловзьöд шуда мунымöс,  
Нюмъялас пыр мед.  
Видза олан, тулысöй,  
Муöдз копыр тэд.

## КОМИ МУӦЙ, СЬӦЛӦМШӦРӦЙ

Помтӧм парма,  
гулыд ягъяс,  
визув юяс,  
паськыд видз.

Гажа нӧрыс,  
зыбуч нюръяс,  
еджыд кока  
винӧв кыдз,

Гӧгрӧс тыяс,  
зӧра аръяс,  
озыр вӧр-ва,  
тӧрыб кӧр.

Чизыр тӧвъяс,  
тшӧкыд расъяс,  
чукльӧсь ордым,  
пемыд вӧр.

Тӧ кӧ шуда  
да нюмбана,  
меным сӧсса  
нем оз ков.

Коми муӧй,  
сьӧлӧмшӧрӧй,  
менам куслытӧм  
любов.

\* \* \*

Коми муӧй менам дженъыд гожӧмъяса,  
Но и сійӧ менам сӧстӧм пожӧмъяса.  
Коми муӧй менам веж морозъяса,  
Но и сійӧ менам мича козъяса.  
Коми муӧй менам зэра аръяса,  
Но и сійӧ менам байдӧг-таръяса.  
Коми муӧй менам зыбуч нюръяса,  
Но и сійӧ менам сьӧла-уръяса.  
Коми муӧй менам кӧдзыд вой тӧла,  
Шуда да быд уджысь повтӧм войтыра.

### МАМ

Тэнад олӧм эз вӧв кокныд,  
Сьӧкыд кадӧ чужлӧн.  
Тӧдлӧн нянь кусӧклысь донсӧ,  
Уджавны тэ кужлӧн.

Ылі туйысь локта, паныд  
Тэрмасьӧмӧн петан.  
Мам, тэ сӧмын сійӧн озыр,  
Мый став бурсӧ сетан.

\* \* \*

Талун гортын сэтшӧм гажа,  
Батьлӧн чужӧм вылас нюм.  
Сійӧ виччысис нин важӧн  
Каникулъяс воан лун.  
Быд рыт урок вӧчны мекӧд  
Колӧ терпенньӧ да вын.

Сы моз мырсынысö некод  
Гортын мекöд оз и мын.  
Ыджыд чойлөн аслас уна  
Гортса уджыс, юр выв тыр.  
Мамлөн ставыс важөн вунöм,  
Велöдчöм и челядьдыр.  
Быть öд вунöд, рыт и асыв  
Сылөн помасьлытöм удж.  
Ог тöд, водö кымын часын,  
Гашкö, оз и водлы сутш.

### СИКТСА ЧЕЛЯДЬЛЫ

Сиктса челядь котырöй,  
Пармаса ныв-пиянöй.  
Видзвывса яр дзоридзьяс,  
Радейта ме тiянöс.  
Кöмтöм кока войтырöй,  
Зорöд дорö верзьöмөн  
Турун юръяс ваялад  
Панласьöмөн, вензьöмөн.  
Пажын кадö лöзöдтöдз  
Ваысь онö петалöй.  
Сейны пуксяд – вöвъяслы  
Няньсö джынсö сеталад.  
Урлысь сиктöд вуджöмсö  
Тi жö медводз казялад,  
Вötлысяд да вötлысяд,  
Дөрöмныйд тшötш вазылас.  
Öти здук он весь олöй,  
Век нин мыйкö керанныд.

Дышödас кö ворснытö,  
Йöлöгаöс неранныд.  
Сэтшöм тi мен мусаöсь,  
Пармаса ныв-пиянöй.  
Сийöн гажöй бырлывлö  
Медся ёна тiянысь.

### **ВЫЛЬ ВЕЛÖДЧАН ВО**

Бур асыв!  
И югдöма классъясным быттьö,  
Öд дзоридзьяс öзйöны  
Шондiыс моз.  
«Сентябр первой лун» –  
Дöска вылысь ми лыддям.  
Оз кор весиг ывлаыс  
Миянöс, оз.  
Эз узьсы тай мен  
Талун асывнас дырсö,  
Водз чеччи да сумкаö  
Кутчыси пыр.  
А шондiыс вөр сайысь  
Мычö на нырсö.  
Мам шуö, мый  
Школаö мунтöдз на дыр.  
Но кыдз татшöм асылö  
Узьны мен позьö,  
Öд школаысь сэтшöма  
Бырöма гаж!  
И важöн нин дасьтöма  
Менам бур козин –  
Зэв мича яр дзоридзьяс –

Гажӧдны класс.  
И со миян велӧдысь  
Юасьӧ бара,  
Кыдз коллялім гожӧм  
И вӧлім ми кӧн.  
Зэв унаӧн  
Волӧмаӧсь Сыктывкарӧ.  
А ме курті турун,  
И нетшки ме йӧн.  
И видз вылын пыкӧдъяс  
Кыскалі вӧлӧн,  
И зорӧд выв талялі,  
И воті ме чӧд.  
А мыйта ме уялі  
Ю мӧдлапӧлын.  
И медбура суналі,  
Коді оз тӧд.

\* \* \*

Пуясӧс со  
Серӧдлӧ нин зарни,  
Сідзкӧ, чужан муӧ воис  
Ар нин.  
Бӧръя лунъяс,  
Шойччӧмсьыс нин мудзи.  
Гажа гожӧм  
Нинӧмӧн эз удзӧд.  
Гожйӧдіс и купайтӧдіс  
Пӧттӧдз.  
Гыма кымӧр зӧръяснас  
Тшӧтш рӧдтіс.

Чужтіс тшак и вотös,  
Чösмасьны мед.  
И со ыркалö нин  
Арся сынöd.  
Кыдзкö жаль и долыд  
Август помас.  
Ичöt чойлөн  
Вашмунöма вомыс:  
Таво мекöd школаö  
Тшötш мунас  
Локтысь гажа  
Сентябр первой лунас.

### ЗЭРА АР

Сутш кежлö оз кобыштлы,  
Оз восьт синсö енэжыс.  
Шондiсö мöй кокыштіс  
Рака чукөр енэжысь?

Свинеч сьökта кымөръяс  
Кывтöны и кывтöны.  
Дözмöd, арöй, зэръяснад,  
Сетöма тай кыв тэныд.

\* \* \*

Мыла сьылан  
Сьölöм вылын,  
Мед көть слöта, зэра ар.  
Арся войö  
Дзирдөн койö  
Серамбана Сыктывкар.

Абу важкодъ  
Няйт да гажтѳм,  
Майбыр, талун абу чѳв.  
Кыпыд лола,  
Мича, долыд,  
Сійѳ виччысьѳ со тѳв.

Коми муѳй,  
Мый кѳть шуѳй,  
Абу зумыш, абу лѳк,  
Вылын юра,  
Тѳдѳ бура  
Водзѳ вылѳ ассьыс мог.

Лѳкыс нѳрмѳ,  
Бурыс вермѳ.  
Ѣнджык ѳзийѳ сьѳлѳм би.  
Кыптѳ ловным,  
Кутам овны  
Ѣна мичаа на ми!

### ТУРИЯС

Турияс лѳбѳны –  
Шоныдсѳ нуѳны.  
Гѳгыльтчис гожѳмыс  
Шоныдджык муѳ нин.

Вой тѳлыс шутьялѳ,  
Повзьѳдлѳ, тѳрмѳдлѳ.  
Енѳжын клуксѳмыс  
Сьѳлѳмтѳ нормѳдлѳ.

Тулысөдз, донаяс!  
Кузь төвбыд виччысям.  
Воад, кор Комиын  
Веж турун мыччысяс.

\* \* \*

Турөб! Турөб!  
Еджыд сарапанöй,  
Пармашөрса козлы  
Нюжөд сыв.  
Тэрыб борда төлөй,  
Вой төланöй,  
Помся сылы  
Нор шыөн эн сыв.

Эзысь төлысь,  
Кельыд чужөмбанöй,  
Ассьыд югөр  
Лышкыдджыка кой,  
Мича козйöй,  
Менам шондібанöй,  
Эз мед шога  
Колляв төвся вой.

\* \* \*

Көдзыд! Лэбачьяс лэбигөн кынмөны,  
Гыөртөм парма мойдын моз чөв.  
Козлөн лапъясыс толаө инмөны,  
Дзикөдз лөньöма көдзыд вой төв.

Рытъя уличын музыка юралö,  
Гөгөр ворсöдчö бияслөн дзирд.  
Тайö мичлунсö синъясөн курала,  
Радла тэ вылö, ас чужан сикт.

### ДЕКАБР

Асыв очсыштас, да луныс  
Сутш кежлö дзик восътлас син.  
Рытöс бара личкö унмыс,  
Войыс содö на, оз чин.

Усьö лым, и вой төв дурö,  
Тэчö толаяссö тыр.  
Еджыд шалля гартчö турöб,  
Кытчöдз эбöсыс оз быр.

И кор лöняс югдандорыс,  
Парма весьтö пуксяс чöv.  
Муса жö нин сэк, сё морö,  
Еджыд пася войвыв төв.

### ТӨВ

Асья кыа  
Югыд кыö.  
Турдём төлысь кельдöдö. Чöv.  
Көнкö ар на,  
Коми парма  
Важөн лымъя, важөн төв.

Октябр бөрысь  
Ноябр төлысь  
Локтө еджыд пасьон пыр.  
Вевттьө муяс,  
Дорө юяс.  
Зонпоснилы дасьтө кыр.

Кырыс дась нин,  
Быттьө праздник,  
Вашмунөма ичөт зон,  
Потшөс дорын  
Мича дзоридз –  
Кумач морөса лөнь жонь.

### **ТӨВСЯ ВОЙ**

Көдзыдысла кодзувъяс тронякылөны.  
Еджыд шальяс козьяслөн туган йыланис.  
Би ни ва, но ывлаыс лөзов югөра –  
Төлысь-сөчөн видзөдө керка чукөрас.  
Йөз и пемөс узьөны ылын вөртасас.  
Уна рөмөн вой кыа бара пөртмасьö.

### **ЛОКТӨ ТУЛЫС**

Омлялө турөбыс, скөралө төлыс,  
Буракө, төлыслы матысмө пом.  
Лёкысла чашйысьö скөрмөм март төлысь,  
Вөв кызди тэрмасьö орөдны дом.

Тулыслөн лов шыыс век жө нин кылө,  
Лунысь-лун ёнджыка гораммө пыр.

Сувтлы да видзӧдлы керкаяс вылӧ,  
Кодъясӧс мичмӧдіс йинённысь сыр.

### ТУВСОВЛАНЬӦ

Ывла вылыс ёнджыка  
Ас дорас нин корӧ со.  
Тувсов лов шы кылігӧн  
Сьӧлӧм вӧрзью морӧсын.

Тӧвйысь лэбач котыръяс  
Збоймӧмаӧсь, кылӧны.  
Петалӧмась йӧктыны  
Кӧчъяс чарӧм вылӧ нин.

Турӧбъяс да кӧдзыдъяс  
Войвывланью сетчасны.  
Потшӧсбердса толаяс  
Ляпкаласны-лэччасны.

Сэсся шоръяс тюрасны  
Тэрмасьюмӧн юланью,  
Шонді бансӧ бергӧдіс  
Чужан Коми муланью.

\* \* \*

Видза олан, гажа тулыс!  
Видза олан, енэж шӧр!  
Видза олан, югыд шонді!  
Видза олан, ловзьюсь вӧр!

Видза олад, помтөм видзьяс!  
Видза олан, көдзөм му!  
Видза олад, еджыд кызьяс!  
Видза олан, визув ю!

Видза олан, чужан муой!  
Коми войтыр, видза ов!  
Мед пыр шудлун тиян туо,  
Кыпидмө да югзьө лов!

### **ТУВСОВ КӨРА ЫВЛА**

Мудзим толаяссыс, төвсыйс.  
Тырмас, турөбөй, вай өвсыйс.  
Кынтавнысө мед нин дугдис.  
Со тай, майбыр, водзджык югдө.

Сёрджык пемдө рыгъядорсө,  
Парма весьтын шондi ворсө.  
Луна-войыс лоас шөри,  
Потшөс бердысь тола пöрас.

### **ТУЛЫСЛАНЬӨ**

Төдө ассыйс уджсө тулыс,  
Бара вежө бансө мулысь.  
Чарөм вывти вөрө төвзя,  
Вөрыс мөдкодь, абу төвся.

Лымйыс сэтшөм – синтө ёрө,  
Чайтан, видзөдласыд орө.

Качөм енэж – шондібана.  
Му выв гажыс – вöрас, тани!



Изъя берег вывті чожа  
Көмтөм кокнад он на мун.  
Майбыр жö нин, кодыр гожөм,  
Нöшта – шондіа кө лун.

Ваысь петалам и бара  
Сунам, уялам вель дыр.  
Рака кок кодь кокным, сарөг  
Весиг пывсянын оз быр.

Ок, и лөсьыд жö нин юас,  
Көть эн петав сэтысь сутш.  
Сөмын полан, кымөр суас,  
Сетöма öд тэныд удж.

Öшинь улын косьмö турун.  
Төдлытөг кө воас зэр,  
Сэк оз отсав весиг куран –  
Мам-бать петкөдласны «шер».

И кыз овлө, бара вунö –  
Ді вылынöсь нин ми со.  
Эг и төдлөй, локтіс кунөр,  
Öні гортөдз он нин во.

## ГОЖӨМ

Бара мича өшкамөшка  
Кусыньтчөма мегыр моз.  
Бара тыдалоны мөсьяс  
Улич помын, көні лос.

Бара уялөны челядь,  
Гажөн тырөма ю дор.  
Бара вашкөдө тэн пеляд  
Мыйкө бурөс кыз пу кор.

## ЁЛЬ

Веж бадь увті гусьөн ичөт ёль  
Сөстөм васө асьыс лөня нуис.  
Ас йывсьыс дзик некодлы эз доль,  
А өд сыысь артмис ыджыд юыс.

\* \* \*

Волөн быд кад меным муса:  
Зарни ар и гожөм шөр,  
Тулыс, коді восьтө юсө,  
Төвнас лым толаа йөр.

Быд кад аслас чөскыд көра,  
Мед и дөзмөдчывлө ном  
Гожөмнас, а арнас төрө  
Няйтыс, төвнас – көдзыд ён.

Нюжавлө и кузя тулыс;  
Но и мед нө, муса мем,

Мый и миян войвыв муын  
Волөн нельнан кадус эм.



Бортас весьтö шондi петö,  
Зарни югöрьястö сетö.  
«Гожöм, гожöм, гожöм, гожöм», –  
Шувгö пармашöрса пожöм.

«Талун луныс лоö мича,  
Видзöд, сiдз öд, сiдз öд, сiдз öд», –  
Посни лэбач тадзи сьылö.  
Катша китшкö:  
«Ытшкы, ытшкы!»

Лун шөр бöрас косьмас турун.  
Сэк нин уджö босьтчас куран.  
Виддзыс паськыд, виддзыс мольыд,  
Челядь уяласны ёлын.

Но и öнi петö шондi,  
Лэбач котыр сьывны пондiс.  
«Чеччы, чеччы, чеччы, чеччы,  
Ытшкысь, косястö лэчты».

Страда кадö кутшöм узьöм,  
Тöвнас войыс лоö кузьөн.





### ЖУЧКА

Война вайис йӱзлы уна шог, да медводдза шогсӱмӱн лоис аслыд кынӱмпӱт шедӱдӱм...

Гӱра-кӱдзаӱдз, ӱти тувсов лунӱ, ӱктӱ сӱянтор муяс-пашняяс вылын: кузъяс, кольӱм вося шепъяс. Ягладорсянь гортӱ воигӱн нырысь-ныр воим воча суседса ӱттшӱтшъя детинкакӱд, Толиккӱд, кодӱ вӱлӱ ружьяеа.

– Мый кыйин?– пыр и юалӱ, кӱтъ нин аддза вӱлӱ, мый сӱйӱ нинӱм оз вай.

– Мый? Нинӱм! Ягас нинӱм абу да... Тойтӱ он кый,– жеръялӱ воча Толик.

Школаын жӱ менам Вова другӱй корис менӱ бокӱ да шӱпкӱдӱс: «Гумляяс дорын пӱ дозмӱр-тарыс жуӱ... Мамӱлы висьявлӱма Опонья дед».

Ме дюдьявны кутӱ, кодлы эскыны – Толялы али Вовалы. Школа бӱрын пыр жӱ котӱртӱ Петра дедӱ дӱнӱ сӱрнитыштны та йылысь. Тӱлкуйтӱм рытывбыд.

– Вермас и лоны. Тулыснас пӱтка тшыг да вердчывлӱ тусьясӱн... Да и рӱдмис, буракӱ, уна. Оз вӱрав некод да...

Ме висьяталӱ дедлы, мый водз чечча да аски школаӱдз кайла ружьяӱн гумла дорӱ.

Дед суйсис:

– Ог төд, понтөгыд мыйкө артмас оз.

– Вайлы Жучкатө, мый сэсса, – нем думайттөг кори ме дедлысь кычиписө.

– Энь кычипи эськө, да вит төлысса на и эм, – вочавидзис дед. – Босьтлы, абу жаль.

Жучкакөд ми важся другъяс, ме сійөс корсюрө вердлывла мыйөн верма. Сійө менам чукөстөм вылө и вөтчис ме бөрся гортөдз, көні вөвлывлі нин жө. Йөрти вой кежлө Жучкасө гидө, мед эськө бөр эз пышйы. Зарадитчи батылөн запасъяссыс: квайт патрон видлөм вылө. Водз воді, мамөлы тшөкті пальөдны вой шөр гөгөр.

Эз узьсы, сөмын бергалі. Чеччи вой шөрысь водзджык на. Кок чунь йылын ветлі, көмаси-пасътаси, понла петігөн мамө шыасис:

– Эн дыр ветлы, пиук, школаад мед эн сёрмы.

Көсйыси мамлы быд ног и, надея куттөг, воськовті кильчөысь югдан ывла вылө. Велькөдчи вартан гумляяслань. Муртса петі карта сай потшөс сайө, понйөй тивгыны кутіс: йөрмөма потшөс сайө, оз путьмы петны ни чеччыны. Лоис моздорын вуджөдны.

– Сөмын матайтас, тыдалө, татшөм понмыд, – унаысь нин төрытсеянь татшөм мөвп менам юрын бергавліс.

– Ладнө, коля нин гумляяс дорас, гашкө, понтөг на лыя, – мөвпала бара мөдарө, ачымөс ачым такөда.

Рынышъяс дорө локті рөмыдөн на и. Збыль, ылісянь на кыла: шпоракулөны-лэбөны лэбачъяс. Гумла сёрөмъяс костті ветлөны, отарын и мөдарын шпорөдчөны. Отчюд ныр улө воліс зэв ыджыд доз-

мөр, да повзылы быдөн. Сы вöсна сёрми да лыйи нин бёрсяныыс. Но эз сюр. Тадзи кö, патронöй этша.

А кычипи Жучка кутис ньöв моз öтарö-мöдарö котравны. Котралö да тьявгö-увтö вöсни гөлöсөн. Гöгралi-гöгралi, немтор эг лый сэссия. Югдыштіс нин. Смекайтi да некутшöм пöтка тай синмö эз усь. Мöдöдчи кладбищедорса пожöма вөрлань. Öдйö казялі, мый сэн, пожöмъяс вылын, гырысь сьöд чутъяс.

– Дозмөръясыд сэнi пукалöны, – мөвпышти пыр жö да лои рад, мый бөр аддзи.

А Жучка матын эз и тыдав. Матыстчи медматын пукалысь пöткалань и кыла: Жучка неылын тьявкнитлас да бара. Ладнö, мед тьявгас. Копырөн, кыйöдчöмөн муна аслам дозмөрлань, а сійö гоньявны нин кутис. Кымынкö воськов ме нöшта вöчи, кыйкнитлі пу туганлань дозмөр вылö, а туганыс куш нин. Лэбöма дозмöрыд. Кытi подөн, мукöдлатi кыссьöмөн заводитi матыстчыны мöд дозмөр дорö, лыян выйöдз бара эг во, дозмөр, бордъяснас öдйö тiрöдчиг, сунгысис-лэбис вөр шөрö.

А Жучка, кылö, камгö-увтö öни нин яра. Пыр-кöдi гачöс да ныр-вомöс буссьыс, няйтсьыс, весь-кöдчи Жучкалань. Тупыль со сійö чим еджыд гöна пукалö пу улын да, вылö юрсö чатöртöмөн, камгö-увтö, а дозмөр сы вылö копрасьö да котсö либö кургö. Видчö, буракö, пöтка первойсö, а сэссия вильшасьö кычан вылын: «Он судз! Он судз! Он кут!» – дэльöдчö дозмөр.

«Ав! Ав! Мыйла кайин? Лэччы!»

Пу сайсянь пу сайöдз копырөн котöртіг, ме öд-йö вои дзик нин Жучка дорö, кашкöмöс чөлöдi да

метитчылі, но бөр дугді: зэв нин ёна колө кыйдө-сыс да. Шойччышти, ачымөс быд ног такөді да бара метита, кызди Петра дедө да бать велөдлісны, бокас лэбачлы. Ачым нин сулала дзык сійө пу улас, көні дозмөр пукалө. Өні либө некор! Грымөбті. Пулысь кос увъяс жугліг дозмөр шнөпкысис дзык кок дорө. Жучка вожасьліс нөйтчысь дозмөр вылө, өдва мырдди кыйдөсөс, сэсся бөр малалі Жучкаөс, кор радла дрөжжитан киясөн ме дзеби дозмөрсө ас вөчөм ноппө.

Муртса на ме дорын вөлі Жучка, а кыла: бара нин камгө-увтө дзык матын. Өні сэсся эг нин пов и сюсьджыка нин матыстчи дозмөр дорө. Бара инми! Этадз ме нельөс лыи, а витөдыс вөлі веськалөма сьод дозмөр, пу вылысь уси да гундыр моз шлоп-сьодө-нөйтчө, өдва ме сійөс ланьтөді. Мешөкө оз нин төр да ректыси и сүйи өтнассө, медбөръясө. Сүйи сьод дозмөрөс мешөкө да зэв кузь паськыд бөжыс колис ортыө на, өтнас и төрө мешөкө, сэсся оз ни өти. Пөрччи гач көвйөс, мукөд нельсө кокъясөдыс өтлаө көртавлі, кык ноша өтлаалі, пельпом вомөн чөвті: өтиыс морөс вылын, мөдыс мышкын – вожөдөмөн.

Ой, мый сьөкта – ыж тушаысь на, дерт, сьөкыдджык. Шешъяла. Ас керкаөй со тыдалө, а ме тувчча и ог сэсся, ог вермы өдйөсө да, и гачөй усьө, кута. Кодкө, кылө, матын, ме мышладорын лыиис кыкысь, а сэсся карта сай йөрын менө вөтөдіс морт. Тайө Толя. Бара воча воим төрытъя местаас. Менам кыйдөс вылө дзоргиг, Толя шай-паймуні, да сылөн чужөмыс кутіс гөрдөдны:

– Ой, мыйта дозмөр кыйөмыд!

– А тэ?  
– Ме – нинём...  
– Да, Жучка увтіс, а ме лыйлі.  
– Шыть, пеж лов!– горөдіс коклябөр дорас гартчысь гөрдов пон вылө Толя да корис менсьым:  
– Вай, нуышта, отсышта кильчө помөдзыд.  
Ме сеті Толялы ношаясөс да вөтчи бөрсянныс куш киөн. Толя варовитө:  
– Ме эськө тайө дозмөрьяссө уна лун нин котрөдла да зэв полысьсөсь, а понйөй оз увт.  
Жучка котөртіс водзын, гажаа увтігтырйи. Ме Толялы нинём эг вочавидз, а думышті: «Айда, Жучка, таысь пон лоө, а Толя – пөрьяшка».



Гортъясö торйöдчигөн мем жаль лои дзугыль  
Толя да вöзйи öти дозмöрöс:

– Босьт, менам со уна, а тэнад абу.

Толя гöрдöдiс пель йылöдзыс да кутчысис доз-  
мöрлөн сой кызта голяö, босьтiс.

– Аски ме тэнö нуöда, эн коль. Ладнö?– ылисянь  
бергöдчылöмөн горзiс сэсся сiйö меным.

– Ладнö!– горöдi воча ме да мöвпышти: «Дедлы  
ковмас дозмöр ыстыны, сэсся и Воваяслы. Вова öд  
меным индiс, кыздз жö...»

Мамö воча уськöдчис кильчö вылö да кыв-  
тöммылис, сэсся эта мында прöмысысь повзискодъ:

– Ой-я да ой-я! Аминь-аминь! Ачыд кыйин?!

– Ачым, мамö. Жучкакöд кыкөн.

– Аминь да аминь! Бласлö Крiстос! Ичöt пийö  
нин вердысьöй,– эз инась некыздз, зэв рад мамö.–  
Мудзин, кöнкö, ёна, тшыгъялин?

– Эг, эг, мамö. Нинöм!– лыддя ме ачымöс  
ыджыдөн нин, ог няргы.

Мамö котöрөн вайис мем йöв тыра кринча. Ме  
неуна чурснитышти да кань ворйö ставсö кисьтi  
Жучкалы. Мед сёйö, сiйö унджык на нажöвитiс.  
Но мыйөн сэсся понлы мынтысян? Мед сёйö, сёйö  
пöттöдзыс.

## ВАНЬÖ ВОК

Гöрöм-кöдзöм да пуктысьöм бöрын, кор садъяс  
вöччöны мича дзоридзьясөн, сиктын уджысь коласт  
овлö. Ми, челядь, сэк купайтчам полойясын лун-  
лун, кöдзид на ва вылö видзöдтöг. Уялам полойын,  
суналам, резсям ваөн – гажа али абу!..

Татшөм өти здукö кодкö горзыны кутіс:  
– «Бородино» локтö! «Бородино»!..

Ю чукыль сайысь и збыль тöдчыны кутіс юсь  
кодъ еджыдтор.

Ой, кутшөм лэчыд гөлöса «Бородино!.. Тутсігас  
ме пыр пышгья бокö и пельö чуњьясöс суйла.

«Бородино» со шлопкö-катö Сыктив кузя, зэв  
нин бура тыдалö. Шызим-гызим челядь котыр, ко-  
тортам крут кыр йылö, пекарня дорö, кытчö паро-  
ход пыр сувтлö.

Со «Бородино» сибöдчö кыр дорö, тутсансьыс  
дзижгö-петö ру, тайкö тутöстас.

Горзöны челядь:

– Тутöстö, тутöстö! Пельястö тупкö, пельястö!

Кодкö чирзö:

– Пышгьямö бокö!

Ме лэдзчыси йөр потшöс бердö, мед ог усь кок  
йылысь тутсігас, пельö суйи чуњьясöс. Аддза: па-  
роход труба дор тутсанысь еджыд ру пуркйö, а мем  
оз кыв немтор.

Лэдзисны пароходсянь кыр йылö трап, и паро-  
ход гырк пытшкысь гузыгыны кутісны кыр йылö  
йöз. Коді мыйöн?! Пуысь и кучикысь чемоданаöсь...  
Чышгьян тубрасаöсь, мешök нопгьясаöсь. Ставыс тай  
челядь!..

Кыски ме пельысь чуњьясöс и кыла: «Ленин-  
градса челядь воёмны!» Йöз чукöрын баба гөлöс  
ливкйöдлыны кутіс: «Ой, донаясöй! Збыль öмöй  
Ленинградысь?! Бобöясö, коньöрьясö!»

– Мый сәні ливзöны?! Коньöрьяс, коньöръ-  
яс – геройяс найö! Геройяс – вот кызд!.. – вомалö

ливзысьёс кок пөв йылас зіля бергалысь конюк  
Пронь, гражданско́й война́са инвалид.

Сиктса нывбабаяс кутлоны, окалоны, бо́рддоны  
воо́маясөс. Выль йоз костын, и кор бо́рдоны,  
ме пыр бо́бмыла, сьоло́млы оз ло лосьыд, гашкө,  
сыысь, мый ме гортын эськө збой, а йоз дырйи по-  
лысь зэв. Видзөда: сиктсаяс ки пөлодыс нуодало-  
ны воо́маясөс бере́гсянь. Вөто́да ме өтиөс, то мо́дөс,  
коймо́дөс, став дорас котралі, некод мем аддзөм-  
торсө кисыс оз лэдз. Сідзи ме и коли ленинградса  
челядьтөг, эг төдмась некодкөд, он өд сэссия йөзкөд  
мырддысь Челядьөн. И зэв жугыль ме вои гортө,  
и мед сайкалыштны шогысь, ветлі ассыным мөс  
вайөдны, сэк жө и төдмалі: сиктын пө детдом  
восьё. Детдом! Вөвлөм купеч Васькалөн пөвйөн  
кышөм кык судта виж керкаас детдом пө лоө!

Узыны ме воді усыпаныйив пуксьөмөн, но водз  
зэв чеччи. Отсышти мамлы картупель весавны да  
мый да и пукси өшинь курич вылө (ёна вөлі ме  
радейта сәні пукавны). Пукала и видзөда катыд, вөв-  
лөм купеч Васька керкалань. Казялі: миянө кежис  
Марья Степановна, сельсоветса пред. Мамлы та  
йылысь пырысь-пыр юөрти, мам ёна шай-паймунис,  
вөвлытөм гөсьтя пө пырө...

А гөсьтя сән бытьё и вөвлөма, порог дорсянь  
и варовитө:

– Васильевна, зэв ыджыд могөн тэ дорө... Мог-  
мөдан он?

– Мыйла ог, мыйла ог? Верма кө нин?– өтарө-  
мөдарө котралө керкаті, джек-пызан вешталө-  
лөсьөдө, оз төд, кытчө и воштысьнысө.– Пытшкөс-  
ас пыр, порог дорсянныс мый нин.

– Ог-ог. Ог эшты ёна!.. Ленинградсянь öти баб да внук... Лэдз, Васильевна, патераö... Кöть мöд керкаад, тöвъянад...

Ме мамö дорö котöрти да ки пöлас кутчыси, шöпка: «Лэдз, мамук, лэдз!..»

– Мыйла нö ог? Мыйла ог? Лöсялас кö йöзысылы?– сёрнитö мамö да мыйлакö малалö-летö менсьым чорыд пратъяса руд юрсиöс.

– Сидзкö, позьö?..

– Позьö, Степановна, вешйы пызан саяс, мый лöсялис,– кыскыны кутис сой пöлöдыс пызан дорö мам. Марья Степановна пыксьö да дольö:

– Ог! Ог эшты! Коркö мöдысь!..

Петис ми ордысь Марья Степановна да и тэр-масьöмön мунис сикт катыд.



Войсьяс йылысь ме пыр жö юөрти Толя воклы, сійö ичөтджык меысь. Ставөн босьтчим пелькөдны керка пытшкөс, ассыным и мөд олан керканымөс. Воккөд ми пыркөдiм да выль идзасөн сюялiм перинаяс, төлөдчим. Мамö чышкалис бус, черань везьяс, да мыськис джодж кильчö помөдз, пуктiм самөвар, кодөс важөн нин эгö пузьөдлөй. Син ортөдз видзөдiм катыд, виччысим патерщикьясөс, но найö эз воны, көть лои нин вой шөр. Водалiм да виччысям. Войын некод эз лок. Водз чеччим. Сэки асывнас детдомсаяс телега вөлөн вайөдiсны миянлы олысьясөс. Бабыс крукыльтчөма муөдз, кашкө ёна, кузь сьод сарапана, беддя. Дзоридзьяса еджыд чышгьян увсьыс дзор юрси пратьяс син вылас лэччөмны. Внукуыс, тыдалö, визув: вежов синмыс югнитлывлö.

Мамö колхоз удж вылö кутiс тэрмасьны, меным индiс-велөдiс мунтөдзыс, мый вöчны-овны. Мамö мунөм бöрын ме мөд керкаö петкөдi кринча тыр свежөй йөв, картофеля сөчөньяс. Мөдысь петавлiгөн кори роч детинкаөс ас ордö ворсны.

– Тебя как имя?– рочася ме ськөд.

– Ваня.

– Вай играем,– кыска ме ки пөлөдыс сийөс ен ув пельөсö, көнi Толя вок чачаясөн ворсö.

– Петкөдлы, Толя, ассыным пароходнымөс,– кора ме воклысь. Тайö пароходсö кык вок öтлаын вöчлiм сөйысь, мелөн мавтiм косьтөм бöрас, нимтiм «Бородино».

Но Толя син арыштөмөн ме вылö дзоргö, чужөмбаныс гөрд, паныд сувтiс, потшис чачаяслань миянлы туйсö, а «Бородиноөс» питшөгас сюйис.

– Тэ мый?– скөрми ме.

– Ог сет! Жугөдлас!– горөдіс Толя.

Ме шогысь видзөдлі гөсьт вылө, а сійө тракнитчис ме кийсь, котөртис өдзөслань, крапкис-петис керкаысь бөр. Ме сы бөрся. Вань кымынь водөма вольпасяс да бөрдө, ставсө гөгөрвоөма, көть и роч. Бурөдны босьтчылі, кыдъя роч кывъясөн такөдны, но Ваня өнджыка на бөрдны кутис. Скөр йылысь бөр котөрти гортө да топөді пельөсө вокөс:

– Тэ мый вөчан, яндысьтөм бугыль? Мый? Тэ йөй али төлка? Мый өні сиктсаяс шуасны миян йылысь? Мый?

Толя чөв олө, нускө. Нөшта өна вирөй пузис менам ыръян чөв олысь вылө. Кватити ме Толяөс шошаөдыс (верма: мем дас, а сылы сизим ар) и тойлалі ме сійөс гөбөчө да игналі сэтчө, гөбөч өдзөссө гезйөн сөрийө көрталі.

Ачым бара петі роч детинкаөс бурөдны. Коркө-некоркө зонка лөнис, мыссьөді ме сійөс да петім ывла чомйө ворсны. Ывла чомйын миян быдсямаыс жө вөлі: пес чуркаысь пилитөм көлесаяса тележкаяс, пуысь жө тасьті-пань, сөйысь вөчөм гырничьяс, трактор-машина, пароходъяс. Роч Ваньө лои рад, кутис видлавны чомйысь чачаяс, ме сэккөсті котөртлі карта сайө, сөй гуысь вайи лөз сөй, вөчи пароход:

– Ту-ту, Ваня!..

Ваня нюмъялө. Сэсся ме сөйысь мөді вөчны Сивко вөлөс, кодөн ме быд во юр кыскала видз вылын, но менам Сивко некыдз оз артмы, мыйкө кукань кодь тыдалө. Роч Ваньө шпыннjalө менам вөчөмтор вылө да «Му-у, му-у!» шуалө.

– Кукань, – висьталі ме, сэсся содті: – Знаешь? Это телёнок – кукань.

Сэсся ме босьті джаджыйсь потём пу пань да водзё велёді:

– А это ложка – пань... Знаешь? Это ложка – пань, это телёнок – ку-кань...

– Ку-кань, пань!.. – гөрдлө Ваньё да чуньнас индалё шуөмторъяссө. Мем уси дум вылө мамөлөн индөдыс, колө капуста киськавны.

– Пошли, – кора ме Ваньёос. Пуктас дорө подөна векни туй миян амбара-вирича костөд мунө. Ме шевкъя-муна и друг крап уси – сунгыси му бердө. Мый нө? Коді кокөс крукаліс? Кутім видзодны Ваньёкод, а си турун пратьясысь, кодъяс тані быдмөны туй пөлөн, лэч вөчөмны. Коді? Дзоръяла. Лэбув пельөсысь синмө усьлі кыйкъялысь Толя вокө. Сійө и лэчсө октөма. Ме малала доймөм нырөс, чышкала-пыркөда гачысь буссө и петкөдла воклы кулакөс. А Толя эльтчө:

– Он и кут! Он и кут!.. – и петкөдлө миянлы кывсө.

Пуктас киськалім, сэсся төдмалім – Толя петөма-пышйөма гөбөч өшинь пыр. Ваньёкод осьлалам гортлань, а Толялөн вуджөрыс тыдовтчыліс нин ылын, лыйө-пышйө карта сайясті. Ме горза сылы и өвтча кулакөн. Ваньё гөгөрвоис да такөдө:

– Не дразни и не будет...

Менам юрөй пыр на пуө-уджалө, мөвпала, кутшөм нөшта вьльтор петкөдлыны гөсьтлы. Кучки аслым плешкө: ягө кайлам, гашкө, тшак нин петіс!

– Пойдём лес, Ваня?

- В лес? Зачем?
- Гриб искать.
- Грибы? Пойдём.

Кадыс водз на, мөвпала ме, став ягсö на котравны удитам, меным тшака местаясыд төдсаөсь сідз, көть синтөг индала-вайöда сэтчö.

Кос ягын ме дыр котралі помысь помö. Ваня менам бөж пыдди, быттьökö ме дорö көрталöма. Корси ме, корси да öдва öти сюри. Ваня видлаліс менсьым сись тшаксö да төдмаліс:

- Белый гриб.
- Да. Роч гоб, – вочавидзи ме.

Ме бара на котралі коз увъясті, но нинöм сэссия эз сюр, аддзылім сöмын кымынкö уртшак, кодос ме кулялі да сөйим ульön. Ме сэссия Поска Шор дорö кайигön юалі Ванялысь тшакъяс йылысь, вöлöмкö, сійö сöмын картинка серти төдö роч гоб да ельдög, нэмнас абу сөйлöма тшак пуөмön ни путөг. Ме висьтавлі, көнджык кутшöм тшак медся быдмö, кызди сійöс вотны.

Палиб мылькъяс бокин ме пыр жö казялі оз тусьяс, воті содз тыр да вайи Ванялы:

- Пробуй.
- Ваня видліс да дыр нювсис:
- Вкусный!

Ме висьталі: «Оз!»

Сійö кывбöртіс: «Оз!»

Ме радлі. Вотім чуман лякмön да пöтмön сөйим оз. Ме сэссия сук чöскыд туруна Палиб гöра бокысь öкті азыгум кор, гөнью да сылысь вужъяссö. Ванякөд варовиті:

- Суп варим, чöскыд...

Палиб гөра йывсянь дыр видзөдiм дзоридза видзьяс да гөрөм муяс вылө, вөтлысьыштiм бобувьяс бөрся и чиркьяс куталiм. Чукөртiм-куталiм чиркьясөс, кодзувкот карйысь кодзув колькьяссө ме өкталi мармелад банкаө, кодөс ме пыр кыскалi зептын. Зептын ме новлөдла и көрт тувьяс да кольчаяс. Ворсанторьяс вылө ковмывлө быдторйыс. А Ванялы стөчмөдi:

– Рыбачить пойдём, удочка знаешь?

– Удочка... Ёрш, пескарь – о-хо!

– Вечером, когда заря...

– Ладно!– Ваня новлөдлө да нимкодьясьө кашасиньясысь да купальничаясысь букет вылө.

Гортлань ми матыстчим мөс вайөдан кадө нин, а лэччигмоз пожөма ягысь бара на сюри кымынкө уртшак да кык роч гоб. Гортө воөм бөрын, Ванякөд өтвыив, ывлаын вөчыштөм плитаа пач вылын, ми пуим тшака шыд. Сэтчө ми тэчим и петшөр, кодөс нетшким канава бердысь, и палибса азыгум корьяс, и шома турун, а пусьөм бөрас ме гудыртi тшак ваө кык пань нөк. Во, тшак ва лой! Зэв нимкодьпырысь сөйим, пөтны он вермы. Чугун тыр пуөм тшак ватө муртса и кушөдз эг бырөдөй, кольыштiм мамлы да Толялы.

А Толя вокө пыравлөма нин керкаө, нянь пөв вылысь картофеля сөчөнъяслөн лыдыс өна чинөма, а ачыс Толя некөн оз тыдав.

– Уф! Наелся, – сьөкыда вөрө Ваня пызан сайысь сувтөм бөрын. – Воздух, лес!..

– И речка!– содтi ме. – Вечером!

Ми кайлім сэйюм бёрын межа вылө, турун сіясөн весалам пинь костнымос сёянысь, нянь кыдйысь.

– Хорошо, тихо!– шуис Ваня.

– Мужиков нет, дети и матери не поют... Скучно, – рочала ме, сы вёсна мый меным забеднө, вирөй пуө Гитлер вылө. Ваньö, быттьö лыддьöма ме юрысь мөвпъясöс, другысь зургис пиганас Сык-тывлань:

– Гитлеру шыш! Накося, на!..

Сэссия öдва ловъя Ваньö унмовсис межа вылын, жуяліс, буракö, кузь лун ме бөрся кыскасьöмысь. Алөйгөрд кыаа чөвлунас кывліс мөсьяслөн да ыжъяслөн баксöмыс. Сикт пасьтала павъялө льöм пу дзоридз дук. Ме пөрччи ас вылысь бательысь пинжаксö да плавги узысь Ваньö вылө, мед гут-гаг оз дözмöдны, да жаляддза эг и пальöд нин вуграсьны, көть унаысь матыстчывлі сы дорö видзöдлыны да садьмöдны. А аскинас став сиктыс петіс страда вылө. Ми мамкөд кыкнан вокным тшöтш – юр кыскавны. Сьöлöм выланым миян долыд.

Видз вылө мунтöдз роч Ванялы ставсö висьтавлім, кыдзи горт овны, и кокни сьöлөмөн, став йöзкөд тшöтш, тэрмасим видз вылө.

А рытнас миянлысь семьяös виччысьöма шог.

Горт дорын телега вылысь чеччигмоз и сьöлөмөй юковтіс мыйкө абу лючки-ладнө кылöмысь, а мамö менö панйис, уськөдчис керка дорö, кытчö чукөрмөмаөсь йöз, да кодкө ливкйöдлө кылö:

– Ой да мый нө нин да мый лоöма, кулө нин да!

Ме мамö бöрся суйси йöз водзö, кильчö вылö. Кильчö вылын бок вылын куйлис роч Ваня да сьöкыда лолалис, кусыньтчывлис кык кусыньöн. Сийöс вуйкйöдлис, ачыс чужöм вылас то гöрдöдлö, то мел кодь еджыд лолö.

– Больничаö колö нуöдны,– шыасис кодкö челядь пиысь, а кодкö ыджыд морт сылы вочавидзис: – Марья Степановна вöвла мунис нин...

Фельдшер Нина Ивановна бергалис роч Ваня гөгöр: то юкталö йöлөн, то чуньсö сылы вомас суйö, медым пö восöдö. Ми мамкöд пöсьсö чышкалам Ваня чужöмысь, кöдзыд ваөн мысьсöдам.

Марья Степановна воис телегаа вöлөн, водтöдисны Ваняöс сэтчö перина вылö, телегаö жö пуксисны фельдшер да мамö. Райбольничаö мунисны.

Ме лысьтi асьыным Сярукöс, юим воккöд свежöй йöв, но узыны эгö водöй, виччысим мамöс.

– Вов, мый нö лоöма, мый? Кулö оз нö, висьтав?.. Вова?..– юалис Толя вок.

Ме арыштчи сы вылö:

– Тэ эн сёрнит! Эн шыась весиг!

– Ме, ме нö мый вöчи?– бöрддзыны дась Толя.

– Мортсö дэ-дэльöдiн!– öдва артмис менам, синва войтьяс тöдлытöг гөгыльтчисны вом кöтшö. И ме рытывбыд висьтавлi Толялы Ваньö йылысь, кызди найö тшыг нисьö пöт вошласьöмны-вöйласьöмны быдса тöлысь Ленинград дорса нюръясын, сэсся веськалöмны партизанъяс дорö, а сэсся и татчö, Коми муö. И поездөн, и пароходөн, и быд ног...

– А ме... ме чайтi, ышмысь сийö,– шыасис Толя.

– Тэ чайтін, тэ чайтін – нери ме вокös. – Тэ сійös дойдін, кор «Бородинотö» эн сет...

– Ме, ме... – Толя выльысь шогö уси.

Мамö больничайсь воис сёр, ми уськөдчим сы дорö юасьны.

– Отравитчöма сійö, – жугыльпырысь юёртис миянлы мамö.

– Мыйön?

– Код тöдас, эз висьтавны, – шыасис мам.

– Мама! – чöv олөм мысти шыасис Толя. – Ваньöйс сійö больницаас жö куйлö, көнi тай тэ бурдöдчин, кытчö тай волим тэнö видлыны?

– Сэни, пиö, сэни. Визинас öти больница и эм.

Узим ли олим ми тайö жар, номъя, но лунъягыд войсö, ме висьтавны ог куж. Сöмын зэв водз кутим жöдзны, а сэсся ме казяли: Толя воши. Татчöсэтчö, некөн абу. Висьталі мамлы. Быдлаысь корсим, чуксалим – абу. А асья кадыс сы öдйö котөртö, колö нин видз вылö йөзкөд öтлаын петны. Мам муніс, а ме кольччи да котөрти сикт кузяла корсьныюасьны вокös. Быд паныдасьысьлысь юася, эз-ö аддзывны Толяös. Сикт помын олысь дед шыасис: аддзыли пö, ичötик детинка, көмтөм, муніс кывтыд нюрлань, Визинлань.

«А?! – кучкис мем сэк юрö мөвп: – Толя, буракö, Визин больничай Ваньöös видлыны муніс?!» Визинөдз öд дас верст дай Сыктыв ю вомөн перевоз, яг кост вөлök зэв кузь и.

Котөрти ме да котөрти Сыктыв ю дорөдз, öдва перевоз виччыси, сэсся Пустöшь кузя Визинлань мөдöдчи. Сикт помасьом бöрын бара уськөдчи котөрөн водзö, лолöй тырлö да сувтовкерла, бергөдчы-

ла да бөрө видзөда, оз-ө синмө машина усь, коді, гашкө, нуодыштас Визинөдз. Оз, машинаяс оз вөтөдны.

Коркө и Визинө вои, а сэссия и больничаө, а сэссия и Ваня дорө лэдзисны.

Дыр ми варгим быдтор йылысь Ванякөд, шензим, мый кутшөм сюсь, небось, миян Толя, дарөм дзоля – аддзөма туйсө Визинөдз и больничаөдз, абу повзьөма. Толя пукаліс миянкөд орччөн да сылы вөлі зэв нимкодъ.

Ваня пагавлөма гут кулан тшак сөйөмысь. Врач өдйө бурдөдіс Ваняөс. Баба-внука сэссия микөд өти жырийын кутісны овны, өти сөян дорын, а ми кыз куим вок.





## ОМÖЛЬ ДРУГ

### 1

Сьылігтыр да йөктігтыр  
Ветлө Двойка – Крука ныр.  
Оз ков корөм,  
Челядь дорө  
Чукля кокнас локтас – гур,  
Тшапа чатөртөма юр.  
Өтчыд пырис коймөд классө,  
Быд ног вөччөдөма асьсө,  
Нюмъялысь да рам,  
Быттьө мелі мам.  
Лелькуйтыштіс Дышев Ваньös:  
– Радейта ме тэ кодь шаньös.  
Талунсянь, бур пи,  
Другъяс лоам ми.

### 2

Ызгө-дзуртө коймөд класс,  
Быттьө мавттөм тарантас.  
Шөпкөм кылө:  
Шу-шу-шу.  
Ваня сьылө:  
Жу-жу-жу.

Двойка пуксис Ваня дінө,  
Ваня оз нин өшйы инас,  
Парта пөвйөн – дзур-дзур-дзур!  
Двойка шуө: – Бур-бур-бур.

### 3

Ывла вылын Вань  
Гөрдлө, быттьө чань.  
Гортас локтө сөрөн,  
Вольпась вылас нөрө.  
Сылөн книгагасыс өні  
Ваня вылө скөралёны.  
– Тэкөд ме ог сёрнит!–  
Шуис «Рөднөй сёрни».  
Содтис математика:  
– Аттө, кутшөм бөб!  
Янөдис грамматика:  
– Он төд А ни Б!

### 4

Челядь ставөн казялісны:  
Збыль тай Ваня кутис висьны.  
Класса медбур ёртъяс сылы  
Уськөдчисны отсөг вылө,  
И оз лэдзны Крука нырлы  
Ваня дінө классө пырны.  
Петкөдчас кө Крука ныр,  
Тодмышкаласны дзик пыр.  
Ваньлөн гөрдөдөма бандзиб,  
Ёртъяс водзын лои яндзим.  
Сэсся шуис: «Өні өтнам  
Чукля кокаөс ме вөтла!»

5

Ваняос оз вöйп ни, ёр ни,  
Бурасьöма «Рöднöй сёрни».  
Нюмъялö грамматика,  
Радлö математика.

Найö Ваньöс,  
Öнi шаньöс,  
Сывъялöны,  
Окалöны.

Сöмын Двойка – Крука ныр  
Ваньöс кыйöдö на пыр.  
Ваня шуö: «Лэчкад тэд  
Сэсса мöдысь ог нин шед!»  
Но ми ещö видзöдлам,  
Тырмас-ö Иванлөн сям?





### **ӨТИ КЫВ – КУИМ ВЕЖӨРТАС**

- Тәнсьыд унатор ог кор:
- Висьтав, арыс воас кор?
- Кор пу вылысь киссяс кор.

Видз выв турун ставыс веж,  
Көть и петө тэнад веж,  
Сылысь рөмсө он нин веж.

Вокөй меным шуис коса:  
– Видз вылө ог мун, бөр коса,  
Вунөдсьөма босьтны коса.

Ме ог песлав ассьым кыв:  
Код оз көсйы, оз и кыв,  
Кызди юргө коми кыв.

### **ӨТИ КЫВ – КЫК ВЕЖӨРТАС**

Со и воис лыска вөр –  
Өкты тшаксө, өдйө вөр!

Вөрысь мый сөмын оз сюр –  
Меным сюрис йөра сюр.

– Аттө, кутшөм джуджыд чой!–  
Нимкодясьө ичөт чой.

### СЮМӨД ЧАЙНИК

Войвылө төдлытөг матыстчис ар, кодөс важ йөз абу прөста шулөмаось зарни арөн. Видзөдлан кө тайө кадас мөдлапөлө, пыр и казялан: пемыд пармаыс быттё мыссьөма, краситчөма-баситчөма локтысь төв кежлө. Но арсө шуоны зарниөн оз сөмын паськөм, а тшөтш и озырлун вөснаыс.

Пыран арся вөрө да мый сьөлөмыдлы колө, сийөс и аддан: чорыд льөм и гөрд пув, шома пельысь и небыд чөдлач. А тшакыс, тшакыс мыйта! Сымында – көть зырийөн зырт. Гөрд гоб, выя масленник и нөк кодь еджыд ельдөг. Кыдз нө эськө верман пукавны гортын татшөм кадө? Он көсийы да быть лоө мунны ягө тшак-вотөсла.

Юрик, Ваня да Коля төрытсаянь на сёрнитчисны ветлыны тшакла, рытсаянь дасьтисны пестерьяс да наберушкаяс, пунктисны сэтчө нянь да сакар.

Детинкаяслөн тэрыб кокъясныс өдйө и вайөдисны найөс кыддза сора пожөма ягө. Первойсө тшакыс гежөда паныдасьлис. Тыдалө, кодъяскө водздзык чеччөмаось да удитөмаось нин курасьны тані, но кымын пыдөджык пырисны вөрө, сымын сьөктаммисны налөн наберушкаясныс. Коля, медся ичөт ёртныс, няргыны кутіс:

– Вайө шойччыштамөй нин. Кынөмөй сюмалис.

– Пуксьылам и эм,– шуис Юрик.– Сөмын вот юыштны окота, кыськө ватор колө корсьыштны.

Вөлөмкө, кос поводя дырйи пожөма ягсьыд ватө кокниа он аддзы. Бура дыр ветлөдлісны детинкаяс, но, медбөрын, өти вужля улысь век жө аддзисны ичөтик гөп. Нимкодъысла Коля өдйөджык нетшыштис картузсө да гумовтис васө, но...

Тэрмасьөмыд, вөлөмкө, некор бурторйө оз вайөд. Ляпкыдик гөптыс пыр и гудыртчис. Кысь нө сэсся татшөм няйтсьыс ватө лысьтан юны! Горшасьысь Коля лэдзис синсө муө, а Юрик да Ваня зумыштчисны, дивитөмөн видзөдісны ёртныс вылө.

– Төданныд мый, другъяс?– друг гажмис Юрик.– Ватө кө пузьөдлам, микробъясыс куласны да позьө юны. Збыль өд?

– Збыль эськө да, мыйөн нө пузьөдан, ки пыдөсад али мый?– эскытөма вочавидзис Ваня.

– Доз вөчам,– эз сетчы Юрик.– Сөмын вот пурт колө.

Чөв олысь Коля перйис зепсьыс ичөтик пурт да мыччис Юриклы.

– На, босьт, да эн чег сөмын,– нурбыльтис сійө.

Недыр мысти Юрик кыскис нин сямөд гөрдзым, вундіс сэтысь нель пельөса ыджыд тор да вөчис мыйкө чибльөг сямаөс. Сэсся корсис кык вожа бедь да өшөдіс сэтчө чибльөгсө.

– Со и дась лои чайникыд, а ті шогсинныд!– серөктис Юрик.– Пестөй бипурсө да өдйө и пузьөдам васө.

Но пузьөдөм васө дыр на эз удайтчы юны. Кор ва тыра чибльөгсө өшөдісны би весьтө, вевдорыс ыпнитис да сямөдыс гартчигмоз пондіс сотчыны,

сэссия бедь дортыс сямөдыс орис да ваыс киссис, төкөтөё эз кусод бипурсө.

– Эз тай шогмы,– ышловзис Юрик да гыжйыш-тис юрсө,– ковмас вильёс мастеритны.

Өні сямөд чайник пондісны вөчны куимөн. Вензыштисны: өти – өти ног висьталө, мөд – мөд ног. Пось петтөдзыс мырсисны, а вөчисны – войт оз пет. Васө кисьтисны чукойөн, медым чибльөг дорьясыс эз сотчыны.

И со пузис өд ваыс! Сямөдыс сөмын чишкассис ортсысянныс, а сэссия нинөм – ставыс лючки-ладнө. Зонкаяс весиг асьныс эз эскыны лоөмторйыслы.

– Физика, физика колө төдны!– ошйысьыштіс Юрик.– Мися, пузяс ваыс – пузис и эм. А ті полінныд...

Детинкаяс вежмөн юисны вом дорьяссө сотысь пось ва, весиг вунөдлісны наберушкаясын куйлысь нянь да сакар йылысь.

## ВӨРСА ЧАЙ

Войвывса йөзыд радейтөны чай юны. Найөс шыдөн эн верд, а сет вом дорьястө сотысь сук пось чай. Эн өти кружка, а кыкөс дай куимөс.

Чайсө мянө вайөны зэв ылысь, шоныд лунвылысь, көні быдмөны пальмаяс да абрикосьяс. Да и ачyd төдан та йылысь, лыддылін чай кудьясө пасйөм гижөдьяс: «индийскөй», «китайскөй», «цейлонскөй», «грузинскөй»... А төдан-ө тэ, мый аслыспөлөс чай быдмө и мян войвывса вөрьясын?

...Видзьяс вылын таво туруныс кыпöдчис джуджыд, мича. Сиктса уджалысьяслы воис медся пöсь кад – гожся страда. Пöрысьяс и томъяс лöсьöдiсны косаяс, куранъяс, видзьяс вылö дасьöсь вöли петны ытшкан да куртан машинаяс, тракторъяс, автомашинаяс. Мукöдкöд тшöтш лöсьöдчис и Геня. Батьыс сылы шуис:

– Дерт, тэ помысь ыджыд пöльза оз ло, но бадь доръясысь турунсö куртны да звеноöс пöсь юкваöн верман нин чöсмöдны.

Мунны ковмис ыли участокö, вежон-мöд кежлö, буретш сэтчö, көни вöли Геня батылөн чöс туйыс. И кызкö артмис сiдз, мый первой луннас жö Геня лоис пöварлы, Паша тётялы, отсасысьөн: пес кералас, ва ваяс, кытчö тшöктас – котöртлас.

Обедайтны турун пуктысьяс локтiсны мудзöмаöсь, тшыгöсь. Найö азыма панялисны Паша тётялысь да Генялысь пуöмторсö. Сöмын öбед помасигөн нин Паша тётя шогöдiс найöс:

– А вот чайтö менам, юртöм петукыдлөн, вунöдсьöма босьтны. Видöй менö көть эн, а ковмас тiянлы юны прöстö сакара пöсь ва.

Татшöм юр бöрад нывбабаяслөн чужöмъясныс быдсөн вежыньтчылисны. Сöмын Генялөн батыс, Игö Öльöш, нюмъевтiс да шуис:

– Э-э, аддзöмныд, мыйысь майшасыны. Да металун жö чайтö вая тöлысь кежлö тырмымөн.

Збыльысь, рытнас сiйö босьтiс чер да корис Геняös.

– Ноко, шеф-пöвар, мöдiм чайтö корсьны. Думайта, матысь сюрас.

Детинкаоҥ дивө босьтис. Коді нө вöрас чайсö дзебис?

Недыр мысти ая-пиа воисны кыддза раскö. Генялы кажитчис, мый татчö волöма кутшöмкö шмонитысь морт да став пусö мавтöма белилаөн.

Батьыс дыр бöрйис пуяссö синнас. Сэссия паськыд воськолөн матыстчис уна вожөн шевкнитчöм кызд дорö. Петкöдліс чер воропнас кырсь вылын сьöдвидзысь ыджыд шмак вылö да юалис:

– Тöдан, мый тайö татшöмыс?

– Пу тшак, – вочавидзис Геня.

– Сидз. Тайö пакула, миян дедъяслөн чай. Талун войнас косьтам сійöс, а асывнас заваритам чайникын да компот пыдди кутам на юны.

Пуысь чуктöдöм бöрын пакулаыс быгыльтчис муö. Детинка босьтис сійöс киас, видлалис гөгöрбок. Нинöм торъяыс абу: из кодь сьöкыд да чорыд, выліыс са кодь сьöд, а пытшкöсыс пемыдгöрд рöма.

– Батьö, а кытысь артмö пакулаыс? Мыйла сійöс юöны?

– Тэ юлін зарава?

– Дерт. Юмовкодь.

– Но вот. Сійö петö ортсö. Косьмö. И артмö пакула.

Дыр корсьысьöм бöрын пакула сюрис ещö некымын пуысь. Шойччанінö мунигмоз батьыс висьталіс Генялы:

– Пакулатö коми войтырыд нэмсянныс юлöмаöсь. И абу сöмын чай пыдди, но и лекарство пыдди. Висьталöны, революцияöдз на пö миянö Питерысь кутшöмкö профессор волöма. Ветлöдлöма

сиктысь сиктö, ньöбалöма пакуласö деньга вылö. Дзонь кык мешöк тыр нуöма Питерас. Вот кыздз...

...Асывнас, удж вылö мунтöдз, Паша тётя кисьталіс кружкаясö зарни рöма чай. Кисьтіс и Генялы. Сійö пуктіс кружкаас некымын сакар тор, гудраліс да ырэнитіс.

Да, тайö збыльысь вöлі чай, весиг гортсаысь чöскыдджык. Геня ньылыштіс кружкаысь ещö, и сылы пондіс кажитчыны, мый сійö бара веськаліс кызддза раскö.

### ЙÖКТЫСЬ ЧЕРИЯС

Аддзылін-ö тэ йöктысь чериясöс? Эн аддзыв? А вот Никön Гриша аддзыліс. Тулыснас, кор ытваыс усьны кутіс, Максим дед шуис Гришалы:

– Вай аски ветлам ты вылö. Вөр керканымöс тшöтш видзöдлам, эз-ö пакöститчы тавося ытваыс. Али он окотит?

А Гришалы сійö и любö. Кыздз нö он окотит! Мунас, оз жö понды сиктын овны. Тувсов вөр-ватö видзöдлöмысь омöльыс оз ло.

Аскинас, ты вылö воöm бöрын, Гришалön нимкодъысла вомыс калькмуни. Сійö öдйö петкöдіс пыжысь сумка, пöрт.

Ты берегын, бипур дорын, Гриша да дедыс юисны пöсь чай. Татшöм чöскыд чайсö важön нин деда-внука эз юлыны.

– Ноко, Гриша, тырмас боктö пöжны. Гөгöр-тыштам тысö,– шуис Максим дед.

Детинка эськö и мудзöмакодъ вöлі: сынöмön öд тыö пыран вискöдзыс локтісны, но чеччыштіс

местасьыс – быттьö öгырөн чуткыштисны. Котöртис пыжö, виччысьыштис, кор дедыс босьтас пелыс, да йöткыштчис ты шöрлань.

Пелыс помъясысь сялькöдчигтыр визувтисны ва войтъяс. Ыджыд съöд утка моз пыжыс кокныыда вундис лöнь ты веркöссö, колис ас бöрсяыс веерөн паськалысь гыторъяс.

Дыркодь ветлöдлисны деда-внука ты пöлөн, ловзьöдчöм вöр-ванас нимкодясисны, гожся вугра-сян местаяснаныс любуйтчисны.

А войнас бура и узьсис вöр керкааныс, ни öти вöт эз вöтавны.

Гришаöс дедыс садъмöдис водз. Гриша кватитис уна бипурын тшынасьöм пöрт да котöртис вала. Кор ва динö лэччанинöдз колис некымын оськов, детинкаöс быттьö дорисны места вылас – тон сувтис. Пöртыйс шлопкысис муö.

Гриша лапнитис унзиль синсö да тильыштис кинас. Нöшта видзöдлис ты вылö да вöлисти бöр уськöдчис керкалань.

– Дедö, дедö! Волы öдйöджык, волы, – мыкта-лигмос вашкöдис сийö. – Эстөн, ты вылас.

Максим дед тшöтш повзьыштискодь, мөвпыштис: «Збыльысь мыйкö лоöма, колö ветлыны».

Öни, кор сыкöд орччөн осьлалис дедыс, Гриша эз пов. Детинка бурджыка видзöдлис ты вылö да аддзис серпас, кодi некор оз вун сылөн паметъысь.

Чöv-лöнь ты веркöсын шытöг йöктисны черияс. Збыль, збыль, йöктисны! Ки пыдöс пасьта съöд мышъяссö да гöрдов бöжъяссö ва веркöсö лэптöмөн найö тэрмасьтöг бергалисны öти местаын ыджыд

кытшөн. Бергалісны эз кыздзюрө, а өта-мөд бөрся-  
ыс рөвнөй радъясөн, кызди патепон пластинка.  
Тайө вөліны сынъяс. Медшөрса чериыс сулаліс өти  
местаын, өдва-өдва вештіс юрсө веськыдвывлань.  
Но кымын дорлань вөлі чериыс, сымын өдйөджык  
ковмис сылы уйнысө, медым не дзугны радсө...

Дыр на эськө детинка дивуйтчис йөктысь че-  
рияс вылө, но на местаын ваыс друг резыштіс-  
пузылыс, и ставыс воши...

– Дедө, а мыйла нө эськө чериясыс тадзи вө-  
чисны, өти местаын бергалісны?– ас саяс воөм бө-  
рын юаліс Гриша.

– Тадзи сынъяс кульмөны. Гөгөрвоин, пиук?–  
вочавидзис Максим дед.– Казялін-ө, мый чериясыс  
бергалөны шонді моз, асыввывсянь рытиввылө?  
Найө пыр тадзи вөчөны. А вылыс радъяс улын,  
шонділы воча, бергалө черияслөн мөд татшөм кытш.  
Энь да ай сынъяс лэдзөны пөк да нек. А медым че-  
рипиян вермисны чужны, пөкыслы да некыслы колө  
өтлаасыны. Со и быть ковмө бергавны черияслы  
өта-мөд весьтөд. Кытчө сэсса воштысян?

Максим дед перйис зепсыс табак көшельсө,  
гартовтіс чигарка да тапнитіс Гришалы пельпо-  
мас.

Но детинка быттьө немтор эз и кывлы. Сы син  
водзын пыр на йөктісны черияс. Ки пыдөс пасьта  
сьөд мышъяса да гөрдов бөжъяса черияс, кодъяс  
восьтісны Гришалы вөр-валысь гежөда аддзылөм-  
тор.

## МИСЬТӨМ ИЗ

Вашка ю бердын, Сир керка дорын (сэни войдөр сир вийөдлөмаоьс), эм изъя места. Быдсикас изйыс паныдасълө: сьод и еджыд, лөз и виж, ыджыд и посныд. Ме частө воylvлi татчө да любуйтчывлi наөн.

Челядь весиг эльтчывлісны: из чукөртгысьөн шулісны. Но таысь ме эг дөзмыв, шуоны кө и мед шуоны. Веськодь. Но өтчыд лоис сэтшөмтор, мый челядь асьныс заводитлісны чукөртны изъяссө.

А вөлі тадзи. Ме некор эг босьтывлы рудов-турунвиж рөма изъяс, кодъяс туплясисны Сир керка дорын. Найө кажитчисны меным мисьтөмөн, не-кытчө туйтөмөн. Збыльысь, найөс вывсяныыс быт-тьө вөлі киськалөма пөимөн. Кутшөм нө сэни мич-лун эм? И вот өтчыд татшөм изсө көсьи шыбитны бокө, но... сійө, вөлөмкө, абу мукөдъяс кодь, а сьө-кыд, вывтi сьөкыд. Думышти: «Абу-ө свинеч?»

Поткөді изсө да чуйми: пытшкөсас яръюгыда дзирдыштисны кольквиз рөма чутъяс. Зарни! Тайө жө зарни!

Мукөд челядь сідзжө чайтисны, но стөча некод нинөм эз төд. Сэки ыджыдджык арлыда зонка, Сандыр Борис, шуис:

– Вай ыстам өти кусөк Воркутаө, сэни геологъяс олөны, найө ставсө висьталасны.

Сідзи и вөчим. Öти из тор гаровтiм ватаөн, пук-тiм картонысь вөчөм кудйө да ыстiм почтаөн.

Ыстынысө ыстiм, а меным оз терпитсы: мый-сяма эськө тайө из? Сэсся мөвпышти вөчны опыт. Сюйи өти кусөк көрт пачө, веськыда өгыр вылас, мед, мися, зарниыс сылас. Но и повзи жө! Дивө! Сө

дивө тай! Менам изйид ыпнитіс да кутіс сотчыны лөз биөн. Өдйөджык лои бөр кыскыны пачысь. А кыски да ачым эг ло рад: сэтшөма заводитіс кызөдны да несйөдлыны, синва петтөдз. Керка пытшкөсным тыри лөк дукөн. Пырис мамө да пөттөдзыс пиняліс менө.

Недыр мысти Воркутаысь воис вочакыв. Менө, ичөтик детинкаөс, весиг ним-вичөн ыдждөдлөмаөсь. Тайө письмөсө пыр на видза. Быд кыв сэтысь меным муса да дона, казтылө меным из чукөртан кадөс.

«Получили Вашу посылочку и даём Вам разъяснение. Это мелкозернистый пирит, который состоит из серы и железа. Его обжигают и получают сернистый газ и «огарки». Из сернистого газа изготавливают серную кислоту, а из «огарков» – руду...» Сэсся вөлі гижөмаөсь, мый пиритысь позьө вөчны и мукөдторьяс. Казытылөмаөсь и сы йылысь, мый аддзасны кө татшөм изсө унджык, пондасны сійөс перйыны йөзлы пөльза вылө. Абу вунөдөмаөсь сетны и сөвет: чукөрт пө да ещө ысты миянлы татшөм изъяссө. Письмө улас Горной техникумса директорлөн кырымпас да ыджыд гөгрөс печать.

Со кутшөм дона вөлөма мисьтөм изйид!

## ВЫШКА

Миян вөрьясыд помтөмөсь. Нэм пуксьөмсянь стенөн моз сувтөмны сикт гөгөр да оз и мөвпавны вешйыны. Лөня шлывгысь Вашка ю өдва вермө писькөдчыны пармаөд. Петан кильчө вылад, а тошсялөм пуяс кындзи, нинөм оз тыдав. А сэтшөм

окота тӱдны, кутшӱм сиктӱяс да карӱяс дзебсьӱма-  
ӱсь на сайӱ! Эмӱсь-ӱ найӱ збыль вылас?

Ӳтчӱд миянӱ воисны роч йӱз. Сӱтчӱдз ми рочь-  
ястӱ эг на аддзылӱй да, пыр на гӱгӱр гартчим. Ӳти олӱма дядькӱд, начальникыскӱд, тшӱтш воис  
и Надя нима нывка. Сиктса челядь ськӱд ӱдйӱ тӱд-  
масисны, весиг рочасьны кутисны. «Надя, иди сюда!  
Корошо!» – сӱмын и кылан вӱли. Дерт, бура сӱрнит-  
ны эг велалӱй, но ӱта-мӱднымӱс гӱгӱрвоим.

А роч дядьӱяс (сиктын найӱс экспедицияӱн  
шуисны) весь эз овны. Пила-черӱн да мукӱд инстру-  
ментӱясӱн быд асыв мунлисны Вашка ю сайӱ.

Мыйкӱ мында кад кольӱм бӱрын парма весь-  
тын мыччысис аслыссикас стрӱйба. Ылисӱнь ви-  
дзӱдӱгад прӱшви кодь вӱли кажитчӱ. Сйӱ лунысь-  
лун кыпӱдчис вывлань, лоис ӱсь йыла башня сяма.  
Тайӱ вӱли вышка, мӱд ногӱн – геодезическӱй знак.

А кутшӱмджык тайӱ вышкаыс матысянныс?  
Сиктса челядьлы зӱв окота вӱли тӱдны та йылысь,  
но ӱтнаным полӱм сӱтчӱ муннысӱ.

Ӳтчӱд ворсӱгӱн Надя матыстчис миян дӱнӱ,  
чужӱмыс вӱли жугыль, гырысь руд синӱясыс ва-  
зьӱмаӱсь. Ми первойсӱ чайтӱм, мый нывкаӱс код-  
кӱ ӱбӱдитӱма да кӱсйим нин нӱйтны сйӱ детин-  
касӱ, но Надя вайис нӱшта шогджык юӱр.

– Папа висьталӱс, некымын лун мысти ми му-  
нам водзӱ, пармаӱ, – сӱсся недыр чӱв олыштӱм бӱ-  
рын содтӱс: – Кӱсьяанныд кӱ, ме нуӱдла тӱянӱс  
вышка дорӱ, петкӱдла сйӱс...

И вот ми вышка дорынӱсь нин. Неыджыд эрд  
вылын нӱль кок вылӱ мыджсьӱмӱн сулалӱс сйӱ  
вӱрса великан моз. Кыз керӱяс крестасьӱмаӱсь

өта-мөдныскөд да тшупөдөн-тшупөдөн кайёны енажлань. Кажитчис, вышкалөн юрыс крукасьö лөня кывтысь кымөръясьö.

Дыр ми шензим вөрса дивө вылө. А сэсса Надя кавшасис вышка посъяс кузя. Öти, кык, куим, нель пос. Надялөн гөрд көсынказыс дөлаліс ичөтик флажок моз, öзйөдіс челядьлысь сьөлөмъяссö, сетіс налы повтөмлун. И челядь, кызди парусной корабльлөн мачта кузя матросъяс, кыпөдчисны вывлань. Мукөдъяс бөрся тшөтш кавшаси медводдза да медся кузь послөн ичөтик, осьса площадка вылөдз. Көть полөмысла тіралі пипу кор моз, а кутчыси перилөясö да аслам төдлытөг горөдсис:

– Видзөдлөй, видзөдлөй, пожөмъясылөн йывъясыс дзик орчөнөсь! Найö улынджыкөсь меысь!

– Эй, эй, эн пов!– быттьö кымөръяс увсянь вочавидзисны челядь.

– Сюда-а!– уси вывсянь да пуяс юр вывті котөртіс Надя гөлөса йөлөга.

Ещö өтчыд видзөдлі увлань да кокъясьöй быттьö сибдісны. Сьөкыд вөлі торйөдчыны площадкаысь да кайны вөсньыдик тасъяс вывті. А вылын юралысь гөлөсъяс корисны, кыскисны магнит моз:

– Эй, эн пов! Вывлань видзөд, сөмын вывлань! Эн по-о-ов!..

...Мөд пос. Коймөд... Нельөд поскыс вөлі дженъыдик, сөмын некымын метр кузьята. Öні эз нин вөв сэтшөм страшнө. Дзик матын, юр весьтын, медбөръя площадка люк пыр тыдалісны челядьлөн дольд чужөмъясыс. Лоис кокньыдджык, ме эг нин кыв великан-вышкалысь тіралөмсö.

Со и медся вылысса площадка. Вышкалөн паськыд, зумыд кокъясыс тані векнямисны да топодчисны. Юр весьтын – лэбув. Сы сайын кывтöны вата ёкмыльяс кодъ кымөръяс, а сэсса нинём абу. Вöлисти лолышті став морöсөн.

...Паськыд эрдъяс воссисны менам синъяс водзын. Гөгөр шылькнитчöма парма, парма, парма. Сылөн помыс дзесбьöма лöзалысь вёртас сайö, и кажитчис, мый вышкаыс лэбö, мый менам пельпомъяс сайын быдмисны вына бордъяс, кодъяс төвзöны кытчökö ылö-ылö...

Первойысь аддзи сынöдсянь муса Треньчикöс: сиктыс быттьö йöжгыльтчöма гуö да кажитчис зэв ичöтикөн. Буретш сэки, вышка йылын сулалігөн, ме гөгөрвои, кутшöм ыджыд вöлöма менам Чужан муый, дона Рöдинаой, кутшöм паськыдöсь сылөн эрдъясыс.





### **МЕДВОДДЗА «ПЯТЬ»**

Таво Вова пырис велөдчыны школаө. Велөдчөмын сійө оз кольччы мукөдысь. Сөмын тай өтитор омөль. Некедзи «пять» отметка нажөвитны оз вермы. А сэтшөм окота! Мишарина Оля быд лун котөртө гортас бать-мамыслы «пятьөн» ош-йысьны, а Вова бара «пятьтөг» гортас воис. Весиг синваыс доршасьө.

– Мамук, мый нө меным велөдысьным, Нина Васильевна, «пятьсө» оз пукты?

– Сідзкө, пиук, эн на нажөвит, – нюммунис мамыс.

– Мыйла эг?

– Дыр узян. Локтан школаад мукөдысь сөрөнджык. Сідзкө, велөдысьыд удитөма мукөдлы «пятьсө» пуктыны.

Мөд асыв Вова, кор кыліс мамыслысь чеччөмсө, пыр и садьмис. Мамыс муном бөрын пасьтасис да, көть и пемьд на вөлі, веськөдчис школалань. Видзөдө, а сійө томана на. Кильчө помас кутіс виччысьны. «Талун медводз вои, ставсө ордйи. Регыд локтас Нина Васильевна да «пять» пуктас», – мөв-паліс Вова.

Ки-кокыс кынмыны кутіс, да Вова босьтчис котравны школа гөгөр. Вель дыр на ковмис виччысьны, а сэсся воис Нина Васильевна.

– Нина Васильевна! Ме талун медводз локті. Пуктöй меным «пятьтö»!– збоя горөдіс Вова. Нина Васильевна чуймис, сэсся ошкыштіс Воваөс школаө водз локтöмысь, но мыйлакö «пятьсö» эз пукты.

– Вова, меным «пятьыд» висьталіс, мый тэ талун бара лыддысьтöг локтін школаад, буквартö эн и восьтыв,– шуис Нина Васильевна.

Вова и збыль эз восьтыв книгасö.

– Сійö быдтор тöдö да кужö. И ёртасьö сэтшöмъяскöд.

– А мекöд кутас ёртасьны?

– Дерт жö, кутас. Тэ и ачыд көсьян ёртасьны сыкöд,– зэв збыльысь шуис Нина Васильевна.

Вежон мысти Вовалөн дневникын лои медводдза «пять». Вовалы вöлі зэв нимкодь да сійö ошйысис медводдза «пятьөн» весиг Шарик понйыслы:

– Шарик, ме талун «пять» нажөвиті.

Мöдыс, буракö, гөгөрвоис Воваөс, легөдіс бөжнас да кутіс гажапырысь увтчыны.

## **ЫШМЫСЬ ШЫПАС**

Челядь, эскöй көть ті энö,  
Дзикöдз шемöс босьтіс менö.  
Алфавитысь пышйис шыпас,  
Вöчис дивö уна сикас.

Оз куж öшйынысö инас,  
Медводз уськөдчис ай дінö,

Кодлөн киас вөлі чер,  
Өні, видзод, кутө кер.

Сылөн вывті тэрыб кокыс,  
Өдйө суөдөма вокос,  
Коді нуис руля гөгылъ,  
Сыысь артмөма сөй көкыль.

Шыпас пышйис карта сайө.  
Сө дивөйд! Мый нө тайө?!  
Сэні мудйысис өд пөч,  
Өні коканасьө көч.

Сэсся локтіс мамө дорө,  
Весиг отсасьыштны корө.  
Мамө печкис небыд шөрт.  
Сыысь шыпас вөчис көрт.

Со нин дзерөдөма чойөс,  
Кутчысьөма сылы сояс.  
Вайө вөлі чоюк йөв,  
Өні киас кутө көв.

Менө тшөтш жө пөгиб воштіс,  
Кор ме киө паньөс босьті.  
Көсйи панялыштны нөк,  
Нөк пыддиыс көкө көк.

Водзө тадзи сьөкыд овны,  
Алфавитас пыртны ковмис.  
Челядь, кутшөм шыпас тайө?  
Кыдзи дивөяссө вайө?

## КӨДЗЫД ПӨЛҮЛӨН КОЗИН

Ичот дырйи Выхь вотө зөв ёна виччысьлим. Козинъяс вөсна медясө. Коръя кампет кулөкъясад пукталөмаөсь, быдсяма мукөд чөскыдторсө абу жө вунөдөмаөсь тэчны.

– Регыд Выхь во локтас,– өтчыд шуө бать.– Эн дурөй, а то Көдзыд пөлюд оз сет кампетъястө.

– Кыдзи оз пукты!– өти вомысь быттө горө-дөм воккөд.

– А сийө өни буретш босьтчис кыйөдны челядь бөрся. Коді оз кывзысь, сылы нинөм оз вичмөд. Коді бура олө, кулөкас өти кампет быд лун пуктө... Лөка кө олан – төрытъя пуктөмсө вермас весиг бөр босьтны.

– Кыдзи нө сийө миянөс аддзө? Ми тай нө сийөс выль воөдзыс некор ог аддзылөй.

– Ті он аддзөй, а сийө тиян бөрся гусьөн кыйөд-чө,– эскөдө бать.

– А ми кө вывті бура кутам овны, сэки мый пуктас?

– Сэтшөмъясыслы медся чөскыд кампетсө вичмөдө. А коді быд лун дурө да ышмө, гырысьяслысь оз кывзысь – нинөм оз сет,– шуө бать. А сэссия, тыдалө, жаль жө лои дзик козинтөг кольны миян кодь вильышъястө да содтө: – Неунатө, дерт, вичмөдыштас. Но медся чөскыдтөмъяссө.

Узыны водөм бөрын воккөд дыр на вашкөдчим. Воим өти кывйө, мый талунъясыс Көдзыд пөлюд нинөм оз пукты, дурим да. Но аскиянь кутам бурасьыс-бура овны, ставныслысь кывзысьны. Мед быдса ноп тыр ваяс Выхь онас миянлы козинсө.

Асывнас збыльысь бура олім. Чеччим да мыс-сим йиа кӱдзыд ваӱн. Ставсӱ, мый вайлісны пызан вылӱ, сӱйим. Лючки-ладнӱ пасьтасим да мӱдӱдчим школаӱ. Пӱлинӱ, вуні висьтавны, мый тӱрыт гортса уджнымӱс сідзи и эг вӱчӱй. Мый морла нӱ кутам Кӱдзыд пӱлыслы чесьтӱ уськӱдчыны, кор лунтыр-над сымында пакӱсьт слӱймим вӱчны. Гортса удж-тӱ сӱк гиж кӱтӱ эн, оз кӱ нин кампетсӱ пукты-а. Ковмис асывнас зіля вӱчны.

Велӱдчи эг жӱ омӱля, парта сайын кын мыр моз пукалі. Весиг велӱдысьным матыстчыліс да плешкӱс видліс. Эг-ӱ нин висьмы. Век дура, а талун со чӱв-лӱнь тутвидза. Мый оз юавны, пыр киӱс выв-лань чургӱда. Тӱда и ог тӱд, вочавидза.

Тадзи лун сӱмын и сямми овнытӱ. Сӱсся гусьӱн-моз дурыштны босьтчи. Вась воклӱн горшлуныс



паськыдджык ли мый ли вөлөма – оз тай ышмы-а. Көсйө, тыдалө, став чөскыд кампетсө курыштны.

Выль во матыстчис. Ми мөдөдчим школаө, өд талун коз дорын кутасны гөгравны. И козинъяс сетавны. Көдзыд пөльыс беддён тотшкөдчигтырйи пырас да. Ме школаад довги эг торъя любөпырысь. Дурсис ёна да, оз жө бур кампет сетны-а. А вок зэв тшапа муніс. Тыдалө, виччысис ыджыд ноптыр козинтө.

Мыйкө дыра бергалім тшөтшъяяскөд коз дорад. Сэссия Көдзыд пөльыд збыльысь разөдіс козинъястө. Воклөн да менам дзик өтыждаөсь кулөкъясыс. Колөкө, пытшкас кампетыс сылөн чөскыдджык. Восьтім кулөкъястө. Кутшөм кампет менам, сэтшөм жө и Васьлөн. Сійө шемөс сулаліс. Зэв ёна көсйис матыстчыны Көдзыд пөль дорад да юавны, мыйла сылөн козиныс мекөд өткодъ? Меысь бурджыка оліс-а. Но эз жө лысьт матыстчынытө. Сөмын жугыльтчис дзикөдз. Но медся нин шензянаыс сійө, мый Устинь Мишлөн кулёкас дзик жө миянлөн кодъ кампет вөлі. Сійө жө асывсянь рытөдз дурө да быдөнөс эльтө! А двойкаыс! Енэж шөрас кымын кодзув, сымында жө дневникас.

– Пөрысь да оз нин аддзы нинөм, – гортө мунигмоз броткөдчис Вась. – Аддзис кө өд, эз жө тадзисө вөч.

Сэссия ог төд мыйысь, но ёсь кабырнас лёкысь зутшнитіс меным мышкө. Быттө ме мыжа. Абу өд ме Көдзыд пөльыс.





## МИ ОГ ПОВЗЬӨЙ, МИ ОГ ПЫШЬӨЙ

Миян йи чом вылө шышъяс  
уськөдчасны көть и войын,  
ми ог повзьөй, ми ог пышьөй,  
петам налы паныд бойө.

Ме – разведчик, тэ – танкист,  
сийө – миномётчик.  
Миян пөвстын эм связист,  
эм и повтөм лётчик.

Тупкам шышъясыдлы туй,  
сетап на и сдача:  
мина пыдди оз мөй туй  
дизьгыны лым мачөн?

Повтөм лётчик да танкист  
оз жө кутны узыны.  
Дадным – танк, а танк оз письт  
сөмын му пыр вуджны.

Төдмаласны повтөмлун  
миянлысь лёк шышъяс,  
гыжъяласны уна лун  
лыммачалөм мышъяс.

## ВӨРӨ ЫЛАВНЫ ОГ ПОВ

Вөрө ылавны ог пов,  
ставыс сәні ас.  
Меным унджык оз и ков –  
гортөс индан пас.

Увйөн лунвыв бокас тыр  
өткөн быдмысь коз,  
шонді водзын овлө пыр  
кодзувкотлөн поз.

Туйөй дырджык оз кө сюр,–  
тунъявны ог мөд:  
меным индас дзоридз юр  
сійөс, мый ог төд.

Весиг войын, кор оз узь  
өтнас вильыш төв,  
Войвыв кодзув, зарни юсь,  
дзирдыштас кыз ньөв.





### ЧЕЛЯДЬ ДА АРСЯ ЛЭБАЧЬЯС

Ыркыда лолалё  
Войвывса ар –  
Шонділөн бырёма  
Гожёмся жар.  
Пу вылө шлыв пуксис  
Лэбачлөн кельёб.  
На вылө меліа  
Дзоргёны челядь:  
– Мыйла нё, лэбачьяс,  
Пышъянныд тась?  
Миян нин ставнымлөн  
Садөкъяс дась.  
Сьорсыным гортаным  
Тіянös нуам,  
Сетам век пөттөдзныд  
Сёян и юан.  
– Аттьö, шань челядьöй,  
Кöсьöмныд бур,  
Сöмын тан кольчысыд  
Миян оз сюр.  
Лэбам ми лунвылө,  
Шонді сэн пөжö.  
Но ассыным чужанін  
Сыөн ог вежöй.

Тулыснас бөр воам  
Татчө жө ми,  
Сэк кезлө позъястө  
Лөсьөдөй ті.

### ТӨВСЯ ВОЙӨ

Өтнасөн енэжын  
Тыр төлысь дөввидзө,  
Ме вылө югөрсө  
Надзөник койө.  
Еджыд лым сы улын  
Эзысьөн дзирдалө.  
Долыд мен  
Татшөм сэзь войө.

Коз пуяс, пожөмъяс  
Шемөса узьөны,  
Льөм пуяс, бадь пуяс  
Кынмөны-тірзьөны.  
Кузь пеля көчильяс  
Пипу кырсь йирөны.  
Пөткаяс репасө  
Пыдөджык пырөны.

Сиктын дзик шы ни ру –  
Оз весиг увтышт.  
Кильчөяс пөдсаөсь.  
Став өшинь битөм.  
Коді кыз  
Вой кольө кытөн.

Тайтöяс, балюкъяс,  
Чибукуъяс гидняын  
Турунтор журскöны,  
Паччöрын няньшомъяс  
Шваткöны-шузьöны.  
Войтыръяс удж бöрын  
Чöскыда узьöны.

### АР

Шондiыс дузгöдчис,  
Син лапсö лазгöдö.  
Чорыда ышловзис,  
Шемöсмис му.  
Шоръясын, юясын  
Ваыс пыр кöдзалö.  
Тапъялö, синъялö  
Ош аслыс гу.

Кöдзыд тöv войвывсянь  
Лэчыда пöльыштіс,  
Му вылö кызакодъ  
Вольсыштіс пуж,  
Зэв уна лэбачлысь  
Кокъяссö чишкаліс,  
Пулысь и турунлысь  
Кынталіс вуж.

Кельдöдіс быдмөг да  
Шогпырысь нюкыртчис.  
Пасьтала шутьлялö  
Лёкысь вой тöv.

Коръяса пуяслысь  
Мичлунсö чашйöдлö,  
Лунын ни войын  
Оз овлы чöв.

Мöда-мöд вежмöмысь  
Лэбачьяс саридзö,  
Лунвылö лэбöны  
Дорвыв быд лун.  
Шуштöммö вөр-ваыс.  
Зэр помтöг сярöдö.  
Корсюрö петыштлö  
Кöч пель кодь лым.

Сöмын тай челядьлы  
Ар воö праздник кодь:  
Сё майбыр, школаын  
Велöдчан кад!  
Сумканыс польдчöма.  
Зэрö кöть слöтитö –  
Школаö ветлыны  
Код абу рад?





---

*Егор ПОТАПОВ*

---



### **ГОЖСЯ ВОЙ**

Кустъяс костын ланьтö тöv,  
Ыбъяс весьтö локтö чöv.  
Вадор кулик абу збой.  
Гөгөр пуксьö мелі вой.

Вадйысь кайö ньöжмыд ру.  
Узьмөдчöны ва и му.  
Весиг пыста оз нин съыв,  
Узьö козья керös йыв.

Ыргөн тöлысь, оз да оз,  
Петлас ваö шензигмоз,  
Быттьö гажтöм сылы тан,  
Öдйö тупкö чужöмбан.





### ШУДА ДА МЕЛІ ДӨРӨМ

– Бабө, мый нин дөман?– юалис внучка Тонечка.

– Дедыдлысь шуда-мелі дөрөмсө,– вочавидзис бабө.

– Ой, ой! Зэв тай уна дөмасыс! А мыйла сiя шуда да мелі?– шензьө Тонечка.

– Тайө дөрөмсө дедыд зэв дыр новлө да медся ёна радейтө: мелі пө сiйө да зэв шуда. Со, видзөд, кымын дөмас – сымында пө и шуд.

Таня лыддьö: – Дас öти шуд али мый тайө дөрөмас?

– Збыль, сiдзкө, дас öти шуд: веськыд соссö колян во дөми. Муніс сiйө вöравны, да вайис сьöд ручöс. Миян вөръясын сьöд ручыд зэв гежöд. Кутшöм мича воротника пальто мамыд вурөдiс. Шуйга гыррдза улас дөмассö вури арнас. Муніс дедыд сэки чери кыйны да куим ведра чери вайис. Төвбыд сола чериөн чöсмасим.

Воротниксö кор дөми, дедыд зэв мелiа менö окыштiс, дзик томдырся моз. Морöсас кор дөми, дедыдлы пенсия содтiсны, война дырйи уджалöмысь. Шуйга пельпом вылас дөмасыс кутö вомидзысь. Висьö вöлі, а кыдзи дөрөмсö пасьталiс, сiдзи

и бурдіс. Кодкө вомдзалөма, буракө, мортсө. Вєськыд сос вом дорас дөмасыс грекысь кутө. Öтчыд туй вылысь денъга тыра көшель сюрөма, а сетны кодлы – оз төд. Көсйөма вина ньөбны. Пырөма магазинө, а Педөр Марья пө сэні бөрдө, денъгаөс пө вошти. Деыд шуөма: «Гашкө, тая?» Аддзан, грексьыд дөмасыс кутөма.

А этайө соскас дөмасыс со кутшөм мича. Кор дөми, пияныс деыдлы козьналісны велосипед. Медым пө вөрө ветлө велосипедөн. Ок и уна тшак вайис кык көлесаа машинанас, косьті и солалі.



– Бабё, – юалё Тонечка, – меным мамё ньёбис  
выль платтьё, сідзкё, сылён некутшём шуд-вын  
абу.

– Выль платтьёад некутшём шуд ни вын абу,  
и мелілун он кыв. Тэ кө көсьян шуд да мелілун,  
важсё новлы, дёмассё гусяёс вур, медым оз тёдчы.  
Сэк шудыд тэысь оз кольччы.

Ме вөлі велөдчигён экзаментё сдایتны важ  
платтьёөн муна. Век бура сдایتлі. Удж вылын люч-  
киджык артмё, кор важ платтьё пасьтала.

– Бабё, ме өд томиник на да окота мичасё пась-  
тавны.

– Тэ мичасё вылысад пасьтав, а улысад важсё.  
Некод оз аддзы, а шудыд тэкөд лоё пыр. Сөмын шу,  
кор пасьталан:

Дөрөм, дөрөм, шудёс эн вөрөд.  
Платтьё, платтьё, шудёс эн катты.  
Тупли, тупли, шудёс эн путкыльт.  
Чышъян, чышъян, шудёс эн чужйы.  
Шапка, шапка, шудёс эн тшапки.  
Гачёй, гачёй, шудёс эн вачкы.

Шудтё колё киад кутны да мелиавны, сійё өд  
тэкөд олё. Радейт сійёс. Бура кө олан, лючки ставсё  
вөчан, элясьны оз ков, шудыд тэ ордысь некор оз  
пышйы. Медсясё шудыд гусясьысьясёс оз радейт.  
Коді гусясьё, сійё асьыс шудсё гусялө, и шудыс  
сы дінё некор бөр оз лок. Шудыс важсё да бур сьё-  
лөма мортёс радейтё.

## МОЙДЧЫСЬ ПӨЧӨ, ВНУЧКАЯС ДА ЁМА

Өти пөчө зэв ёна радейтис пывсянын корөсясьны. Быд лун көть пывсяс. Пывсян бөрын сёлөмыс бурмө. Внучкаясылы, Тонялы да Сонялы, мойдө уна мойд. Сы вөсна Соня да Тоня и радейтисны пөчсө да кывзысисны. А маті нюрын, аслас чомйын, оліс Ёма бабө Проньө да Прокө внукъясыскөд. Оз кывзыны найө Ёма баблысь нинөм да сөмын нерөны өтарө:

Ёма, Ёма, пиньтөм вома,  
Куйөд дука, кокыд клюка,  
Пач вылысь усин,  
Нянь шомөсын пусин.  
Юрыд няняссис,  
Ныр увсьыд панясин,  
Асьтө пон моз нюлін,  
Сэсся и кулін.

– Трасичаяс, дугдө менө нерны!– горзө Ёма, а ачыс мөвпалө: кызди эськө вөчны, медым дугдісны внукъясыс нерсыны. Кывліс сійө, мый маті грездын олө мойдчысь пөчө. Внучкаясыс сійөс кывзөны.

«Вайөда чомйө, медым Проньлы да Проклы мойдчө», – мөвпыштис Ёма, пуксис рос вылө да лэбис грездө өкурат сэк, кор пөчө вөлі корөсясь пывсянас. Пырис, кватитис пөчлөн кийсь корөсьсө да горөдіс:

– Пөчөс корөсьөн вөча!

Пөчө пырысь-пыр быттьө пөсь вый бекарын сылі, корөсь пиө пырис, корөсьө пөртсис.

– Вот сідз!– серөктіс Ёма.– Кутан менам внукъ-яслы мойдны, оз-ө нерсыны дугдыны.

Шамыртіс корөсьсө киняулас, пуксис рос вы-лө, аслас чомйө лэбис. Воис да шыбитіс корөсьсө внукъясыслы пöлатяс:

– Тайө корөсьыс кутас тiянлы мойдны, сөмын дугдöй менö нерны.

– Ладнö... – шуисны Проньö да Прокö,– ноко, корөсь, мойд!

А корөсь чöv олö. Сэки Ёма босьтіс корөсьсө да кыз швачнитас доналөм пач пöдан бердö. «Чиш-ш!» – корөсьыд шуис да мойдны кутіс. Сөмын дугдас мойдны, Проньö да Прокö тешитчöны-тракөдöны корөсьсө да нöшта на тшöктöны мойдны, шойччыштны оз сетны.

– Пöч-корөсь, мойд водзö!– горзöны.

Асылын садьмисны Тоня да Соня, пöчыд абу. «Век на öмöй пывсьö?» Котöртісны пывсянö – сөмын паськөмыс сэнi. «Паськөмтöгыс али мый кытчөкө муніс?»– чуймисны челядь.

Суседъяслысь юалісны – некод абу аддзы-лөмны. Кыськө-мыйкө көч-молодеч котöртö.

– Көч-молодеч, эн аддзыв миянлысь пöчös?– юалісны Тоня да Соня.

– Эг аддзыв, а гөлөссö кывлі Ёма чомйысь,– вочавидзис көч-молодеч.

Котöртісны нюрö, Ёма чом дорö, кывзыштіс-ны – збыль пöчлөн гөлөсыс кылö.

Таркөдчисны да пырисны.

– Ёма баб, ті ордын миян пöчным?

– Абу!

– Гөлөссö ми кывлім да,– оз эскыны Тоня да Соня.

– Тіянлы, буракө, кажитчис,– вочавидзис Ёма, а сәсся кватитіс корөсьсө пөлатыьсь да морөс бердас топөдіс.

Корөсь письыд ышлов кывліс, но эз казавны нывъяс.

– Он кө веритөй, корсьөй!– бара содтіс Ёмайд.

Тоня да Соня быдлаысь корсисны. А Ёма, Проньө да Прокө ваксьөны-гигзьөны.

Сэки корөсь вуг-занас кыз тай зургис Ёмалы вомас, Ёма уси веськыда мыш саяс сулалысь нянь шомөсө. Корөсьыд мыні Ёма кыысь да горөдіс:

– Ме тані, корөсь пиын!

Тоня гөгөрвоис, кватитіс корөсьтө, Соня Ёмалысь росө босьтіс. Нывъяс сюр-сяр пуксисны рос вылө да гортланьыс лэбисны.

– Сувтлөй, сувтлөй! Мыйла Ёма бабөлысь вошөмторсө, миянлы сетөм козинсө пышйөданыд?– горзөны Проньө да Прокө, Тоня да Соня бөрысь нюрөдыс котөртөны. Вот-вот суөдасны.

Кыськө көч-молодеч воис, налы кок улас скон вөчис. Проньө да Прокө нюрө увлань юрөн усисны да вөйисны. А Ёма өдва чеччис нянь шомөссьыс. Весь няньзьөма, джодж вылын вильсьялө, кок вылас сувтнысө оз вермы.

Воисны Тоня да Соня гортаныс, игнаисны, пөчө-корөсьсө вольпасьө водтөдісны. Пөчө ружтө корөсь пиын. Сэккості и Ёма воис, кильчө вылө кайис, таркөдчө.

– Вайө меным көть нин роскөс!– бөрдө Ёма.

– Сетам,– игана өдзөс сайсянь шуөны Ёмалы Соня да Тоня.– Пөрт бөр дзоньвидза мортө пөчөс дай сэки и сетам, а он кө – ростө биын сотам.

Ёма ёна и повзис да пыр жё өдзёс сайсянь и горөдіс:

– Корөсьысь вөча дзоньвидза пөчөс!

Сөмын шуис тайёс, пөчө бөр лоис мортөн. Та бөрын сійө нөшта на мичаджыка да дырджык, лунтыр и рытивбыд кутіс мойдчыны, а челядь сійёс сюся кывзёны, вежөраёсь быдмёны.

## ӨНЬКА ӨНЬӨ

Оліс-выліс зіль крестьянин Өнька. Керкаыс пөлөс, гөгөр пыклёма. Сылөн вөлі пи, шуисны Өньөөн. Кор Өньө ыджыдөдз быдмис, Өнька ас дінас корис да шуө:

– Но, Өньө, тэ ыджыд нин. Мун вөльнөй светсө видзөдлы, төдмав, көні медся лөсьыд овны. Сета ме тэныд туй вылад гын сапөг да пестер.

Өньө зэв ёна бать вылас лөгасис. Босьтіс гын сапөгсө, пестерсө да петіс бать керкаысь. Весиг пасибө эз шу. Мунө Өнька Өньө туй кузя, пестерыс мыш сайын, гын сапөг кокас, киас ньөр.

– Ок!– шогсьө Өньө.– Вөтліс менө батьө гортысь. Мыйсяма мыж ме сылы вөчи?

Скөрысла ньөрйөн гын сапөг кузяыс швачкис.

– Ой-ой,– горөдісны гын сапөггьяс,– кытчө колө гөнитны?

Чуймис Өнька Өньө, горөдіс:

– Войвыв муө!

Синнас лапнитны эз удит Өнька Өньө, кызди Йиа саридз дорын лои. Енэжыс саридз дорас сэтшөм мича, көть синтө эн вештыв. Видзөдө да дивуйтчө Өнька Өньө. Кынөмыс сюмавны кутіс.

– Мый нө көть пестерас эм?

Восьтис пестерсö да кыскис сэсь жаритом чери, шаньга да сөчөн, кринча нөк. Сёйис, сёйис, да и горшыс косьмыны кутис. Видзöдлис пестер пытшкас да самöвар аддзис – пöсь руон пуркйö. Заваритчан чайник сэни и.

– Бур тай тані, войвыв муад. Видзöдла, мый лунвылын бурыс.

Швачкис ньöрйөн сапöггьяс кузя.

– И-о-о-о, – горöдисны сапöггьяс. – Кытчö колö туй кутны, көзяин?

– Лунвыв муö!

Пыр и воис Öнька Öньö кутшöмкö жар странаö. Дивуйтчö Öнька Öньö гажа садгьясөн. Любуйтчö вына звергьясөн. Слönггьяс сэни кергьяс кыскалöны. Воис кутшöмкö карö. Йöзыс зэв тешкодь паскö-маöсь. Кокгьясаныс пу колошгьяс. Изгья туйöд му-нöны да гөгөр котшкакылö. Йöзыс Öнька Öньöлы ки пыдöссö вочаалöмөн копыртчылöны. А сэсся зэв öдйö кытчöкö пышйöны. Вöлöмкö, асланыс шах-ыслы мунöны висгьявны, мый кодкö карас кань моз шытöг ветлöдлö.

– Вайöдöй сйöс ме дорö, – шуис шах.

Матыстчисны кутшöмкö войтыр, кватитисны киняулöдыс Öнька Öньöс да вайöдисны шах динö.

– Коді тэ татшöмыс? – юалö шах.

– Ме Öнька Öньö.

– Мый мыш саяд?

– Пестер.

– Некор татшöм дивöсö эг аддзыв.

– Пуксьы, петкöдла да колöкö гөститöда.

Восьтис Öнька Öньö пестерсö, көсйис чериөн чöсмöдыштны, а сэсь яблөггьяс да банангьяс кутис-

ны петны, өрешкияс киссисны да шляпа пасьта нянь тыдовтчис.

– Гөститөй,– шуө Ёнька Ёньё.

Шахлөн завидьыс петё.

– Тайё пестерыс лоё менам! Кысь гусялін?

Ёнька Ёньё өти кинас кватитіс пестерсё, мөднас швачкис гын сапөгъяс кузя.

– Рытив муё!– горөдіс.

Шах ордын быттьё эз и вөвлы. Видзөдө: быдлаын косьмөм му, гөгөр потласьёма. Потөмингъяс ыс сэтшөм джуджыдөсь, мый страк босьтө. Ёнька Ёньё шыбитіс сэтчө изтор, вель дыр мысти шыыс кыліс. Мунө, быдлаті видзөдө да дивуйтчө. А йөзыс сы вылө дзоргөны.

– Код нө бара тайё, кутшөм шпион?

Корольыслы висьталөмаөсь.

– Кутөй да вайөдөй!– шуөма.

Эз на удит Ёнька Ёньё гөгөр видзөдлыны, кызди кватитісны, кияссө мышкас бергөдісны да гири-люки нуөдісны.

– Коді тэ?– юалө король.

– Ёнька Ёньё, Коми муысь ме Ёнька крестьянинлөн пи.

– Ог төдөй сэтшөмсө. Пөръясян. Мый тэнад мыш саяд?

– Тайё пестер. Верма гөститөдны.– Восьтіс пестерсё, пызан вылө кыскалө лягуша кокъяс, саридзса кальмаргъяс, кисель кодь медузаяс сакар пыын.

Король пуксис, сөйө да дуль васө чышкалө. Лягуша кокъяс нетшкө. Ёнька Ёньёос төкөтьё оз восөд.

– Вузав, – шуө король, – пестертö. Уна вöв сета.

– Оз ков, – шуө Öнька Öньö, – менам эм нин öти гоз.

– Көнöсь нö тэнад вöвъясыд?

– Со тай. – Öти кинас пестер кутö, мöднас швачкис гын сапöгъяс кузя: – Асыввыв муö! – горöдiс Öнька Öньö.

И воис Асыввыв муö.

Зэв ыджыд дi вылö веськалiс. А саридзыс сэтшöм гыа, мый гыыс кыпöдчысь шондiсö вевтгылö. А йöзыс сэнi ичöt тушааöсь, Öнька Öньöлы морöсöдзыс лöоны. Синъясыс векниöсь, коканыс чангыль ныра кötияс. Öнька Öньö дивуйтчö.

– Кысь нö тэ? – юалöны найö.

– Коми пармаысь. Бать менам крестьянин Öнька.

– Огö тöдöй. Лок ветлам миян император дорö.

– Мыйла ог, ветлам.

Локтiсны император дорö. А лакейяс сы водзын копрасьöны. Император горöдiс йöзыслы:

– Гöститöдöй туй мортсö.

– Оз ков, – шуө Öнька Öньö, – асьнытö ме гöститöда.

Пестерсö восьтiс да кыскис жаритöм акула яй, пöжалöм змейяс, дзодзув кокъяс, кутшöмкö рокъяс, ставсö ёна перечалöма. Видлiс Öнька Öньö роксö да вомсьыс лöз би кутiс петны. Император гигзбöсералö да зэв чöскыда сёйö.

– Тэ лоан миян главнöй пусьысьöн.

Вайисны зарниöн вышивайтöм халат. Паськыд вöньöн кöрталiсны коссö, чангыль ныра камаш

кокас кӱсӱӱны сӱӱны. Сӱмын Ӗнька Ӗньӱ ӱдӱӱ бӱрыньтчис. Менам пӱ гын сапӱгъяс эмӱсь. Таянӱс пӱ нин новла. Вель дыр император ордын олӱс. Гын сапӱгыс нин киссыны кутӱс. Пестерсыс сӱмӱдъяс косясьлыны кутӱсны. Ӗд став дворса йӱзсӱ быд лун гӱститӱдӱ.

– Ок!– думайтӱ Ӗнька Ӗньӱ,– ӱна жӱ чериыс да чӱдъя пирӱгыс гаж быри. Кӱлӱ батъ ордӱ ветлыны, кӱтъ эськӱ ӱна лӱгасьлӱ сы вылӱ.

Висътасис императорлы.

– Эн мун, Ӗньӱ, ов ми ордын. Ми ӱд тӱнӱ зӱв пыдди пуктам.

– Муна!

– Ак, мунан?!– скӱрмис император.– Слугаяс! Колода пиӱ томнавны.



Кватитіс Өнька Өньө пестерсө, мөд кинас швачкис гын сапөггъяс кузя:

– Бать ордө!– горөдіс Өньө. И гын сапөггъяс, киссьөмаоьс нин да, өдва вермисны пышйыны. Өдва саридз вомөныс лэбөдісны. Кыдзкө-мыйкө бать ордас воис жө Өнька Өньө. Батьыс дзик нин пөрысь лоөма.

– Но,– шуө Өнька,– воин, пиук, гортө. Көн нө медся лөсьыд овнытө? Көні медся чөскыд сөяныс?

Пуксис бать пызан сайө Өнька Өньө. Пестерсө восьтіс да еді черияс кыскаліс. Шаньга-сөчөн перьяліс. Сөйны пуксисны. Самөварысь пакулаа чай юисны.

– Да!– шуө Өнька Өньө,– гортад тай медчөскыд сөяныд и пөлатысьс зэв өна гажөй бырөма. Чужан муыд медся муса.

### КАТША ДА РАКА

Өтчыд пөрысь пөль пыжсянь чери вуграліс. Зэв гырысь чери шедө: сынгъяс, едіяс, ёкышгъяс. Мыш саяс пыжө лөдө. Рака адзис, гусьон пыж бөжө пуксис, өти чери кватитіс да маті вөрө лэбөдіс. Пуктіс черисө пожөм вож костө да бара пыжө чери гусявны лэбө. Зэв уна гусявліс. Пукалө, черион чөсмасьө. Кыськө-мыйкө катша лэбө:

– Кысь нө та мында чериыс?

– Со тай съөд кымөр мунө, сэсь став черисө өкті.

– Збыль өмөй?

– Видзөд. Со бара съөд кымөр локтө. Өшиньясыс дзирдалөны. Пытшкас тыр чери.

– Позьё, ме тшөтш чериысла кымөр пытшкас пырала?– юалё катша.

– Пырав, ме ог кут, ме талун пөт нин.

Лэбис катша. Кымөр дорё воис. Котш-котш – кымөрө йиркөдчө. Кымөрыд зарни биён резыштіс. Катша зэв ёна повзис, рака дорё лэбис.

– Мыйла менё кымөрыс эз лэдз?

– Эг өмөй тэд висьтав, колё сылы козин.

– Кутшөм козин?

– Сёянтор да юантор.

– Кысь ме сійөс босьта?

– Ветлы ош дорё.

Лэбис катша ош дорё, пуксис ныр водзас.

– Вай мем сёянтор да юантор.

– Мун татысь,– шуё ош,– бадь ньөр тэд колё.

Повзис катша, бара рака дорё лэбис. Ракаыд пөтөма, вугралё, черисё борд улас дзебөма. Катша шуё:

– Ошкыд мем нинөм эз сет.

– Со тай бара мунё мөд кымөр, сэн бара чериыд эм. Сөмын зэв пемыд, босьт биа сямөд.

Катша босьтіс биа сямөд, кымөр дінө лэбис. Друг чардби швачкис, катшалөн бордсьыс гөныс чишкассис да шмот-усис веськыда рака вылө.

– Коді татшөмыс, борд ни гөн?

– Эн өмөй төд, ме тайё – катша.

– Көн нө бордйыд?

– Кымөрө коли, сэні вурдысь аски мем зарни бордъяс вурас, сылөн өні сөмын өти гоз. Аски водзджык чечча, зарни бордъясөн вөчча.

– Аттө,– мөвпалё рака,– зарни бордйыд мен эськө колё жө.

Асывнас муртса шонді петіс, рака биа сямөд босьтис, съод кымөрлань лэбис.

Чур-чар, швуч-швач, – съод кымөрсьыс чардби чепөсйыліс. Ракалөн бордйыс өзйис-чишкассис. Уси сійө катша дорө. Өта-мөд вылас видзөдоны. Өта-мөдсө оз төдны. Гөнтөмөсь, бордтөмөсь. Өтигис шуө:

– Тайө тэ?

– Абу, – шуө, – тайө ме.

– Тэ тайө али ме?

– Ог төд, ме, гашкө, и тэ.

– Абу ме, тайө тэ.

– Абу тэ, тайө ме.

– Эн китшкы, тайө ме!

– Эн кравзы ачыл, тайө ме!

Косьө воисны, өнөдз косясьоны.

Вот вед, пөръясян кө – гөнтөм колян.

## ПЛӨТНИК КӨЧ

Оліс-выліс плөтник көч. Мыйө босьтчас – сійөс и вөчас. Мунө вөрөд, черыс – вөнъ костын, пилаыс мыш саяс, көрт тув, черта, гогын, мерка – чуманын. Паньдасьө вурдысь.

– Видза олан, көч! Он-ө меным поз вөч?

– Вөча, вөча, керйысь тэча.

– Ыджыд-ө донысь тэчан?

– Шонтысьны кө лэдзан көдзыд төв дырйи, и ладнө.

– Бур, – сөгласитчис вурдысь.

Котш-котш, кув-ков. Вурдысьлөн поз рыт кеж-лас гөтов. Пыр да ов.

Водзё мунё көч. Черыс вөнъ костын, пилаыс мыш сайын, көрт тув, черта, гогын – чуманын. Паныдасьё руч.

– Видза олан, көч! Вай тэ меным керка вөч.

– Вөча, керйысь тэча, джуджыд кильчөа, өдзёс зильган каличөн.

– Ыджыд-ө доныс? Висьтав водзвыв.

– Нинём оз ков. Лэдзлы шонтысьны көдзыд төв дырйиыс.

– Бурён ладмам, – шуё руч.

Зым-зым, котш-котш, кув-ков. Лун-мөд и ручлы керка гөтов. Пыр да ов.

Мунё көч. Черыс вөнъ костын. Пилаыс мыш сайын. Чуманын став инструментыс. Паныдасьёны ыж, петук, лягуша да шыр.



– Видза олан, көч! Миянлы нель судта керка вöч. Улыс судтаас медым гөлбöч вöлі, мед сэтчö тöv-быд кежлö сёян-юан төрис.

– Вöча. Керйысь тэча. Улын гөлбöч. Сэссия ыжлы судта. Шырлы мөд судта. Лягушалы – коймөд. Петуклы – нельöд. Öшиньяссö узорөн вöча. Керка гөгөр потшöс лөö.

– Ыджыд-ö нö доныс? Висьтав водзвыв.

– Нинөм оз ков. Лөк төв дырйи шонтысьны лэдзлөй.

– Бур, бур.

Котш-котш, кув-ков. Сöмын төв кежлö керка лоис гөтов.

Тöv пуксис. Көч чер-пила джаджйö пунктис. Чумансö коз лап улö дзебис. Шувгö лөк төв, турöб синмö швачкö. Көч котөрөн скачөн, руд пасьсö еджыд вылö вежис. Вурдысь дорö кежис.

– Тар-тар, вурдысь, лэдз менö шонтысьны. Пöсь чайөн юктөд.

– Коді тэ? Мыйкö тай ме тэнö ог төд.

– Ме көч – плötникыд, коді тэныд позтö вöчис.

– Мун татысь, меным руд көч позсö вöчліс. А тэ дзик еджыд.

Котөртис көчыс руч керкаö. Зиль-зиль – öдзöс каличөн зилькөдчö.

– Коді сэн?

– Ме көчыд, коді тэныд керкатö вöчис.

– Весась татысь, меным керкасö руд көч вöчис, а тэ со еджыд.

Котөртис көч нель судта керкаөдз.

Тотш-тотш – игөдчö.

– Коді сэн?

– Тайо ме, көч-плотник. Зэв нин көдзыд лои.  
Еджыд пась со вежи.

Шыасьо ыж:

– Отар джынъяс тырыс турун. Шорам ачым ола. Биысь ёна пола. Шыр дорё вөзйысь.

Шыр зэв ёна повзис:

– Ме дорё эн пыр, шырпиян дзик тыр.

Көч кайис коймод судтао.

– Котш-котш, лягуша – небыд душа. Лэдз мено шонтысьны.

– Коді тэ?

– Ме көч-плотник, тэныд тайо оланінсө вөчлі.

– Мый нө водзджык эн лок? Ме ордё гөсьт рак-вок воис. Дзескөдны сійос ог көсйы, дөзмөдны сійос ог лысьт.

Көч кайис нельөд судтао.

– Тук-тук-тук! Видза олан, петук! Тэ ордын шонтысьышта өти здук. Лэдз мено.

– Лэдза эськө да, сөмын вот гөтраси. Позйын чипанъяс олоны. Быдөнысь полөны.

Петіс көч-плотник керкаысь, ас бөрсяыс өдзөс пөдлаліс. Лапанас пельяссө шамыртіс. Забедно лои – бөрддзис. Котөртө пон.

– Мый нө бөрдан, көч?

– Гожөмбыд быдөнлы позъяс вөчи. Сөмын ас-лым эг эшты. Кынмыны куті, а шонтысьны некод эз и лэдз.

Пон и шуо: – Лок ме ордё. Менам эм вон. Сэні төлыс озджык шутьляв.

Вонйын понкөд и төвйисны.





### СЬӨД СЕРА КУКАНЬ

Өтчүд төвсә рытын Коля вөлі аслас жырйын вөчө урокъяс. Пукалө, решайтө задача. И кухня-сянь кыліс мамыслысь гөлөс.

– Бать-мам собрание вылын Колялөн клас-снөй руководительныс, Анна Ивановна, көсйысис гоҗся каникул дырйи найөс, коді бура велөдчө, нуөдлыны карө экскурсия вылө.

– Миян Колялөн эмөсь «тройкаяс», оз кө кут бура велөдчыны, экскурсия вылад оз и босътны, – вочавидзис бать.

Коля кыліс тайө сёрнитө.

– Карө нуласны бура велөдчысьясөс?.. А ме көсья жө ветлыны карас. Ме некор на карас эг вөв. Бырөда «тройкаясөс». Ме өд верма, көсья кө.

И Коля ас водзас пунктис мог: велөдчыны сідз, медем ёртъясыскөд ветлыны карө экскурсия вылө.

Кутис воны тулыс. Ывлавыв сідзи и кыскө челядьөс ворсны. А Коля пыр, кытчөдз оз эштөд гортса удж да кытчөдз оз отсышт мамыслы горт гөгөр удж вөчны, ывлаө ворсны оз пет.

Бать-мам радлісны, мый Коля и велөдчыны бура кутис, и горт гөгөр отсасьны вевъялө.

Школаын медбөръя звөнок. Учительница Анна Ивановна сеталис табельяс. Кор Колялы кутіс сетны табельсö, шуис, – молодеч пö, Осипов Коля, во заводитчигөн вöлін слабиникөн, а во пö помалін бурьяс лыдын. Коляос пö тожö карö экскурсия вылö нуöдлам.

Колялөн радысла зэв частö заводитліс сьөлөм-ыс чечавны, гусьөн мөвпалис: «Карö, ме карö ветла, быдтор аддыла. Ок, кутшöм бур! Мед эськөн öдйöнджык!»

Гортö школасянь Коля локтіс котөрөн.

– Мама, мам, ме бурьяс лыдын, вуджи нельöд классö, видзöдлы табельöс, – и чургöдіс радпырысь мамыслы асьыс табельсö. – Мама, миянös регыд нуласны карö, экскурсия вылö, видзöдлам музей, волас пö цирк, быдтор аддылам, теплоходөн мунам. А нуоны толькö бура велöдчысьясös. И менö тшöтш. Анна Ивановна менö шуис молодечөн.

– Бур, зэв бур, дона пиук. Ме тожö молодечөн шуа, – и мамыс кутлыштіс писö. – Ветлан карö. Ме тэныд карад мунігкежлö ньöба выль костюм, и сьöм сета сёйныд, мороженöй вылö и ещö аслыд мый колö ньöбан карсьыс.

Öтчыд гожся лунö котөрөн локтіс Колялөн другыс, Ваня:

– Коля, Коль! Öдйöнджык школаö котөртам. Анна Ивановна чукөртö. Аски пö карö теплоходөн мунам, экскурсия вылö.

Школаö кор ставныс чукөрмисны, Анна Ивановна висьталіс:

– Аски нель час рыт кежлö ставныд чукөртчöй школа дорö, карö мунöм вылö. Босьтöй аскöдныд сьöм, сэні кутам сёйны столövöйын.

Челядь ызгисны, ставныс мыйкө висьталісны-радлісны.

Мөд луннас мамыс Колялы ставсө лөсьөдіс: выль костюм, мича дөрөм, выль ботинки.

Мам мунөм бөрын Коля бура майтөгөн мысис, котөртліс другъясас, ичөт чойыскөд ворыштіс, рытладор пасьтасис – ставсө выльөс кышаліс да кымыныськө ветліс зеркалө дөрө видзөдлыны ас вылас. А мам век абу... и оз лок...

Нель часын школа дорын вөліны нин ставыс.

– Но, быдөн дасьсөсь мунөм вылө, сьөмтө быдөн босьтінныд?– юасис учительница.

– Ок, а менам сьөмыд и абу, мама көсйис сетны и эз на во удж вывсьыс.– Коля места вылас эз өшйы.– Анна Ивановна, ме котөртла гортө, өні, гашкө, мама гортын нин. Ті мунөй, ме суөда.

– Ладнө, ми мунам. Тэ, Коля, өдйөджык суөд мянөс,– вочавидзис учительница.

Мөдөдчисны чукөрөн пристаньө, Эжва дорлань. А Коля гортланьыс, да гортыс ылын вөлі школасянь.

– Коля, тэ мунөмыд нин? На сьөмтө, мун өдйө суөд. А ылынөсь кө нин, Коля, тэ видз вывтїыс весьтасав, ты помтїыс, сәні эм векныдик туй и котөрттөг веськыд туйөдыс тэ найөс суан,– велөдіс мам.– Но мун, бур туй!– мамыс кутыштліс Коляөс.– Мен удж вылө на ветлыны колө.

Сикт помын гөра йывсянь Коля аддзис мунысь челядь чукөр, но ылынөсь кодь нин вөліны. «Но ладнө, ме муна веськыда, ты помтї». И кежис векныдик туй вылө.

Ты помын быдмис кузь эжөр турун и вөлі вутшкось. Коля чеччаліс вутшкысь вутшкө.

– М-м-м... – друг кыліс ымзөм шы.

Коля повзис, сувтіс, гөгөр видзөдліс, матын некод абу, некод оз тыдав.

– М-м-м, – бара дзик матын, Коля дорын, эжөр пөвстын кыліс ымзөм шы.

– Мый тайө, коді тайө?.. – И мөдіс сюся видзөдны гөгөр.

Ты помын, эжөр пөвстын, мыйкө вөрис. Коля чеччалөмөн, вутшъясті, матыстчис... Кукань!.. Съод сера кукань!.. Вөйөма нюйтас, кынөмөдзыс пырөма, кайнысө оз вермы. «Кызд тайө татчө воис?»

Коля гөгөр видзөдліс и аддзис: ылын Эжва берег дорын тыдаліс кукань стада. Коля гөгөрвоис: пастукыс таті маті нуөдөма стадасө, и вот тайө съод сера куканьыс кольөма, а кукань видзысьыс абу казялөма уна пөвстсьыд.

– М-м-м... – ымзіс кукань, корис отсөг Колялысь, ас ногыс, навернө, тшөктіс лэптыны, отсавны, спаситны.

Съод сера кукань видзөдіс Коля вылө синваөн тырөм синнас, синваыс визувтіс бан пасьтаыс.

Колялы вөлі жаль куканьыс. Заводитліс лэптыны и некызд эз вермы.

– Эновта, муна, вөтөда ёртъясөс. Мен колө мунны карө, теплоход вылө.

– М-м-м-... – ымзіс и бөрдіс кукань и корис ас ногыс отсөг.

Коля зэв унаысь видзөдліс Эжвалань: вот-вот воас теплоход, сетас гудөк. А съод сера кукань, нырсө

лэптыштөмөн, зэв нора да кузя ымөстис, Колялы синмас видзөдөмөн, быттьө көсйис шуны:

– Эн коль менө, лэпты менө, спасит менө, энов-тан кө, ме татчө кула.

Коля кар йылысь вунөдис и кутис зэв яра лы-бөдны куканьөс, но көть кызди мырсис, некыз эз вермы.

Котөртлис зорөд дорө, вайис кык потш, потшъ-яснад дыр мырсьом бөрын куканьтө лэптис, а сийө весигтө и кок йылас оз сувт, кынмөма, тыдалө, ёна мучитчөма.

Ы-ы-ы-ы-ы... – юрөбтис Эжва дорсянь теплоходлөн сирена шы.

Коля дрөгнитис! «Теплоход воис!.. А ме... ме коли, көть и котөрта, ог су, пристаньөдз зэв на ылын».

– М-м-м, – ымзис потшъяс вылын куйлысь кукань.

Коля шемөса сулалис кукань дорын и вөлись аддзис выль костюмсьяс да ботинкисьяс виялысь нюйтсө да няйт сора васө.

Мый вөчны? Заводитлис Коля кыскыны потш-нас куканьсө и оз вермы, некыз оз вермы.

– Тэ тан куйлышт, донаөй, – малалис съод сера куканьөс Коля. – Ме котөртла сиктө и тэнө нуам вөлөн, телега вылын.

И котөрөн детинка мөдөдчис сиктлань.

## КУИМ ЧОЙ

Урокъяс бөрын Мария Ивановналы, коймөд классын велөдысьлы, паныдасис Нина Лыткиналөн

мамыс да вель дыр норасис нылыс вылө. Ньöти пö оз кывзысь, асныралö, гортын оз отсась. Тi кöть пö, Мария Ивановна, отсыштöй кызкö, тiян дiнын öд нывкаыс велöдчö.

Дзугыльмис Мария Ивановна, а сэссия рытыв-быд думайтiс аслас велöдчысьяс йылысь. И уна мукöд нелючки на казялiс сiйö: öти омöля велöдчö, мöд со талун пöим чукöртанiнысь пышйис, кой-мöд дневникысь оценкаяссö вежлалöма...

А öд быттö ставыс тырмö челядыслы: сёян и юан, кöм и паськöм, книга и тетрадь. Сöмын велöдчы...

Аскинас, рöднöй кыв урок вылын, Мария Ивановна лыддис война кадся олöм йылысь кывбур. И кор казялiс, мый челядь сьölöмсянныс кывзöны, содтiс:

– Кöсьянныйд кö, ме нöшта на висьталышта тiянлы сэкся олöм йывсьыс. Ме сэки буретш тiян арлыдаөн жö вöвлi...

– Висьталöй, Мария Ивановна, висьталöй!– горöдiсны челядь.

– Öти сиктын мамныскöд олiсны куим чой, батьныс вöлi фронт вылын,– заводитiс небыд гөлöсөн учительница.– Олiсны омöля, трудоденьяс вылө нянь юклiсны этша, эз тырмыв сiйö, и мам ассьыс пайсö век вичмöдлывлiс челядыслы. Тшыгъялöмла да сьökыд уджла мам ёна висьмис. Öти рытö сiйö корис куим чойöс аслас вольпась дорö дай шуö: «Дзикöдз тай ме висьми, кагаясöй... Мыйкö кö мекöд лöй, гортысь некытчö эн мунöй, öтлаын кызкö олöй... А сэссия регыд батьныд воас фронт вылысь...»

Куим чой пукалісны да бёрдісны мам воль-  
пась дорын – ичотикось, омөлиникось, жебиникось.  
Медыджыдыслы вөлі сөмын на дас арös, и ті моз  
жө велөдчис коймөд классын.

Недыр мысти мамныс кувсис. Локтісны сель-  
сөветсянь, медым мөдөдны челядьос детдомө.

– Ми некытчө гортысь огө мунөй,– шуисны  
чойяс.

– Кыдз он мунөй?– чуймис сельсөветса юра-  
лысь.– Код нө кутас вердны да юктавны тіянөс?

– Асьным,– водзө пыксьөны чойяс.– Ми ку-  
там овны гортын. Мам кулігас корис гортнымос  
не эновтны!

Овны кутісны куим чой ас кежаныс. Лун-  
нас ветлөны школаө, велөдчөны ставныс зэв бура.



Урокъяс бõрын став школаõн частõ ветлисны чукõртны пõим, кõрта кõлуй, мед сыысь выль танкъяс вõчисны да õдйõджык нин пасьвартисны вõрõгõс... Пõшти быд асыв ломтывлисны ыджыд пач, медым пõжалыштны картупельысь сõчõнъяс. Сьõкыд пырысь ломзылис пачыс, подйис кузь, зырйõн оз судзны пессõ сюявны да эбõсныс абу. Медся ичõt чойлы ковмывлис быд пõрйõ пыравлыны пач пытшкõ, бура тэчны сәнi пессõ, ломзьõдны и õдйõ бõр петны, медым не пõдны тшын пиас.

А кызди помасис школаын велõдчан во, петисны куим чой колхознõй удж вылõ. Град йõрын киськалисны пуктас, весалисны йõнысь, видз вылõ ветлõдлисны куртны турун.

Õтчыд видз вылысь воõм бõрын аддзисны пошта кудйысь письмõ. Тайõ вõлõма зэв шог письмõ. Сәнi юõртисны, мый фронт вылын геройскõя пõгибнитис батыныс...

Мария Ивановна чõв усис, сьõкыда ышловзис. Классын вõли шы ни тõв.

– Мария Ивановна, а мый водзõ лои челядъыскõд?– друг юалис Нина Лыткина.– Эз кувны найõ?

– Эз кувны. Олисны, быдмисны и велõдчисны. Куим чой пиысь õтиыс, Машõ нима, со тiян водзын сулалõ.

Челядь шõйõвошисны, эз тõдны, мый и шуны. Медбõрын сйõ жõ Нинаыс зэв пõся шыасис:

– Со кутшõмõсь тi вõлõмныд! А ми немтор эг и тõдõй...

– Быд морт, ёна кõ кõсйõ, винёлõн овлõ, став сьõкыдлунсõ вермõ венны,– помалис учительница.

## БИНОКЛЬ

Андрейлы вöлі көкъямыс арös, кор батыс мунис фронт вылö.

– Ме пыдди колян,– малалис бать детинкалысь еджыд юрсисö.– Кывзысь мамыдлысь, чойтö эн кедзовт.

– Ог сэсся кут нетшкыны көсаöдыс,– көсйысис Андрей.– Тэ сöмын локтигад меным бинокль вай. Война вылад öд сийö уна.

– Вая-вая,– көсйысис батыс.

– А кор локтан?– мелia видзöдлис улисянь батыслы синмас Андрей.

– Регыд, дона пи, регыд. Вермам лёк вөрөгös, и гортö.

Андрей быдöнлы ошйысис сиктын, кутшöм козин көсйысьöма сылы батыс.

Колис сэсянь куим во. А батыс век оз лок, оз вай көсйысьöмторсö.

Первойя кадас тшöкыда воливлисны письмö-яс. Мамыс зэв кыпыдырысь восьтылис найös. А öти письмö мамыс шогпырысь босьтис киас. Сы бöрын сэсся почтальонша эз кут кежавлыны на ордö. Усьöма батыс фашистъяскöд чорыд косьын.

Андрей, мый вермис, отсасис колхозлы. Первойсö юр кыскалис, а коймöд гожöмнас куртны да ытшкыны нин велалис.

Войналön нельöд тулысын воис фронт вылысь Ивö Прокö. Чотис, öти кок пöвсö гöгрös пуысь вöчöмаось. Армияö мунтöдз сийö колхозын юралысьөн вöли, а мыйön воис, бара важ уджас кутчысис.

Видзьяс вылö петан кад воис, шуисны котыртны торъя бригада, кодлы вöли индöма пуктыны турунсö

Гаг шор йылын. Кызвыннас ылыс участокö өкмис челядюлов. Сэтчö жö сюртчис и Андрей.

Сетісны сылы вөв да куртан машина. Андрей куртіс да нөшта на дөзьөритіс найөс. Ыркыд төвруа лунъяснад дивъя гижлавны шыльыд видзьястө. Кор тырас кос турунөн машина гыркыс, личкыштан кокнад рычаг вылас, кинад отсыштан помөдз пиньяссө лэптыштны. А кымөра лунъяснас матө волан, лөддзыс вөвтө вильөдө, гебйыс синмад сатшкысьө. Кузь каднад Андрей век жö велалыштіс кутшөмакө на дінө.

Сэтшөм здукъясө, кор видз вылө воліс председатель, челядь чукөртчылісны тшынас дөрө.

– Зільөй, зільөй, том войтыр,– ышөдө Ивө Прокө.– Уна турун заптам – мөсьяс пөтөса төвъясны.– Здук кежлө чөв усьлө, сэсся содтө:– Ноябрьскөй празникъяс дырйи ставныдлы козьнала ситеч дөрөм да сатин гач.

Андрей синсө эз лэдзлыв председательлөн бокас өшалыс бинокль вылысь.

– Мый? Кажитчө?

– Зэв ёна,– гөрдөдіс Андрей.– Позьө видлыны?

Андрей вель дыр бергөдліс киас өтарлань вөснялысь трубасө. Öтилаті весиг нюкыльтчыштөма, осколок либө пуля, көнкө, чирснитөма. Видзөдліс ты мөдарө, дзик ныр улас эжөр костас утка пиян уялісны. Вот дивө! Дзик мойдын моз, тэ аддзан, а тэнө – оз. Но и добра!

– Бать татшөмөс жö көсйысьліс вайны,– ышловзис Андрей да мыччис бинокльсө Прокө дядьлы.

Арнас, гөрд Октябрь праздник водзвылын, пелькөдөм-мичмөдөм школао локтисны председатель да тшөтовод, моздор тыр вайисны челядьлы козинъяс. Өтилы – мича дөрөм, мөдлы – лыжи, коймөдлы – книга.

Андрейос чукөстисны жө пызан дорө.

Председатель, Ивө Прокө, лышкыда нюммунис, сэсся и мыччис зонкалы кутшөмкө көрөб.

– Мый нө тани?– Андрейлөн пышкай моз жбыркнитис сьөлөмыс.

– Восьты да видзөдлы,– вашъялө председатель.

Андрей тирзьыштись киөн восьтис.

– Бинокль!!!– ылькнитчись радлунөн горөдіс шемөсмөм Андрей.– Тайө меным али мый, Прокө дядь?..

– Тэныд, дерт, кодлы нө сэсся,– шуис председатель.– Зонкаяс пөвстысь тэ медбура уджалін видз вылын. Молодеч!

– Прокө дядь, ме сөмын некымын лун... Өти вежон, гашкө, новла... И бөр аслыныд бинокльсө сета. Тіян вед тайө.

– Бөр эн вай,– сьөлөмсянныс шуис председатель.– Вөдитчы да казтыв батътө. Бур морт сійө вөлі: зіля уджаліс колхозын, смела тышкасис фронт вылын.





## ГӨРӨД

Көр видзысь Ваньөлөн оланіныс өшиньтөм. Сійө пукалө чомйын дженьыд кока пызан сайын да сера пу тасьті дорышысь ырскө-юө пөсь шыд. Сідзисө чомйын абу пемыд, детинкалөн юр весьтас дөввидзө вель ыджыд розь, сідзкө, өшиньыс сылөн оланінын пөтөлөкас. Та вөсна Ваньө оз ывла вылө видзөд, а жугыля колльөдө синъяснас ылі туйө веськөдчөм съөд кымөръяс.

Ваньө торъя оз майшась аслас оланін вөсна, сөмын ним дінас пысыштөм «гөрөд» кывйыс шогө уськөдлө. Гөрөд Ваньөнас сійөс нимтөны батыс понда. Батьсө шуөны Гөрөд Ефимөн. А мыйла батысө сідзи шуөны? Батыс Ваньөлөн аслас вежөрөн бергөдчысь, оз быд велөдөм-такөдөмсө пыдди пукты: ставсө ас ногыс вөчө. Мукөд наян велөдысьыс сәки дөзмас да и крапкас, ок пө тэ разьсытөм гөрөд. Но батыс оз яндысь «гөрөд» нимсьыс...

Тулыснас, кор лои шоньд, Ваньө пөрчис маличасө да вувзис бокланьө, батыс пыр жө вомалис, лэпты пө, тшупышт пө вежөрад, шыркнит ён гөрөдтор – регыд бөр төв воас. И Ваньө век кутшөмкө гөрөдтор вөчө паметяс. Со пө тайө тысө эн вунөд, эсійө мусюрсө пө ылө крепыда вурышт ве-

жөрад, корө батыс. Эн пө лысыт чом дорсыыс мунны, кытчөдз он кут төдны тундра эрдсө, кызди ассыным чом пытшкөснымөс. Гөрөд бөрся гөрөд өкмө Ваньө вежөрын.

Со и видзөдліс тундра вылө еджыд бугыльяс-нас төв, кынтіс тыяс да юяс. Турөб шыльөдіс гөп-тайнъяс, тундраыс ставнас шыляліс-моляліс. Ваньө чуймис, оз төд гожся местаяссө, став гөрөдыс кытчөкө вушйис-бырис.

– Эсійө шор бокас тай гожөмнас ыджыд ты лөсталіс, кытчө нө сійө вошис?– юаліс батылыс Ваньө.

– Көні йирсьөны көръяс, сәні и тыыс. Найө сәтыс веж эжөрсө перйөны, кытчөдз лымйыс оз дзикөдз чорзы. Тайөс, пиө, тшуп вежөрад.

«И төвнас гөрөд лыдыс содө,– шензьө Ваньө.– Он на наыс мын».

Ваньөлы воис школаө мунап кад, сідзкө, тундрасө эновтны ковмас. Регыд сійөс вертолётөн лэбөдасны ылі сиктө. Ваньө ёна виччысьө тайө здуксө.

– Айө,– шуис өтчыд,– сәсся меным тундраса гөрөдъяссө ковмас разявны, школаас нө мый наыс.

– Эн шогсы та вөсна, дзоля пи, вежөрад кольө сійө, мый медся лөсялө тэнад этшлы. Оз кө личавны тундра гөрөдъясыс, сійө бөр коркө кыскас тәнө ас дінас. Артмас кө мөдарө, эн дивит батытө, сідзкө, мөдтор тэныд мусмис.





### **ЧУЖИ-БЫДМИ СЬӨД ВӨР ШӨРЫН**

Чужи-быдми сьөд вөр шөрын,  
Деревняысь петі,  
Новлі чорыд сера дөрөм,  
Визя гач да көті.

Муртса сувті ас кок йылө,  
Удж пыр меным вичмис;  
Зыбка дорын «өввө» сьывны,  
Ичөт кага видзны.

Кага бөрдө, ачыд бөрдан,  
Гораджыка горзан.  
Пөжөм йөлөн сюрись вердан,  
Косджык рузум корсян.

Бөрдись кага дыр оз бурась,  
Абу сылөн ланьтөм;  
Керка өдзөс швачкан бура,–  
Пышъян ворсны няйтөн.

Ыджыд мамыд корсяс тэнө,  
Юалас: «Көн вокыд?»  
Вөсньыд ньөрйөн шлачкас сәні,–  
Луддзас кыкнан бокиды.

Рытын мамө уджысь воас,  
Ваяс льөм да өмидз...  
Сэтшөм вөлі челядь вояс,  
Казьтывла на өнөдз.

## ТӨВСЯ РЫТ

Пеша дорын мамö печкö,  
Батьö тюни гындö;  
Ичöt вoкöй чачөн ворсö,  
Чойöй ськöд зыныгö.

«Тайö менам, абу тэнад», –

Шуö сийö вoклы.

«Видзöд, мамö, чача-с мырддьö», –

Вoк норасьö мамлы.

Пызан дорын, пемыдiнын,  
Роч книга ме лыддя,  
Зэв дöсaднö гөгöрвотöг:  
От тöд, мый и лыддя.

Сэни ещö сартас кусö,

Выльысь колö пешны.

Чоя-вока пинясьöны, –

Дзикöдз олöм эштiс.

Ыджыд мамö кага видзö,  
Потан дорын сьылö:  
«Öв-вö, öв-вö, баю-бай, бай,  
Узь жö, ичöt нылöй!»

(Кутшöм узьöм татшöм зыкын

Пеля ловъя мортлы?)

«Чирышт, Анна, мед оз увгы,

Пöра налы водны».

Сартас тшынөн керка лöзöдз  
Быд рыт миян тырö.  
Водан узьны – синтö сейö,  
Унмыд ставыс бырö.

Вольпась вылын, эшкын улын,

Дыр ас костын дурам.

Ланьтам вöлись, кор ми бaтьлы  
Тасма улö сюрaм.  
Гöбöч вылын ыджыд мамö  
Мукöд рытын мойдö.  
Шы ни тöв ми сэки кывзам  
(Кöть кодсюрö ойгö):  
«Дуда, дуда, кытчö ветлiн?»  
«Косa дорны ветлi».   
Либö, – «Бобö, кытчö ветлiн?»  
«Чожö гуö ветлi...»

### ГАЗА САД

Öдйöджык сaдйö ми мунам,  
Чукөрөн овны зэв бур!  
Бaть-мамлы челядь ми шуам:  
«Гажаджык олөм оз сюр!»  
Быдмыны гажтөм зэв гортад:  
Сьылөм ни ворсөм оз мун.  
Öнi ми сaдйын пыр ворсам,  
Ок, кутшөм гажa быд лун!  
Гортысь ми сaдйö пыр пышъям,  
Миянлы гортын пыр шог.  
Сaдйын ми пуксьывтөг ышмам –  
Велөдчaм ворсны быд ног.  
Ставным ми – уджалысь пиян, –  
Миянös йөртны оз позь;  
Быдтор ми вöчaм ас киөн  
Кокныда, гажөдчигмоз.  
Быдтортö вöчaлaм сөйысь,  
Рисуйтчaм, мойдасям ми:

Съылам да гажӱдчам войӱдз,  
Ворсӱгӱн оз мудзлы ки.

Кабала кудъяс ми кыам,  
Вундалам быдсяма бас,  
Мачасям, котралам, гыам,  
Гажӱдчам ми уна час.

Вунлӱны садйын бать-мамъяс,  
Нинӱмысь гажным оз быр.  
Мыськалам тасьтӱяс, панъяс  
Асьным ми, челядьяс, пыр.

Пуксям ми, челядьяс, сӱйны,  
Тырмас сӱк быдӱнлы удж.  
Пач дорысь сӱянтор вайны  
Кокъясным миян оз мудз.

Майбырӱй, гажа жӱ олӱм!  
Майбырой, гажа жӱ кад!  
Некор оз вун садйӱ волӱм,  
Некор оз вун гажа сад!

## ВӱВ КУТӱМ

ӱтчид арся лунӱ  
Батьӱ локтӱс вӱрысь,  
ӱдйӱ ыстӱс менӱ  
Вӱлӱс кутны йӱрысь:  
Мун, мун, мун!  
Нинӱм ме эг лысьтлы  
Батьлы воча шуны.  
Торгана дом<sup>1</sup> босьтӱ,  
Котӱрӱн пыр мунӱ:  
Тор-тор-тор!

---

<sup>1</sup> Тани: дом повод.

Кук йөр дорö вои,  
Кашка, лолöй тыри.  
Чибö бура йирсьö,  
Кора полiгтырйи:  
Сътпро, сътпро!...

Коркö чибö шедi, –  
Сьöкыд кутны вöвтö,  
Некыдзи оз сетчы,  
Домала да лöвта:

Тпру-тпру-тпру!  
Кор ме вылас сöли,  
Чибö менам дудiс.  
Сэк тай этша кули, –  
Синъяс вöвлөн югдiс:

Но-но-но!  
Чибö менам йöймис,  
Тöv ныр моз дзик нуö,  
Кутчысьны ог слöймы –  
Шняпкыси ме муö:

Ой-ой-ой!  
Ой-ой-ой!  
Кор ме чеччи, аддза:  
Чибö кырсьö гортлань.  
Сы бöрся ме ачым  
Котöрта да горза:  
Тпру, тпру, тпру!

## СЬÖЛÖМ СЬЫЛÖМ

Унаысь ме сывывлi,  
Йöзсянь «аттö!» кывывлi;

Пöлянön моз чипсася,  
Йöз сьöлöмö чукасся  
    Коми сьыланкывйön.  
Менам сэтшöм оланног:  
Овлö гажа, овлö шог.  
Гажа дырйи – ворсышта,  
Гаж кö бырö – шогсьышта  
    Коми сьыланкывйön.  
Сё майбырöй, олöмöй,  
Гажа муын дзольгöмöй!  
Пöрысьма кö – ланьтышта,  
Олöм жальön казьтышта  
    Коми сьыланкывйön.  
Кор ме сьыла – вoссьö юр,  
Пыр ме сьыла, мый медбур:  
Лёка олöм «вуштышта»,  
Бура олöм ошкышта  
    Коми сьыланкывйön.  
Кывзö, бур йöз, сьылöмсö,  
Став олöмсö-вылöмсö;  
Олö пыр бур сьöлöмön –  
Нэм коллялö сьылöмön  
    Коми сьыланкывйön!

## ШОНДІБАНÖЙ

Важысянь ми кылам  
Коми сьыланкывъяс.  
Медся ёна сьывлам  
Тадзи, зонъяс, нывъяс:

«Шондібанһй...»

Ставным на ми тһдама  
Ичһтдырся олһм.  
Муртса сувтны мһдама, –  
Кылһ тһян тольгһм:  
«Сһньдибанһй, олһмһй...»  
(Дзһбыльтһмһн.)

Уджһ мунигкості  
Томиник зон нора  
Мукһддырһи босътчһ  
Сывны бура, гора:  
«Шондібанһй, олһмһй...»  
(Шутһлялһ.)

Гажа рытын нязгһ  
Зонлһн паськыд гудһк.  
Лһсьыда дзик ставсһ  
Шуалһ, он вунһд:  
«Шондібанһй...»  
(Вом гудһкасьһ.)

Кывтам видзьяс вылһ,  
Пыжным һдйһ шургһ.  
Батһ пуклһс вылын,  
Кылһ, аслыс мургһ:  
«Шондібанһй...»  
(Вомгорулас мургһ.)

Шонид паччһр вылын  
Пһрысь пһчһ дзһрһ.  
Мыйкһ, кылһ, сьылһ,  
Муртса вомыс вһрһ:  
«Шондібанһй...»  
(Вомгорулас.)

Мыйта шогыс кылö  
Тайö сыланкывъяс!  
Сы кузя ме сыла, –  
Кывзöй, зонъяс, нывъяс!  
«Сё майбырöй, олöмöй...»  
(Ачыс сылö.)

### КОМИ МОРЕ

Эг ме аддзыв некор море,  
Эг тöд сылысь сылан гор.  
Зэв пö паськыд синей море,  
Абу некön пом ни дор.  
Эг ме аддзыв некор море,  
Зэв пö паськыд – пом ни дор.  
Меным тöдса коми море –  
Помтöм-дортöм паськыд вөр.  
Кыпыд гажön уджö корö,  
Сийö – олан гажлön шөр.  
Кыпыд горön уджö корö  
Помтöм-дортöм паськыд вөр.  
Зэв пö гажа гыа море,  
Зэв пö мича, кодыр лөнъ,  
Век пö гажа сылön морös,  
Оз и ланьтлы некор скөнъ.  
Век пö гажа ворсö море,  
Оз и ланьтлы некор скөнъ.  
Али гажтöм коми море?  
Али мисьтöм сылön сер?  
Сэни юргö олём дорём,  
Сьылö пила, ворсö чер.



Гажа мян коми море,  
Сьылö пила, ворсö чер.  
Зэв пö джуджыд ыджыд море,  
Зэв пö сьылön ыджыд вын:  
Кор пö шлывгö из креж дорö,  
Сэк пö гөгөр мургö гым.  
Зэв пö джуджыд синей море,  
Зэв пö сьылön ыджыд вын.  
Али вынтöм коми море?  
Али лажмыд сьылön шör?  
Мед эз личав выль мир дорöм –  
Страна корö тырмөдз вөр.  
Гора ызгы, зарни море!  
Коми мырсьысь, зiля вөр!





## МИЯН ГРЕЗДСА ЧЕЛЯДЬ

### 1

Наперво, Модьö. Сійö медьён. Модьöкөд киён ни паличён некод оз вермы бертчыны.

Сэсся Юльö. Юлий, мөд ногөн кө. Гөрдов юрсиа зонка, позьö шуны, Модьöлөн вуджöрыс – быд ворсöмын сылөн шуйга и веськыд кийс, көть Модьö-ыслөн и аслас эмöсь. И крепыдджыкöсь, шуны кө нин.

Аким? Мый нö сэтчö висьтавны? Кывсьö, мый кывбурьяс гижö. Ачыс соссьö. Оласнас и мывкыд-нас Аким торьялö первой кыксыйс. Кутшöмкö аслыспöлöс.

Сэсся колö казтыштны югыд шабдi юрсиа Вераöс. Сійö мича. Но меDRAM, видзöдласыс некодöс оз ылöд – ськөд колö видзчысьöмөн асьтö кутны. Сюсь да наян ас местаас. Жигала кодь, татчöс ногөн кө.

А Васьö йылысь мыйкö шуны-ö, ог тöд. Накөд жö тай бергалö-а. Сöмын сійö – эм көть абу. Ичöt на да, пыдди оз зэв и пуктыны. Ваткыльöн нимтöны. Ёртасьöны ськөд, кор некод нин матигöгöрын абу да телепит көть нин кодкөд варовитыштны. А

шырём юра Ваткыль паськыда вашгялёмён быд-торсö кывзас.

Но со и ставыс. Тайö котырыс миян грездын векджык öтлаынöсь.

Челядь колльöны лун-вой. Пуктысиггясö от-сасьöны гырысьяслы, мös видзлöны. Но пыр сюрлö кад панласьны Сöп юын, кытчö и шыр яндыяс пырны. А бать-мамлы покой.

– Эськö Атлантической морейд кө,– шулас Юльö, гөрд юрсисö лыаысь пыркöдигмоз.

– Абу море, а океан,– стöчмөдö Аким.– Сійö сола и сэні шторм овывлө.

Ваткыль чуньсö суйлас ваас, нённыштас да чирзö:

– Аким, Аким! Солакодь жö, видлы!

Вера куйлö берегдорса сöстөм лыа вылын да видзöдö енэжлань:

– А вот кор ме лоа ыджыд...

– Лэбзя ылö-ылö,– нерö Юльö.

Вера бергöдчö сылань:

– Да. Мед тэ он вöлі тыдав. Дугды, колökö, нер-сьыныд. Лок, Ваткыль, ме дінö, тэ мекöд лэбзян.

– Ме ачым,– нюжöдö Ваткыль, гач волыссö лöсьöдиг.

– Талун ті ставныд мустөминикöсь,– шуö Вера.– Муна мöд грездö ворсны...

Челядь вак-вакөн гораа сералöны. Некытчö Вера оз мун, а мунас кө, лун мысти бөр котортас. Да и налы сытөг гажтөм.

Олоны-вылоны, Соп ю век отмоз визувтö лун-  
вой бөрсяыс.

Отчыд Модьöлы ыджыд вокыс вайöма карысь  
компас. Абу кутшöмкö челядь часі либö уна рö-  
ма стеклöа картон труба, кодöс тай бергöдлан да  
быдпöлöс серпасъяс артмöны. Абу! Тайö вöлі дель-  
нöйтор. Прамöй компас.

Ёртъясыс тöдмалісны пырысьтöм-пыр.

– Ок, вот тайö да!– шензис Юльö.– Öні кöть  
кытчö мун – он вош.

– Вайö прöстö жöдзöм дорысь ворсам,– шуö  
Вера.– Аким, мыйысь позьö тайön ворсны?

Аким велöдö:

– Вайö тадз. Кодкö мед дзебас тэнсьыд чышъ-  
янтö, а мукöдъясыс корсясны тэнад висьталöм серти,  
шуам, ветымын оськов войвывлань, ветымын – ры-  
тывывлань, сэсса ветымын – бара войвывлань.

Модьö шуö:

– Менам компасыс, чур, ме первой дзеба!

Вералы тайö оз кажитчы:

– А чышъяныс менам. Сöмын ме ог горшась.

Юльö босьтис компас да муніс. Мукöдъяс бер-  
гöдчисны мöдарö, öд видзöдны оз позь. Виччысис-  
ны-виччысисны, и Юльö вашкигтырйи воис бөр:

– Корсьöй! Сё оськов войвывлань, комын –  
асыввылö, сэсса комын оськов бара войвывлань да  
дас оськов асыввылö.

Челядь уськöдчисны корсьны. Лыддисны да  
лыддисны оськовъяссö, сорсисны. Заводитісны  
выльысь. Воисны помöдз – нинöм абу.

– Асыввывланьыс, буракö, ветымын воськов, – казътылö Юльö.

– Ноко, корсь ачид, – тшöктö Модьö.

Юльö компас серти муніс ещö бокöджык, бергаліс-бергаліс, лэптыштліс пельпомъяссö:

– Рökыс тöдö...

Челядь заводитісны корсьны чышъянсö компастöг нин.

– Ерöмакань, сера кукань! Со чышъяныд, Вера! – Ваткыль лэптіс чышъянсö юр весьтас да котөрөн воис сы дінö.

### 3

Рытöдзыс челядь ворсісны. Велалісны корсьны, и на пиысь быдөн нин кыкысь-куимысь дзеблісны. Сöмын эз чышъян, а изторъяс.

Сэсся купайтчисны. Буза-база кылісны ваас, резісны öта-мöднысö – и зэв вöлі гажа. Петісны косьтысьны. Мудзöмаöсь. Юльö кутіс нуöдчыны:

– Мунамöй.

– Вайö ордйысям, – шуö Вера. – Этійö кызд дорöдзыс коді öдйöджык!

Вера горöдіс да чепösйис водзö, зонкаяс – сы бöрся.

Жуялісны. Кашкöны. Кад мунны гортö. Модьö суйис кисö гач зептас, сэсся друг шутёвтіс да гугöдіс кыкнан зепсö.

– Көн нö компасöй?

Челядь шай-паймунісны.

– Ме ордын тай абу-а, – зэв тэрыба шуыштіс Юльö. – Ме сетлі Вералы. Тэд öд сетлі?

– Меным, но ме бөрын Аким да Ваткыль вө-  
дитчисны.

Модьö бергөдчис Акимлань:

– Кыдз гажыд...

– Ме кийн... кийн век кути,– Аким видзөдліс  
гөгөр.– Ти, гашкө, думайтанныд...

Модьö өтнәсөн мөдөдчис гортланьыс. Ылісянь  
нин горөдіс Акимлы:

– Миянө он лысьт локны!

Аким, өтка кызд дорө нөровтчыштөмөн, бөр-  
діс.

– Аким, Аким... – Вера небыда тракйөдліс сі-  
йөс дөрөмөдыс.

#### 4

Рытөдзыс корсисны.

– Огө кө аддзөй, ме муна татысь... карө... дядь  
сәні олө,– шыасис детинка.

– Эн сөр, йөюк.

Аким бергөдчис, друг читкыртліс синъяссө:

– Вера, видзөдлы.

Сиктладорсянь кодкө зэв өдйө налань котөр-  
тіс.

– Тайө нө... Ваткыль али мый?

Сьөкыда лолаліг, Ваткыль матыстчис на дорө,  
ки пыдөсас ...компас!

– Вот... вот... Зептысь, зептын... – синваыс эз  
ләдз сөрнитнысө.– Джоджө уси гортын. Ме эг чайт,  
мый ме ордын.

– Ваткыль,– Вера сувтіс сы водзө өти пидзөс  
вылас.– Тэ нө мыйла көмтөм, лысваыс өд көдзыд  
нин. А чужөмыд нө мый? Ноко, Аким, видзөдлы –  
сотчө чужөмыс.

Ваткыль тіраліс, кыліс, кызди зяткакылісны  
сылөн пиньясыс.

– Тэнад жар, Ваткылюшко...

## 5

Ваткыль дыр висис. Быд лун сы дінө воливлісны  
ёртъясыс. Аким лыддис ассьыс кывбуръяс. Вера  
вой кежлө кымыныськө кольчывліс. Модьö вайис  
сылы зэв мичаник кычипиöс. Гөрдов юрсиа Юльö  
эз жö вунöд:

– Со тэныд льöм. Мөдлапöлысь вайи.

Ваткыль куйліс да ставныслы радліс. Сылы вöлі  
долыд, мый ставыс гөгөр шань, ставыс гөгөр бур.

Отчыд Модьö на дырйи быттьö бокö шуыш-  
тіс:

– А компассö, Василей, босьт. Эн öбөдит.

Ваткыль видзöдліс сы вылö. Сійö гөгөрвоис  
ёртсö.

\* \* \*

Ёрткөд вуграсьны ми мунім,  
Вой төв пöльтіс сійö лунö,  
Қадсö воштімöй кө,– мед,  
Сöмын нинöм тай эз шед.  
Рытъядорыс дözмис ёртöй:  
– Бурджык, каямö кө гортö...  
Нетшкө сибдөм вугыр-си...  
Тракнитіс...  
А помас – сир!  
Аслад шудö, тшöктö олөм,  
Помөдз надейтчыны колö.



Талун ывлаыс зэв кӧдзид,  
Быттӧ полюс вылын нач,  
Шоча дзуртӧ керка ӧдзӧс –  
Йӧзлы муса шоныд пач.

Войпӧль швачкӧ керка стенӧ,  
Но ме гортӧ ог на пыр,  
Пӧльсӧ котралӧмӧн вена,  
Лоа Пера-багатыр.



Шойччыштас мед телевизор,  
Ывла вылӧ петны кад –  
Гӧгӧр лызь туй визьӧн-визьӧн  
Зіля нюжӧдӧ декабр.

Ӧти муно мир туй пӧлӧн,  
Мӧд туй вӧрӧдзыс оз ор,  
Коймӧдлаысь кылӧ гӧлӧс –  
Горзӧ керӧс йывсянь ӧрт.

Ӧні ислалӧмыд лоӧ!  
Тӧвзян увлань, быттӧ ньӧв.  
Кыпыдлунсьыс воысь воӧ  
Мусмӧ мортлы эзысь тӧв.

Ас котырын ок и гажа,  
Сӧмын енӧж со нин сьӧд.  
Гортад виччысьӧны важӧн  
Юмов чай да мича вӧт.





---

---

*Эдуард ТИМУШЕВ*

---

---



### **ТӨЛЫСЯ ВОЙ**

Чангыль ныра төлысьыс  
Нюмъялө мен воча.  
Дзевас сайсянь пашлякыс  
Кызөктывлө шоча.

Вөйтчис мойдө ывлаыс,  
Югыз весиг вöрын.  
Дзирдөн койö чарöмыс,  
Мичыс – сьөлөм шöрын.

Öшинь вылысь гыöрсö  
Лов шынам ме сывда,  
Да тшöтш быттö төлыськöд  
Енэжöдыс кывта.





## КӨЧИЛЬ

Ыджыдджык воккөд буретш вөлі тшак вонтанінысь воам. Шарик пон мянкөд жө котраліс. Друг сійө кежис пес кераслань, мөдіс гораа увтчыны.

– Мый бара аддзис-а, – шуө вокөй. – Көнкө, сизь вылө яралө, со тай кылө таркөдчө матын.

– Кежавлам, оз тай ылын кыв, – висьтала сылы.

Пон увтіс кодөскө муысь. Неылын, мыр вылын, пукаліс рака, нырө чышкаліс руд гөнъясысь. Сэтшөм жө гөнъяс туплясисны муын. А понөль улын тыдаліс руд ёкмыль, көчпи йөжгыльтчөма.

– Эз кө Шарик су, эг кө кежөй, пом лои көчильлы. Ракаыд казялөма сійөс восьсаинөд котөртігөн, уськөдчөма дай пуркөшитөма.

– Син пөла тай? – юала воклысь, кор сійө көчпиөс босьтіс киас.

– Рөзбойникыд синсө нин удитөма кокыштны, со кызди тірзё, сьөлөмыс дась чеччыштны вомөдыс. Мый кутам вөчны, вөрас пыртам али горто лэччөдам, мед ёнмыштас?

– Лэччөдам, дерт, – шуа.

Көчпиөс вок вайис питшөгас, а гортын ыджыд ящикысь поз вөчим. Лун-мөд сійө куйліс ящик

пельöсын, сёян дорö эз матыстчыв. Но регыд велаліс: петкөдан сёян, а сійö кыккокойыв сувтöма, водза кокъяснас öдзöссö парсалö. Вердiм турунөн, няньөн, но медъёна радейтiс морков, бадь да пипу коръя увъяс. Кöчиль – сiдзи и нимтiм сійöс – лои син пöлаөн.

– Верд ёна, верд, мед госсялас, нимлун кежлад мед быдмас, бур козин аслыд, – серамсорөн öтчыд шуис бать.

– Мыйла нимлун кежлö? – ог гөгөрво.

– А сiдз, пуам-пражитам сэки, ставөнлы тырмас.

Нимлунöй менам ноябр шöрын. Сэк кежлö Кöчиль верстяммис, гөнсö вежис, лым еджыд лои. Коркö и казътыштi пöльöлы бательысь коркöя шуöмсö. А сійö:

– Некутшöм нимлун! Лёк гыжъя-ныра улö сюрлöм живöтинаос огö изведитöй. Таво төв сійö кöч кыйны кутас отсасьны меным. Местаыс ичöt лои сылы, пöвйысь вöчöм сарайö вуджöдам.

Ме радджык лои. Но ог гөгөрво, кыдзи кутас отсасьны пöльöлы Кöчиль. Пöль шыблаліс сарайö лым, ме кос турун пельöсас пунктi – шоныдджык лöö Кöчильлы узьлыны, а сійö, вильышyd, куш лым вылас водö.

– Вöрын кöчьяслы кодi вольöссö пунктас, – менам юалöм вылö вочавидзис пöльö. – Сiдз нин найö велалöмаöсь.

Пöльöлы Кöчиль збыльысь отсасьысьөн лои. Сылөн оласног серти, асьсö кутöм серти кутiс пентавны вөрö.

Вөрын чужлөм звер мукөддырйи кык-куим лун вөрзъывтөг куйлө, а то и вежон. Куткыртчөма лым вылө, пельяссө ляскөма мыш вылас, некыт оз вөрзёд, сөмын өти синмыс восьса.

– «Висьө» лөк поводдя дырйи. Вөрын сідзи жө өні, ньөти кок туй он аддзы,– висьталө пөльө. Сэтшөм лунгъясө сійө гортын вөчасьө.

Өти асылө петі Көчиль дорө, турөбыс өвсьөма, енэжыс вощьөма, төлыс косявлөма няйт рөма кымөръяссө. Сарайын лымйыс гижөма көч кок туйясөн. Пыри керкаө, а пөльө пасьтасьөма нин кыйсьыны петны.

– Пөв сылы оз сибав, мыш вылас лым оз усь, кызди төдө поводя вежсьөм?– бара юала пөльөлысь.

– Кызди тэныд висьтаваны,– кисө паськөдіс сійө,– пытшкөснас кылөны найө. Весиг водзвыв төдөны, сійөн и зильөны дзебны асьнысө. Гут-гагсянь медся ыджыд ловөдз. И некор оз ылаваны...

Тулысладор – лымйыс эз на вөрзъыв – Көчиль збоймис. Быд вой кок увсьыс лымсө юждытөдз тальө. Лои вөйджык, омөльджыка кутіс сөйны. Төдчис: гажтөмтчө вөр-васьыс, ас коддьөмсьыс.

– Лэдзны сэсся колө аслас гортө,– өтчыд горөдчис пөльө Көчильөс вердігөн.

– Син пөвнас оз сюр кодлыкө?– юала сылысь.

– Көчыд өд пельяснас өнджыка выналө, адзан, мый ыждаөсь сылөн. Син, дерт, колө и, унаөн сы вылө пиньсө кеслөны. Өтнас олас...

Көчильөс воккөд вөрө нуим шойччан лунө. Лэдзим сійө жө местаө, кытысь мездім ичөтнас горш ракаысь.

## НАЛЬКЙЫД ОЗ БЫДӨНЛЫ ЛӨСЯВ

Сиктсынь верст куим сайын Гудыревъяслөн видз эм. Ытшкигкежлө пырей сора туруныс коскөдз нюжалө. Сөмын тай быд тулыс ойдлө да ва ямөм бөрас лөп-ёгыс уна кольө. Он кө весав, коса лэдзны оз позь. Таво сідз жө. Мыйсө сөмын абу вайөма ытваыс: кыськө потшөс прасла нетшыштөма, сисьмөм пыдөса пипу пыж ляскөма, понөльяс вужнас пуктөма.

Артельөн пажынөдз эштөдісны уджсө. Батыс пестіс бипур да сов кодь удобренньө коялөм бөрын мамыскөд мөдөдчис гортө. А вокъяслы тшөктісны олыштны, видзөдны бипур бөрся, мед биыс орччөн сулалысь ягө эз вудж.

Алик да Толик пукыштісны бипур дорын, но сэсса дөзмисны нем вөчтөг олөмысь да котөртісны видз помө. Сэні нейджыд ты эм. Он кө дінөдзыс лок, он и казаяв, гөгөр баддьөн тырөма, а шөрас артмөма лайкъялысь дітор. Быд во турунасигөн казаялісны сэтысь жыдач позтырөс. Аддзөм серпасыс өні шензьөдіс вокъясөс. Ты шөрын, дітор вылын руд утка усьласис рака вылө. Вомсө паськөдөма, гөнсө сувтөдөма голясьыс, лёкысь чирзө. Кор рака чеччышталөмөн бөрынтьчас, жыдач бергөдчө да ланьтөдчө кольөм вося кос турун пытшкө. Но дыр пукавны оз вевъяв, дөзмөдчысь пөлынясьмөн бара нин дінөдзыс воөма. Кыр йывсянь челядь казаялісны вутш вылысь гөрдов чутъяса колькъяс. Утка поз вөлөма. Но мыйла ракаыс усьласьө, дөзмөдчө энь лэбачыслы?

Вокъяс котөртлісны бипур дорө, чукөртісны сэрапомъяс да бадьяс пөлөн гусьөникөн бара сибөд-

чисны ты дорö. Ді вылын öнi утка поз öтар-мöдарын кык рака нин лажъялісны. Öтиыс зэв тшапа матыстчис куткыртчöм жыдач дорö, нырнас инмöдчис юрас. Утка чирöстис, сэсся бордъяснас öвтчигтыр скöрысь уськöдчис дöзмöдчысь вылö. Мöд ракаыс сійöс и виччысьöма: юковтис турун костöд, нырнас тотшнитис-жугöдіс öти кольк, вомнас топöдіс дорышöдыс, сэсся кыкнанныс лэбзисны видз мöдар помö.

– Вот мый, – Алик петис бадь куст сайысь, – ог кө мездöй уткатö, талун жö шышъясыд новласны став кольксö. И нинöм коньöр уткаыс оз вермы вöчны кыкыдлы паныд. Кывзы, Толик, вай олыштлы тані, – кызд поэö меліджыка шыасис сійö ичöтджык вок дорас, – а ме налькла гортö котöртла. Помнитан, кызди кольöм во варыштö доддялім.

– Да-а, – нора вочавидзис мöдыс, – сöмын эн дыр ветлы.

– Ме бөр-водз, вот аддзылан.

Кольöм гожöм Гудыревъяслөн йөрö чипан варыш вельмыліс: кызди лун, сідзи и öти чипан оз тырмы. Батъыс сэки буретш быдса вежон вöрын уджаліс. Воём бöрас дивитис пиянсö: мужикъяс пö, варышöс öлöдны он вермöй. Потш помö тувъяліс пöвтор, октис сэтчö нейджыд капкан, а потшсö сувтöдіс пывсян сайö, гусясьысьыд пö радейтö вылісянь дзоръявны. Мöд асылö и сюри крукыля ныраыд. Мамыс весиг чальяліс сэки: дон босьттöг пö и бөр лэззинныд, коліс пö нырсö дженьдöдны, вельмöмаыд бара локтас. Шедлöмаыд пö сэсся туйсö вунöдас, такöдіс сэки батъыс.

Тайö пöрийö батыныс гортас и лöсьöдiс нальксö, пысалiс майöг помö, висьталiс, кытчö сувтöдны. Воис Алик, пöрччис гачсö, келiс дi вылö, майöгсö сатшкис позсянь неылö. Утка эз вöрзъыв места вывсьыс, сöмын ёнджыка топöдчис му бердö.

– Виччысьлам ракаястö, дзедьям бадь пытш-кас,– Толиклы вöли окота аслас синмөн аддзывны, шедасны оз пакöститчысьясыс. Но ракаяс лэбзис-ны.

– Гашкö, асылöдз оз волыны. Вермасны и дзи-кöдз энотчыны. Ракаясыд öд мудерöсь,– кывкөр-талiс ыджыдджык вокыс.

Виччысьыштöм бöрын вокъяс мöдöдчисны гортаныс.

Куим лун чöж октöм нальк дöзьöритiс пöж-сьысь лэбачöс. Ракаяс сiдзи эз и лысьтны пуксьыв-ны дi вылö. А нельöд луннас, кор зонкаяс матыст-чисны тöдса ты дорö, кылисны герчкöм шы. Утка мам бöрся эжөр пöвстö уйисны руд ёкмыльяс. Вокъяслы кажитчис, мый саймовтчытöдзыс жы-дач мелiа видзöдлiс на вылö.

## ВОКСЯНЬ ПИСЬМÖ

Школаысь воём бöрын Ким перйис пошта кудйысь кык письмö. Гижöд серти тöдiс: öтиыс Николайсянь, ыджыдджык воксянь. Мöдыс ма-шинка вылын гижöма. Кильчö вылын жö разис конвертсö.

«Уважаемые Степан Иванович и Агния Ива-новна! Ваш сын, отличник политической и боевой подготовки, Николай Степанович Кокшаров за об-

разцовую службу в пограничных войсках награждён медалью «За отличие в охране государственной границы СССР». Благодарим за хорошее воспитание. Будьте здоровы... Капитан Стрекалов».

«Вот тайё да, – шензис Ким, – ачыс эз и юёртлы». Восьтис мөд письмөсө. «Дона мамө да батыё, сідзжө и Ким вокөй, – лыддис вомгорулас, – ме өні куйла госпитальын, но ті энө майшасьөй, регыд бурда нин, вежон-мөд бөрын лэдзасны, сэсся гортө вола, отпуск сетөны...»

«Ким вокөй, – детинка мөдис лыддыны мөд листсө, ичөтджык вокыслы торйөн на гижыштөма, – воысь дырджык өтлаын служитим Дикыдкөд. Граница вылө воөм бөрын неуна гажтөмтчис, тэысь, дерт, медводз. Сэсся велалис. Вой ли, лунли – пыр өтлаын петө дозорө.

Сійө гожся рытас петим татарияса зонкөд. Границаыс вель кузя мунө вөр ю пөлөн. Берег вылө петөм бөрын торйөдчим ёрткөд, сійө өтарлань веськөдчис, ме – мөдарлань. Ю кытшов прөйдитөм бөрын шуим өтлаасны. Төдлытөг Дик зэлөдис көвсө, эрөстис. Ылісянь казялі: дзик вадорөд, бадь кустьяс пөлөн, восьлалис мужичөй. Көмтөм, гач кокъяссө пуджөма, тыдалө, регыд на вуджөма юсө, мыш саяс ноптор, киас вугыр шатин. Гөгөрвои: ёна видзчысьөмөн асьсө кутө, мунігмоз кыйкъялө өтарө-мөдарө. Мед весьтасьны сыкөд, Диккөд вөрөдыс котөртим. Мортыд удитөма нин кайны берег йылө. Кор горөді «Сувтны!», сяркнитис-луйис миянлань, мөдис кырсыыны-пышйыны. Зэв пельк вөлөма, котөртигас чукльөдлө-мукльөдлө пуяс костөд. Дерт, позис дізгыны-луйны мөвкъялысь мышкас, эськө

пом вöлі, да быть кöсйи ловйöн «босьтны». Сэк жö аслам ёрт вылö надеяöс эг вошты. Пышйысьлөн выныс абу жö помтöм вöлöма, öта-мöд кост мöдiс топавны, ясыда вöлі кыла сылысь кашкöмсö. Дик кутiс кийысь нетшкысьны, лёкысь эргис. Но, тыдалö, зептас мöд наган вöлöма, дзик матысянь бара лыйис. Пуляыс дзенкнитiс веськыд кокö. Мыйкöдыра вöтчöм бöрын мöдiс венны дойыс, гудыртчыны син водзöй. Сэки и лэдзи Дикöс көв йылысь. Здук мысти бара кыкысь помся лыйис. Пельöдз воис лёкысь ойзöм, понлөн киньöгтöм. Бөрьяпом суи кыкнанысö. Пон вожасьöма диверсант вылö, юрсянь кок улöдз ачыс ойдöма вирөн. Веськыд кисö топöдöма пиньяснас клещиöн моз, öдва мынтöдiм отсöг вылö воысь ёрткöд.

Ким вокöй, ме со ловъя, а Дикöй... Эз вермыны бурдöдны...»

Ким видзöдлiс стенö. Вокыс неважөн на мöдöдiс фотосö. Диккöд орччөнöсь. Зонкалы кажитчö, мый понйыс аддзö сiйöс ыли мусянь, веськыда синмас сылы видзöдö. Жаль лои нель кока ёртыс, синваыс мöдiс доршасьны. Сэтшöм ичötсянь тетькöдiсны-быдтiсны. Муртса синмыс вöлі потыштöма, кор питшöгас вайис пöрысь велöдысь ордысь. Кокъясыс кызöсь, юрыс нöш кодь кыз, а бöжыс плеть кодь вöсни.

– Таысь, буди, батыö, оз жö прамöй пон пет-а?– юавлiс ыджыдджык вокыс.– Пургыль моз лямасьö да.

– Ичötнас сэтшöм и эм. Кутшöм на ещö лоас, быдмас да.

Во джын мысти Диклөн пельясыс сувтісны, гёныс вежсис да съодджыкён кутіс кажитчыны. Вокъяс сэссия кутісны велёдны сійос: места вылысь мед оз вёрзы тшөктытөг, кок дорын мед бура ветліс, гөлөс сетіс колана кадө. Купайтчигъясө велөдісны пырны ваө, берегө петкөдны шыбитөмтор. Прөст кадө батыс тшөтш отсасис, граница вылын жө служитлөма. А пöрысь велөдысь ордысь книгаяс босьтісны.

Николайлөн армияө мунан кадө понлы вөлі кык арысь неуна унджык. Ким вөлі муртса и кутө понсө көвйөдыс сикт кузя мунигөн. Мукөд пон увтө, а Дик налань оз и бергөдчыв.

– Съөрсьыд армияад босьт, – сідз өтчыд гарыштіс Николайлы пöрысь велөдысь. – Мый тані кутас вөчны, абу өд вөралысь пон. Төдысь йөз сэн ещө на велөдасны, пөльза лоө.

– Колө батькөд сёрнитлыны, воккөд и, өтлаын быдтім-велөдім, – вочавидзис Николай.

А регыд мысти и военкоматса уджалысь та йылысь жө казытыштіс. Сэссия кыкнанныссө и колльөдісны гортсьыс.

«Эн жө ёнасө шогсьөй, – лист вылысь Ким лыддис водзө, – лоис кө нин бергөдны позьтөмтор. Ким вокөй, тэнад армияө мунтөдз быдтам на понтө, велөдам-и. Велөдчы бура, ёнөн да сюсьөн ло. Ок, ёна армияад колө дасьтыны асьтө, сэки служитны кокни. Отпускө локта да висьтала ставсө. Николай».





### **ТУЛЫС**

Зёльгö эзысь шыён  
Гора варов шор,  
Ворсö сяркъяс гыён,  
Тюргö изъяс дор.

Шоныд төлөн шоча  
Пöльыштлö пöсь му.  
Төвлы корйён воча  
Серöктö веж пу.

Енэж кисьтö югөр,  
Кöдзö шондi сьом.  
Дзользьö лэбач чукөр.  
Лым кодъ еджыд льом.

### **ГОЖСЯ ВОЙ**

Лöзов рöмыд. Тöлысь югөр.  
Лөнъ.  
Сю му вылын вөрлөн вуджөр.  
Кыа – гөрд шöвк вөнъ.  
Кань моз мургөм – узысь юлөн  
мойд.  
Гуся сёрни төвкөд сүлөн.  
Шоныд лола вой.

## АСЫВ

Лөзъюгид. Асыввыв ломзё.  
Кыпөдчө кыа гөрд дон.  
Дышпырысь пальөдчө, ловзё,  
Узьөмысь садъмөма сён.  
Мыссьөдө дзоридзсө лысва,  
Кор вылысь чышкө бус рытсы.  
Багралө кыасянь ю.  
Вадорын вольсасьö ру.  
Ыркыд төв бадь корйөн ворсө,  
Вашкөдө: пуксьö нин лун,  
Гөгөр гаж, вөтлы зіль ун.  
Лэбачөн садъмөм вөр горзö.  
Лөнь сиктын, шойччө мудз йөз...  
Енэж нин шондіа, лөз.

## АРСЯ ЗЭР

Киссьö-шивгö сьод синваён арся зэр.  
Мыськө бусөсь, сардмөм, сьодасьөм му сер.  
Төпкө войтва, лыддьö кад.  
Бөрдө лысваён льөм сад.  
Кысь и киссьö-шөтö помассьытөм зэр?  
Шлюпкан кизьөр няйтөн шылясис му сер.  
Пемыд тупкис, төбис лун.  
Пуксис муö сьökыд ун.





---

*Вениамин ЧИСТАЛЁВ*  
(Тима Венъ)

---



**ТУВСОВЪЯ**

Лөсьыд, гажа зэв  
Өні му вылын.  
Долыд сьөлөмлы  
Овны тулысын!..  
    Сідзи мунан да,  
    Сэсся сувтыштлан,  
    Гажа ывланас  
    Нимкодясьыштан.  
Кыдзи бузгöны  
Тувсов шоръясыс,  
Кыдзи сьылöны  
Лэбалысь пöткаяс, –  
Пельнад кывзыштан.  
    Мунан-мунан да,  
    Бара сувтыштлан.  
Кутшöм видзьясыс  
Нюдза вежöдö,  
Кыдзи вөр-пуыс  
Синтö гажöдö.  
    Эськö дугдывтöг  
    Пыр сідз видзöдан,  
    Чöла ланьтöмөн  
    Помтöг кывзысян.

Сідзи сулалан,  
Пыді лолалан:  
Кокньыд морёслы,  
Кыпыд сьёлөмлы!..

### ПЫШКАЙ

Пышкай миян керка лөскө  
Вөчө пияныслы поз:  
Коркө кокас идзас кыскө,  
Коркө вайё вомас гөн.  
    Пышкай көсйө керка вөчны!  
    Оз и мудзлы. Уджыс тыр.  
    Лунтыр ноксьөмысь оз дугдыв,  
    Ноксигмозыс сьылө пыр.  
Сёрөн, шонді лэччөм бөрын,  
Коркө вөлисьт ланьтлас кай,  
Луннас коньөр ёна мудзис, –  
Лөня олө тувсов вой.  
    Мөд лун бара, мыйён шонді  
    Муртса петас асыввводз,  
    Пышкай бара сьывны пондас,  
    Чильксө-йөктө: «чилик-чок».  
Долыд сьёлөм вылас сьылөн:  
Ас удж помысь кынөм пөт.  
Сійён гажаа и сьылө,  
Көть и сьökыд сьылөн удж.

## ВО ГӨГӨР КЫТШОВТӨМ

(Пөткә сьылөм шыөн)

«Пинь-пинь... пинь-пинь!..» – кытөнкө коз йылын кылө тшетшкөдчө-пинясьө көдзыдкөд пинькай, коль гылөдигтырйи. Сэзь, лөнь. Шондi югыда нин мыччасьө, сөмын оз на ньөти шонты.

«Кра-ав!.. Кра-ав!..» – асывьясын рака горзөм шыө долыда садьман. Улялө: лым топалө, туйыс сьөдөдө, войтва вевт вылысь төпкө.

«Турррр... курррр...» – шондi петан вежөсын ылiсянь кылө тарьяслөн койтөм... Асывьясын мозья чарөма.

«Чи-чи, чи, чи... чи-чи-чи-и-и...» – матiник пуясын кылөны медводдза локтысь сьылысь кайяс. Зэв сэтшөм небыда, нора, жугыльпырысь сьылөны кызкө, быттьө шогсьөны: гөгөр на пө лым да... Лунсянь шонид төв пушкө, лымсө някалө-сөйө. Ылө тыдалө, – сынөдыс лөз!

«Чик-чилик... чик-чилик!..» – сырчик воөма. Пукалө йи вылын, муркөдө тушанас – чегьялө йи. Ва вощьө. Дзодзөгьяс енэжын горзөны: «Гок-гок... гог-го-гок!..» Быдьяма пөткаыс саридзысь локтө. Бузгөны шорьяс. Видзьяс гөгөр ойдөмаось.

«Кук-ку-у-у!.. Кук-ку-у-у!..» – рытьясын ольясысь<sup>1</sup> көклөн нора горзөмыс кылө. Кыв бөрсьыс вөтлысьөны-нерөны нывпосни сийөс да нюркйөд-лөны-юасьөны: «Көкө-ө-ө-чо-йө!.. Кө-кө-чо-й!.. Узь да вөтась да – кы-мын во нин ме ве-рөс са-йө ог мун?» Ва усьөма нин кырйысь. Гөгөр няйт. Ваямас

<sup>1</sup> *Оль* – увтасьясын, нюраингьясын вөр.

вылын веждө турун. Вадор баддын оз лоньлы кайяслон дзользьом.

«Подь-пөлудь! Подь-пөлудь!..» – дугдывтөг шпаткө войясын квайтпалич-пөтка; ылыстчылас, матысмылас шыыс, он и төд, кодарын кылө. Войяс югйдөсь, шоньдөсь. Быдтор быдмө-дзоридзалө.

«Пийө-пийө, пипу-пи-и-и!..» – видз вылын дзользьө ёдиюр. Шонди сотө, пөсь, быттьө пач вомысь өвтө. Ытшкөм турун нюкыртчө, косьмө.

«И-ис... и-ис... ис-ис – и-и-ис...» – йөжгылясьө-кынмө нин вадорын истан. (Зэв өд сийө ляб ачыс кылө.) Асывъясын ыркнитлө, ваысь ру кыптө.

«Джив-джив... джив-джив-джив!..» – ок, джив-янъяс нин кыпөдчөмаось: чукөрөн-чукөрөн лэбалоны, быдлаө пуксьоны... Сө майбырөй тэ, гожөм-өй, кольны тай, тыдалө, кутин!

«Тпру-ту, тпру-ту – ти-и-и-нны!..» – өти вөр диянь мөдө лэбалө-суналө кыр. Коръяс пуяслон виждөны, ньөжйөник гылалөны-киссьоны. Вөрын йөлөга гораммө.

«Клуук-куллук!.. Клуук-куллук!..» – мөдөмаось эзысь юсьяс саридзө! Гезъясьомөн, звөйкйөн лэбөны. Лолыштіс войсянь. Наридз<sup>1</sup> петө. Туйяс чораса. Чөлалө медводдза лым: ньөжйөник, ньөжйө зэв усьө, быттьө артасьө: усьны-ө не на пө няйт му вылас?

«Кытш-кытш... кытш-кытш!..» – потшөсысь потшөсө, майөгьысь майөгө шывъялө-лэбалө катша. Кымөръяс өшйөмаось. Гөгөр нин еджыд.

«Трк-п-прк-ч-ччк!..» – пуысь пуө, мырйысь мырйө тэрыба лэбалө-жбыръялө сизь; зия котш-көдчө-дорччө: «тук-тук! тук-тук-тук!»

<sup>1</sup> Наридз – сөник.

«Жжннь... жжннь... жжннь...» – йөжгылясьө-  
кынмө пу йылын жонь. Көдзыд. Гөгөр лөнъ – шы  
ни ру. Кулөма ывлаыс.

### АРЪЯВЫВ

Гудрасьө тай, кымрасьө  
Мича енэжыс.  
Дзебсясьө нин, сайласьө  
Югыз шондыс.  
Лөнъөма тай, кушмөма  
Гажа расъясыс.  
Бөрддзөма тай, бөрддзөма  
Гөгөр ывлаыс...  
Кольөма тай, тыдалө,  
Шоныд гожөмыд!  
Воөма тай, воөма  
Арся лунъясыс:  
Лун-лун зэрласьө,  
Войяс пемыдось.

### ТӨВСЯ ТУРӨВ ВОЙӨ


*(Пушкин серти)*

Пемыд. Көдзыд. Лымйөн тыртө.  
Ывла вылын тыджызд төв.  
Лымсө посводзьясьө пыртө.  
Помся камгө өдзөс пөв.  
Оз и ланьтлы, төв пыр өддзө:  
Керка вылысь нетшкө тьөс;  
Лымсө гартө, нуө водзө,  
Кисьтис, кылө, чипас пес.

Пукалам ми пöчкөд кыкөн  
Паччөр вылын шы ни төв.  
Гөгөр ывла тыри зыкөн:  
Ёна шутьлялө вой төв.  
    Пөчө печкө... Чөрсус швыргө.  
    Ме сэн вөча сямөд доз.  
    Керка вылын жбырган шаргө,  
    Карта сайын шувгө коз.  
Пөчөс төвлөн сьылөм шыө  
Регыд босьтө вугыр-дзөр,  
Коркө, недыр овмысьт, кылө,  
Торскө-усьө кисьус чөрс...  
    Сэсса, пөчө лөньөм бөрын,  
    Кутас кажитчыны мем:  
    Быттьө кылө сьылөм, бөрдөм,  
    Быттьө кодкө нявзө сэн.  
Син оз куньсы. Дыр ме ола.  
– Оз нин кольлы тайө вой!  
Мем зэв гажтөм... Ме зэв пола...  
– Пөчө, шебрөд менө вай!

## ТӨВЛАНЬӨ

Расъяс дзик нин пасьтөм коли,  
    киссис кыдзлөн кор...  
Регыд, регыд мөдас усьны  
    еджыд килля кор.  
Вевтяс гөгөр шобді пызьөн  
    видзьяс, муяс, вөр.  
Дорас юяс клянча поскөн,  
    камгас-кынтас нюр.



Лысөм рака борд кодь лои  
увтас вылын оль,  
Лысьөм-сюрös сөмын коли,  
ланьтис Борган ёль...  
Ылі вөртас вежös кизьör,  
быттё чышъян сыр.  
Сынöd тöлыс лои чизыр –  
чаткыркерö ныр.  
Гöгыль вежсис кызд пу доддьön,  
телега оз тюр.  
Челядь петис лямба-даддьön,  
гöгыль оз нин дзурт.  
Мустөм лои кучик көмкот,  
посводз улö – брызь!  
Кöмав, пиö, öни кокад  
тюни вылö лызь!





## СЮЗЬ

(Челядьлы висьт)

### 1

Вөралысьяс висьталёны, сюзьыд пö шоча овлө йöз оланінын. Сы вöсна и он унаысь аддзыв да кывлы сійöс. Но öти пöраö сійö кызккө овмөдчис миян сикт дорö. Сиктсаяс тшөкыда сёрнитлісны сюзь йылысь. Кодсюрö висьтавліс, пон моз пö увтчö либö нерö кодöскö сійö, а мукөддырйи сэтшөм мисьтөм шы лэдзас, мый весьöпөрны позьö.

Торъя нин тшөкыда казътывлім сюзьöс ми, челядь. Öтчыд школаын Сеня Вавилов шуис:

– Ёна жö тöрыт менö да батьöös сюзьыд повзьöдіс!

– Кызди нö?– юалім ми.

– Мунам батькөд пемдөм бöрас мельничаö. Нинөм ог мөвпалöй... Друг тай вöрас кызди заводитіс горзыны: «бу-уй, бу-уй, бу-уй!» А сэсся вак-вакөн серөктіс.

– Сюзьыд öмöй серавлө жö?– юаліс кодкө миян пövстысь.

– Дерт, серавлө. Батьö шуö, сюзьыд пö быд ног шыавны кужö: пон моз тязвö, кага моз авзö...

– Гашкө, морт вөлі  
вөрас да нарошнө пов-  
зьөдчис?

– Кутшөм морт!–  
дөзмис Сеня.– Кысь нө  
сэні мортыс? Кывлім өд,  
кызд сэсся лэбзис миян  
юр весьтті.

А мөдысь со мый вө-  
лі. Локті рытгоров Пет-  
ров Мишаясө, но сійө эз  
вөв гортас, мунөма пув  
вотны да бөрсө абу на  
воөма. Ме көсйи нин бөр  
мунны, но Миша буретш

воис. Повзьөма, синмыс гөгрөс, кывйыс оз артмы.

– Мый нө лои?– юалис батыс.

– Повзим...

– Мыйысь? Код нө повзьөдіс?

– Ме да Öндрей локтам нин вөлі гортө вот-  
чанінысь,– вочавидзис Миша.– Воим Тод шор  
дорө. Кылам: шор бокас, вөрас пон увтчө. Чайтім,  
Öндрейлөн Лыскоыс урөс аддзис. Матыстчим. Ді-  
нас нин мөдім воны, а сэн кодкө заводитіс серав-  
ны. Сералө и сералө... Дзик морт моз... Миян юр-  
синым сувтіс... Уськөдчим пышйыны... Пыш-  
йиганым конъяси да став пувйөс кисьті,– Миша  
петкөдліс тыртөм дозсө, сэні пыдөсас шарөдчис  
кымынкө пув тусь.

Мишалөн батыс вашмуніс да шуис:

– Сюзь тай, пиукъяс, повзьөдөма тіянөс!



Но водзö лоис виччысытöмтор.

Öтчыд шойччан лунö водз асылын ми Гришакöд босьтiм тшак дозъяс да кайим вөрö. Чукöстiм тшöтш Белькоöс. Тайö вöли мян ар кыка пон.

– Вöрад поннад гажаджык,– шуис Гриша.

Воим вөрö. Сэни тöдчис нин арлөн лолалöмыс. Пуяс вылын коръясыс вижöдöмаöсь, косъмöны, гылалöны му вылö, таляссöны кок улын. Сöмын пельсы да пипу абу на воштöмаöсь ассыныс би кодь арся рöмсö, найö мичмöдöны на росмём вöрсö.

Вөрö пыригөн Белько мян дiнысь кытчöкö торйöдчис. Ми вуджим яг да кежим давйö. Тшакыс вöли уна. Ми вотчим Гришакöд да котралiм мöда-мöд вежмöмысь, быд тшак сюригөн нимкодя чиктылим:

– Со бара! Со бара!..

Тадзи мян дозъясным регыд и тырис. Гортö мöдöдчытöдз керöс пöкатö пуксим шойччыштны. Перйим зептысь нянь да пондiм пажнайтны. Вöлöга пыдди öктiм пув.

А Белько сёйыштнысö эз лок. Тыдалö, мыйкö сюрис нин сылы нуръясыштны либö воштiс мянöс. Ме чукöстi:

– Белько-о!

Сэки зэв матын, кылö, увтыштiс сийö, сэсся льякöдны мöдiс.

– Виччысь,– шуи ме.– Белькоыд кöч бöрся вöтчö.

Муртса на шуи, кыз улысянь, нёдзянь, дзик мян дiнöдз вирскöбтiс кöч. Вöли сийö пöшти нин

еджыд. Сы бөрся – Белько. Сөмын и мыччысьлісны, сәсся саялісны матысса лыс лапъяс сайё.

Муртса тайё серпасыс воши син водзысь, кылім, кызди Белько зэв лёкысь горөдіс, сәсся ойзыны кутіс да пыр ылысмис.

Ми усим шемөсө. Гришакөд сөмын мөда-мөд вылө видзөдлім. Юрын кыкнаннимлөн чужис өти мөвп: ош! Ми повзим да өдйөнджык гортө котөртім.

### 3

Кашкигтыр Гришакөд воим сиктө да пырим миянө. Гортын некод эз вөв. Ми шензьөмөн төлкүйтім вөрын лоөмтор йылысь, но сёрнинымөс торкис посводзын нораа никсөм. Восьтім – Белько. Ставыс вир, а вылас мыйкө вирөсь жө чурвидзө.

– Ув кө пырөма-а?– чайті ме.

– Кутшөм ув,– шуис Гриша.– Видзөдлы сюсьджыка. Абу ув, а кок... пөтка кок. Сатшкысьөма яяс да сэтчө и кольөма.

Ме матысяньджык видзөдлі: збыль пөтка кок. Кыкнаннимлы зэв ыджыд дивө лои. Сулалам пон дінын да шензям.

Сы шөрө буретш бать локтіс. Гораа серөктіс да перйис пөтка коксө Белько сьыліысь.

– Сюзьлөн кокыс,– висьталіс миянлы.

Ми синнымөс паськыда восьтөмөн видзөдім гөна да кузь гыжъя кок вылас.

– А код нө сійөс Белькоыслы сьыліас пысаліс?– юалім ми.

– Сюзьыс ачыс сатшкис, – вочавидзис бать. – Со, аддзан, Белькоыд еджыд гона, а сюзьыд, буракo, кoчoн сийoс чайтис.

– А кокыс мыйла кольoма сьылиас?

– Мыйла кольoма? Тайo, чайта, со кьдзи арт-мис. Сюзьыд став вынсьыс сатшкис пон яйo гьжъ-яссo да вермис, буракo, бoрсo перйыны сoмын oтар коксo. Сьoн кутчысис мый бердo кo, а мoд кокыс некьдз оз мын. Белькоыд чепoсйис водзo да opoдic коксo, гортo вайис.

– Кoчьяссo oмoй сюзьыд сeйo жo? – юалис Гриша.

– Миян местаын сы вылын eнджыкасo и олo. Сeйo и лeбачьясoс да шьрьясoс. Синмыс oд сьлoн зeв ьджьд да каньысь на югьд: ставсo аддзo, кoть кутшoм пемыдын. Сы вoсна кыйсьo пыр-джык войын. Oг тoд, мыйла талун югьдoн петo-ма. Луньыс кымoра да сы вoсна, чайта. А шондиa луньясo сюзьтo он аддзывлы; сeки дзeбасын кoникo, вoр чацаын, вугралo лунтыр, а рытнас петo да шыавны мoдo зeв мисьтoма. Пoвзьoдчo. Тадз сийo кыйсьыны заводитo.

#### 4

Сийo жo тoвнас бать лунтыр кoчьяслы капкан пукталис. Менo тшoтш бoсьтис да велoдic, кьдзи капканнас вoдитчыны. А каникул дырйи ме ачым нин ветлывлi видлавны капканьяссo да унаысь бoр кокoдыс пельпом вoмoн oшoдoмoн нимкодь-пырысь вайли гортo шeдoм кoчьяссo.

Oтчьд мунi капканьяс дорo. Видзoда: oти пeзьдoма, а капканас сoмын кoчлoн кокыс. Кoксo вайи гортo да петкoдли бaтьoлы.

– Сюзьлөн уджыс,– шуис меным бать.

Аскинас сійö ачыс муніс капканъяссö видлавыны. Петіс ёна водз да сьöрсъыс ружье тшöтш босьтіс.

Рытладорыс бöр гортö воис да сьöрсъыс вайис кутшöмкö руд гöна ыджыд ёкмыль. Тайö вöлі зэв мисьтöм, кольча кодь тупкысьтöм синма да чукля ныра пöтка. Голяыс эз и тöдчы, юрыс быттьö помся тушаыскöд.

– Со тіянылы сюзь.– Джоджö лэбачсö чöвтігмоз шуис бать.

Белько куйлö вöлі джоджын, бать пыригөн заводитліс шенасьны бöжнас, но аддзис сюзьсö да повзьöм синмөн видзöдліс сы вылö, лэптис тшöтьсö да уськөдчис ывлаö.

– Белько! Белько!– чуксали ме, но Белько ме вылö эз и видзöдлы, тöвзис кытчöкö улич кузя.

– Он босьт сійöс öні,– сералис бать.– Тöдö, небось, коді страстьтитлöма. Тайö сюзьыс öд и кабыртлöма сійöс.

– Кыдзи тайö?

– Со видзöдлы: кок пöла сюзьыс,– индіс бать, лэбачыслөн и збыль öти кокыс эз вöv.

Та бöрын Белько вежонысь дыр эз весиг пыравлы керкаö. А сюзьöс ми батькöд кулим да вöчим чучела. Ме нуи сійöс школаö. Сэні буретш том натуралистъяслөн кружок котыртчис да лэбачлөн чучелаыс зэв на и лöсяліс.





---

*Николай ШАХОВ*  
*(Сандрик Микол)*

---



**ТӨЛЫСЬВЫВСА НЫВ**

*(Мойданкыв)*

Керка стенö кöдзыд швачкö,  
Зэв öд сийö лëк!  
Тöлысь югөр синмö вачкö –  
Менам ун оз лок.

Пукала ме öшинь дорын,  
Кывза мамлысь мойд:  
Кыдзи овліс сьöд вөр шöрын  
Детина ме кодь.

«Мамö, мамö! Тöлысь вылас,  
Дерт, öд кодкö эм.  
Ещö карнан пельпом вылас...  
Код нö, код нö сэн?»

«Коркö, пиö, зэв нин важөн  
Овліс мича ныв.  
Олём сылөн эз вöv гажа,  
Эз кывлы бур кыв.

Коньөр томөн мамтög коли,  
Вöлі ичиньводз.

Уджалö дыр рытын вöли,  
Асыв чеччö водз.

Кедзовтис зэв ёна ичинь,  
Видзис понйöс моз.  
Ныв век кывзис, индис кытчö,  
Вермö кöть и оз.

Коркö öти пöра вöлис –  
Татшöм кöдзыд вой.  
Ичинь нылöс вала ыстис:  
Лэччыв пö, ва вай.

Лэччис сийö юкмöс дорö, –  
Босьтис нылöс шог:  
«Татшöм олöмсьыс ме бара  
Коркö мынла ог?

Тöлысь вылас кö ме верма,  
Ог мöй эськö кай?  
Тöлысь, тöлысь, тэд ме кевма:  
Босьт ас вылад вай!

Ичинь менсьым вирöс юис...  
Тöлысь, кылан он?»  
Тöлысь нылöс кывзис, босьтис,  
Öни ныв век сэн.

Кутö карнан пельпом вылас,  
Бытьö катлö ва.  
Олö ныв сэн, тöлысь вылас,  
Зэв нин уна во».



---

---

*Павел ШЕБОЛКИН*

---

---



### **КЫА ПЕТИГӨН**

Зэв дөзмөма, омлялө лэчыд вой төв,  
Лым бисерөн сявкөдө, воома төв.  
Сьөд пармаын пемыд, тшем кыпөдчө вөр,  
Төв лайкйөдлө пуяс, сэн көдзыдыс скөр.  
Ю кыр йылын, вөр пөвстын сулалө сикт, –  
Лым толанас тыртөма, вевттьөма дзик.  
Йөз узьоны лөня, сикт ланьтөма. Вой.  
Төв шутьлялө, шувгө – кор бөрдө, кор збой...





*Зоя ШИЛИКОВА*



### **ТУЛЫС ВОИС**

Тöлыс пышйис-лэбыштіс,  
Гөгөр тувсов көр.  
Саридз сайысь лэбачьяс  
Локталöны бөр.

Сьөлөмшөрöй, тулысöй,  
Ловзьöдін кын му.  
Нюдзвиж рöма платтьöөн  
Пасьтöдін вөр-пу.

Сырчик бара воöма –  
Чегьялö кыз йи.  
Кöч бöж кузя гожöмлы  
Тулыс мыччас ки.

Паськыд чим лöz лентаөн  
Воссис Эжва ю.  
– Мынін, майбыр, пленысь тэ,  
Увлань ватö ну.

Ставлысь ловсö кыпöдö  
Ывлаыслөн мич.  
Веж турунөн кыпöдчö  
Эжва сайса видз.





### **СЫРЧИК**

Сырчик төвйис ылын-ылын,  
Гожом кежлас локтис бөр.  
Ставыс тані муса сылы,  
Дзользьё, радлуныс оз төр.

Аддзан, шуам, кыптис школа,  
Батьяс кышисны нин вевт.  
Лэбув улас сәні лоас  
Лөсьыд оланін и тэд.

Сырчик нимкодъпырысь воча  
Асьыс копрөдлө съод юр.  
Көть пө уналао волан,  
Таысь гажайн оз сюр.

### **ГОЖОМ**

Көдзыдъяскөд вермасиг  
Гожом локтис, тэрмасис.  
Сійө югыд войяса,  
Асья лысва войтъяса,  
Садъяслөн веж коръяса,  
Дзоридзлөн узоръяса,

Юдорса виж лыаа,  
Лэбач дзользьём шыяса.  
Ыбъяс вылын, тыдалө,  
Шөвк кодь öзим гыалө,  
Видзъяс шөрын вывланьö  
Уна зорöд кыпалө.  
Гырысьяслы отсасьны  
Видзъяс вылө волывлам.  
Шуöны колхозникъяс:  
– Миян сиктса школьникъяс  
Быдтор вöчны кужöны,  
Ставөн зильöсь уджавны!

### ВЕНЗЬÖМ

Дзэбсис мудзöм шондi  
Эжва кыркötш сайö:  
Тi пö, челядь котыр,  
Гортаныд жö кайö.

Мöдöдчисны сöмын,  
Воисны кыр йылöдз,  
Көнкö енэж шөрын  
Самолёт шы кылö.

– Кытчö лэбö эськö?–  
Чатöртчис сэк Вася.–  
Кытчö медся веськыд  
Туйыс сылы тасянь?

– Тундраö, ме ногөн,–  
Збыльысь шуис Боря.–

Мөдөдчөма мөгөн  
Көр видзысьяс дорө.

– Вешйы сэтысь, мун тэ,–  
Юра скөрысь шуө,–  
Ылі лесопунктө  
Почта сійө нуө.

А Борис оз сетчы,  
Асладорыс синө:  
Тундраө пө лётчик  
Лэбө висьысь дінө.

Вася кывзіс найөс,  
Ачыс суйсис венө:  
Ме пө төда тайөс,  
Кывзылөй ті менө,

Шуө: – Парма öзйис.  
Лётчик öти здукөн  
Сэтчө öнi йөзөс  
Лэдзас парашютөн.

Увгөм шыө Зоя  
Воис сэтчө збоя:  
Вензянный пө прөста,  
Нинөм абу вөсна.

Сійө пө совхозлы  
Удобреньё вайө,  
Медым лэбигмозыс  
Коявны сикт сайө.

Некөн нин оз тыдав  
Самолётлөн лэбзьём,  
Сөмын кыркөтш йылын  
Дыр на кылө вензьём.

### **ГЫМ**

Пышйисны, повзисны  
Вой төв да лым.  
Енэжын ловзисны  
Чардби да гым.  
Вөляйд вичмис да  
Ышмисны сідз,  
Тупкы көть синъястө,  
Пельястө видз.  
Дзирдыштас, гримөбтас –  
Топавлө лов.  
Сөмын өд гымгөмсьыд  
Некод оз пов.  
Төдөны пемөсьяс,  
Пөтка и звер:  
Гымалөм матыстас  
Колана зэр.  
Сэки, кор олөны  
Чардби да гым,  
Ветлыны полөны  
Вой төв да лым.

### **ТӨВЛӨН ВОӨМ**

Водігөн на мугыд вөлі  
Арся мулөн эжыс.

Сійӧс вевъялӧма тӧлыс  
Ӧти войын вежны.

Дзирдалӧны керка вевтъяс,  
Шебрас улын муяс.  
Вата кодъ жӧ небыд лымйӧн  
Вӧччисны и пуяс.

Еджыд бобув бӧрся бобув  
Паськӧм вылӧ пуксьӧ.  
Челядь радлӧны, мый помтӧг  
Лымйыс усьӧ-усьӧ.

Посни войтыр кӧдзыд тӧлӧс  
Виччисисны важӧн.  
Пыр жӧ тыри шордор нӧрыс  
Ислалысьяс гажӧн.





**АСЪЯ КОЛИП**

Пемыд войыс коли ылö,  
Мыгчысьöма кыа.  
Кодкö Эжва бокын сьылö  
Мича, долыд шыön:  
    «Чужи-быдми сьöd вөр шöрын,  
    Деревняысь петі,  
    Новлі чорыд сера дөрöм,  
    Визя гач да көті».

Скуп да прöстöй кывъяс пытшкас  
Коми йöзлөн олöм,  
Сылөн шудыс, сылөн гажыс,  
Сылөн вына лолыс.  
    Тадзи сьывны вермö сöмын  
    Дзользьысь асъя колип,  
    Коді сыланкывъяс аслыс  
    Гумлалö сöдз ёльысь.

Сьыліс Нёбдінса тадз Виттор,  
Ас войтырлөн сьылысь.  
Асъя колипкөд ме нимсö  
Öтлаöда сьылысь!





### **ВӨВЪЯС**

Вөвліны вөвъяс,  
Вөвліны чождөсь.  
Вөчлісны зэв уна удж.  
Накөд ме ичөтсьянь  
Зэв уна гожөм  
Эг өмөй челядьдыр вудж?

Вөвліны вөвъяс...  
Шочмисны найө.  
Аддза кө – малыштны рад.  
Кажитчө, челядьдыр  
Эз на и саяв,  
Быттьөкө бергөдчис кад.

Эмөсь и өні на  
Лөсталысь вөвъяс:  
Вөсниөсь, визулөсь –  
Петлывлө веж.  
Сөмын ме некор дзик  
Уджалысь вөлөс  
Гөняйтысь вылө ог веж.



Накөд ме ичөтсянь  
Зэв уна гожом  
Кынөмпөт перйылі пыр.  
Уджалысь вөвъяс,  
Ті век лоій чожось,  
Гажөдөй сөдз челядьдыр.



## ЮРИНДАЛЫСЬ

### АЛБИНА АНУФРИЕВА

Ылі войвывса діяс вылын ---	3
Умка – еджыд ош-----	4
Ручиль -----	5

### ЕВГЕНИЙ АФАНАСЬЕВ

Ар да төв костын -----	6
Но и көч кыйысьяс -----	8
Мишалон каникул -----	11

### ВЯЧЕСЛАВ БАБИН

Шойччы-шонтысь -----	16
Чери керысь-----	16
Пыж -----	17

### ВЛАДИМИР БЕЗНОСИКОВ

Мынысь черыд ыджыд-----	18
-------------------------	----

### НИКОЛАЙ БЕЛЫХ

Буско -----	23
-------------	----

### ИВАН БЕЛЫХ

Колюк -----	25
Эжва ваыд бурдодё -----	32

### ПЁТР БУШЕНЕВ

Асыыводзын -----	37
Чери кыйом -----	37
Ошкамёшка -----	38
Оз -----	39
0-сянь 10-одз-----	40
Велодчысь да «два»-----	41
Лэбач сёяннн -----	41

### ИВАН ВАВИЛИН

Ёлка гөгөр -----	42
------------------	----

### АЛЬБЕРТ ВАНЕЕВ

Жонь-----	44
Тулыс-----	44
Во гөгөр-----	45
Төлөй, төлөй -----	46

Колип, колип-----	47
Менам лызьёй -----	48
Гожся серпас -----	49
Гожом -----	50

### ЮРИЙ ВАСЮТОВ

Пожом Коль -----	51
------------------	----

### МИХАИЛ ЕЛЬКИН

Чолөм, асыв!-----	59
Берба-----	59
Асья зэр -----	60
«Ывлаыс лымъялө-шотө...»	60
«Вөр сайсянь вой төлөн кылөдчис татчө...»-----	61
Октябр-----	61
«Веж рөмъяс арыс көть и нулс...» -----	62

### ВАЛЕНТИНА ИВАНОВА

Гөрд сикөтш-----	63
Лапъяпель -----	64
Ванюшалы йөв -----	67

### ИВАН КОДАНЁВ

Коді лоас чемпионон? -----	71
Сулалёны мича пуяс-----	76
Меж да чавканъяс-----	79

### ЕЛЕНА КОЗЛОВА

Мезд-бедь-----	82
Варышпи -----	85
Медся ыджыд-----	94

### ЕВГЕНИЙ КОЗЛОВ

Ас вөчөм лыжи -----	98
---------------------	----

### ВЛАДИЛЕН КРЮКОВ

Гажа лун -----	100
----------------	-----

### ИВАН КУРАТОВ

Коми кыв-----	102
---------------	-----

Рака-----	103	Руч-----	161
Шыр да гадь-----	103	Ур-----	162
Гут-----	104	<b>ВАСИЛИЙ ЛЫТКИН</b>	
Микул-----	105	Пипилысты сөкөл-----	163
Тури да рака-----	110	<b>АЛЕКСАНДР ЛЬЮРОВ</b>	
<b>НИНА КУРАТОВА</b>		Сьод чардби-----	181
Град йöрын-----	113	<b>АЛЕКСАНДРА МИШАРИНА</b>	
Исласьысь-----	113	Зарниöй менам-----	184
Отсасьысьяс-----	114	«Лöддза-номъя тöлысь...»	184
Төвся рыт-----	115	«Ловзьöд, тулыс,	
Пөръясян лун-----	116	шоръяссö...»-----	185
<b>МИХАИЛ ЛЕБЕДЕВ</b>		Коми муöй, сьөлөмшөрöй -	186
Коми му-----	119	«Коми муöй менам	
Вогөрся олөм-----	122	дженъд гожöмъяса...»-	187
Тувсов лунö-----	126	Мам-----	187
Велöдчöй, челядь-----	126	«Талун гортын сэтшöм	
Зарни чукöр-----	127	гажа...»-----	187
Яг морт-----	135	Сиктса челядьлы-----	188
<b>ВАСИЛИЙ ЛОДЫГИН</b>		Выль велöдчан во-----	189
Вань да кань-----	145	«Пуясöс со серöдлö нин	
«Крокодил»-----	146	зарни...»-----	190
Коми челядь-----	146	Зэра ар-----	191
Еджыд зоопарк-----	147	«Мыла сылан сьөлөм	
Самолёт-----	149	вылын...»-----	191
Пыж-----	149	Турияс-----	192
Чужан му-----	150	«Турöб! Турöб!»-----	193
Асыв-----	151	«Кöдзыд! Лэбачьяс лэбигөн	
Төв пуксигөн-----	151	кынмöны...»-----	193
Археолог Ваня-----	152	Декабр-----	194
<b>АЛЕКСАНДР ЛУЖИКОВ</b>		Төв-----	194
«Мусö вевттис еджыд		Төвся вой-----	195
эжöd...»-----	159	Локтö тулыс-----	195
«Кокни лымйыс небыдика,		Тувсовланьö-----	196
гусьон...»-----	159	«Видза олан, гажа тулыс!»	196
Кыдзи вöчны скворечник-	159	Тувсов көра ывла-----	197
Лыдды да артав-----	160	Тулысланьö-----	197

«Изъя берег вывті чожа...» -----	198
Гожом -----	199
Ёль -----	199
«Волон быд кад меным муса...» -----	199
«Вортас весьтö шонді петö...» -----	200
<b>НИКОЛАЙ НИКУЛИН</b>	
Жучка -----	201
Ваньö вок -----	206
<b>БОРИС ПАЛКИН</b>	
Омоль друг -----	219
<b>ЛЕОНИД ПАЛКИН</b>	
Öти кыв – куим вежортас-	222
Öти кыв – кык вежортас-	222
Сюмод чайник -----	223
Ворса чай -----	225
Йоктысь черияс -----	228
Мисьтöм из -----	231
Вышка -----	232
<b>АЛЕКСЕЙ ПОПОВ</b>	
Медводдза «пять» -----	236
Ышмысь шыпас -----	237
Кодзыд пöльлön козин -----	239
<b>СЕРАФИМ ПОПОВ</b>	
Ми ог повзьöй, ми ог пышйöй -----	242
Вөрö ылавны ог пов -----	243
<b>ЮСТИНА ПОПОВА</b>	
Челядь да арся лëбачьяс --	244
Тöвся войö -----	245
Ар -----	246
<b>ЕГОР ПОТАПОВ</b>	
Гожся вой -----	248
<b>СОЛОМОНИЯ ПЫЛАЕВА</b>	
Шуда да мелі дөрöм -----	249

Мойдчысь пöчö, внучкаяс да Ёма -----	252
Öнька Öньö -----	255
Катша да рака -----	260
Плötник кöч -----	262
<b>ЗОЯ РОГОВА</b>	
Сьод сера кукань -----	266
Куим чой -----	270
Бинокль -----	274
<b>ЕГОР РОЧЕВ</b>	
Гөрöд -----	277
<b>ВИКТОР САВИН</b>	
Чужи-быдми сьод вөр шöрын -----	279
Төвся рыт -----	280
Гажа сад -----	281
Вөв кутöм -----	282
Сьолöм сьылöм -----	283
Шондйбанöй -----	284
Коми море -----	286
<b>ВЛАДИМИР ТИМИН</b>	
Миян грездса челядь -----	288
«Ёрткөд вуграсьны ми муним...» -----	293
«Талун ывлаыс зэв көдзыд...» -----	294
«Шойччыштас мед телевизор...» -----	294
<b>ЭДУАРД ТИМУШЕВ</b>	
Тöлыся вой -----	295
<b>ВАСИЛИЙ ТОРОПОВ</b>	
Кöчиль -----	296
Налькйид оз быдöнлы лöсяв -----	299
Воксянь письмö -----	301
<b>НИКОЛАЙ ФРОЛОВ</b>	
Тулыс -----	305

Гожся вой -----	305
Асыв -----	306
Арся зэр -----	306
<b>ВЕНИАМИН ЧИСТАЛЁВ</b>	
Тувсовъя -----	307
Пышкой -----	308
Во гөгөр кытшовтөм -----	309
Аръявыв -----	311
Төвся турөб войö -----	311
Төвланьö -----	312
<b>АЛЕКСЕЙ ШАМАНОВ</b>	
Сюзь -----	314
<b>НИКОЛАЙ ШАХОВ</b>	
Тöлысьвывса ныв -----	320

<b>ПАВЕЛ ШЕБОЛКИН</b>	
Кыа петигөн -----	322
<b>ЗОЯ ШИЛИКОВА</b>	
Тулыс воис -----	323
<b>ВЛАДИМИР ШИРЯЕВ</b>	
Сырчик -----	324
Гожөм -----	324
Вензьөм -----	325
Гым -----	327
Төвлөн воём -----	327
<b>ФЁДОР ЩЕРБАКОВ</b>	
Асья колип -----	329
<b>НИКОЛАЙ ЩУКИН</b>	
Вөвъяс -----	330



*Литературно-художественное издание*

**АНТОЛОГИЯ КОМИ ДЕТСКОЙ ЛИТЕРАТУРЫ**

**В трёх книгах**

**ТРЕТЬЯ КНИГА**

На коми языке

---

---

*Составитель*

***Елена Васильевна Козлова (Ветошкина)***

*Художник В.А. Клейман*

*Редактор В.И. Трошева*

*Компьютерная верстка – С.И. Оверин*

Подписано в печать 27.10.2010. Формат 60х84 <sup>1</sup>/<sub>16</sub>

Бумага офс. Печать офс. Усл.-печ. л. 19,53.

Уч.-изд. л. 13,8. Тираж 514 экз. Заказ №

---

---

ООО «Анбур», 167982, г. Сыктывкар, ул. Карла Маркса, 229

Отпечатано с готового оригинал-макета в полном соответствии  
с качеством предоставленных материалов в  
ООО «Кировская областная типография»  
610000, г. Киров, Динамовский проезд, 4

ISBN 978-5-91669-037-8



9 785916 690378